



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



HARVARD COLLEGE
LIBRARY



FROM THE LIBRARY OF
George Lyman Kittredge
GURNEY PROFESSOR
OF ENGLISH LITERATURE
1917-1941

G. L. Kinnear



PUBLIUS PAPINIUS STATIUS.

RECOGNOVIT

GUSTAVUS QUECK.

TOM. I.

SILVAE. ACHILLEIS.



LIPSIÆ

SUMPTIBUS ET TYPIS B. G. TEUBNERI.

MDCCCLIV.

Ls 39.150, 2

V



PRAEFATIO.

Praesidia critica, quibus in emendandis Statii silvis usi sumus, fere eadem sunt, quae F. Handius enumeravit in editionis praefatione p. XXII—XXVII. Editio vero Handiana quum ultra carmen tertium libri primi non progressa sit, ipsae codicum collationes ab Handio collectae nobis inspiciendae et diligenter taxandae erant. Invenimus enim in libris scriptis ab Handio relictis lectiones cod. Senensis ad editionem Bernatii factas a Josepho Scaligero, lectiones codd. Vaticanorum quatuor et cod. Vossii exemplo Handiano adscriptas, lectiones cod. Vratislaviensis, Parisiensis n. 8282 signati et Capilupiani. Sed quum mox post Handii librum in lucem editum Franciscus Passovius multis exemplis (cf. libellum academicum Vratisl. MDCCCXVIII) demonstrasset, collationem cod. Vratisl. in usum Handii factam mancā neque satis accuratam fuisse, usi sumus nova collatione illius codicis a Silligio in repetita editione Marklandiana (Dresdae MDCCCXXVII, praef. XXI—XXXIII) proposita. Cod. Parisiensis novam collationem exhibet editio Lemairii, Par. MDCCCXXV, qua usus est Fr. Dubnerus, Par. MDCCCXXXV. Capilupiani codicis collatio modo ad quintum librum pertinet. Vindobonensis cod. collationem, quam Mich. Kovats Martiny publici iuris fecit (cf. fragmenta literaria rerum Hungaricarum tom. II. p. 7 sqq.), iterum inspeximus. Neque negleximus lectiones codicum, qui diversis nominibus (cod. Iust. Lipsii, cod. Florentini seu Medicaei, cod. Ioannis Rhodii, codd. Barthii) feruntur et a veteribus editoribus laudantur. Vide quae de his exponunt I. F. Gronovius, diatr. ab Handio edita p. 19 sq., Marklandus, praef. pag. VII ed. Sillig., Barthius compluribus locis, Handius, praef. p. XXVIII. Diligenter etiam discrepantes lectiones in

antiquis editionibus obvias observavimus. De editione prima silvarum, cuius exemplum in bibliotheca Vimariensi est, narravit Handius, praef. p. XXIX; Parmensem et Romanam diligenter Marklandus et N. Heinsius contulerunt; Parmensem vero ex optimis libris expressam esse testantur viri docti, quos modo nominavi, eamque cum Vratisl. mirum in modum consentire, permultis locis comprobare possum. Praeterea multas editionis Vicentinae, Aldinae utriusque aliarumque lectiones et editores antiquiores, praesertim Marklandus, collegerunt et Handius annotavit, additis innumerabilibus virorum doctorum coniecturis, emendationibus nugisque.

Alia et recentiora praesidia critica ad emendandas silvas quum nobis non nota sint, etiam aliud quam quod ab Handio propositum, a Webero (Corp. Poett. Latt. p. LV.), a Dubnero aliisque repetitum est de Statii codicibus iudicium ferri non potest: unam omnes, quos novimus, originem habere atque plerumque in corruptis locis consentire. Communis enim omnibus codicibus corruptelae exempla innumerabilia inveniri, facile quisque cognoscet ex ea, quae infra addita est, lectionum varietate. Si enim verum est, quod Angelus Politianus in exemplo editionis principis Romae in bibliotheca Corsina servatae scripsit, Poggium ex Gallia Gallica manu scriptum exemplar Statii silvarum in Italiam attulisse, atque ab hoc uno reliquos omnes codices emanasse, omnes quos habemus codices silvarum ad familiam Poggianam pertinent praeter Vindobonensem. Is enim pertinuit primo ad bibliothecam Budensem, ut ex insignibus Matthiae Corvino gentilicis huic codici praefixis apparet, pervenit deinde ad episcopum Vindob., denique in biblioth. Caes. Vindob., cf. Martinyi l. I. F. I p. 18. Consentit vero hic Vindob. omnino cum iis, quae Gronovius et codice episcopi Salisburgensis notat, ut hunc ipsum esse etiam Handius censeat. Quae vero discrepantia inter codices, qui e Poggiana familia emanarunt, atque inter Vindob. (Budens. Salisburg.) intercedat, haud satis perspicui potest, quum Vindob. collatio a Martinyo proposita non satis plena et integra esse videatur. Itaque magnopere optandum est, ut novis curis nova ac plenior huius codicis collatio instituat et cum viris doctis communicetur.

Enumeratis his, quibus usi sumus in edendis silvis praesidiis criticis, iam breviter exponamus, qua ratione usi simus. Omnium enim codicum auctoritas summa videtur Vratislaviensis, qui fortasse exeunte saeculo XIII. scriptus, quamquam passim mirabilia exhibet vitia vel errata, tamen plerumque veram lectionem praebet, vel ipsis vitiis viam indicat, qua ad veram lectionem perveniri possit. Videtur autem Vratisl. nobis optimus non solum propterea, quod cum editione Parmensi saepissime consentit, sed etiam quod a scriba emendationes vel mutationes suscipi omnino non poterant, quippe qui subtiliore doctrina magnopere destitutus non verba vocesque descripsisse, sed potius literas depinxisse vel passim verba dictata calamo excepsisse videatur; omnino in nominibus quae dicuntur propriis saepissime inveniuntur mira vitia. Contra lectiones cod. Paris. haud raro eo magis suspectae sunt, quo saepius scribam simul critici negotium sibi imposuisse indicant.

Varias librorum manu scriptorum et editionum, quas nominavi, lectiones infra composui et enumeravi, non omnes, sed quae graviores viderentur, ut et ipse fundamentum quasi, in quo niteretur oratio Statiana, haberem et alii quoque cognoscere possent, quibus causis in singulis locis constituendis ductus fuerim. Quum enim haud raro discederem in oratione Statiana constituenda a Marklando, quem omnes fere posteriores editores (Bipontini, Lemairius, Weberus, Dubnerus) maximam partem secuti sunt, ne temerarie atque arroganter tanti tamque ingeniosi viri emendationes aspernatus esse viderer, conspectum variarum librorum lectionum, ubi a Marklandiana nostra editio discrepat, addere necessarium visum est. Ingenii ac scientiarum copiam Marklandi quamvis magnopere admirer et lubentissime concedam; summa et immortalia in Statium explicandum et emendandum eius esse merita eximiasque in singulis locis emendationes ac divinationes, id tamen contendere ausim, Marklandum orationem Statii non eam restituisse, qualis principio fuerit, sed qualem esse ipse pro ingenii sui summa elegantia voluerit. *Non optima quaeque et perfectissima a Statio profecta esse probabile est, quippe qui „subito calore et quadam festinandi voluptate“ carmina sua*

profuderit et profligaverit, neque id, quod omnino poeta dignum, quod elegantissimum, quod politissimum videatur, quaerere et orationi eius obtrudere, sed quod in libris scriptis exhibetur Statiique proprio ingenio, carminum faciendorum importunae celeritati, verborum promptae nec semper diligenti ubertati convenire videatur, vel servare vel refingere editorem oportet. Propterea ubicumque librorum nostrorum consensus vel optimorum codicum lectio commodum sensum exhibuit, eam presse secuti sumus, relictis Marklandi aliorumque coniecturis quamquam ingeniosissimis vel plurimum commendationis et gratiae praeseferentibus. Sed nihilominus in Statio, qui ipse quasi in silvis ac tenebris diu abditus iacuit, quum pauca sint praesidia critica, coniecturis omnino carere non possumus. Propterea interdum ad coniecturas Marklandi aliorumque refugere nos oportuit, si librorum verba vel auxillum nullum ferebant vel emendandi viam recludebant vel sensum loco aptum omnino non praebebant. Nos igitur a librorum scriptura modo invitos et necessitate coactos neque nisi rarissime decessisse, facile cognosci potest. Causas, quibus moti simus vel ad recipiendas priorum editorum lectiones et coniecturas vel ad recipiendas novas, in paucis modo locis quam brevissime addere placuit, quum verbosiores explicationes ab harum editionum natura atque indole abesse et soleant et debeant.

Restat, ut manibus Handii gratias quam maximas agamus, qui quamquam opera Stadiana, quae ante octo paene lustra edere copiosissimisque commentariis instruere auspiciatus erat, neque absolvere potuit, neque quae inchoaverat et praeparaverat, literis ita mandare voluit, ut quid de singulis rebus et locis iudicaret, perspicere liceret, multa tamen adiumenta congessit, quae novam Stadianorum carminum editionem parandi copiam nobis fecere. Commentarii ab Handio relictī ad pauca modo carmina pertinent iique partim incompositi, partim male et per compendia scripti, partim imperfecti et adumbrati modo sunt. In diiudicandis variis lectionibus nostram ubique sententiam secuti sumus.

Sondershusae Kal. Mart. MDCCCLIV.

G. Queck.

SILVARUM

LIB. I.

Epistola ad Stellam. *Prodiissent*, lacunam iam Domitius Calderinus expleverat. Paulo infra post *Quid enim?* iterum in libris lacuna est, quam idem Domitius explevit interpositis verbis *oportet huius*, sed iam in cod. Par. leguntur. — *Haebuerunt* ex Vrat. restituit Passovius. — *In singulis diebus*: Vrat. Par. edit. praeter Aldinam habent praepositionem. — Vrat. habet *mimicis verum* i. e. *timeo ne*. — *Dedicaverat* omnes fere libri. — *Pro iussus sum* in Vrat. legitur *visum*. — Vrat. edit. princ. *maherdis*.

Carm. I. 1. *Moles geminata* aptius videtur, quam *gemmata* (Vrat.), quod alienum est a mole i. e. basi. 2. Vrat. *Son. caelone per auras*. 11. restitimus lect. vulg. *discissis* ex Vrat. Viad. Par. 18. *non alior* bene Handius revocavit ex Vrat. 23. *asserit* accepimus cum multis libris, Vrat. edit. pr. *adsectae*. 28. Servavi vulg. *Cato castris*, missis coniecit; *in castris* est *castris decedere*, pro *castris* coniecit *constans* Doellingius, qui singulari libello carmen nostrum interpretatus est. Cf. Annal. litt. Ienenses, 1818, p. 231. — 64. Vrat. Par. edit. pr. *continuis* — *montis*, quod ferri non potest; propterea usi emendatione Markl. scripsimus *Machina*; *continuo septem per culmina multus* *It fragor*. Pro *multus* coniecerat Doellingius *mutus*. Notanda est v. seq. omnium librorum lectio *figit*. 83. *profundo tre lacu* cum Handio ex Vrat. retinui. 85. Consensus librorum demonstrat, verba *quem traderis ausus* — *tutis* gemina esse. 91. Vrat. *nubiferas* et *haut Iovis*.

Carm. II. Vrat.: *Epithal. in Stellam et Viol.* v. 9. *fulura* ex Vrat. bene restituit Handius, quamvis in ceteris *factura* legatur. v. 12. *lumine* quum omnes libri exhibeant, nescio an verum sit, cf. IV, 6, 55 *multis vultu*. 22. *fronte* nobis legendum esse videtur. 27. *mendaces* est omnium librorum scriptura et loco aptissima. 32. *sortis* accepimus ex Markl. coniecta, quamvis librorum lectio *noctis* minime inepta sit: iamiam adest nox, nocte frui licet (data copia). 36. librorum scripturam et inter-

punctiōnem Handii secuti sumus; idem bene correxit v. 45 *prēsum*; ex eiusdem coniect. dedimus v. 60: *Lemnia deprensae repserunt vincula lecto*. 70. Vrat. *et*, quod nescio an mutandum sit in *de*. 82. Vrat. *attonito*, sed *attonitus* praefendum est. 86. *in ipsa* omnino servandum est, quod etiam Vrat. habet. 89. Sen. *praeluxi*, Vrat. *praeulsi*, in quo Passovius latere putat *praefulsi*. 113. *honorem* restitui, cf. Handium ad h. l. 123. *angustum. spol.* Vrat. Par. 128. Vrat. *vincla monilia*. 135. *falsas* plerosque libros secuti scripsimus; Vrat. *falsus* teste Passovio. 145. Vrat. Par. *domus*. 147. *nitidis*, Vrat. *viridis*. 154. idem *demissa*. 161. reclinem, miro consensu omnes ferē libri *reclivem*. 176. *novit*, Vrat. Par. *movit*. 180. *quae gloria maior* addito interrogationis signo. 183. *gentes* omnes libri. 194. *honorem* cum Handio scripsi. 202. *quod* — *coeptique laboris* Vrat. Par. 203. Vrat. *nitidae*. 209. Vrat. Par. edit. pr. *claro*, additum etiam est in munere *claro*. 218. Vrat. Par. *mariti*. 223. *Parnassus honos* mutare noluimus; Vrat. Par. Vind.: *Parnasis*; Heinsii coniectura *et Parnasse sonat* turbat orationis aequalitatem; si vero mutandum est, legere licebit *Parnassus sonant*. Cf. Annal. litt. Ienens. 1818, 232, ubi *Patareus* proponitur; Theb. I, 696. — 251. *opus* omnes libri. 252. *Coo* fortasse cum plerisque libris contra Handium defendendum est, vid. Dubnerum ad h. l. 264. *sibi* Vrat. Par. 266. emendationem *regant* contra libros recepius. 276. *longe* consensu plerorumque librorum restituimus.

Carm. III. Vrat. *Villa Tiburtina M. Maurili Vopisci*, idem cod. v. 2. *insertos*, 6. *Nemeae*. 8. *Pisacumque annum* (Vrat. Par.) bene revocavit et explicuit Handius p. 359. v. 9. *ipsa* cum Vrat. Vind. editt.; in ceteris Handii coniecturam secutus sum. 11. Vrat. edit. pr. *comis*. 16. sequendi sunt Leid. et Vat. (3595): *arte manu(s) concessa locis*; Vrat. alique: *arte manus artemque locis*, quod vitium inveteratum propagatum erat. 19. *unda per umbras* iam in Vrat. legitur. 21. pro *saxeus* mavult Doellingius *lacteus*, cf. eius lib. schol. Plaviae 1838. 23. Vrat. edit. pr. *habentes*. 28. luculenta est depravatio in Vrat. aliisque libris: *audacis victos*. 32. *fluvii* (omnes libri) servavimus, fluvius est Euripus. 40. *tacentes* Vrat. Par. 41. *turbine in illo* Vrat. Vind. communi vitio. 42. Vrat. Vind.

nox (mox) silet et nigros mulantia; Par. et nigros imitantia, idem edit. pr., quae verba *φόνον* designare videntur et, quamvis aliqua ex parte displiceant, non eiicienda sunt. Sensus: tota tibi quies est, ne murmura quidem audiuntur; *nox silet*, silent murmura imitantia n. s. Peyraredi igitur emendatione, quam Handius in textum recepit, non opus est. 45. Vrat. Par. *Par. quaque*. 56. cf. ad h. l. Doellingium, qui mavult *suberantque*. 62. Vrat. *ignaro*; locus est difficillimus; multas coniecturas a viris doctis propositas Handius enumeravit. Nos vulgatum recepimus, quod etiam Doellingius fecit, qui *tibi cum abruptos et demet cum ignaro* (sc. domino) coniungi vult et *demet* significare affirmat *subtrahet, non computabit, donabit*. Volckmarus (poemat. lat.) pro *forsan* coniecit *formam* i. e. *crepidinem*, deinde legit *debet*. Vrat. Par. 64. *mensas*, 68. *an — deducat*; 76. Vrat. *Egeriae*; 86. Vrat. Par. *superbae*. 109. *detorsus* recepimus, quamvis omnes fere libri *detectus* habeant.

Carm. IV. Vide quae exposuimus in Annal. philol. et paedag. suppl. XVIII, fasc. I, p. 121—132. v. 3. libri *cadit*, plerique receperunt Barthii coniecturam *redit*. 10. Vrat. *questu*, coniunge cum *confugunt*. 13. *nostetque* admisimus, quum meliora invenire non possemus; Vrat. *noseque*. 23. omnes *docto*; Vrat. Par. *sine iumine*, Leid. *sine carmine cantus*. 29. Vrat. *qui — quam*, Par. *cum — cum*. 49. *fidit* ex libris restitui. 57. Vrat. *pigra oblivio*, ceteri *pigrae oblivio vitae*. 59. libri *Apollineos sancto*, 61. *progressus*, itaque cum vulg. *prae-gressus* legendum est, nam *praegredi* hoc loco est *praeterygredi, omittere*. 63. *teneamus* in libris; 64. *tendentes* scripsi, Vrat. *tendatis*, Par. *dandatis*. 65. libri *laudavit*, 71. *illi*, quod mutandum est in *illic*. 74. Vrat. Par. edit. pr. *permeruit*. 83. Vrat. *promissa*. 85. libri consentiunt in *tantas*. 86. post hunc versum in margine Vrat. (alia manu) et in Par. insertus est versus: *Atollam cantum, gaudet Trasimenus et Alpes*. 91. libri *urbem*. 93. Vrat. Par. *admirante*; fortuna enim quum non admirata sit, virum tantum honorem nactum esse, etiam invidia eius honoris non mota est. 103. omnes fere *benigne*. 105. scripsi *carpsi*, Vrat. edit. pr. *carpsit*. 111. Vrat. Par. *deos — valentior*. 115. omnes *coctus*, 120. *auguror*.

Carm. V. V. 4. cum Markl. dedimus; consentit Vrat.; Par. Voss. edit. *Tuque inimica ferae*. 10. alii libri *et enumerare*; alii *atque enum.*, Vrat. utrumque coniungens *atque et enumerare* vel *atque etiam enum.* 11. libri *chelym* et 13. *hederis* perhibent. 15. Vrat. *liquidosque avertile*, edit. pr. *a vertice* (redimite liquidos vultus a vertice). 21. Vrat. *berecintidos*, Voss. *Crebrenidos*, edit. pr. *crebre cnydos*. Heinsius refert habu Staii verba ad Oenonen, Cebrenis filiam, quae Helenam sibi praelatam lugeret. Par. *arida vultu* pro *luctu*. Haudius ita iudicat: poeta fabulam cogitantem habuisse videtur ex antiquis nobis nunc prorsus occultam, in qua filia Cebrenis sive Hesperia sive alia vidua facta exaruisse diceretur. 28. Vrat. Par. *crescit*, edit. pr. *cessit*. At *crescit* unda antea vaga, nunc inter fornices vel muros conclusa et in altum elata. 36. *flava metalla* sunt quae infra II, 3, 92 dicuntur *Nomadum flaventia saxa*; *metallum* de *marmore* dictum est, cf. III, 1, 5; IV, 3, 99. — 39. Vrat. *quoque tyri niveas*, Par. Sen. *quaeque tyri*. *Secare* non de caedendis saxis dictum est, sed de venis, quae per marmor niveum transeunt; idque dividunt purpureis. Sensus: nitet etiam purpura, quae nivea marmora Tyria et Sidonia secat. 41. *lumina ex libris*; *non cessare est provenire, apparere, adesse*. 43. Vrat. edit. pr. *animoque*; haud scio an scribendum sit *in species auroque nitent*. 52. Vrat. Par. edit. *fundum sumo*; sed mutatio in *sumum fundo* necessaria est. 61. Vrat. Par. edit. pr. *despiciet*, recentt. *despiciat*. 63. plerique libri *hac*.

Carm. VI. Vox *Saturnales* delenda videtur, neque in epistola ad Stellam neque in Vrat. legitur. 2. eodd. *feriatas*, i. e. *otiosas*, Calderinus et Bernatius coniecerant *feriatum*. 3. Vrat. *iam nos*. 8. *ebriamque noctem*; locus est difficillimus. Vrat. *partem*, Vind. *partem*; Par. *pando*; edit. vett. *parcam*, al. *moeram*; Bernatius emendavit *pacem*, Heinsius *ebriumque Martem*, alii alia. Nulla eodd. lectio aptum sensum praebet, neque patet corruptionis ratio; nulla coniectura placet, ne Thomsoni quidem, quam cum Marklando recepimus. Offendunt etiam verba *laeti Caesaris*, quae quid significant non patet. Quare hunc versum eiiciendum putamus. 9. Vrat. *vovebat*. 10. *bellaria adorea* Par. et ut videtur Vind. Gloss. Par.:

bellaria adorea sunt quaecumque veniunt in secunda mensa. Voss. *velaria adorea*; Sen. *velaria lineæ*. 11. libri *Eurus*, Markl. *Eos*. 15. Vrat. *quo* — *cannos*, Par. *quas* — *cannas*. Gloss. Par.: *Ebosia* est in oriente, ubi proveniunt cannæ, ex quibus provenit mel, quod stringitur in igne in saccharum. 17. Vrat. *gaioli laigunculiqve*, Sen. *casoli*, Par. *galliolii* — *lascinculi*. Voss. *legunculi*. casei erant inter dona saturnalia IV, 9, 86. — 20. *prægnantes* in libris; solebant enim fructus condimentis obducere; *prægnantes* igitur caryotides sunt conditæ; saccharo obductæ. 24. plerique libri *serenam*; ludit enim poeta in verbis *inserena* et *serenam*. 26. *latis*. 29. Vrat. *apocis*, Par. Sen. *vultu*. 37. Sen. *ali*; 38. Vrat. *neasil*, Par. Sen. *nescis*; 42. omnes *tardum*; *occupare* enim est *præoccupare*, *prævenire*, et *annus* significat anni partem, hoc loco aestatem et messes. Status igitur dicit: seges tunc non ita ut apud nos maturuit ante messis tempus. 43. omnes *vescitur* præter Venet. quæ *nascimur* habet. 45. *libertas* servavi, alii *libertus*. 46. plerique *hoc vocare*, Sen. *hic rogare*; legas *huc vocare* i. e. ad nos seil. te. 47. omnes *possit*. Sensus: quis deus possit Domitianum huc ad coenam nostram vocare, quis eum venturam promittere? Sponte ac libera voluntate Dom. init socias dapes. 51. Vrat. *strepitus*, sed melius *fremitus*, nempe convivarum, qui beatos se prædicabant. 58. Vrat. Par. *brevis statim peracta*, Voss. *peractum*; Marklandiana meliorem non invenio emendationem, nisi Gronovianam malis: *quos natura brevis statim peractos*. 62. sensus: quemadmodum Mars et virtus ridet i. e. risisset, si adesset, ita grues (casuræ i. e. quæ cadere possunt in pugnam) horum Domitiani pumilorum ferociam mirantur, stupent, quæ maior erat quam Pygmaeorum, i. e. cum Domitiani pumilis si congressæ essent, victæ essent grues illæ, quæ quondam Pygmaeos superaverant. 65. Vrat. *proprioribus*, Par. *proprioribus*, Sen. Voss. *propioribus*; quæ ad sensum pertinet, respice n. 75 *inter quas cadunt*: noctis ingruentis sub umbris larga sparsio facta est, sed magnum tumultum movit, quum eodem tempore in theatrum puellæ histricænes aliique prodirent. 70. Voss. *tumentes*, os et bucca inflabatur. 74. libri *permutat*, Sen. *quæque*. 80. Par. *compelantur*,

ceteri comparantur. 92. Vrat. Par. *abit in*, quod Markl. ex Venet. et Parm. restituerat.

LIB. II.

Epist. Vrat.: *Staius meliori suo salutem dicit*; Par. ad *Meliorem Aledum*. — uterque codex falso *ut sis*; Par. *notisti*. — scripsimus cum vulg. *consecrarem*, quamquam Vrat. *consuleremus* habet, Par. Rom. *considerarem*, Parm. *consideremus*.

Carm. I. Vrat.: *Glaucias Aledii Melioris dedicatus*; Par. *Selish*: *delicatus*; edit. *epicedion in Glauciam Melioris*. 3. codd. edit. *etiam nunc*. 5. *saeuus* in codd.; restituerunt iam Barthius et Weberus; sententia eadem expressa est v. 8. verbis *intempesta cano* et v. 13. *admoto latrant praecordia tactu*. Vers. 6. scripsi cum Vrat. Par. *consero*; ut *serere sermonem* dici potest, ita *conserere cantus*. 15. Vrat. *mendose libertate*, ut versu antecedente *lutiare*; cf. Markl. ad V, 5, 46, libertate domare i. e. superare, vincere dolorem ei indulgendo. 16. Vrat. *iamque*, alii codd. *iamne*. 21. *delevi et ante saevos*, quod ab omnibus libris abest. 22. Senens. *ploratamque*; sed *plorans* anima est conquerens de sua immatura morte. 27. Si *versa*, quod ex Vrat. Passovius exhibet (Handiana collatio habet *verso*), verum est, iungendum est cum *lyra*, i. e. conversa in me, et sensus existit: equidem nunc tristitia de pueri obitu oppressus depositis poetarum ornamentis tecum simul pectus meum percuto lyra, qua canere debebam. In codd. reliquis et edit. extare videtur *verso*, Aldus correxit *vezo*, quod etiam Scaliger ex Senensi notavit, sed asterisco addito. 28. *et diri* Voss. Par.; *et diu* Vrat.; *at diri* Senens.; *et* est *atque ita*, igitur nihil mutandum. 30. Vrat. *levis*, idem *iam fulmine*; afferunt antiqui editores *funere*, quod non displicet; *fulmen* nostro loco significare videtur id, quod magno cum impetu tanquam fulmen irruit et terrorem iniicit, i. e. ictus. 33. Verba *et mihi* (omnes libri) minime pertinere possunt ad *solatia cecini*; nam qui *defectus gemit*, is solatia non habet. Abrupta ob dolorem oratio est, omisso verbo *eripuit*. Posito puncto post *natis* hunc sensum inesse suspicor: a me luctus non alienus est, in eo ipse

tibi socius sum, nam mihi quoque quem! natura eripuit patrem, quum nuper gemerem ad ignes. Afferrat meliora qui habet! 34. *tu lugere* Vrat. mendose. 48. omnes codd. editt. *mixta*, vox mixta favis est vox mellita, tamquam melle infecta, Marklandum *tincta* scribentem sequitur Weberus. 50. omnes libri retinent *heu lactea colla*, neque causa, cur mutari debeat. 52. *iuventae*, vid. Mart. ep. VI, 28, 8; Voss. *senectae* perperam. 56. sibilante versu noli offendere apud Statium. 58. *feret* Par. Voss. Rom. Venet. recte, Vrat. *ferat*, reiicienda igitur Markl. coniectura; male Vrat. *timentem*, nam *tumere* dicuntur pectora iratorum. 64. Vrat. *ipsos* — *postes*, ita ut praepositio *ad* coniuncta videatur cum *postes*, sed legendum est *ipso* — *poste*, i. e. in ipso poste. 66. omnes libri *fateor*, quamquam magnopere languet neque tali modo interponi solet. Displicet etiam Markl. coniecturam *pariter*; invenio praeterea coniecturas: *muta domus facies*, et *muta domus*, *Melior*; vox sine dubio corrupta est. 69. Vrat. Vind. *plus alter*. 71. hic versus abest in cod. Voss.; sane offendunt *dulces curae*, Par. habet *dulcis*, displicet etiam *pectore* absolute positum. 78. interpunctio mutanda est, et verba ne *quererere* cum sqq. iungenda. Sustulit enim Melior puerum, ne servile genus aliquando quereretur. Par. habet *rapturn sed*, quod falsum est, in Vrat. enim est *se*, unde illud *sed* ortum est pro *te*. 84. codd. omnes *animis*; Vrat. Parm. tres Vatic. *sanare*; Rom. Venet. Voss. *saliare*, unus Vatic. (3283) *sociare*. Recepimus Heinsii coniect. *sancire*, cuius verbi literae non multum abhorrent a *sanare*. 87. Vrat. *elegisse*, cf. Tac. Ann. I, 16. 90. *genitor* cum Markl. (Parm.) scripsimus; in libris est *senior*. 91. *caro* restituendum est, quamquam Vrat. Par. Voss. *claro*, qui est error librariorum pro *charo*. 95. *comibat*, in libris nulla varietas, quare nihil mutandum; *comere* intelligas de armis aptandis vel instruendis, Stat. Theb. III, 422 *comunt furor iraque cristas*, ib. IV, 42. — 96. plerique *victas*. 97. Vrat. Par. *funera*. 99. Vrat. *secura patris*, quod haud displicet, cf. I, 4, 60. 101. Vrat. Par. *alieno in robore*. 105. Vrat. *mutas etiam nunc murmure*, reliqui libri omnes *mutas*; Voss. Sen. *tum murmure*. Legit Barthius cum *murmure voces*, Haudius *mutas, etiamtum murmura, voces*. 110. *curvatus* i. e. ad ictum inferendum corpore curvato, Theb. VI, 649. 116. *fre-*

gisset codd. editi. pleraeque; frangere est deprimere, crines erant arte quadam elevati et crispati, unde *decorum*, quare frangebantur imposita corona; et bene convenit vox *lasciva*, i. otiosa. 123. Vrat. Parm. Vicent. *verba infigere*; nostro loco *refringere* retinendum putavi, i. emendare verba, meliora reddere; refringere enim de articulanda voce, et is, qui loquitur afficulata verba, refringit vocem; et is, qui infantem id docet. 125. *sed* — *mixta* Vrat. Par.; sine iusta causa mutavit Markl. 130. Vrat. Par. editi. *angusta* — *arctare*, 131. *enormes* — *sinus*, sed verba sine dubio corrupta. Secutus sum Markl. Lenzius praecedente Markl. legi vult; et *angustos artus lassare lacerna Enormi*. 135. Vrat. Par. *cessant*. 138. bene restituit Markl. *ungues*. 143. ex Vrat. Parm. Rom. restitui *adhuc*, de huius particulae significatione vide Handium, Silv. I, 2, 57. 148. pro *annos* coniecit *artus* Doellingius. 159. Vrat. Par. *rogus*, Sen. Rom. Venet. *torus*. 161. Vrat. Par. *palam est vidique*, sed bene restitutum *Palastinique*, cf. Silv. V, 1, 212. 172. *tambis* revocavi, omnes libri habent. 176. *qua* legendum est. 178. *ac voce* antiqua lectio sensu caret. 179. *prolatus* cum Markl., quum *ploratus* ineptum sit, Parm. autem *delatus*, Sen. *perlatus* habeat. 182. servavimus antiquam lectionem. 205. Vrat. *prosit*, Par. Rom. *porst*. 207. *pueri* restituimus; partitur pueri amorem cum Meliore. 219. *ulnis* Heinsius ex codice suo, Parm.; *umbris* Vrat. Par. 223. *merutivae* ex libris revocavimus. Argutius pensitavit verba Markl. 234. *qua potes* Par. Carm. II. Inscriptio in Vrat. Par.: *villa Surrentina Pollii Felici*, in editi. *Surrentinum Pollii et villa Surrentina*. v. 1. Sen. *montes*, a glossatore profectum. 3. de scriptura et formatione nominis Dicaearchi vide Markl. ad v. 96 et III, 1, 92. 5. *urit* scil. uva, propterea comma delevimus. 7. *pigra quies*, quod omnes libri habent, est *otiosa quies*, cf. I, 4, 57, minime igitur *parta quies*, cf. Mrkl. 16. *unum litus* Vrat. Par. plurimae editi.; Gronovius *inum* coniecit; quod etiam in Sen. esse videtur. Ante Markl. iam Heinsius coniecerat *udum*, quod epitheton pariter otiosum est. Placet *uncum* (Gronov. et Doellingius) aut *curvum*, cf. III, 1, 100. 37. Sen. *Pimplea*, reliqui *Pimplea*. 38. Vrat. Rom. *sed et hae: se det*. Par. Vic. *referet*, recte ceteri *reseret*. 44. Vrat. *locive*, ceteri *locine*. 46. *aspicit*

in libris. 54. *repositus* libr. lectionem et *lustra*. 63. *ceraeque* omnes libri praeter Vrat., qui habet *terraeque*. 68. Vrat. vitiose *aereaeque ad*, Par. omittit *ab*, quod in antiquis editi. additum est, neque commode abesse potest. 71. *curarum* omnes, repetitionem eiusdem verbi Stalius minime curat. 76. Vrat. *illinc*, editi. *illi*; *paret* in omnibus esse videtur et a Barthio explicatur. *apparet*; haud scio an *patet* scribendum sit. 77. *hac* omnes, praeter Vrat.: *ac*. 79. Vrat. *euboea*, Parm. *Euboeia*, editi. *euplea*, Euboea i. e. *Cumae*, quae colonia ex Chalcide Euboica deducta erat; cf. Mart. Ep. IX, 29, 3; Ovid. Metam. XIV, 155. 81. Vrat. Parm. Sen. *proculque*; sensus: angustium praedium domino absente a regione et tamquam invidens spectat villam Surrent.; 83. omnes codd. veti. editi. *una tamen cunctis procul eminet una diaetis*. 85. pro *desecta* hab. Vrat. Sen. Parm. Rom. Ven. *delecta*. 93. *fluctus spectare* Vrat. Par. editi.; gaudet marmor Carystium, dum mare sibi simile spectat, gaudet pari colore mare spectare. 95. libri *grata* — *grata*, sed optime Gervatius locum emendavit, ut nunc legitur. 105. *rudam*, bene habet, neque superfluum est, ut Marklando videtur. 110. Vrat. Par. Parm. Rom. *isti*, sed dubito de integritate vocis, fortasse legendum est *ipsi* i. e. domino. 112. Inde ab Aldina editum *hic seu sidereas*, quum antea legeretur in Rom. et Ven. *hic tibi sidereas arces*; Voss. *hic tibi*, Par. *hic ubi*; sed Vrat. *hic ubi Pierias*, quam lectionem veram puto; *arces* legendum esse patet. 116. Vic. Ald. *hinc*, ceteri *huc*. 118. Vrat. Sen. Par. Parm. *rupidi*. 126. Vrat. *repelles*, legendum est cum Gron. *repellis*. 127. Vrat. *dubio*, neque *dubium* displicet. 131. equidem malim, *celsae*. 139. omnes libri *iactantur* praeter Sen., in quo *iactantur*; coniunctivo non opus est, sed parenthesi includenda sunt verba illo — *alto*. 140. Vrat. Par. et tua; Vrat. *placidam quietem*. 143. omnes *discite*, quae vox corrupta est. 147. Vrat. pro *nurus* habet *mirus*, pro *longe pulcherrima* cuius habet *longae praecordia curae*; Par. Parm. cuius *praecordia curae*. 148. pro *vertere* Vrat. *vescere*, duo Vat. *vertere*, unus *visere*, unus *vescere* superscr. *visere*, Parm. *visere*. 154. Vrat. Par. *docuit*.

Carm. III. 2. Vrat. Par. *quae robore*. 3. Vrat. *incurvata nodis reddit*; Voss. Sen. editi. *in nodos redit*, Par. *in modos*.

6. Vrat. Sen. *causas*, Parm. *carmen*. 9. Vrat. Par. editt. *et tamen*, praefendum vero *it tamen*. 14. Par. Parm. Rom. *iam demum*. 16. Vrat. Vind. *fluidos*, Par. Voss. Rom. *flavos*. 18. *credit* omnes praeter Parm.: *cedit*. 22. *cervae*, quod mera conjectura proposuit Markl., invenitur in cod. Vrat.: *legit vestigia cervae* (collat. Vrat. in usum Handii facta; collat. a Silligio proposita praeterit hanc lectionem); Par. Voss. Rom. Ven. *terrae*, Sen. mire discrepans: *et curvata in aquas legit vestigia ferae*, quod a correctore profectum videtur. 25. Vrat. Par. Parm. Rom. *semperque*. 26. Vrat. Par. *decrescit*. 29. *laevum soporem* = sinistrum et perniciosum. 33. *Sic tota* in omnibus codd. editt. legitur; Marklandi emendatione non opus est et illud *ut erat* iam in *sic* latet. 38. *Brimo* ex Scalig. coni. libri *Bromium*. 45. *ama*: *preme* scripsimus omisso *et* cum Vrat. Par. 51. pro *et* — *et* — *et* in Vrat. *ut*, i. e. adeo *ut*. 53. *animata* omnes libri. 55. Par. Parm. Rom. Ald. *sinuatur* sine sensu; *scrutatur*, quod in Lipsii codice invenit Bernatius, etiam Vrat. et Vind. exhibent. 71. *comere* legitur in Vrat. Par. Sen.

Carm. IV. Vrat. *Psittacus eiusdem*, Par. *Psitt. Melioris*. 4. Vrat. Par. Vind. *hesternas*, Ven. Rom. *externas* mēdose, *extremas*, quod Marklando placuit, magnopere languet. 14. omnes codd. editt. *et querulae*; querulae dicuntur fores non lugentes, sed stridentes, sonum edentes. 15. *augusti* omnes fere libri. 33. Vrat. *ao non*. 35. in omnibus codd. editt. legitur *gramine* — *sicanusque crocis*.

Carm. V. Par. *leo mansuetus Imp.*, in Vrat. deest *Imp.* 1. pro *constrata* Vrat. Sen. *monstrata*, Par. *prostrata*, et haud male opponi potest mansuetus ei, qui antea monstravit iram. 7. *docte* servavimus cum Vrat. Par.; Sen. *dicte*, Parm. *caede*. 12. Vrat. Par. Parm. Rom. *clausas* — *portas*. 13. Vrat. Sen. Par. Voss. *placidi*. 15. *totas* omn. libri. 16. *non te* Vrat. Par.

Carm. VI. Negligentius scriptum videtur hoc carmen. Inscriptionem, quam posuimus, praebent Vrat. Par., invenitur etiam in editt. *Epicedion Pileti Ursi*, et *ad Ursum iuvenem epicedion Pileti*. v. 6. *arcte* tamen editt. vett.; Vrat. Parm. *ad te tamen*; de usu vocis *arcte* confest Handius Sil. It. 7, 280: *arta fames*, Gell. N. A. X, 6: quanto artius pressiusque conflictata es-

sem. 8. Vrat. *quia rerum omnia*, sed *quoniam* ob sensum requiritur (Parm. *quoniam*). 9. Par. et editt. *pectora movit*; bene emendavit Bernatius *novit* („fortuna summa imis miscet nec animum cuiusque in miscendo respicit“), quae emendatio etiam Vrat. auctoritate affirmatur. 10. Vrat. *famulum genus ut sepium*; Par. *usque pro Urse*. 12. omnes libri *libertas*. 13. verba *desique — placent*, integra sunt, nam quod in Vind. Parm. legitur *diesque*, in Vrat. *dicesque*, librariorum errore factum videtur. 22. *cupientis* omn. libri, Par. praeterea *tamen pro tantum*. 28. omnes *invitas*; quid *invisas* significet, non intelligo; neque placent coniecturae *rupibus* vel *Troasin invisas*, cf. Markl. ad h. l. „Invitae enim naves perniciem patriae adveeturae mare intrabant.“ *Dubnerus*. 30. *caventem* recepimus, Vrat. *canentem*. 34. ex Vrat. Parm. restitui *en*. 39. *quales dubiae post crimina formae* scripsi, omnes libri *post crimina*. *Iubent* si absolute positum acceperis, non de sensu dubitabis (Vrat. *vident* pro *iubent*); intelligit poeta mollem spadonum formam, ut infra III, 4, 70: corpus de sexu transire iubet. *Quales* ita hoc loco struitur ac si scriptum esset *corpus — quod dubia forma*. Dicuntur crimina formae, quae in ipsa forma committuntur castratione, vel etiam dedecus ex crimine ortum, crimine illatum. Est igitur molle corpus, quale castrationis crimine commisso sexum mutat. 40. inde ab Ald. editt. *parvoque virilis*, Vrat. Parm. *torvaque*; Sen. Par. Rom. *torvoque*; *que* post negationem significat *sed*. 42. libri mire variantes *visus*, *visu*, *visa*, Sen. *missa* i. e. capiti detracta. 43. *Schraderi* coniect. *errore* confirmat Vrat. 48. *Vrat. unde natae*, Par. Rom. *inde notae*, quatuor Vat. *unde notae*, unus superscripto *u* (*novae*), Parm. *unde novae*, Ald. *inde novae*; non dubitavi recipere *ingenuae*. 50. Sen. Par. *carmine quo donasse queant* (si accurate notatum est), ceteri libri *carmine quo potasse queam*. Est igitur anacoluthon et legendum ut scripsimus. 62. *ructassent* expl. incendia Locros fumante ruina ructantia obruunt, i. e. ructando oppleri aliquid; intellige autem praedium Ursi Locros vocatum. 64. *seu Lucanus ager*, mira ellipsis verbi; invenio nescio cuius viri docti coniect.: *Lucanosve agros* omisso *seu*. 70. recepi Markl. emendationem, libri *carmen*, et versu sq. *tendebat*, editt. post Ald. *tentabat*: 77. omnes libri *et invidia mortemque*

amplexa, dici potest Rhamnusiam invidia i. e. odio moveri, ludere videtur poeta verbis *videndo* et *invidia*. 82. libri *saevius*, quod ferri non potest; Dubnerus vult legi *segnius*. 83. Schraderi correctio: *sibi saeva*. 96. libri optime *saavis*. 98. omnes libri *carpsit*, 99. *claros*, 100. *illic*.

Carm. VII. Vrat.: *Genethliacon Lucani ad oppiam*, Parm. — ad *Pollam*, cf. epist. huius libri. v. 14. Par. Voss. Rom. *pateram*, altera vero lectio *patet aut*, quae primum in Aldina apparet, legitur in Vrat.; *patet* i. e. per ramos minime densos lucem admittit; *diem recepit* i. e. solis ac coeli lumen. 21. *Haudius per arces* legi vult. 24. particula *heu* est admirantis, pertinens ad *nimis*, quocum coniunctum vides in locis a Markl. allatis. 46. codd. lectionem *doctos equites* veram et optimam puto; *docti* enim et literarum fautores vocabantur. 49. cf. Theb. IV, 762; Luc. IX, 408. — 52. Vrat. *canis*, ceteri *exeris*; sensus: tu canis Latio, i. e. populo Rom., alii externas res celebrant. De versu 58. *ingratus* — *Orpheus*, qui maxime vexavit interpretes hoc addam: discernenda sunt carmina epica ab scenicis, scenicum et publice recitatum erat carmen illud, quod inscribatur Orpheus. Tu igitur celebrabis Hectora, Priamum et elysios campos, et quamquam his omnibus artibus aemulus sit Nero ingratus, introduces tamen Orpheum in theatrum, i. e. non solum amicis tuis canes carmina epica, sed publice prodibis etiam renitente Nerone. — *Tibi* i. e. in tuas laudes. *Proferretur* in Vrat. Sen. Vind. = exhibebitur. 62. libri *huc*. 67. Par. Rom. *et fulmen*, Vrat. Parm. Ven. *quo fulmen*. 77. omnes *duxit*, 79. *quid*, 81. plerique *carminum*, 83. omnes *tuo*, 88. *festis*; 90. pro *festis* posui auctoritate Vrat. *fata*, i. e. fata vitae, idem v. 92. *saeva*. 96. mira varietas lectionum: Vrat. Parm.: *sic fixum Paridis manu prementis*, Leid. Par. Rom. Ven. Vic.: *Paridis manu potentis*; Ald. et recent. *tremenis*, Sen.: *si fixum canobi manu potentis*. In seqq. Vrat. Parm. Ald. *horruit*, ceteri *obruit*. 116. *Tu magna* omnes libri, est parenthesis. 125. Vrat. Par. *figura*. Anton. Amitern: solebant uxores maritis mortuis statuas erigere sub forma et similitudine dei sive Bacchi sive Apollinis, quod Polla non fecit, sed sub propria Lucani similitudine composuit effigiem. 130. omnes libri *incubantque*.

LIB. III.

Epist. Vrat. *expaveris quotiens*. Sen. *penetralia*. Par. *Novium Celerem*. Vrat. Parm. *poteram*. Sen. *rarissimum*. Par. *Earinus*, Vrat. *Ierinus*. Par. *hanc destinationem*; in Parm. deest et post *quietis meae*, in Vrat. dubium est.

Carm. I. 5. Par. *graiis* omisso *que*, Vrat. *graiisque*, Leid. *gravisque*. 7. Vrat. *conscendens*, 11. *felix*. 16. Par. Rom. *duclavit*, Parm. *divisit*, Vrat. *ditarit*, cui lectioni id subest, quod iam Ant. Amitern. e codice antiquo affert *dilavit* i. e. ornare ditissimo templo, cf. Claud. consul. Mall. 29: *moenia quae famulus quondam ditavit Hydaspes*. 18. *quamvis deus affuit*. (Markl.) non displiceat, tamen sequor Sen. Vrat. Par. Parm. Rom.: *attulit. Arces* (Vrat. *artes* frequenti errore) enim sunt templi moles, quas apportandas non nisi Herculis artus sustinebant. Non tantum dei auxilium, sed ipsum auctorem fundamenti celebrat poeta. 34. Vrat. *inmitte*, sed cf. Ovid. Met. 8, 66: *inमितem hastam*. 36. plerique libri *lustratumque*, sed sequor Sen. *instratumque* et *gerentibus*. 60. optime *echateidos* i. e. *Hecateidos*, quod recepimus. 65. inveni pro *non hospes habebam* coniect. haud contemnendam *non hospes adibam*. 69. Vrat. Sen. *augustasque*, iidem et Parm. *gravatis*, Par. *gravamus*. 82. Vrat. Par. *sacri*. 90. *virum* erat servandum cum Vrat. Par. 92. libri *Dicarchei*. 101. Par. *tenera*. 105. poster. edit. *numina*, Par. Leid. *lumina*, Vrat. *limina*, quod bene coniungitur cum *sede*. 109. libri *templo*, 111. Vrat. Par. *exesus*. 116. *montemque* legendum est cum Ald., vulgo *mentemque*. 137. *victae* in Sen. Par. Parm. Rom. sed *iuncta* templa sunt iuxta posita. 145. Sen. *virentibus*, Par. Parm. Rom. *viventibus*, Vrat. *humentibus*. 148. Vrat. pler. *fixam*, Par. *victam*. 149. ex Markl. coniect. *omenque*, Vrat. enim *limo numenque* i. e. *limon omenque*, Par. *numen*. 157. *lybicas* inest in libris. 160. Vrat. Parm. *degenerabit*, Par. *dedignatur*, 163. *laetus* libri. 183. Vrat. Par. *solisque*.

Carm. II. Acquiescendum est in vulg. lectione v. 6., quam Vrat. Par. hab. *dubio* — *alto*. 9. Sen. *considite*. 15. Vrat. *quae*. 19. optime Vrat. Par. *qua*. 30. consentiunt in voce *molorchos* vel *molorchus* libri, (Parm. *molucros*; Sen. *molucrus*), sed corrupta videtur. Pro *rupes* Vrat. *primos*, id. tres Vat., Parm.

prios, unus Vat. *rupes*; tres Vat. *explorent*, Parm. *explorēt*. Quum quid significet *molorchus* vel *molorthus* vel *molucrum*, non perspiciam, *molybdis* et ego recepi. 35. Vrat. Sen. *hinc* — *hinc*. 43. Sen. *fluctus* pro *status*; Vrat. *mundi* pro *ponti*, neque v. seq. *ac* in Statio reiciendum videtur. 51. vide Markl. ad h. l. 78. Sen. *frustra queror*. 81. Vrat. *quaque super rel.*, quod verum videtur. 86. Par. *an Siculi*. 87. Par. *gerat*, idem Parm. Rom. 110. Vrat. *stagnante*, Par. *stagnata*. 123. Par. *hic*, recte *his*. 135. in Par. nonnulla desunt errore scribae, sic enim habet:

colloqu: iq vicē euphratem et bactra sacrasq

etiam in edit. verba singula omittuntur. 139. Par. *qua purpura*, Vrat. *qua* — *suco*. 140. Vrat. Par. *ubi germine*. 141. Par. *sudant*. 142. Vrat. Par. *busta*, 143. *quaeve*, Par. *claudit*.

Carm. III. Vrat. *Consolatio ad Claudium et Ruscum* i. e. *Etruscum*; cf. Markl. ad h. l. v. 3. Par. *nunc* — *comas*. 7. *Handius lassataque lumina* legendum putat et confert Ovid. Met. VII, 579 *lassa lumina*. 15. *umquam* restitui ex libris. 18. Vrat. Par. *implicitos*. 30. Par. *praeferat*. 32. in Par. ita habet:

luctibus aeternasque ultro sacrabimus umbras.

34. Vrat. Par. *superbas*. 40. Vrat. *similis* — *ignem*; Par. Parm. Rom. *geminum*. 49. Vrat. *feruntur*, Par. *geruntur*, v. seq. uterque *premunt*, 55. *iniussae* — *lucis*. 56. tollenda erat parenthesis. 64. libri *gradu*. 78. *nepoti*, quae vera est lectio, 87. *partaeque*, quod quid significet, facile intelligendum. 98. scripsi *Vigil iste animique sagaxis Exitus evoluit*; Vrat. Ven. *vigil ite*, cf. V, 1, 78. 108. Vrat. *genitalia*. 112. optime Vrat. *haud quamquam*. 119. Par. *si quidq.* — *e sanguine*. 124. Vrat. Par. *felix osi*, iidem 129 *pubentesque*. 130. Vrat. *aut tibi*, Par. *aut ubi*. 132. libri nostri *maternos*, 134. *collectae*. 143. dedimus cum Markl., sed legendum esse suspicamur *populo deduxit*, omnes libri *populos*, Vrat. *deduxit*. 145. restitui *celso* — *honore*; Sen. *celso maiorum*. 180. Vrat. Par. *qui*, v. sq. *gemens*. 186. *ingrate* cum Gronov. ex Sen. 200. Sen. Parm. *dulcia*. 208. Par. *genitor*, idem 210 *moestisque* — *sepulcris*.

Carm. IV. Par. edit. pr. *Coma Earini*. v. 13. vulgata *lectio nube sana est*, Vrat. Par. *Ida sibi placet nube rapinae*

sacrae, h. e. coma Ganymedis a Iove rapti. *Nubes* de coma ut Theb. VI, 587. Vrat. Parm. 27. *aras*, 39. *tam dulce*, 48. *or-bis*. 58. Par. Parm. Rom. *myrrhusque puer*, in Vrat. hic versus mutilatus est. 66. Vrat. Par. optime *carperet*; lanugo diffunditur quasi in genas, latius serpit, maiorem partem genarum occupat. 70. Par. *haud ullo*, Vrat. *aut nullo*. 81. Vrat. *solus crinis*, Sen. *crinis solus*, quid habeat Par. mihi non perspicuum est. 83. Vrat. *pectebat*. 98. omnes libri *reclisit, recludere est rursus claudere*. 104. ex libris scripsi *simul*.

Carm. V. v. 10. restitui vulg.-lectionem *thalamosque armata* ex libris et v. 11 *alta* (Sen. Vrat. Parm.). Sen. *vultus* habet. 22. Vrat. Parm. *et enim*, Par. *ē mēs* i. e. *est mens*. 28. Markl. emend. recepi, cuius vestigia inveni in libris. 34. Vrat. Par. *lotasque in murmure noctes*, legendum videtur *mulasque in murmure voces*, vel *molasque in murmura voces*, cf. II, 1, 104. 37. plerique libri *modo*; non corrigendum esse *prope* cum Markl. docet Handius Tursell. s. v. *modo* p. 651, quamquam etiam in codd. nonnullis invenitur *prope*. 49. Locus sanus est; *quamquam* a *quisquam* vel a *quisquis* derivandum est; invenitur hic accus. etiam apud Plaut. Mil. glor. 4, 2, 67. Sensus: quæsta est Aegiale, quæsta est Meliboea et si quam aliam uxorem saevi plañctus maenada fecerunt, vel nescio quam aliam m. f. pl. 53. revocavi vulg. *ilerasti*, 58. *veros* cum Markl. 60. Vrat. *tenet*, Par. *terit*, uterque *viduo cubili*. 62. optime divinavit Markl. *festis*, in Vrat. enim est *fedis*. 64. revocavi ex libris *petit*. 78. Markl. secutus scripsi *haud*. 86. Par. Rom. *somnique parati*, i. e. faciles, cf. Theb. IX, 36. *lacrimae paratae*. 87. recepi vulg. *legis, morum*; morum enim iura opponuntur *stricto iuri*. Neque etiam displicet id quod editi. vet. Par. hab. *scita Lycurgia (aut scita Lycurgia, leges Morum iura viris)*. 93. *risus* retinui, Vrat. Par. *litus*. 94. *grata* ex Vrat. Par. reposui. 106. pro altero *hoc* Vrat. Par. *est*.

LIB. IV.

Ad Marcellum. Habent Vrat. Par. Sen. Parm. Rom *opusculum inveniri coepisse*. Par. *qua — molem*. Omnes libri *epistolam meam*. Par. *gratulator*.

Carm. I. v. 19. Etiam Par. *mense novo*. 29. Par. *fascēs*. 31. omnes *Latio*. 33. Vrat. Par. *et quanta*. 38. Vrat. Parm. *renovabitur*, omn. lib. *parentis*. 45. *patuere* et 46 *rex* ex libris restituimus.

Carm. II. 4. Vrat. *multo*. 13. *hic lim*. Vrat. Parm. 15. Vrat. *spēs hominū*, Par. *et te spēs et te cura* omissa voce *hominum*. 22. Vrat. *nec magnum* — *excedere* i. e. *escendere*, Par. *ne*. 25. Vrat. *Aethereo et t.*, Par. *aethereos tantum*. 27. Vrat. Parm. *nitel*. 50. restitui omn. librorum lectionem *reversus*. 54. Vrat. *sacro*. 60. *habilesque*, quod est in libris, reposui.

Carm. III. 5. Servavi libr. lect. *peierante bello* et v. 6. *quāt*, bellum enim cogitatur foedera violare. 19. Vrat. Par. Parm. *calvum*, recepi *culmen*, quod editt. praebent. 20. Ingeniosissima est Markl. emendatio: *Hic coeno bibulo viam gravante* etc., sed paulum aliena a MSC. Vrat.: *scaevi populi vias gravatas*, Sen. *scenis his p. v. gravatas*, Parm. Ven. *saevis et senis*, Par. *coeno hic populeo vias gravatas*; v. 21. Vrat. Par. *detinentes, omne*. Legimus igitur:

*hic segnes populi vias gravatus
et campis iter omne detinentes;*

scriptum fuerat *secnis* pro *segnis*. 27. uno servavi ex libris, cf. vero II, 2, 15. v. 59. Vrat. *nisi devie vetarent*, Parm. *viliose — natarent*, Par. *nisi Lechiaē vetarent* (ad marg. *deviae*), Sen. *Conchreae nisi* (i. e. *nisi Cenchreae*). 67. Sen. *et fl*; 68. idem et Vrat. *ulnis*, i. e. *ulvis*. 71. Sen. *et sic talia*. 74. plerique *ripis*, Sen. *et ripis*. 81. scripsi *grales ago strictus atque tanti est*, quod nonnullae editt. habent, Vrat. *structusque*, Par. *strictusque*. 82. Pro *te iubente* Sen. Rom. *iam iubente*, Parm. omittit alterum *te*. 88. omnes libri *ne* — *obruat*. 99. Heinsium secutus lego *quantus nubila quo coronat Iris*, Vrat. *iris*, Sen. *Iri*. 101. Vrat. *excitus viator*. 151 et seq. *quos*. 159. Vrat. *annuesque*, Gronov. coniecit *abnuesque*, Par. *obviusque*, in marg. *annuel*.

Carm. IV. *Ad Victorium Marcellum epist.* omn. codd. 21. Vrat. Par. *ingeniue*, 31. *actos* et *Eleis*, 42. *querulique*, 45. *iuvēnis* in libris est; 47. *e abest*. 49. *vilae* libri omnes. 51. Par. *somno geniale*. 57. libr. omn. *sic* — *pergant*. 66. Vrat.

Sen. *tarde*. 72. Markl. secutus sum; in libris inesse videtur *magna gente dignus es, quem iam etc.* 76. *gloria* omn. libri. 79. Vrat. *Vesuius*, 85. *infata*; Markl. coniecit: *procul ista tibi sint fata, Teate*. 94. Par. Rom. *cantatur*. 102. Vrat. *tirintius*, haud displicet Grotii coniect: *nec enim retinentius almae pectus amicitiae*.

Carm. V. Vrat. *ode lyrica*; Par. Parm. *carmen lyricum ad Sept. Sev.* v. 9. reposui *veris*, quod plerique libri exhibent, fortasse *vere*, Par. habet *vero*. 24. Vrat. Sen. Par. *peramavit*, scripsi cum Markl. *decoravit*. 37. Sen. *nec mira*. 38. *vadosae* ex libri restitui. 42. Sen. Par. *raro*, quae vox in Vrat. deest. 43. Par. *universos*. 48. *deceant* servavi, 49. *frementi* et *hilaris* ex libris restitui. 60. Vrat. Par. *ingeminas*, Sen. *ingemina*.

Carm. VI. Cf. F. Handium, qui hoc carmen edidit et uberrimis commentariis instruxit singulari libello, Ienae MDCCCXLIX. — *Novii Vind.* retinuimus ex codd. (Salisb. Vrat.), alii *Nonii*, editi. solum *Vindicis* nomen exhibent. 6. Vrat. *a sole*, *sol* significat regiones calidiores. 13. Vrat. *loci*. 19. libri vitiose *genitumque habitumque*, *genius* significat *laetitia, deliciae, suavitates*. 23. Vrat. editi. *agnoscere*. 28. *iussum*, omisso *est*. 30. *illi* cum Handio, qui etiam vocis *desidia* notionem explicuit. 40. Vrat. *feres*. 43. *hoc spatium* cum Aldina, codd. *ac spatium* et *ac spatio*. 48. *solidus* recepi; Handius: „fortasse scripsit poeta *nec validus Brontes*.“ 53. *qualis et* codd. „Markl. coniectura *ab Oelacis* ne elegantiae quidem specie commendatur.“ Hand. 55. libri *mitis vultus*, nescio an *mitis vultu* legendum sit. *Hortatur* servandum est interpunctione mutata. 57. retinuimus antiquam lectionem; Markl. coniecturam non necessariam uberius refutavit Handius. 69. haud male Vrat. edit. pr. *examine laudum*. 74. libri *timuit*. 87. Vrat. Ald. *ornabat*. 98. temere coniecerat Markl. *tempora*. 105. *Scythiaeve* libri omnes.

Carm. VII. v. 1. Vrat. Par. *satiata*, Sen. *spatiata*. 11. vulg. *nunc* revocavi, fortasse legendum est: *nunc, maior sitis est, bib.* 46. Vrat. Par. Parm. *tuleras*.

Carm. VIII. Vrat. *gratulatio ad Iul. Menecr.*, Par. *ad I. M. ob prolem*; Parm. *congratulatio* etc. 15. *tremi* in libr., *fremi* ex Heinsii coniect. 19. Par. Vrat. *promisit*. 24. Vrat. editi.

mutata, Heinsius coniecit *mutata* vel *mutilata*, quod frigidius est. 40. libri *cantu signare*. 61. Par. Parm. Rom. *plena*.

Carm. IX. *Risus Saturn. ad Plot. Gr.*; Vrat.: *Hendecasyllabi ad P. G.* 13. *olent* cum Markl. 17. *sequentis* in libris. 24. *caesis* servandum putavi, 36. *oxyporumve*, 40. *olentes*, quod est in edit.

LIB. V.

Ad Abascantium. pars nulli etc. scripsimus omissis verbis *est et*, quae etiam in Vrat. Par. desunt. *otiosus* legitur in Vrat. et optime convenit.

Carm. I. Parm.: *epicedion in Priscillam Abascantii uxorem*. 17. constanter libri *volucris*, Vrat. *volveris* mendose. 19. omnes *nigra*. 32. *haec*, quod Markl. in textum recepit, abest a codd. 35. Vrat. *exsaliata*. 45. plerique *nuptumque*, cf. quod iudicat Weberus de posterioris aetatis poetarum usu; in Vrat. collat. Sillig. nihil notatum est, Handiana *nuptuque*. 52. Vrat. Par. *falsoque*. 76. Vrat. Par. Capil. *vanamque*, Markl. *navamque*, vulg. *rarumque*, cf. III, 3, 106. — 81. optima Markl. emendatio *quid auster* iam in Capil. legitur, ceteri vitiose *arcos*. 83. codd. *iubatis*, Ald. *subactis*. 84. *pondus* recte habet, Vrat. *ipsis*, Par. *tips*, literis transpositis. 91. Vrat. Capil. *refugo*. 92. Par. Capil. Parm. *laceras*, *lacer* est *sparsus*, Vrat. *lassas*. 93. Vrat. Par. *fumosa*. 95. ex emendatione Salmasii. 110. et 111. Heinsium secutus sum *certe* et *affuso* scribentem, libri *cenae* et *effuso*. 117. pler. *cunctata*. 127. Capil. *pauca*. 129. Vrat. Par. *durata*, quod etiam ferri potest, nam *et* est *et* adeo. 132. *in nube*, praepos. in nonnullis libris abest. 134. *vibrantem* ex libris restitui. 141. Vrat. *proturbet*, quod non displicet. 164. Vrat. *lumina*, Sen. *limina*. 170. Vrat. Sen. *error*, Capil. *horror*. 176. Capil. Par. *unanimem*. 177. libri *possim*. 181. *moesti* cum Markl. scripsi, Parm. *moestis*, Vrat. *montis*. 188. Vrat. Par. Capil. *videri*, Sen. Ven. *iuberi*. 190. *niteat* — *signet* ex libris. 205. forlasse *erectae* vel *rectae* scribendum est, Vrat. *erectae*, Capil. Parm. *recte*. 207. *mirandaque*, omnes libri consentiunt. 213. Vrat. *Palae stinis*; 214. Vrat. Par. *et allis*. 220. Markl. secutus scripsi *sordis*, in libr. *noctis*. 221. *fudere* in

libr. testante Gronov., Vrat. *fundente*. 222. *nascitur* in libr. 229. Par. *intrare*. 231. Vrat. Capil. Parm. *spirat*, Par. *sepit*. 241. Capil. Par. *atque alio*. 256. Vrat. Parm. *laxare*; Cap. Par. *aperire*.

Carm. II. Vrat. Parm. *laudes Crispini Vectii (Vettii) Bolani (Ddłani) filii*; Par. *protrepticon ad Crisp.* Capil. *ad Crisp.* v. 3. *et — velluntur*, 4. *guttas*, 11. *etiamne libri habent*; Par. Capil. *propinquis*, Vrat. *propinqui*. 18. lectio vulg. *trabeaque Remi* non multum abhorret a plerorumque librorum signis: *trabeque et rēgmis*, vel *trabeaeque remis* (Sen.); *nec recte*, nam Vrat. *ac*. 21. Vrat. Par. *iugera*. 27. Par. *te*. 39. *exerto*, libri hab. *exorto*, vulg. *extorto*; *exerto* est *aperto* oppos. *fraudibus*. 54. Vrat. *negantem*, Par. *natanem*, scripsi *nigrantem*. 58. libri *tibi talia*, emend. Markl. *bibe talia*. 61. *alio* ex libris, Sen. *altum mol*. 63. Vrat. Parm. *tenor*, Markl. ex coniect. *decor*. 68. Vrat. *corripuit*. 74. libri *tenens*, quod Barthius emendavit in *timens*, etiam seq. v. *modos*, quamquam Vrat. *domos*, Sen. *domum* habet. 81. Vrat. *libet*, ceteri *uivat*; Vrat. Capil. *mestoque precatu*. 102. *vibraret* optime in libris. 108. libri: *Dardaniusque senex*, quod obscurius. 110. nonnulli *tenebat*, pari errore ut v. 74. 110. Vrat. Par. *nec te*, Cap. *et*; Markl. *pro te*. 113. in ex libris restitui. 115. Vrat. Rom. Ven. *tendentem cursum*, Cap. Parm. *prendentem*. 116. Par. Cap. *minantem*. 117. *armatumque* omn. libri. 120. *puer flagr.* pro *patri* ex Markl. coniect. non displicet. 121. libri *leviore*, emend. Gronov. *breuiore*. 123. recepi Markl. emendationem *versantem — turmas*, libri fere omnes *vexantem — metas*, quod a Parthenopaeo Thebas obsidente alienum est. 129 seq. Markl. secutus sum. Cap. *flectet — quatet*. 130. Vrat. *quis tibi*. 131. Vrat. *nubigeras — arma*, *arma* etiam in Par. 134. Vrat. Par. *armis*. 137. Par. *gurgite*, pler. *umbroso*. 145. *vigiles* ex Markl. conii., Vrat. *vitae*, Par. *intas*; *aspicis* in libris. 149. Par. *vibrata*, Vrat. *tibraca*, unde bene emendatum est *thoraca*. 152. libri *optate*. 153. clare in libris *vias*. 154. *ipse* et si in libr., 160. *questus*. 166. plerique libri *cingitque* vel *cingetque*, Parm. *cingi*. 171. Cap. *intra*, id. 179. *includeret*.

Carm. III. *Epicedion in patrem; suum* a nonnullis libris omissum est. 3. Cap. Par. *movere*, Vrat. *moveri*. 10. *certe ser-*

vandum erat. 12. *verso et praeduxit* scripsi Heinsium secutus. 35. libri *hebetante*, Markl. coni. *trepidante*, Amit. *labante*. 38. libri nostri *stellatus*, vulg. *solatus*, neutrum quid significet perspicio. 41—46. missis Markl. coniecturis ubique optimorum librorum vestigia secutus scripsi *hic ego, si tibi, decerpas* (Cap.), *inserui, loci, sed, sume et, vulnera*. 54. Vrat. Par. (in margine) *vis nuda virum*. 55. cum Markl. *campo* dedi, libri *fossa*. 58. lib. *oculis*, 59. *praecinerem gemitum*. 61. lib. *atque tibi moresque*, quod haud facile intelligitur. 64. Par. *saeva*, Vrat. *aena*. 69. omnes *aliis*, praeterea Cap. *maior forte*. 71. libri *nec mihi*, 77. *supremo*. 79. Par. *servire*. 80. Vrat. Par. *morte*. 83. Vrat. *rauco* pro *trunco*, 85. *funere*. 86. nostri libri *dixit*. 88. *foeda* cum Markl. vulg. *fissa*, Vrat. Par. *fida*, uterque 90. *plangat*. 92. scripsimus *labor — campos* ex libris. 94. *cura lyrae* ex Gronov. coniect., omnes libri hoc loco vitiosi sunt. 96. libri *domos*. 104. librorum auctoritate rescripsi:

*Exere semirutos de subito pulvere vultus,
Parthenope, crinemque afflato monte sepulti etc.*


quod habet Vrat. *sepultum*, non convenit, neque displicet Heinsii *adustum* vel Markl. *adesum*. 109. Vrat. Par. *fama*, Parm. *famae*. 110. *tenens* recepi et *probabas* ex codd., utrumque probum est et latinum. 112. *praestrinxit*, quod vulgo legitur, expresse in Par., Vrat. et Parm. *praestat sed*, unde fecit Markl. *pressit sua*. 125. Par. Cap. *pendet in*. 129. scribendum est cum codd. *maior at inde suum longo probat ordine vitae* — sequitur lacuna, et in versu, qui sequi debebat, legebatur sine dubio primo loco *Parthenope*. 133. *atque ibi*; ut vox *ibi* (Neapoli) facilius intelligatur, versus 130—132 (*Maeonidem — falsi*) uncis includi possunt. 135. *festina sed ut dux*, quae sunt in libris, recte expulsa sunt. 138. *pugnae* restitui. 153. retinui *Ibycus*, lib. *obsitus* vel *oblitus*. 154. libri *saltusque ingressa viriles* et *Chalcide*. 161. *versibus* ex libris. 166. Capil. *spectatrix*. 170. Vrat. *ad te permissus*, Cap. *permixtus*. 171. Vrat. *domos*. 181. libri vitiose *monstatis aliis* vel — *halis*, 182. Parm. *auguribus*, ceteri *auguriis*. 183. ordinem verborum servavimus secundum libros. 194. Vrat. *stringebat*. 202. *concupis* et *fulmina* cum Markl. scripsi, libri *concinis* et *flumina*. 209. Vrat. *inotaque*

i. e. *ignota* pro *lustrata*. 211. secutus Gronov. *tantum* et *quam vos debere* (Capil.) scripsi; Domitii lectio *quantum ostendere* est in Par.: *quātū ostēdere*. 219. *qualis et ille dies qua* in libris legitur. 222. *athletes* Markl. 231—34. Markl. secutus sum, quum quae libri tradunt nec intelligere nec extricare queam. 251. Cap. *index*. 252. Par. Vrat. *tristem*. 258. Vrat. Cap. *labe*, 263. *novit*. 272. ex Vrat. restitui, id. 277. *aeternaque*.

Carm. IV. v. 8. restitui ex Vrat. *revisunt* sensu neutro accipiendum; 10. *spargit*, Vrat. *sparsit* et v. 14. *at nunc heus*. 19. Cap. Parm. *levior*, Vrat. *leviter*.

Carm. V. Imperfectum hoc carmen a Statio relictum esse recte monet Markl. 14. *carmina* revocavi, Vrat. *cineremque — crimina*. 18. Cap. *ligatum*. 20. quum codd. pro *flammas* habeant *malas*, Wakefieldus correxit: *carpere crudelem vidit lunagine malas*. 24. in libris lacuna est (inter), quam Gronovius explevit: *hoc quoque dum nilor*, ter d.; etiam v. 27. lacuna in libris est, quam Domitius explere voluit: *orsa dolor prohibet, atque*. 31. Vrat. *ramis nec eburno pollice ch.* et 33. *scindo*, quod utrumque probum videtur. 43. *vulneribus quae summa* recte Weberus ex Vrat. restituit. 45. nolui cum Markl. mutare librorum verba optima: *reddite opem saevasque exsolvite grates*, et in seqq. vestigia Vrat. et Capil. secutus scripsi:

*Nimirum nunc vestra domus ego funera moestus
Increpitans nunc damna dolens aliena repono
Infelix lacrimas et tristia carmina solvo.*

 In libris pro *solve* est *serva*. 52. Vrat. *moestum*. 66. libri *puppe*, Heinsius *pube*; 68. *nimirum* ex Markl. coniect., Vrat. *summum*. 70. *adspexi*, quod in libris est, non mutandum, pariter 71. *poscentemque*. 73. clare habet Cap. *artus*; 75. *ingratus* omnes libri. 80. Vrat. *Concupii* (Cap.) *primo gemitum qui protinus Implicui fixitque mihi*, Capil. *implevit*; ego scripsi: *non cupii; primo gemitum qui protinus ortu Implicui fixique mihi, cui verba sonosque monstravi, questusne et vulnera caeca resolvam?* i. e. ego qui implicui, fixi, monstravi, nonne questus resolvam? Nempe v. 82 omnes libri *vulnera resolvam* et in Vrat. *questus*... deficiente *ne*. 83. Markl. secutus sum, Vrat. *blandoque sinu*.

Ad *Achilleida* emendandam codices, quibus usus sum, hi sunt:

1) *Parisiensis*, n. 8051, olim Puteanus. Continet 65 foliis Thebaida et Achilleida inde a p. 59., duabus in quavis pagella columnis, paucissimis scribendi compendiis, membrana flavescente, literis per se satis distinctis, sed temporis iniuria iam iam evanescentibus; ex omnibus, qui in bibliotheca Par. asservantur, Achilleida continentibus libris optimus videtur Hasio, qui collationem fecit, et saeculo decimo scriptus.

2) *Gudeani* duo membr. fol. n. 52 et 54, Thebaida et Achilleida complectentes; collationem fecit Lenzius.

3) cod. *Rossianus* (Parmensis), cuius lectiones cum Lenzio communicavit Andresius, abbas Parm., scriptus est a. 1368, continet Theb. et Achill.

4) cod. *Dresdensis*, membr. in 4^o min., foliis XXIV prioribus Statii Achilleida, posterioribus vero XXVI Claudiani raptum Proserpinae complectens; nitide descriptus saeculo XIV; contulit cum Bipontina Passovius.

5) cod. *Oldenburgensis* chartac. fol., continet una Terentium, scriptus ut ex numero Terentio adpicto colligi potest, a. 1447, ex Italia in bibliothecam Oldenburg. delatus huius saeculi initio, cf. Beckii commentl. societ. phil. Lips. Vol. I, p. 370.

6) cod. *Dommerichii*, vide progr. Dommerichii, Wolfenbütteleae 1758.

7) cod. *Ratisbonensis* fol. LX, membr. saec. XIV.

8) cod. *Erfordensis* membr. saec. XIV. scriptus, collatio a Lenzio facta.

9) eod. *Helmstadiensis* saec. XV., lectionis varietatem a Wernsdorfio collectam exemplari suo adscripsit Handius.

11) cod. *Herelianus* (Herelii prof. olim Erfordensis), varias lectiones transscripsit Handius.

Quum alienum sit ab huius editionis ratione magnam librorum, quos nominavi, varietatem et discrepantiam enumerare, ad ea modo loca quid libri exhibeant notavimus, ubi vel a verbis editionis Bipontinae, quae ubique fere consentit cum Gronoviana, recessimus, vel ubi codd. lectionibus medelam aliquam et emendationem subesse putavimus.

Lib. I. v. 19. plerique libri *praejudat*, aliquot *praesudet*. 31. *mirentur*, alii *paratur*. 68. omnes *heuheu*, pro *pelagoque* Par. Ratb. Gud. *coeloque*. 78. fere omnes *rektor*. 97. nonnulli *conata* — *labores*. 104. *loci* cf. Gron. diatr. p. 391. — 110. Par. Ratb. Gud. 2. *locum*. 123. Par. *notaque*, falso ut videtur, cf. Gron. diatr. p. 510. — 129. plerique *non* = *nonne*. 148. libri fere omnes *tenuesque*, unus *teneres*. 149. *olim et ferre* scripsi, Par. habet: *olim efferre minas avideque audire solebat*, quod illud *et* recte legi probat. 154. in libris collocata sunt verba *et semel c. fl.* 176. duo *dispar* pro *longe*, quod glossema est. 179. nonnulli *spumantes*, plerique *novavit*. 185. quatuor *mulcet*; Par. Gud. 2. *attonitae varia oblectamina nectens*. 196. nonnulli *blandusque*, alii omittunt *se*. 202. *Macedum*, cf. silv. IV, 6, 106 et Handium ad h. l. 219. placet *ventosne*, quod in tribus codd. inveni, etiam v. anteced. nonnulli *natumne*. 231. emendavi *toto quae fulserat*. 249. *omnia versat*. 252. Par. *tulisset*. 278. alii *temptat*, alii *captat*. 300. pro *exempta* alii *excepta* vel *erepta*, et *pacetur* pro *placetur*. 306. Par. Gud. 1. Ratb. Erford. *impulsam* sc. *lucem*. 328. Gronovius *inplexos* legendum esse censet. 409. recte quatuor codd. *admolae*. 414. libri *domat*, de *Temese* vide Silv. I, 1, 42. — 463. deest in nonnullis Barthii libris, in nostris legitur. 466. omnes fere *contempsit*. 481. *prae-strinxerit* legendum est, nam erat invulnerabilis. 484. omnes fere viliose *pallentes*, duo *palantes*, nescio an *Pallenes* legendum sit, cf. silv. IV, 2, 56. 536. *amissis* ex libris; unus Barthii codex *emissis*, quod Weberus recepit. 540. omnes *si tua cura trahat*. 541. Par. Ratb. *aversae*, quod Barthius voluit. 543. quatuor *facundum*. 611. in libris *squalentia*, *pallentia*, *fallacia*. 638. aliquot *urgentia*, Rtb. *verentia* q. e. *urentia*.

Lib. II. 6. Par. alii *e celsa*. 37. nonnulli *terunt*, quod recepi. 48. plerique *his*. 56. pro *quaeras* omnes habent *nomen forte*, quod etiam Dubnerum verum ducit tenorem orationis a v. 56 incipiens. 73. tres *muto*, etiam a Gronovio diatr. p. 157 commendatum. 107. hic versus in omnibus nostris libris deest; post *bello* aposiopesis statuenda est. 114. in meis codd. *iunctos*, quod Dubn. affert, non inveni. 117. an *inrevocanda*? 120. nostri libri *aure trahentem*. 137. *his decor et ex libris* scripsi. 150. *Hennaeas* cf. Gronov. diatr. p. 582 et not.

179. fere omnes libri *caelatum pugnās*. 191. omnes *simili se*.
197. cf. Gron. diat. p. 305. 260. Par. Gud. *noles*. 308. omnes
et longo Scyros dis-(de) cedere ponto. 354. Par. Ratb. *inlicitis*
genialia rumpi. 379. inveni *his primum armis tendisse lacertos*
et — *his arma primum tendisse lacertis*. 382. Par. Gud. 1 *re-*
plantibus. 384. omnes *cibos*, duo *hausisse*. 386. Par. Ratb. *lu-*
pae. 418. Par. Gud. Ratb. Dresd. *contum*. 451. nostri omnes
biformes, nonnulli *placare*. 453. versus *spurius aura silet, pup-*
pis currens ad litora venit adscriptus est in Erford. Ratb. Dresd.
Domm.; unus *haec ait, et puppis* etc.

P. PAPINII STATII
S I L V A R U M
LIBRI V.

STATIUS. I.

Λ



TITULI SINGULORUM CARMINUM.

LIB. I.

- I. Equus maximus Domitiani.
- II. Epithalamion Stellae et Violantillae.
- III. Villa Tiburtina Manlii Vopisci.
- IV. Soteria Rutilii Gallici.
- V. Balneum Claudii Etrusci.
- VI. Kal. Decembres.

LIB. II.

- I. Glaucias Atedii Melioris delicatus.
- II. Villa Surrentina Pollii Felicis.
- III. Arbor Atedii Melioris.
- IV. Psittacus Melioris.
- V. Leo mansuetus Imperatoris.
- VI. Consolatio ad Flavium Ursum de amissione pueri delicati.
- VII. Genethliacon Lucani.

LIB. III.

- I. Hercules Surrentinus Pollii Felicis.
- II. Propempticon Metio Celeri.
- III. Consolatio ad Claudium Etruscum (alii: Lacrimae Cl. Etr.).
- IV. Capilli Flavii Earini.
- V. Ad Claudiam uxorem.

LIB. IV.

- I. XVII. Consulatus Imp. Aug. Germanici Domitiani.
- II. Eucharisticon ad Imp. Aug. Germanicum Domitianum.
- III. Via Domitiana.
- IV. Ad Victorium Marcellum epistola.
- V. Carmen lyricum ad Septimium Severum.

- VI. Hercules Epitrapezios Novii Vindicis.
- VII. Lyricum ad Maximum Iunium.
- VIII. Ad Iulium Menecratem ob prolem.
- IX. Risus Saturnalitius ad Plotium Gryphum.

LIB. V.

- I. Abascantii in Priscillam pietas.
 - II. Propempticon ad Crispinum.
 - III. Epicedion in patrem suum.
 - IV. Ad Somnum.
 - V. Epicedion in puerum suum.
-

P. PAPINII STATII
S I L V A R U M
L I B E R I.

AD STELLAM.

Diu multumque dubitavi, Stella iuvenis optime, et in studiis nostris eminentissime qua parte voluisti, an hos libellos, qui mihi subito calore et quadam festinandi voluptate fluxerunt, quum singuli de sinu meo prodiissent, congregatos ipse dimitterem. Quid enim? oportet huius quoque auctoritate editionis onerari, quod adhuc pro Thebaide mea, quamvis me reliquerit, timeo? Sed et Culicem legimus et Batrachomyomachiam etiam agnoscimus; nec quisquam est illustrium poetarum, qui non aliquid operibus suis stilo remissiore praeluserit. Quid? quod haec serum erat continere, quum illa vos certe, quorum honori data sunt, haberetis. Sed apud ceteros necesse est multum illis pereat ex venia, quum amiserint, quam solam habuerunt, gratiam celeritatis. Nullum enim ex illis biduo longius tractum, quaedam et singulis diebus effusa; quamvis metuo, ne verum istuc versus quoque ipsi de se probent. Primus libellus sacrosanctum habet testem: sumendum enim erat a Iove principium. Ceterum hos versus, quos in equum maximum feci, indulgentissimo imperatori postero die, quam dedicaverat opus, tradere iussus sum. Potuisti illud, dicet aliquis, et ante vidisse. Respondebis illi tu, Stella carissime; qui epithalamion tuum, quod mihi iniunxeras, scis biduo scriptum. Audacter mehercle; sed tamen CCLXXVII hexametros habet. Et fortasse tu pro collega mentieris. Manlius certe Vopiscus, vir eruditissimus et qui praecipue vin-

dicat a situ literas iam paene fugientes, solet ultro quoque nomine meo gloriari, villam Tiburtinam suam descriptam a nobis uno die. Sequitur libellus Rutilio Gallico convalescenti dedicatus; de quo nihil dico, ne videar defuncti testis occasione mentiri. Nam Claudii Etrusci testimonium est, qui balneolum a me suum intra moram coenae recepit. In fine sunt Kalendae Decembres, quibus utique creditur: noctem enim illam felicissimam habent et voluptatibus publicis inexpertam.

I. EQUUS MAXIMUS DOMITIANI.

Quae superinposito moles geminata colosso
Stat Latium complexa forum? Caelone peractum
Fluxit opus? Siculis an conformata caminis
Effigies lassum Steropem Brontemque reliquit?
An te Palladiae talem, Germanice, nobis
Effinxere manus, qualem modo frena tenentem
Rhenus et attoniti vidit domus ardua Daci?

Nunc age, fama prior notum per saecula nomen
Dardanii miretur equi, cui vertice sacro
Dindymon et caesis decrevit frondibus Ida.
Hunc neque discissis cepissent Pergama muris,
Nec grege permixto pueri innuptaeque puellae,
Ipse nec Aeneas nec magnus duceret Hector.
Adde, quod ille nocens saevosque amplexus Achivos;
Hunc mitis commendat eques. Iuvat ora tueri
Mixta notis belli placidamque gerentia pacem.
Nec veris maiora putes; par formâ decorque,
Par honor. Exhaustis Martem non altior armis
Bistonius portat sonipes magnoque superbit
Pondere, nec tardo raptus prope flumina cursu
Fumat et ingenti propellit Strymona flatu.

Par operi sedes. Hinc obvia limina pandit,
Qui fessis bellis assertae munere prolis
Primus iter nostris ostendit in aethera divis.
Discitur e vultu, quantum tu mitior armis,
Qui nec in externos facilis saevire furores
Das Cattis Dacisque fidem. Te signa ferente

Et minor in leges iret gener et Cato castris.
 At laterum passus hinc Iulia tecta tuentur,
 Illinc belligeri sublimis regia Pauli. 30
 Terga pater blandoque videt Concordia vultu.

Ipse autem puro celsum caput aere septus
 Tempa superfulges et prospectare videris,
 An nova contemptis surgant palatia flammis
 Pulchrius, an tacita vigilet face Troicus ignis 35
 Atque exploratas iam laudet Vesta ministras.
 Dextra vetat pugnās; laevam Tritonia virgo
 Non gravat et sectae praetendit colla Medusae,
 Ceu stimulis accendit equum. Nec dulcior usquam
 Lecta deae sedes, nec si, pater, ipse teneres. 40
 Pectora, quae mundi valeant evolvere curas,
 Et quis se totis Temese dedit hausta metallis,
 It tergo demissa chlamys. Latus ense quieto
 Securum; magnus quanto mucrone minatur
 Noctibus hibernis et sidera terret Orion. 45

At sonipes habitus animosque imitatus equestres
 Acrius attollit vultus cursumque minatur;
 Cui rigidis stant colla iubis vivusque per armos
 Impetus et tantis calcaribus ilia late
 Suffectura patent. Vacuae pro cespite terrae 50
 Aerea captivi crinem terit ungula Rheni.
 Hunc et Adrasteus visum extimuisset Arion,
 Et pavet adspiciens Ledaëus ab aede propinqua
 Cyllarus. Hic domini numquam mutavit habenas
 Perpetuus frenis, atque uni serviet astro. 55

Vix sola sufficiunt, insessaque pondere tanto
 Subter anhelat humus; nec ferro aut aere laborat,
 Sed genio, teneat quamvis aeterna crepido,
 Quae superingesti portaret culmina montis
 Coeliferique attrita genu durasset Atlantis. 60
 Nec longae traxere morae. Iuvat ipsa labores
 Forma dei praesens, operique intenta iuventus
 Miratur plus posse manus. Strepit ardua pulsu
 Machina: continuo septem per culmina multus
 It fragor et magnae vincit vaga murmura Romae. 65

Ipse loci custos, cuius sacrata vorago
 Famosusque lacus nomen memorabile servant,
 Innumeros aeris sonitus, et verberare crudo
 Ut sensit mugire forum, movet horrida sancto
 Ora situ meritaque caput venerabile quercu. 70
 Ac primum ingentes habitus lucemque coruscant
 Expavit maioris equi terque ardua mersit
 Colla lacu trepidans; laetus mox praeside viso:
 'Salve, magnorum proles genitorque deorum,
 Auditum longe numen mihi! Nunc mea felix, 75
 Nunc veneranda palus, quum te prope nosse tuumque
 Immortale iubar vicina sede tueri
 Concessum. Semel auctor ego inventorque salutis
 Romuleae: tu bella Iovis, tu proelia Rheni,
 Tu civile nefas, tu tardum in foedera montem 80
 Longo Marte domas. Quod si te nostra tulissent
 Saecula, temptasses me non audente profandos
 Ire lacu; sed Roma tuas tenuisset habenas.'
 Cedat equus, Latiae qui contra templa Diones
 Caesarei stat sede fori; — quem traderis ausus 85
 Pellaeo, Lisyppe, duci, mox Caesaris ora
 Aurata cervice tulit! — Vix lumine fesso
 Explore, quam longus in hunc despectus ab illo.
 Quis rudis usque adeo, qui non, ut viderit ambos,
 Tantum dicat equos, quantum distare regentes? 90
 Non hoc imbriferas hiemes opus aut Iovis ignem
 Tergeminum, Aeolii non agmina carceris horret
 Annorumve moras: stabit, dum terra polusque,
 Dum Romana dies. Huc et sub nocte silenti,
 Quum superis terrena placent, tua turba relicto 95
 Labetur coelo miscebitque oscula iuxta.
 Ibit in amplexus natus fraterque paterque
 Et soror; una locum cervix dabit omnibus astris.
 Utere perpetuum populi magnique senatus
 Munere. Apelleae cuperent te scribere cerae, 100
 Optassetque novo similem te ponere templo
 Atticus Elaei senior Iovis; et tua mitis
 Ora Taras, tua sidereas imitantia flammis

Lumina contempto mallet Rhodos aspera Phoebo.
 Certus ames terras et quae tibi templa dicamus, 105
 Ipse colas, nec te coeli iuuet aula, tuosque
 Laetus huic dono videas dare tura nepotes.

II. EPITHALAMION STELLAE ET VIOLANTILLAE.

Unde sacro Latii sonuerunt carmine montes?
 Cui, Paeon, nova plectra moves humeroque comanti
 Facundum suspendis ebur? Procul ecce canoro
 Demigrant Helicone deae, quatiuntque novena
 Lampade solennem thalamis coeuntibus ignem 5
 Et de Pieriis vocalem fontibus undam.
 Quas inter vultu petulans Elegia propinquat,
 Celsior assueto, divasque hortatur et ambit
 Alternum fultura pedem, decimamque videri
 Se cupit et medias fallit permixta sorores. 10
 Ipsa manu nuptam genitrix Aeneia ducit
 Lumina demissam et dulci probitate rubentem;
 Ipsa toros et sacra parat cinctuque Latino
 Dissimulata deam, crinem vultumque genasque
 Temperat atque nova gestit minor ire marita. 15
 Nosco diem causasque sacri. Te concinit iste —
 Pande fores! — te, Stella, chorus; tibi Phoebus et Evan
 Et de Maenalia volucer Tegeaticus umbra
 Serta ferunt. Nec blandus Amor, nec Gratia cessat
 Amplexum niveos optatae coniugis artus 20
 Floribus innumeris et olenti spargere nimbo.
 Tu modo fronte rosas, violis modo lilia mixta
 Excipis et dominae niveis a vultibus obstas.
 Ergo dies aderat Parcarum conditus albo
 Vellere, quo Stellae Violantillaeque professus 25
 Clamaretur hymen. Cedant curaeque metusque;
 Cessent mendaces obliqui carminis astus;
 Fama tace. Subiit leges et frena momordit
 Ille solutus amor: consumpta est fabula vulgi,
 Et narrata diu viderunt oscula cives. 30
 Tu tamen attonitus, quamvis data copia tantae
 Sortis, adhuc optas permissaque numine dextro

Est iuvenis, quem patritiis maioribus ortum
 Nobilitas gavisa tulit, praesagaque formae
 Protinus e nostro posuit cognomina coelo.
 Hunc egomet tota quondam — tibi dulce — pharetra
 Inprobus et densa trepidantem cuspidi fixi. 75
 Quamvis Ausoniis multum gener ille petitus
 Matribus, edomui victum dominaeque potentis
 Ferre iugum, et longos iussi sperare per annos.
 Ast illam summa leviter — sic namque iubebas —
 Lampade parcentes et inertī strinximus arcu. 80
 Ex illo quantos iuvenis premat anxius ignes,
 Testis ego, attonitus quantum me nocte dieque
 Urgentem ferat. Haud ulli vehementior umquam
 Incubui, genitrix, iterataque vulnera fixi.
 Vidi ego et inmiti cupidum decurrere campo 85
 Hippomenem, nec sic meta pallescit in ipsa.
 Vidi et Abydeni iuvenis certantia remis
 Brachia laudavique manus et saepe natanti
 Praeluxi; minor ille calor, quo saeva tepebant
 Aequora. Tu veteres, iuvenis, transgressus amores. 90
 Ipse ego te tantos stupui durasse per aestus,
 Firmavique animos blandisque madentia plumis
 Lumina deterſi. Quotiens mihi questus Apollo,
 Sic vatem moerere suum! Iam, mater, amatos
 Indulge thalamos. Noster comes ille piusque 95
 Signifer armiferos poterat memorare labores
 Claraque facta virum et torrentes sanguine campos;
 Sic tibi plectra dedit mitisque incedere vates
 Maluit et nostra laurum subtexere myrto.
 Hic iuvenum lapsus suaque, haud extrema, revolvit 100
 Vulnera. Pro quanta est Paphii reverentia, mater,
 Numinis! Hic nostrae deflevit fata columbae.
 Dixerat; et tenora matris cervice pendit
 Blandus et admotis tepefecit pectora pennis.
 Illa refert, vultu non aspernata rogari: 105
 'Grande quidem rarumque viris, quos ipsa probavi,
 Pierius votum iuvenis cupit. Hanc ego formae
 Egregium mirata decus, cui gloria patrum

Et generis certabat honos, tellure cadentem
 Excepi fovique sinu; nec colla genasque 110
 Comere nec pingui crinem deducere amomo
 Cessavit mea, nate, manus. Mihi dulcis imago
 Prosiluit. Celsae procul adspice frontis honorem
 Suggestumque comae. Latias metire, quid ultra
 Emineat matres; quantum Latonia nymphas 115
 Virgo premit; quantumque egomet Nereidas exto.
 Haec et caeruleis mecum consurgere digna
 Fluctibus et nostra potuit considerare concha;
 Et si flammiferas potuisset scandere sedes
 Hasque intrare domos, ipsi erraretis, Amores. 120
 Huic quamvis census dederim largita beatos,
 Vincit opes animo. Querimur iam Seras avaros
 Angustum spoliassse nemus Clymeneaque deesse
 Germina nec virides satis illacrimare sorores;
 Vellera Sidonio iam pauca rubescere tabo 125
 Raraque longaevis nivibus crystallae gelari.
 Huic Hermum fulvoque Tagum decurrere limo,
 — Nec satis ad cultus — huic Inda monilia Glaucum
 Proteaque atque omnem Nereida quaerere iussi.
 Hanc si Thessalicos vidisses, Phoebe, per agros, 130
 Erraret Daphne secuta. In litore Naxi
 Theseum iuxta foret haec. conspecta cubile,
 Gnosida desertam profugus liquisset et Evan.
 Quod nisi me longis placasset Iuno querelis,
 Falsas huic pennas et cornua sumeret aethrae 135
 Rector, in hanc vero cecidisset Juppiter auro.
 Sed dabitur iuveni, cui tu, mea summa potestas,
 Nate, cupis, thalami quamvis iuga ferre secundi
 Saepe neget moerens. Ipsam iam cedere sensi
 Inque vicem tepuisse viro.' Sic fata levavit 140
 Sidereos artus thalamique egressa superbum
 Limen Amyclaeos ad frena citavit olores.
 Iungit Amor laetamque vehens per nubila matrem
 Gemmato temone sedet. Iam Tibridis arces
 Iliacae; pandit nitidos domus alta penates, 145
 Claraque gaudentes plauserunt limina cygni.

Digna deae sedes nitidis nec sordet ab astris.
 Hic Libycus Phrygiusque silex, hic dura Laconum
 Saxa virent; hic flexus onyx et concolor alto
 Vena mari rupesque nitent, quis purpura saepe 150
 Oebalis et Tyrri moderator livet aheni.
 Pendent innumeris fastigia nixa columnis;
 Robora Dalmatico lucent satiata metallo.
 Excludunt radios silvis demissa vetustis
 Frigora, perspicui vivunt in marmore fontes. 155
 Nec servat natura vices. Hic Sirius alget,
 Bruma tepet, versumque domus sibi temperat annum.
 Exultat visu tectisque potentis alumnae
 Non secus alma Venus, quam si Paphon aequore ab alto
 Idaliasque domos Erycinaque templa subiret. 160
 Tunc ipsam solo reclinem affata cubili:
 'Quonam hic usque sopor vacuique modestia lecti,
 O mihi Laurentes inter dilecta puellas?
 Quis morum fideique modus? Numquamne virili
 Submittere iugo? Veniet iam tristior aetas. 165
 Exerce formam et fugientibus utere donis.
 Non ideo tibi tale decus vultusque superbos
 Meque dedi, viduos ut transmittare per annos
 Ceu non cara mihi. Satis o nimiumque priores
 Despexisse procos. At enim hic tibi sanguine toto 170
 Deditus unam omnes inter miratur amatque,
 Nec formae nec stirpis egens: nam docta per urbem
 Carmina qui iuvenes, quae non didicere puellae?
 Hunc et bisseuos — sic indulgentia pergat
 Praesidis Ausonii — cernes attollere fascēs 175
 Ante diem; certe iam nunc Cybeleia novit
 Limina et Euboicae carmen legit ille Sibyllae.
 Iamque parens Latius, cuius praenoscerē mentem
 Fas mihi, purpureos habitus iuvenique curule
 Indulgebit ebur Dacasque — quae gloria maior? — 180
 Exuvias laurosque dabit celebrare recentes.
 Ergo age, iunge toros atque otia deme iuventae.
 Quas ego non gentes, quae non face corda iugavi?
 Alituum pecudumque mihi durique ferarum

- Non renuere greges; ipsum in conubia terrae 185
 Aethera, quum pluviis rarescunt nubila, solvo.
 Sic rerum series mundique revertitur aetas.
 Unde novum Troiae decus ardentumque deorum
 Raptorem, Phrygio si non ego iuncta marito,
 Lydius unde meos iterasset Tibris Iulòs? 190
 Qui septemgeminæ posuisset moenia Romae
 Imperii Latiale caput, nisi Dardana furto
 Cepisset Martem, nec me prohibente, sacerdos?
 His mulcet dictis tacitumque inspirat honorem
 Conubii. Redeunt animo iam vota precesque 195
 Et lacrimae vigilesque viri prope limina questus,
 Asteris et vatis, totam cantata per urbem,
 Asteris ante dapes, nocte Asteris, Asteris ortu,
 Quantum non clamatus Hylas: iamque aspera coepit
 Flectere corda libens et iam sibi dura videri. 200
 Macte toris, Latios inter placidissime vates,
 Quod durum permensus iter coeptique laboris
 Prendisti portus. Nitidae sic transfuga Pisae
 Amnis in externos longe flammatus amores
 Flumina demerso trahit intemerata canali, 205
 Donec Sicanios tandem prolatus anhelò
 Ore bibat fontes; miratur dulcia Nais
 Oscula, nec credit pelago venisse maritum.
 Quis tibi tunc alacri coelestium munere claro,
 Stella, dies? Quanto salierunt pectora voto! 210
 Dulcia quum dominae dexter conubia vultus
 Annuit, ire polo nitidosque errare per axes
 Visus. Amyclaeis minus exultavit arenis
 Pastor, ad Idaeas Helena veniente carinas.
 Thessala nec talem viderunt Peleia Tempe, 215
 Quum Thetin Aemoniis Chiron accedere terris
 Erecto prospexit equo. Quam longa morantur
 Sidera! Quam segnis votis aurora mariti!
 At procul ut Stellae thalamos sensere parari
 Latous vatum pater et Semeleius Evan, 220
 Hic movet Ortygia, movet hic rapida agmina Nysa.
Huic Lycii montes gelidaeque umbracula Thymbrae

Et Parnassus honos: illi Pangea resultant
 Ismaraque et quondam genialis litora Naxi.
 Tunc caras iniere fores, comitique canoro 225
 Hic chelyn, hic flavam maculoso nebrida tergo,
 Hic thyrsos, hic plectra ferunt. Hic enthea lauro
 Tempora, Minoa crinem premit ille corona.

Vixdum emissa dies, et iam socialia praesto
 Omina, iam festa fervet domus utraque pompa. 230
 Fronde virent postes, effulgent compita flammis,
 Et pars immensae gaudet celeberrima Romae.

Omnis honos, cuncti veniunt ad limina fascēs,
 Omnis plebeio teritur praetexta tumultu;
 Hinc eques, hinc iuvenum coetu stola mixta laborat. 235

Felices utrosque vocant, sed in agmine plures
 Invidere viro. Iamdudum poste reclinis
 Quaerit Hymen thalamis intactum dicere carmen,
 Quo vatem mulcere queat. Dat Iuno verenda
 Vincula, et insignes geminat Concordia taedas. 240

Hic fuit ille dies: noctem canat ipse maritus!
 Quantum nosse licet, sic victa sopore doloso
 Martia fluminea posuit latus Ilia ripa.
 Non talis niveos strinxit Lavinia vultus,
 Quum Turno spectante rubet; non Claudia talis 245
 Respexit populos mota iam virgo carina.

Nunc opus, Aonidum comites tripodumque ministri,
 Diversis certare modis. Eat enthea vittis

Atque hederis redimita cohors, ut pollet ovari
 Quisque lyra. Sed praecipue qui nobile gressu 250

Extremo fraudatis opus, date carmina festis
 Digna toris. Hunc ipse choro plaudente Philetas
 Callimachusque senex Umbroque Propertius antro
 Ambissent laudare diem, nec tristis in ipsis
 Naso Tomis divesque foco lucente Tibullus. 255

Me certe non unus amor simplexque canendi
 Causa trahit. Tecum similes iunctaeque Camoenae,
 Stella, mihi, multumque pares bacchamur ad aras
 Et sociam doctis haurimus ab amnibus undam.

At te nascentem gremio mea prima recepit 260

Parthenope, dulcisque solo tu gloria nostro
 Reptasti. Nitidum consurgat ad aethera tellus
 Eubois, et pulchra tumeat Sebetos alumna.
 Nec sibi sulfureis Lucrinae Naides antris
 Nec Pompeiani placeant magis otia Sarni. 265
 Eia age, praeclaros Latio properate nepotes,
 Qui leges, qui castra regant, qui carmina ludant.
 Acceleret partu decimum bona Cynthia mensem.
 Sed parcat Lucina precor. Tuque ipse parenti
 Parce, puer, ne mollem uterum, ne stantia laedas 270
 Pectora; quumque tuos tacito natura recessu
 Formarit vultus, multum de patre decoris,
 Plus de matre feras. At tu, pulcherrima forma
 Italidum, tandem merito possessa marito,
 Vincula diu quaesita fove. Sic damna decoris 275
 Nulla tibi; longe virides sic flore iuventae
 Perdurent vultus, tardeque haec forma senescat.

III. VILLA TIBURTINA MANLII VOPISCI.

Cernere facundi Tibur glaciale Vopisci
 Si quis et inserto geminos Aniene penates,
 Aut potuit sociae commercia noscere ripae
 Certantesque sibi dominum defendere villas,
 Illum nec calido latravit Sirius astro, 5
 Nec gravis adspexit Nemees frondentis alumnus:
 Talis hiems tectis, frangunt sic improba solem
 Frigora, Pisaenumque domus non aestuat annum.
 Ipsa manu tenera fertur scripsisse voluptas.
 Tunc Venus Idaliis unxit fastigia succis 10
 Permulsitque comis blandumque reliquit honorem
 Sedibus, et volucres vetuit discedere natos.
 O longum memoranda dies! quae mente reporto
 Gaudia, quam lassos per tot miracula visus!
 Ingenium quam mite solo! quae forma beatis 15
 Arte manus concessa locis! Non largius usquam
 Indulsit natura sibi. Nemora alta citatis
 Incubuerunt vadis; fallax responsat imago
 Frondibus, et longas eadem fugit unda per umbras.

Ipse Anien — miranda fides — infraque superque 20
 Saxeus, hic tumidam rabiem spumosaque ponit
 Murmura, ceu placidi veritus turbare Vopisci
 Pieriosque dies et habentes carmina somnos.
 Litus utrumque domi, nec te mitissimus amnis
 Dividit. Alternas servant praetoria ripas 25
 Non externa sibi fluviumve obstare queruntur.

Sestiacos nunc fama sinus pelagusque natatum
 lactet et audaci iunctos delphinas ephebo!
 Hic aeterna quies, nullis hic iura procellis,
 Numquam fervor aquis. Datur hic transmittere visus 30
 Et voces et paene manus. Sic Chalcida fluctus
 Expellunt fluvii, sic dissociata profundo
 Bruttia Sicanium circumspicit ora Pelorum.

Quid primum mediumve canam, quo fine quiescam?
 Auratasne trabes, an Mauros undique postes, 35
 An picturata lucentia marmora vena
 Mirer, an emissas per cuncta cubilia nymphas?
 Huc oculis, huc mente trahor. Venerabile dicam
 Lucorum senium? te, quae vada fluminis infra
 Cernis, an ad silvas quae respicis, aula, tacentes? 40
 Qua tibi tota quies, offensaque turbine nullo
 Nox silet et nigros imitantia murmura somnos?
 An quae graminea suscepta crepidine fumant
 Balnea et inpositum ripis argentibus ignem?
 Quaque vaporiferis iunctus fornacibus amnis 45
 Ridet anhelantes vicino flumine nymphas?

Vidi artes veterumque manus variisque metalla
 Viva modis. Labor est auri memorare figuras,
 Aut ebur aut dignas digitis contingere gemmas,
 Quidquid et argento primum vel in aere Myronis 50
 Lusit et enormes manus est experta colossos.
 Dum vagor ad aspectu visusque per omnia duco,
 Calcabam necopinus opes. Nam splendor ab alto
 Defluus et nitidum referentes aera testae
 Monstravere solum; varias ubi picta per artes 55
 Gaudet humus superatque novis asarota figuris.
 Expavere gradus. Quid nunc ingentia mirer,

Aut quid partitis distantia tecta trichoris?
 Quid te, quae mediis servata penatibus arbor
 Tecta per et postes liquidas emergis in auras? 60
 Quo non sub domino saevas passura bipennes?
 Et nunc ignaro forsán vel lubrica Nais,
 Vel non abruptos tibi demet Hamadryas annos.
 Quid referam alternas gemino super aggere mensas
 Albentesque lacus altosque in gurgite fontes? 65
 Teque, per obliquum penitus quae laberis amnem,
 Marcia, et audaci transcurris flumina plumbo?
 An solum Ioniis sub fluctibus Elidis amnem
 Dulcis ad Aetnaeos deducit semita portus?
 Illis ipse antris Anienus fonte relicto 70
 Nocte sub arcana glaucos exutus amictus
 Huc illuc fragili prosternit pectora musco,
 Aut ingens in stagna cadit vitreasque natatu
 Plaudit aquas; illa recubat Tiburnus in umbra,
 Illic sulfureos cupit Albula mergere crines. 75
 Haec domus, Egeriae nemoralem abiungere Phoeben
 Et Dryadum viduare choris argentia possit
 Taygeta et silvis arcessere Pana Lycaeis.
 Quod ni templa darent alias Tirynthia sortes,
 Et Praenestinae poterant migrare sorores. 80
 Quid bifera Alcinoi laudem pomaria vosque,
 Qui numquam vacui prodistis in aethera, rami?
 Cedant Telegoni, cedant Laurentia Turni
 Iugera Lucrinaeque domus litusque cruenti
 Antiphatae; cedant vitreae iuga perfida Circes 85
 Dulichiis ululata lupis arcesque superbae
 Anxuris et sedes, Phrygio quas mitis alumno
 Debet anus; cedant, quae te iam solibus arctis
 Antia nimbose revocabunt litora bruma.
 Scilicet hic illi meditantur pondera mores; 90
 Hic premitur foecunda quies virtusque serena
 Fronte gravis sanusque decor luxuque carentes
 Deliciae, quas ipse suis digressus Athenis
 Mallet deserto senior Gargettius horto.
 Haec per et Aegeas hiemes Pliadumque nivolum 95

Sidus et Oleniis dignum petiisse sub astris,
 Si Maleae credenda tratis Siculosque per aestus
 Sit via. Cur oculis sordet vicina voluptas?
 Hic tua Tiburtes Faunos chelys et iuvat ipsum
 Alciden dictumque lyra maiore Catillum; 100
 Seu tibi Pindaricis animus contendere plectris,
 Sive chelyn tollas heroa ad robora, sive
 Liventem satiram nigra rubigine turbes,
 Seu tua non alia splendet epistola cura.
 Digne Midae Croesique bonis et Perside gaza, 105
 Macte bonis animi! culus stagnantia rura
 Debuit et flavis Hermas transcurrere ripis
 Et limo splendente Tagus. Sic docta frequentes
 Otia, sic omni detersus pectora nube
 Finem Nestoreae precor egrediare senectae. 110

IV. SOTERIA RUTILII GALLICI.

Estis, io, superi, nec inexorabile Clotho
 Volvit opus. Videt alma pios Astraea Iovique
 Conciliata redit, dubitataque sidera cernit
 Gallicus. Es caelo, dis es, Germanico, cordi,
 Quis neget? Erubuit tanto spoliare ministro 5
 Imperium fortuna tuum. Stat proxima cervix
 Ponderis immensi damnosaeque fila senectae
 Exuit atque alios mellor revirescit in annos.
 Ergo alacres, quae signa colunt urbana, cohortes,
 Inque sinum quae saepe tuum fora turbida questu 10
 Confugiunt, leges urbesque ubicumque togatae,
 Quae tua longinquis inplorant iura querellis,
 Certent laetitia, nosterque ex ordine collis
 Confremat, et sileant peioris murmura famae!
 Quippe manet longumque aevo redeunte manebit, 15
 Quem penes intrepidae mitis custodia Romae.
 Nec tantum induerint fatis nova saecula crimen,
 Aut instaurati peccaverit ara Terenti.

Ast ego nec Phoebum, quamquam mihi surda sine illo
 Plectra, nec Aonias decima cum Pallade divas, 20
 Aut mitem Tegeae Dircesve hortabor alumnum:

Ipse veni viresque novas animumque ministra,
 Qui caneris; docto nec enim sine numine tantus
 Ausoniae decora ampla togae centumque dedisti
 Iudicium mentemque viris. Licet enthea vatis 25
 Excludat Pimplea sitim, nec conseia detur
 Pirene, largos potior mihi gurgeres in haustus,
 Qui rapitur de fonte tuo, seu plana solutis
 Quum struis orsa modis, seu quum tibi dulcis in artem
 Frangitur et nostras curat facundia lages. 30

Quare age, si Cereri sua dona merumque Lyaeo
 Reddimus, et dives praedae tamen accipit omni
 Exuvias Diana tholo captivaque tela
 Bellipotens; nec tu, quando tibi, Gallice, maius
 Eloquium, fandique opibus sublimis abundas, 35
 Sperne coli tenuiore lyra. Vaga cingitur astris
 Luna, et in oceanum rivi cecidere minores.

Quae tibi sollicitus persolvit praemia morum
 Urbis amor? Quae tum patrumque equitumque notavi
 Lumina et ignarae plebis lugere potentes? 40
 Non labente Numa timuit sic curia felix,
 Pompeio nec celsus eques, nec femina Bruto
 Hoc illud: tristes invitum audire catenas,
 Parcere verberibus, nec qua iubet alta potestas
 Ire, sed armatas maltum sibi demere vires, 45
 Dignarique manus humiles et verba precantum;
 Reddere iura foro, nec proturbare curules
 Et ferrum mulcere toga. Sic itur in alta
 Pectora, sic mixto reverentia fidi amor.

Ipsa etiam cunctos gravis inclementia fati 50
 Terruit et subiti praecepta juvenile pericli,
 Nil cunctante malo. Non illud culpa senectae,
 Quippe ea bisseis vixdum orsa excedere lustris
 Sed labor intendens animique in membra vigentis
 Imperium vigilesque suo pro Caesare curae, 55
 Dulce opus. Hinc fessos penitus subrepsit in artus
 Insidiosa quies et pigrae oblivio vitae.

Tunc deus, Alpini qui iuxta culmina dorsi
 Signat Apollineos sancto cognomine lucos,

Respicit, heu tanti pridem securus alumni! 60
 Praegressusque moras: 'Huc mecum, Epidauria proles,
 Huc, alti gaudens: datur aggredienda facultas
 Ingentem recreare virum. Teneamus adorti
 Tendentes iam fila colos; nec fulminis atri
 Sit metus; has ultro laudabit Iuppiter artes: 65
 Nam neque plebeiam aut dextro sine numine cretam
 Servo animam. Atque adeo breviter, dum tecta subimus,
 Expediam. Genus ipse suis, praemissaque retro
 Nobilitas; nec origo latet; sed luce sequente
 Vincitur et magno gaudet cessisse nepoti. 70
 Prima togae virtus; illud quoque clarus et ingens
 Eloquio; mox innumeris exeroita castris
 Occiduas primasque domos et sole sub omni
 Permeruit iurata manus; nec in otia pacis
 Permissum laxare animos ferrumque recingi. 75
 Hunc Galatia vicens ausa est incessere bello,
 Hunc quoque perque novem timuit Pamphylia messes
 Pannoniusque ferox arcumque horrenda fugaci
 Armenia et patiens Latii iam pontis Araxes.
 Quid geminos fascos magnaeque iterata revolvam 80
 Iura Asiae? Velit illa quidem ter habere quaterque
 Hunc sibi; sed revocant fasti maiorque curulis
 Nec promissa semel. Libyci quid mira tributis
 Obsequia et missum media de pace triumphum
 Laudem et opes tantas? Nec qui mandaverat ausus 85
 Expectare fuit! Gaudet Trasimenus et Alpes
 Cannensesque animae; primusque insigne tributum
 Ipse palam lacera postcebat Regulus umbra.
 'Non vacat Arctos acies Rhenumque rebellem
 Captivaeque preces Veledae et, quae maxima nuper 90
 Gloria, depositam Dacis pereuntibus urbem
 Pandere, quum tanti lectus rectoris habenas,
 Gallice, fortuna non admirante subisti.
 Hunc igitur, si digna loquor, rapiamus iniquo,
 Nate, Iovi. Rogat hoc Latiae pater inclitus urbis, 95
 Et meruit, neque enim frustra mihi nuper honora
 Carmina patritio pueri sonuistis in ostro.

Si qua salutifero gemini Chironis in antro
 Herba, tholo quodcumque tibi Troiana recondit
 Pergamus aut medicis felix Epidaurus arenis 100
 Educat, Idaea profert quam Creta sub umbra
 Dictamni florentis opem, quoque anguis abundat
 Spumatu —: iungam ipse manus atque omne benigne
 Virus, odoriferis Arabum quod doctus in arvis
 Aut Amphrysiaco pastor de gramine carpsi. 105

Dixerat. Inveniunt positos iam segniter artus
 Pugnantemque animam; ritu se cingit uterque
 Paeonio, monstrantque simul parentque volentes,
 Donec letiferas vario medicamine pestes
 Et suspecta mali ruperunt nubila somni. 110
 Adiuvat ipse deos morboque valentior omni
 Occupat auxilium. Citius non arte refectus
 Telephus Haemonia, nec quae metuentis Atridae
 Saeva Machaonio coierunt vulnera succo.

Quis mihi tot coetus inter populique patrumque 115
 Sit curae votique locus? Tamen ardua testor
 Sidera teque, pater vatum Thymbraee, quis omni
 Luce mihi, quis nocte timor, dum postibus haerens
 Assiduus nunc aure vigil nunc lumine cuncta
 Auguror; immensae veluti connexa carinae 120
 Cymba minor, quum saevit hiems, pro parte furentes
 Parva receptat aquas et eodem volvitur austro.

Nectite nunc laetae candentia fila, sorores,
 Nectite! Nemo modum transmissi computet aevi,
 Hic vitae natalis erit. Tu Troica dignus 125
 Saecula et Euhoici transcendere pulveris annos
 Nestoreosque situs! Qua nunc tibi pauper acerra
 Digna litem? Nec si vacuet Mevania valles,
 Aut praestent niveos Clitumna novalia tauros,
 Sufficiam. Sed saepe deis hos inter honores 130
 Cespes et exiguo placuerunt farra salino.

V. BALNEUM CLAUDII ETRUSCI.

Non Helicon gravi pulsat chelys enthea plectro,
 Nec lassata voco totiens mihi numina, Musas;

Et te, Phoebe, choris et te dimittimus, Evan;
 Tu quoque muta ferae, volucer Tegeae, sonora
 Terga premas: alios poscunt mea carmina coetus. 5
 Naidas, undarum dominas, regemque corusci
 Ignis adhuc fessum Siculaque incude rubentem
 Elicuisse satis. Paulum arma nocentia, Thebae,
 Ponite: dilecto volo lascivire sodali.
 Iunge, puer, cyathos et enumerare labora 10
 Cunctantemque intende chelyn; diaccede laborque
 Curaque, dum nitidis canimus gemmantia saxis
 Balnea, dumque procer myrtis hederisque soluta
 Fronte verecundo Clío mea ludit Etrusco.
 Ite, deae virides, liquidosque advertite vultus 15
 Et vitreum teneris crinem redimite corymbis,
 Veste nihil tectae, quales emergitis altis
 Fontibus et visu Satyros torquetis amantes.
 Non vos, quae culpa decus infamastis aquarum,
 Sollicitare iuvat; procul hinc et fonte doloso 20
 Salmacis et viduae Cebrenidos arida luctu
 Flumina et Herculei praedatrix cedat alumni.
 Vos mihi, quae Latium septenaque culmina, nymphae,
 Incolitis Tibrimque novis attollitis undis,
 Quas praeceps Anien atque exceptura natatus 25
 Virgo iuvat Marsasque nives et frigora ducens
 Martia, praecelsis quarum vaga molibus unda
 Crescit et innumero pendens transmittitur arcu, —
 Vestrum opus aggredimur, vestra est, quam carmine molli
 Pando, domus. Non umquam aliis habitastis in antris 30
 Ditiis. Ipsa manus tenuit Cytherea mariti
 Monstravitque artes; neu vilis flamma caminos
 Ureret, ipsa faces volucrum succendit amorum.
 Non huc admissae Thasos aut undosa Carystos;
 Moeret onyx longe, queriturque exclusus ophites, 35
 Sola nitet flavis Nomadum decisa metallis
 Purpura, sola cavo Phrygiae quam Synados antro
 Ipse cruentavit maculis liventibus Attys,
 Quasque Tyrus niveas secat et Sidonia rupes.
 Vix locus Eurotae, viridis quum regula longo 40

Synada distinctu variat. Non lumina cessant,
 Effulgent camerae, vario fastigia vitro
 In species animosque nitent. Stupet ipse beatas
 Circumplexus opes et parcius imperat ignis.
 Multus ubique dies, radiis ubi culmina totis 45
 Perforat atque alio sol improbus, unitur aestu.
 Nil ibi plebeium; nusquam Temesaea notabis
 Aera, sed argento felix propellitur, unda
 Argentoque cadit labrisque nitentibus instat
 Delicias mirata suas et abire recusat. 50
 Extra autem niveo qui margine caeruleus amnis
 Vivit et in summum fundo patet, omnis ab imo,
 Cui non ire lacu pigrosque exsolvere amictus
 Suadeat? Hoc mallet nasqi Cytherea profundo,
 Hic te perspicuum melius, Narcisse, videres, 55
 Hic velox Hecate velit et depresso lavari.
 Quid nunc strata solo referam tabulata crepantes
 Auditura pilas, ubi languidus ignis inerrat
 Aedibus et tenuem volvunt hypocausta vaporem?
 Nec si Baianis veniat novus hospes, ab oris, 60
 Talia despiciat — fas sit componere magnis
 Parva —, Neronea nec qui modo lotus in unda,
 Hic iterum sudare neget. Macte, oro, nitenti
 Ingenio curaque, puer; tecum ista senescant,
 Et tua iam melior discat fortuna renasci. 65

VI. KAL. DECEMBRES.

Et Phoebus pater et severa Pallas
 Et Musae procul ite feriatae;
 Iani vos revocabimus Kalendis.
 Saturnus mihi compede exsoluta,
 Et multo gravidus mero December 5
 Et ridens iocus et sales protervi
 Adsint, dum refero diem beatam
 [Laeti Caesaris ebriamque noctem].
 Vix aurora novos movebat ortus,
 Iam bellaria adorea pluebant. 10
 Hunc rorem veniens profudit eurus,

Quidquid nobile Ponticis nucetis	
Fœcundis cadit aut iugis Idumes,	
Quod ramis pia germinat Damascus,	
Et quas percoquit Ebosia cannas,	15
Largis gratuitum cadit rapinis.	
Molles caseoli lacunculique,	
Et massis Amerina non perustis	
Et mustaceus et latente palma	
Praegnantès caryotides cadebant.	20
Non tantis Hyas inserens nimbis	
Terras obruit aut soluta Pleias,	
Quali per cuneos hiems Latinos	
Plebem grandine concutit serenam.	
Ducat nubila Iuppiter per orbem	25
Et latis pluvias minetur agris,	
Dum nostri Iovis hi ferantur imbres.	
Ecce autem caveas subit per omnes	
Insignis specie decora cultu	
Plebes altera, non minor sedente.	30
Hi panaria candidasque mappas	
Subvectant epulasque lautiores;	
Illi marcida vina largiuntur:	
Idaeos totidem putes ministros.	
Orbem, qua melior severiorque est,	35
Et gentes alis insimul togatas;	
Et quum tot populos beata pascas,	
Hunc, Annona, diem superba nescis.	
I nunc saecula compara, Vetustas,	
Antiqui Iovis aureumque tempus:	40
Non sic libera vina tunc fluebant,	
Nec tardum seges occupabat annum.	
Una vescitur omnis ordo mensa,	
Parvi femina, plebs, eques, senatus;	
Libertas reverentiam remisit.	45
Et tu quin etiam — quis huc vocare,	
Quis promittere possit hoc deorum? —	
Nobiscum socias dapes inisti.	
Iam se, quisquis is est inops, beatus	

Convivam ducis esse gloriatur.	50
Hos inter fremitus novosque luxus,	
Spectandi levis effugit voluptas.	
Siat sexus rudis insciusque ferri	
Et pugnas capit improbus viriles.	
Credas ad Tanaim ferumve Phasin	55
Thermodontiacas calere turmas.	
Hic audax subit ordo pamilonum;	
Quos natura brevi statu peractos	
Nodosum semel in globum ligavit.	
Edunt vulnere conseruntque dextras	60
Et mortem sibi, qua manu minantur.	
Ridet Mars pater et cruenta virtus;	
Casuraeque vagis grues rapinis	
Mirantur pumilos ferociores.	
Iam noctis propioribus sub umbris	65
Dives sparsio quos agit tumultus!	
Huc intrant faciles emi puellae,	
Hic agnoscitur omne, quod theatris	
Aut forma placet aut probatur arte.	
Hoc plaudunt grege Lydiae tumentes,	70
Illo cymbala tinnulaeque Gades;	
Illic agmina confremunt Syrorum,	
Hic plebs scenica quique comminutis	
Permutant vitreis gregale sulfur.	
Inter quae subito cadunt volatu	75
Inmensae volucrum per astra nubes,	
Quas Nilus sacer horridusque Phasis,	
Quas udo Numidae legunt sub austro.	
Desunt qui rapiant, sinusque pleni	
Gaudent, dum nova lucra comparantur.	80
Tollunt innumeras ad astra voces,	
Saturnalia principis sonantes,	
Et dulci dominum favore clamant:	
Hoc solum vetuit licere Caesar.	
Vixdum caerulea nox subibat orbem,	85
Descendit media nitens arena	
Densas flammeus orbis inter umbras,	

Vincens Gnosiacae facem coronae.

Collucet polus ignibus nihilque

Obscurae patitur licere nocti.

90

Fugit pigra Quies, inersque Somnus

Haec cernens alias abit in urbes.

Quis spectacula, quis iocos licentes,

Quis convivia, quis dapes inemptas,

Largi flumina quis canat Lyaei?

95

· lamiam deficio tuoque Baccho

In serum trahor ebrius soporem.

Quos ibit procul hic dies per annos!

Quam nullo sacer exolescet aevo!

Dum montes Latii paterque Tibris,

100

Dum stabit tua Roma dumque terris,

Quod reddis, capitolium manebit.

P. PAPINII STATII
S I L V A R U M
L I B E R II.

AD MELIOREM ATEDIUM.

Et familiaritas nostra, qua gaudeo, Melior, vir optime nec minus in iudicio literarum quam in omni vitae colore tersissime, et ipsa opusculorum, quae tibi trado, conditio sic posita est, ut totus hic alter liber meus etiam sine epistola expectetur. Primum enim habet Glauciam nostrum, cuius gratissimam infantiam, et qualem plerumque infelices sortiuntur, apud te complexus amabam. Iam vero tibi huius amissi recens vulnus (ut scis) epicedio prosecutus sum; adeo festinanter, ut excusandam habuerim affectibus tuis celeritatem. Nec nunc eam apud te iacto, qui nosti, sed et ceteris indico; ne quis asperiore lima carmen examinet et a confuso scriptum et dolenti datum, quum paene supervacua sint tarda solatia. Pollii mei villa Surrentina, quae sequitur, debuit a me vel in honorem eloquentiae eius diligentius dici, sed amicus ignovit. In arborem certe tuam, Melior, et psittacum scis a me: leves libellos quasi epigrammatis loco scriptos. Eandem exigebat stili facilitatem leo mansuetus, quem in amphitheatro prostratum frigidum erat, sacratissimo Imperatori ni statim traderem. Ad Ursum quoque nostrum, iuvenem candidissimum et sine iactura desidiaee doctissimum, scriptam de puero amisso consolationem, super ea, quae ipsi debeo, huic libro libenter inserui, quia honorem eius tibi laturus acceptum. Excludit volumen genethliacon Lucani, quod Polla Argentaria, clarissima uxorum, quum hunc diem forte consecrarem,

inputari sibi voluit. Ego non potui maiorem tanti auctoris habere reverentiam, quam quod laudes eius dicturus hexametros meos timui. Haec qualiacumque sunt, Melior carissime, si tibi non displicuerint, a te publicum accipiant; sin minus, ad me revertantur.

I. GLAUCIAS ATEDII MELIORIS DELICATUS.

Quod tibi praerepti, Melior, solamen alumni,
 Inprobus ante rogos et adhuc vivente favilla
 Ordinar? abruptis etiamnunc flebile venis
 Vulnus hiat, magnaeque patet via lubrica plagae.
 Quum iam egomet cantus et verba medentia saevus 5
 Consero, tu plactus lamentaque fortia mavis,
 Odistique chelym surdaque averteris aure:
 Intempesta cano: citius me tigris abactis
 Foetibus orbatique veliat audire leones.
 Nec si tergemium Sicula de virgine carmen 10
 Affluat, aut silvis chelys intellecta ferisque;
 Mulceat insanos gemitus. Stat pectore demens
 Luctus, et admoto latrant praecordia tactu.
 Nemo vetat, satiare malis aegrumque dolorem
 Libertate doma. Iam flendi expleta voluptas? 15
 Iamne preces fessus non indignaris amicas?
 Iamne canam? Lacrimis en et mea carmina in ipso
 Ore natant, tristesque cadunt in verba liturae.
 Ipse etenim tecum nigrae solennia pompae
 Spectatumque urbi soelus et puerile feretrum 20
 Produxi, saevos damndati turis acervos
 Plorantemque animam supra sua funera vidi,
 Teque patrum gemitus superantem et brachia matrum
 Complexumque rogos ignemque haurire parantem
 Vix tenui similis comes offendique tenendo. 25
 Et nunc heu! vittis et frontis honore soluto,
 Infestus vates, verso mea pectora tecum:
 Plango lyra, et diri comitem sociumque doloris,
 Si merui luctusque tui consortia sensi,
 Iam lenis patiare precor. Me fulmine in ipso 30
 Audivere patres; ego iuxta busta profusis

Matribus atque piis cecini solatia natis,
 Et mihi, quum proprios gemerem defectus ad ignes,
 Quem natura patrem —! Nec te lugere severus
 Arceo, sed confer gemitus, pariterque fleamus. 35

Iamdudum dignos aditus laudumque tuarum,
 O merito dilecte puer, primordia quaerens
 Distrahor. Hinc anni stantes in limine vitae,
 Hinc me forma rapit, rapit inde modestia praecox
 Et pudor et tenero probitas maturior aeo. 40

O ubi purpureo suffusus sanguine candor
 Sidereiue orbes radiataque lumina coelo,
 Et castigatae collecta modestia frontis,
 Ingenuique super crines mollisque decora
 Margo comae? Blandis ubinam ora arguta querelis 45
 Osculaque impliciti vernos redolentia flores,
 Et mixtae risu lacrimae penitusque loquentis
 Hyblaeis vox mixta favis? cui sibila serpens
 Poneret et saevae vellent servire novercae.

Nil veris affingo bonis. Heu lactea colla 50
 Brachiaque et numquam domini sine pondere cervix!
 O ubi venturae spes non longinqua iuventae
 Atque genis optatus honos iurataque multum
 Barba tibi? Cuncta in cineres gravis intulit hora
 Hostilisque dies: nobis meminisse relictum. 55

Quis tua colloquiis hilaris mulcebit amatis
 Pectora? quis curas mentisque arcana remittet?
 Accensum quis bile feret famulisque tumentem
 Leniet ardentique in se deflectet ab ira? 60

Inceptas quis ab ore dapes libataque vina
 Auferet et dulci turbabit cuncta rapina?

Quis matutinos abrumpet murmure somnos
 Inpositus stratis abitusque morabitur arctis
 Nexibus atque ipso revocabit ad oscula poste?
 Obvius intranti rursus quis in ora manusque 65

Prosiliet brevibusque humeros circumdabit ulnis?
 Muta domus, fateor, desolatique penates,
 Et situs in thalamis et moesta silentia mensis.

Quid mirum, tanto si te pius altor honorat

Funere? Tu domino requies portusque senectae,	70
Tu modo deliciae, dulces modo pectore curae.	
Non te barbaricae versabat turbo catastae,	
Nex mixtus Phariis venalis mercibus infans,	
Compositosque sales meditataque verba locutus	
Quaesisti lascivus herum tardeque parasti.	75
Hinc domus, hinc ortas, dominique penatibus olim	
Carus uterque parens atque in tua gaudia liber.	
Ne querere genus, raptum te protinus alvo	
Sustulit exultans ac prima lucida voce	
Astra salutantem dominus sibi mente dicavit,	80
Amplexusque sinu tulit et genuisse putavit.	
Fas mihi sanctorum venia dixisse parentum,	
Tuque, oro, natura, sinas, cui prima per orbem	
Iura animis sancire datum: non omnia sanguis	
Proximus aut serie generis demissa propago	85
Alligat; interius nova saepe adscitatae serpunt	
Pignora connexis. Natos genuisse necesse est,	
At legisse iuvat. Tenero sic blandus Achilli	
Semifer Haemonium vincebat Pelea Chiron.	
Nec genitor Peleus natum comitatus in arma	90
Troica, sed caro Phoenix haerebat alumno.	
Optabat longe reditus Pallantis ovantes	
Evander, fidus pugnas spectabat Acoetes.	
Quumque procul nitidis genitor cessaret ab astris,	
Fluctivagus volucrum comebat Persea Dictys.	95
Quid referam altricum victas pietate parentes?	
Quid te post cineres deceptaque funera matris,	
Tutius Inoo reptantem pectore, Bacche?	
Iam segura parens Thuscis regnabat in undis	
Ilia, portantem lassabat Romulus Accam.	100
Vidi ego transertos alieno in robore ramos	
Altius ire suis. Et te iam fecerat illi	
Mens animusque patrem, necdum moresve decorve:	
Tu tamen et mutas, etiam tum murmura, voces,	
Vagitumque rudem fletusque infantis amabas.	105
Ille velut primos expiraturus ad austros	
Mollibus in pratis alte flos improbus extat,	

Sic tener, ante diem vultu gressuque superbo
 Vicerat aequales multumque reliquerat annos.
 Sive catenatis curvatus membra palaestris 110
 Staret, Amyclaea conceptum matre putares,
 Oebaliden illo praeceps mutaret Apollo,
 Alcides pensaret Hylan; seu Graius amictu
 Attica facundi decurreret orsa Menandri,
 Laudaret gavis sonum crinemque decorum 115
 Fregisset rosea lasciva Thalia corona;
 Maeonium sive ille senem Troiaedae labores
 Diceret, aut casus tarde remeantis Ulixi,
 Ipse pater sensus, ipsi stupuere magistri.
 Scilicet infausta Lachesis, cunabula dextra 120
 Attigit, et gremio puerum complexa fovebat
 Invidia: illa genas et aduultum comere crinem
 Et monstrare artes et verba refringere, quae nunc
 Plangimus. Herculeos annis aequare labores
 Coeperat assurgens, sed adhuc infantia mixta. 125
 Iam tamen et validi gressus mensuraque maior
 Cultibus, et visae puero decrescere vestes,
 Quum tibi, quas vestes, quae non gestamina mitis
 Festinabat herus? Brevibus constringere laenis
 Pectora et angusta telas iactare lacerna 130
 Enormi non ille sinens, sed semper ad annos
 Texta legens modo Pumiceo velabat amictu,
 Nunc herbas imitante sinu, nunc dulce rubenti
 Murice, nunc vivis digitos incendere gemmis
 Gaudebat; non turba comes, non munera cessant: 135
 Sola verecundo deerat praetexta decori.
 Haec fortuna domus. Subitas inimica levavit
 Parca manus. Quo, diva, feros gravis exeris ungues?
 Non te forma movet, non te lacrimabilis aetas?
 Hunc nec saeva viro potuisset carpere Procne, 140
 Nec fera crudeles Colchis durasset in iras,
 Editus Aeolia nec si foret iste Creusa;
 Torvus adhuc Athamas insanos flecteret arcus;
 Hunc quamquam Hectoreos cineres Troiamque perosus
 Turribus e Phrygiis flessset missurus Ulixes. 145

Septima lux, et iam frigentia lumina torpent,
 Iam complexa manu crinem tenet infera Iuno.
 Ille tamen, Parcis fragiles urgentibus annos,
 Te vultu moriente videt linguaque cadente
 Murmurat; in te omnes vacui iam pectoris efflat 150
 Reliquias, solum meminit solumque vocantem
 Exaudit, tibi que ora movet, tibi verba relinquit,
 Et prohibet gemitus consolaturque dolentem.
 Gratum est, fata, tamen, quod non mors lenta iacentis
 Exedit puerile decus, manesque subivit 155
 Integer et nullo temeratus corpora damno,
 Qualis erat. Quid ego exequias et prodiga flammis
 Dona loquar moestoque ardentia funera luxu?
 Quod tibi purpureo tristis torus aggere crevit,
 Quod Cilicum flores, quod munera graminis Indi, 160
 Quodque Arabes Phariique Palaestinique liquores
 Arsuram lavere comam? Cupit omnia ferre
 Prodigus et totos Melior succendere census,
 Desertas exosus opes; sed non capit ignis
 Invidus, atque arctae desunt in munera flammae. 165
 Horror habet sensus. Qualem te funere summo
 Atque rogi iuxta, Melior placidissime quondam,
 Extimui! tune ille hilaris comisque videri?
 Unde animi saevaeque manus et barbarus horror?
 Tu modo fusus humi lucem aversaris iniquam; 170
 Nunc torvus pariter vestes et pectora rumpis
 Dilectosque premis visus et frigida lambis
 Oscula. Erant illic genitor materque iacentis
 Moesta, sed attoniti te spectavere parentes.
 Quid mirum? Plebs cuncta nefas et praevia flerunt 175
 Agmina, Flaminio qua limite Milvius agger
 Transvehit, inmeritis flammis dum tristibus infans
 Traditur et gemitum formaeque aevoque meretur.
 Talis in Isthmiacos prolatus ab aequore portus
 Naufragus inposita iacuit sub matre Palaemon; 180
 Sic et in anguiferae ludentem gramine Lerna
 Praecisum squamis avidus bibit anguis Ophelten.

Pone metus letique minas desiste vereri:

Illum nec terno latrabit Cerberus ore,
 Nulla soror flammis, nulla assurgentibus hydrys
 Terrebit; quin ipse avidae trux navita cymbae
 Interius steriles ripas et adusta subibat
 Litora, ne puero dura ascendisse facultas

Quid mihi gaudenti proles, Cyllenja virga
 Nuntiat? Estne aliquid tam saevo in tempore laetum?
 Noverat effugiem generosique ardua Blaesi
 Ora puer, dum saepe domi nova sarta ligantem
 Te videt et similes tergentem pectore curas
 Hunc ubi Lethaei lustrantem gurgitis oras
 Ausonios inter procures, seriemque Quirini
 Agnovit, timide primum vestigia iungit
 Accessu tacito summosque lacessit amictus,
 Inde magis sequitur; neque enira magis ille trahentem

Spernit et ignota credit de stirpe nepotum
 Mox ubi delicias et cari pignus amici
 Sensit et amissi puerum solatia Blaesi,
 Tollit humo magnaue ligat cervice diuque
 Ipse manu gaudens vehit, et quae munera mollis
 Elysii, steriles ramos, motasque volupces

Porxit et obtuso pallentes germine flores
 Nec prohibet meminisse tui, sed pectora blandus
 Miscet et alternum queri partitur amorem?

Hic finis rapto! Quin tu iam vulnere sedas
 Et tollis mersum luctu caput? omnia functa
 Aut moritura vides, oheunt, noctesque diesque

Astraque, nec solidis prodeat sua machina terris
 Nam populos, mortale genus, plerisque caducae
 Quis fleat intentus? Hos bella, hos aequora poscunt,

His amor exitio, furor his et saeva cupido
 Ut sileam morbos, non ora rigantia Brumae

Illos inplacido letalis Sirius igni
 Hos manet imbrifer pallens autumnus hiatu
 Quidquid habet ortus, finem timet Ibis, omnes

Ibis: immania urnas quatit Aegeus, pluviae

Ast hic, quem geminus, felix hominesque deosque
 Et dubios casus et caecae lubrica vitae

Effugit, immunis fati? Non ille rogavit,
 Non timuit meruisse mori. Nos auxia plebes,
 Nos miseri, quibus unde dies suprema, quis aevi
 Exitus, incertum, quibus instet fulmen ab astris, 225
 Quae nubes fatale sonent. Nil flecteris istis?
 Sed flectere libens. Ades huc emissus ab atro
 Limite, cui soli cuncta impetrare facultas,
 Glaucia; nam insentes animas nec portitor arceat
 Nec dirae comes ille ferac. Tu pectora mulce, 230
 Tu prohibe manare genas noctesque beatas
 Dulcibus alloquiis et vivis vultibus imple;
 Et periisse nega desolatamque sororem,
 Qui potes, et miseris perge insinuare parentes.

II. VILLA SURRENTINA POLLII FELICIS.

Est inter notos Strenum nomine muros
 Saxaque Tyrrhenae templis onerata Minervae
 Celsa Dicarchei speculatrix villa profundi,
 Qua Bromio dilectus ager, collesque per altos
 Uritur et praefixis non invidet uva Palernis.
 Huc me post patris laetum quinquennia lustris
 Quum stadio iam pigra quies canusque sederet
 Pulvis, ad Ambracias conversa gymnade frondes,
 Trans gentile fretum placidi sacundia Polli
 Detulit et nitidae iuvenilis gratia Pollae, 10
 Flectere iam cupidum gressus, qua limite noto
 Appia longarum teritur regina viarum.
 Sed iuvare morae. Placido lanata recessu
 Hinc atque hinc curvas percurrunt aequora rapae,
 Dat natura locum, montique intervehit curvum 15
 Litus, et in terras scopulis pendentibus exit.
 Gratia prima loci, gemina testudine fundae
 Balnea, et e terris occurrit dulcis amaro
 Nympha mari. Levis hic Phoebeus chorus adhaere
 Cymodoce viridisque cupit Galatea lavari 20
 Ante domum tumidae moderatrix saevulus undae
 Exeubat, innocui custodit laris, huius amice
 Spumant templa sale, Follia tura tuetur 25

Alcides; gaudet geminis sub nomine portus.
 Hic servat terras; hic saavis fluctibus obstat.
 Mira quies pelagi; ponunt hic lassa furorē
 Aequora, et insani spirant clementius austeri.
 Hic praeceptis minus aufert hiemās, nullūque tumultu
 Stagna modesta facient dominique infantia mores.
 Inde per obliquas erepti porcus arces,
 Urbis opus, longoque domat saxa aspera dorso.
 Qua prius obscuro permixti pulvere solent
 Et feritas inamoena viat, nunc ire voluptas
 Qualis, si subeas Ephyes Baccheidos altum
 Culmen, ab Indo fert semita tecta Lethaeo.
 Non, mihi si cunctos Helicon indugent amnes
 Et superet Pimplea sitim, largeque volant
 Ungula se det equi, reseretque arcana pulvis
 Phemonoe fontes, vel quos meus aspice Phoebus
 Altius immersa turbavit Pollux, utrum
 Innumeras valeam species cultusque roborum
 Pteris aequare modis. Vix ordine longo
 Suffecere oculi, vix, dum per singula ducor,
 Suffecere gradus. Quae rerum turba locine
 Ingenium an domat mirer prius? Haec domus oritur
 Adspicit et Phoebi venerum subar, illa cadentem
 Detinet exactamque negat dimittere lucem,
 Quum iam fessa dies in aequora monans opaco
 Umbra cadit, viresque valant praeforia ponto
 Haec pelagi clamore fremunt, haec tecta sonoris
 Ignorant fluctus terraeque silentia valant.
 His favit natura locis, his vicia volent
 Cessit et ignotis docilis mansuevit in usus.
 Mons erat hic, ubi plana vides, et lustra fuerunt,
 Quae nunc tecta subis, ubi nunc memora ardua ceruis,
 Hic nec terra fuit. Domum possessor, et illum
 Formidant pupes expugnantemque secuta
 Gaudet humis. Nunc cerne ignem discentia saxa
 Intransesque domos iussimque recedere montem.
 Iam Methymnaeatis manus et Chalybe una
 Thebais et Getici curat vna gloria praefura.

Et tu saxa moveas, et te nemora alta sequuntur,
 Quid referam, velere, ceraeque aerisque figuras?
 Si quid Apellei gaudent animasse colores,
 Si quid adhuc vacua, tamen, admirabile, Pisa
 Phidiacae, rasere manus, quod ab arte Myronis,
 Aut Polycletes, ignum est, quod vivere coelo,
 Aeraque ab Isthmiacis auro potiora, favillis
 Ora ducum, et vatum sapientumque ora, priorum,
 Quos tibi cura sequi, quos, toto pectore, sentis,
 Expers curarum, atque, animum, virtute, quieto
 Compositus semperque, tuus. Quid mille revolvam
 Culmina visendique yges? Sua cuique voluntas,
 Atque omni proprium thalamo, mare, transque, iacentem
 Nerea diversis, porxit, sua, terra, fenestris,
 Haec videt Iovim, illi Prochyta, aspera, pariet,
 Armiger hac, magni patet, Hectoris, inde malignum
 Aera respirat pelago circumflua, Nesis,
 Inde vagis omen, felix Euboea, carinis,
 Quaeque ferit curvos, exerta, Megalia, fluctus,
 Angitur et domoq, contra, recubante, proculque
 Surrentina tuus, spectat, praetoria, Limon.
 Una tamen cunctis, procul, eminet, una, diaetis,
 Quae tibi Parthenopei, directo limite, ponti
 Ingerit. Hic Graia, penitus, deserta, metallis,
 Saxa; quod, Eoa, respersit, xena, Syenea,
 Synnade quod, imposita, Phrygiae, fodere, secures,
 Per Cybeles, lugentis, agros, ubi, mar, 95
 Candida purpureo, distinguitur, area, gyro
 Hic et Amyclaei, caesum, de monte, Lycurgi
 Quod viret et molles, imitatur, rhipides, herbas,
 Hic Nomadum, lucant, flagentis, saxa, Thasosque,
 Et Chios, et, gaudens, fluctus, spectare, Carystos
 Omnia Chalcidicas, turres, obstruxa, saltant,
 Macte animo quod, Graia, probas, quod, Graia, frequentas,
 Arva; nec, invident, quae, te, amare, Dicarchi
 Moenia! Nos, docto, melius, potiemur, alumnus
 Quid nunc ruris, opes, pectoreque, novalia, dicam
 Iniecta et madidas, Baccho, nectare, cupes,

Saepe per autumnum iam pubescente Lyaeo 100
 Conscendit scopulos noctisque occulta sub umbra
 Palmite maturo rorantia lumina tersit
 Nereis et dulces rapuit de collibus uvas
 Saepe et vicino sparsa est vindemia flactu
 Et Satyri cecidere vadis; nudamque per undas 105
 Dorida montani cupierunt prendere Paphes.

Sis felix, tellus; dominis ambobus in annos
 Mygdonii Pylifque senis; nec nobile matres
 Servitium, nec te cultu Thyrinthia vincat
 Aula Dicarcheique sinus; nec saepius Ictis
 Blanda Therapnaei placeant vineta Galesii
 Hic ubi siderias exercet Pollius arbes
 Seu voluit montes, quos dat Gargettius auctor,
 Seu nostram quatit ille chelyn, seu dissona necit
 Carmina, sive minax ultorem stringit tambon;
 Huc levis et scopulis mellora ad caecum Sireus 115
 Advolat, huc motis audit Tritonia cristis.

Tunc rapidi pontum flatus, maria ipsa vetantur
 Obstrepere; mergant pelago doctamque trahantur
 Ad chelyn et blandi scopulis delphines aderrant 120

Vive, Midae gazis et Lydo ditior auro
 Troica et Euphratea super diademata felix
 Quem non ambigui fasces; non mobile vulgus
 Non leges, non castra tenent, qui pectore magno
 Spemque metumque domas, vitio sublimior omni,
 Exemptus satis indignanteque repellis
 Fortunam; dubium quem non in turbine retum
 Deprendet suprema dies, sed abire paratam
 Ac plenam vitam. Nosd' vilis turba, caducis
 Deservire bonis semperque optare parati
 Spargimur in casus; Celsa te mentis ab arce
 Despicis errantes humanaque gaudia rides. 130

Tempus erat, quante gentis suffragia terrae
 Diriperent belustique (huas) vehérent per urbes,
 Inde Dicarchois cultum venerande colonis,
 Hinc ascite moles, pariterque his iurgus et illis
 Ac juvenile caleda plebs, quae cunctis superbus. 135

At nunc discussa ferum caligine verum
 Adspicis: ille aliter cursu lactantur in alto
 Et tua securos portus blandamque quietem
 Intravit non quassa ratia: Sic perge, nec unquam
 Emeritam in nostris puppem dimitte procellas.
 Vivite adhuri quorum de pectore mixtae
 In longum coiere fates, saeculusque pudicae
 Servat amicitiae: leges amor: hic per annos
 Saeculaque et priscae: Nilulos praehedite, famae
 Tuque, nurus inter duce pulcherrima, cuius
 Non frontem vetera: quinae, sed candida semper
 Gaudia et in vultu curarum ignara voluptas
 Non tibi sepositas infelix strangulat, arca
 Divitias, avidae animi: dispendia, torquent
 Foenoris, expositi: census, et docta fruendi
 Temperies. Non illa deo meliora cohaerent
 Pectora, non alias decus, concordia mentes.

III. ARBOR ATEDII, MELIORIS.

Stat, quae perspicuas nitidi Melioris opacat
 Arbor aquae complexa, lacus: quae robore ab ipso
 Curvata in nodos redit: inde, tacumque, rectos
 Ardua, ceu mediis iterum nascatur ab undis
 Atque habet vitreum tacitis radicibus antrum
 Quid Phoebum tam parva rogem? vos dicite causas,
 Naides, inter faciles, huius est, data carmina, Baucis
 Nympharum tenerae fugiebant Panagae: vixit
 Ille quidem, cunctas tamquam voluit, tamen
 In Pholoen. Silvius haec fluminibusque sequentibus
 Nunc hirtos gressus, nunc improbae cornua vitae
 Jamque et belligerum Iantemum, atque Gadi
 Rura quirinalesque fugas suspensa per agros
 Coelica tecta subit: cum demum vista laboris
 Fessa metu, quae nunc placidi Melioris aperta
 Stant sine fraude lares, fluidos colligit antro
 Arctius et nivae posuit, ac marginali ripae
 Insequitur, velox pecus: tumidusq; retia, credit
 Conubia; ardentis iamque suspirio mirra

Pectore, iam praedae levis imminet ulla. Haec citata iustitia
 Advertit Diana gradus, dum per iugale septem vel octiduum
 Errat Aventinaeque legit vestigia cervice. Haec citata iustitia
 Poenituit vidisse deam, convergensque fidas. Haec citata iustitia
 Ad comites. Numquamne avidis barpeho arripitis. Haec citata iustitia
 Hoc petulans fordamque peccos, semperque pudici. Haec citata iustitia
 Decrescet mihi turba chorique? In Sicundum de hoc citata iustitia
 Depromit pharetra telum breve, quodinaque cernis. Haec citata iustitia
 Cornibus aequi solito torquet stridore, sed pinnarumque. Haec citata iustitia
 Emitit contenta manum laevamque superam. Haec citata iustitia
 Naidos aversa, fertur ut tetigisse sagittam. Haec citata iustitia
 Illa deam pariter surgens, hostemque ippotestum. Haec citata iustitia
 Vidit et in fontem, miraps ne papalereb artus. Haec citata iustitia
 Sic tota cum veste ruit, stagnis quae sub altis nivibus. Haec citata iustitia
 Pana sequi credens, immaletus implicat calceos. Haec citata iustitia

Quid faceret subito deceptus praedib. Nec alibi. Haec citata iustitia
 Credere corpus aequi durtas sibi concipis, quid. Haec citata iustitia
 Pellis et a tenero nandi radice. Omnia quae. Haec citata iustitia
 Inmitem Bruma, stagna, gaudia, et invicta tala. Haec citata iustitia
 Primaevam visu plantam, totum longam propagantem. Haec citata iustitia
 Innumeraeque manus et iturus in aethera vertex. Haec citata iustitia
 Deposuit iuxta vivamque aggressit arenam. Haec citata iustitia

Optatisque. Haec citata iustitia
 Vive diu nostri pignus memorabile iuvoti. Haec citata iustitia
 Arbor, et haec. Haec citata iustitia
 Tu saltem decedis. Haec citata iustitia
 Illa quidem. Haec citata iustitia
 Aestuet aut. Haec citata iustitia
 Spargere tu laticem. Haec citata iustitia
 Tunc ego te. Haec citata iustitia
 Sedis et illa. Haec citata iustitia
 Ut Iovis, ut Phoebe. Haec citata iustitia
 Populus etenim. Haec citata iustitia

Sic ait. Illi deus veteris animatus calores. Haec citata iustitia
 Uberibus stagnis obliquum pendula. Haec citata iustitia
 Incubat atque. Haec citata iustitia
 Sperat et amplexu. Haec citata iustitia
 Nec patitur. Haec citata iustitia

Libraturafantio vultisquenemodevacumen
Ingeniosa levatqvelut descendat in almos
Stirpe lacus alia. Jam nec Phoebeia Naip
Odit et exclusos. hivitargurgitecamos.

Haec tibi quare quidem, genitali luce paramis
Dona, adtingent, forsam victor, subacvo
Tu, cuiusplacido presenat in pectores sedem
Blandus, hofosulparisq; tarendum pondere. rittis
Cui nec pigranquies neconiquat potentia nec apasari
Inproba, sed medius per digne et dicio alimto
Incorrupte fidem nullatq; exparte tumultus, paret
Et secrete amantioqui digere ordine vitam,
Idem auri facili contolapq; et optimus idem ni
Comere divitias, opibusq; ingittere, ducet
Hac longum floresatimilmorataquaniuvant
Hacos et pueris isendat qvintetoeperstapa
Quos pateret hieyigmetria quos idet alipranqos
Hoc illi duras, exquavers, ibnas et oret a te
Hoc, quae te, sub tistey, siturb fugiturs, tacenti
Ardua magnanini creyinq; il gloriam blasli
of

IV. PSITTACUS, MELIORIS.

Psittace, dux hodie, dominipfatienda voloptas
Humanae sollemis imitator, psittacoglinguae
Quis tua tuiq; pito, pibecelait dntshumafato
Eternas, miferandalyudapesmoriturus inistib
Nobiscum, q; gratie carpentem mtoara; incasam
Errantemque toris mediae pflnartempaire, mto
Vidimus. Adtasietiammeditatieq; de verbo
Reddideram, ut amposantem alitroia libthap
Ile canorus habet, Gadatu Phanthoridat, mlig
Fabula, nec holi celebrant, suafinonā nym
At tibi quanta, abomugratilatetstulnea fulgemo
Connexusque aborlaxigamim angantorsidrd
Argutumque tuo stridentia libthiq; corpido
Ea querulaesiam apdites, forca, iVanta libthbeat
Carcer, et angustia, ninq; quonmq; vibus tentelqms
Huc doctas stipentia, arles, mqbis fobidat

Ius natura dedit. Plangat Phoebeus ales
 Auditasque memor penitus demittere voces
 Sturnus et Aonio versae certamine pede,
 Quique refert iungens iterata vocabula perdis;
 Et quae Bistonio queritur soror orba cubili
 Ferte simul gemitus cognataque ducite flammis
 Funera et hoc cunctae miserandum addiscite carment

Occidis aëriae celeberrima gloria gentis
 Psittacus, ille plagae viridis regnator Eosae
 Quem non gemmata volucris Iunonia clauda
 Vinceret adspectu, gelidi non Phaeidis ales;
 Nec quas humenti Numidae rapuere sub auro.
 Ille saluator regum nomenque totius
 Caesarem et queruli quondam vice foletus amicti
 Nunc conviva levis monstrataque reddere verba
 Tam facilis! Quo tu, Melior dilecte, recluso
 Numquam solus eras. At non inglorius umbris
 Mittitur, Assyrio cineres adolentur amomo,
 Et tendes Arabum respirant gramine plumae
 Sicanisque croeis, senio nec fessis inertibus
 Scandit odoratus phoenix felicior ignes.

V. LEO MANSUETUS IMPERATORIS

Quid tibi constrata mansuescere profluit ira?
 Quid scelus humanasque animo dediscere caedes
 Imperiumque pati et domino parere minori?
 Quid, quod abire domo rursusque in claustra reverti
 Suetus ebria capta iam sponte recedere praeda
 Insertasque manus iuxta dimittere morsu?
 Occidis, Africam vastator doctus ferarum;
 Non grege Massylo curvaeque indagae clausus,
 Non formidato supra venabula cultu
 Innotuit aut baleas deceptus ulula,
 Sed victus fugiente fera spat latidine aperto
 Infelix carere, et clausis circumcussitque portis
 Hoc licuisse nefas placida timdere leones.
 Tunc cunctis confidere tibae, pudusque retatum
 Adspicere, et vitas ducere in tuum frontes

At non te primo fusum novus obruit ictu
 Ille pudor, manere animi, virtusque cadenti
 A media iam morte redit, nec protinus omnes
 Terga dedit mihi. Sicut sibi conscius altius
 Vulneris adversum, moriens, ita miles in hostem
 Attollitque manum et ferro labente minatur;
 Sic piger ille gradu, solitoque exutus honore
 Firmat hians oculos, animamque hostemque requirit.
 Magna tamen, subit, tecum solatia, leti
 Victæ, feræ, quod te moesti populusque, patresque,
 Ceu notus cadones, tristi gladiator arena,
 Ingemuere, mori, magis quod Caesaris ora
 Inter tot Scythicas, Libycasque, et Rheno,
 Et Phariæ de gente foras, quas perdere vile est,
 Unius amicitia tetigit laetura leonæ.

VI. CONSOLATIO AD FLAVIUM URSUM DE AMISSIONE PUERI DELICATI.

Sæve nimis, lacrimis quisquis discrimina, ponis
 Lugendique modos? Miserum est, primaeva parvuli
 Pignora surgentesque æfas! accendere patres;
 Durum et deserti prærepta coniuge partem
 Conclamare tori, mœsta et lamenta sororum
 Et fratrum gemis, Arcte tamen et præcal intrat
 Altius in sensus, mantraque vulnera vincit
 Plaga minor. Famulum quoniam rerum, omnia caeca
 Sic misceat fortuna manu, nec pectora novit,
 Sed famulum gemis, Urse, pium, sed ampre fideque
 Has meritum lacrimas, qui maior stigmata, iuncto
 Nobilitas ex mente fuit. Ne comprime, fletus,
 Ne pudeat, rumpat, frangas, dolor, iate, fideisque
 Si tam dura placent, hominem gemis, hic, mihi subito
 Ipse facies — hominem, Israel, tuum, cui dulcis, volenti
 Servitium, qui, triste, nihil, qui sponte, indignus
 Imperiosus, erat. Quisnam hæc, la, fecera, miseros
 Castiget luctus? Gemit, intenti bella, peremptum
 Parthus equum, fidoque, canes, fletus, Molossi
 Et volucres, habuere, negum, cervasque, Maronis

Quid si nec famulus? vidi ipse animasque agitati
 Te tantum cupientis herum, sed maior in ore
 Spiritus et tenero manifesti in sanguine mores.
 Optarent multum Graiae, cuperentque Latinae
 Sic peperisse nurus. Non talem Cassae superbum
 Callida sollicito rexocavit Thesae filia
 Nec Paris Oebalia talis visurus amores
 Rusticus, iuvitas deiecit in aequora pinus
 Non fallo, qui cantus assueta licentia ducit
 Vidi et adhuc video, qualem nec bella caventem
 Litore virgineo Thetis occubavit Achillam
 Nec circum saevi fugientem moenia Phoebi
 Troilon Haemoniae deprendit lancea dextra
 Qualis eras proci, eni, cunctis priorisque virgine
 Pulchrior et tantum domino minor! Illius unus
 Ante decor quantum praecedit clara minores
 Luna faces, quantumque alios premit Hasperus ignes
 Non tibi femineum vultu decus, oraque vultu
 Mollis honos, quales dubiae post crimina formae
 De sexu transire iubent, toroque virginitas
 Gratia nec petulans aetia, blandique severo
 Igne oculi, qualis bellum iam casside missa
 Parthenonaeus erat, simplexque horrore decor
 Crinis, et obscae nondum primoque micantes
 Flore genae. Talem Ledaee gurgite pubem
 Educat Eurotas, teneri sic integer aevi
 Elin adit primosque Iovi puer approbat annos
 Iam pudor ingenuae mentis tranquillae morum
 Temperies, teneroque animus, maturior aequo
 Carmine quo donasse curas, illi innotuit
 Castigabat herum studioque altiusque iuvabat
 Consiliis, tecum istiusque hilarisque nec umquam
 Ille suis vultumque tuo iungbat ab ore
 Dignus et Haemonum, Pyladen praecedere fama
 Cecropiumque fidem. Sed laudum terminus esto
 Quem fortuna sinu, Non mente fidelior, aegra
 Speravit tardi reditus Eumaeus Allixion
 Quis daps, huius, quicquam tam aetnae vulnera carae?

Eligis? Unde manus ita tam certa nocendi?
 O quam divitiis consueque exutus opimo
 Fortior, Urse, fores! si vel fumante ruina
 Ructassent ditēs Vesuvina incendia Locras,
 Seu Pontinus mersissent flumina saltus,
 Seu Lucanus ager, seu Tibridis arpetus altus
 In dextrum torsisset aquas, paterere serena
 Fronte deos; sive alma fides messesque negasset
 Cretaque Cyrene, et quaevis cumque beato
 Darga redire fortuna sinu. Sed gnara dolorum
 Invidia infelix animi vitia vidi
 Laedendique vias. Vitae modo imine adultae
 Nectere tendebat, invenit pulcherrimas ille
 Cum vrbis Eleis nam trieterida iustis.
 Attendit torvo visus Rhamnusa vultu,
 Ac primum inplevitque toros ocellisque nitorem
 Addidit ei solito sublimis ora levavi,
 Heu! misero Telasse furens seseque videndo
 Torsit et invida mortem amplexa facem
 Effecit nexus carpsitque inimidis adunca
 Ora verenda manu. Quam vix phosphoros hora
 Rorantem sternebat equum; iam litura dura
 Saeva, Phrege, scelis, dirumque Aetheronta videtas,
 Quo dominus clamare sono! Non secus atros
 Nigrasset planctu genitrix ubi saeva facellos
 Nec pater, et certe qui vidi funera frater
 Erubuit vincere, sed nec servilis ademptor
 Ignis; quo ferros exhausti flamma Sabaeos
 Et Cilicum messes Phariaeque exempta videri
 Gennamque Assyrii manantes gramme succos
 Et domini fletus, nos tantum hausere favillae
 Hos bibit usque rogas. Nec quod ibi Sena canos
 Restinxit cineres, genio deest ubi fluitans
 Quod vallavir onyx, mactis accipimus umbrae
 Quam gemitas. Sed et nosa fura. Quae terga toros
 Urse, damus. Quid damna toros, et pectore mcho
 Vulnus amas? ubi nota? ubi nota? ubi nota?
 Quid carna? ubi nota? ubi nota? ubi nota?

Eximius licet ille animi meritisque dolorem,
 Solvisti. Subit ille pios carpsitque quietem
 Elysiam carosque illic fortasse parentes
 Invenit; aut illi per amoena silentia Letes
 Forsan Avernales alludunt undique mixtae
 Naides, obliquoque notat Proserpina vultu.
 Pone, precor, questus; alium tibi fata Philéon;
 Forsan et ipse dabit, moresque habitusque decores
 Monstrabit gaudens similemque docebit amorem.

VII. GENETHLIACON LUCANI.

Lucani proprium diem frequentet
 Quisquis collibus Isthmiae Dionae
 Docto pectora concitatus oestro;
 Pendentis bibit ungulae liquorem.
 Ipsi, quos penes est honor canendi,
 Vocalis citharae repertor Arcas;
 Et tu Bassaridum rotator Elyan;
 Et Paeon et Hyantiae sorores
 Laetae purpureas novate vittas,
 Crinem comite, candidamque vestem
 Perfundant hederæ recentiores.
 Docti largius evagentur amnes;
 Et plus Aoniae virete silvae;
 Et si qua patet aut diem recepta,
 Sertis mollibus expleatur umbra.
 Centum Thespiacis odora liliis
 Stent altaria victimaque centum
 Quas Dirce lavat aut alit Cithæron
 Lucanum canimus, favete linguis,
 Vestra est ista dies, favete, Musæ,
 Dum qui vos geminas tulit per arces
 Et vinctae pede vocis et solatae,
 Romani colitur chori sacerdos
 Felix heu nimis et beatus bellus
 Quae pronos Hyperionis meatus
 Summis oceani vides in undis
 Stridoremque rotæ cadentis audis.

Quae Tritonide fertiles Athenas
 Uctis, Baetica, provocas irapetis.
 Lucanum potes imputare terris;
 Hoc plus quam Senecam dedisse mundo
 Aut dulcem generasse Gallionem.
 Attollat refluos in petra fontes
 Graio nobilior Meleto Baetis.
 Baetin, Mantua, provocare noli.
 Natum protinus atque humum per ipsam
 Primo murmure dulce vagientem
 Blando Calliope simul recepit.
 Tum primum posito remissa iactu
 Longos Orpheos exuit dolores.
 Et dixit: puer o dicite Musis,
 Longae vos cito transiture vates,
 Non tu flumina nec greges forarum
 Nec plectro Geticas movebis ornos,
 Sed septem iuga Martiumque Tibrim
 Et doctos equites et eloquente
 Cantu purpureum trahes senatum.
 Nocturnas alii Phrygum ruinas
 Et tardi reduces vias Ulixi
 Et puppem temerariam Minervae.
 Trita vatibus orbita, sequantur.
 Tu canis Latio memorque gentis
 Carmen fortior exeris togatum.
 Ac primum teneris adhuc in annis
 Ludes Hectora Thessalosque currus.
 Et supplex Priami potentis aurum.
 Et sedes reserabis inferorum.
 Ingratus Nero dulcibus theatris,
 Et noster tibi proferetur Orpheus.
 Dices culminibus Remi vagantes,
 Infandos domini nocentis ignes.
 Tu castae titulum decusque Rollae
 Lucunda dabis allocutione.
 Mox, coepta generosior iuxta
 Albos ossibus Italis Philippos.

Et Pharsalica bella detonabis,
 Quod fulmen ducis inter arma divi,
 Libertate gravem pia Catonem
 Et gratum popularitate Magnum.
 Tu Pelusiaci scelus Canopi 70
 Deslebis pius et Pharo cruenta
 Pompeio dabis altius sepulcrum.
 Haec primo iuvenis canes sub aëvo,
 Ante annos culicis Maroniani.
 Cedet Musa rudis ferocis Enni 75
 Et docti furor arduus Lucreti,
 Et qui per freta duxit Argonautas,
 Et qui corpora prima transfigurat.
 Quid maius loquor? Ipsa te Latinis
 Aeneis venerabitur canentem. 80
 Nec solum dabo carminis nitorem,
 Sed taedis genitalibus dicabo
 Doctam atque ingenio tuo decoram;
 Qualem blanda Venus daretque Iuno,
 [Forma, simplicitate, comitate, 85
 Censu, sanguine, gratia, decore].
 Et vestros hymenaeon ante postes
 Festis cantibus ipsa personabo.
 O saevae nimium gravesque Parcae!
 O numquam data fata longa summis! 90
 Cur plus, ardua, casibus patetis?
 Cur saeva vice magna non senescunt?
 Sic natum Nasamonii Tonantis
 Post ortus obitusque fulminatos 95
 Augusto Babylon premit sepulcro:
 Sic fixum Paridis manu trementi
 Peliden Thetis obruit cadentem.
 Sic ripis ego murmurantis Hebri
 Non mutum caput Orpheos sequebar.
 Sic et — tu rabidi nefas tyranni! — 100
 Iussus praecipitem subire Lethen,
 Dum pugnas canis arduaque voce
 Das solatia grandibus sepulcris,

O dirum scelus! o scelus! tacetis?
 Sic fata est leviterque decedentes.
 Abrasit lacrimas nitente plectro.
 At tu, seu rapidum poli per axem
 Famae curribus arduis levatus,
 Qua surgunt animae potentiores,
 Terras despicias et sepulcra rides,
 Seu pacis merito pectus reclusum
 Felix elysiis tenes in oris,
 Quo Pharsalica turba congregatur,
 Et te nobile carmen insonantem
 Pompeii comitantur et Catones.
 Tu magna sacer et superbus umbra
 Nescis tartaron et procul nocentium
 Audis verbera pallidumque visum
 Matris lampade respicis Neronem.
 Adsis lucidus et vocante Polla
 Unum, quaeso, diem deos silentium
 Exores: solet hoc patere limen
 Ad nuptas redeuntibus mariti.
 Haec te non thyasis proceras dolosus
 Falsi numinis induit figura
 Ipsum sed colit et frequentat ipsum
 Imis altius insitum, medullis
 Ac solatia vana subministrat
 Vultus, qui simili notatus aura
 Stratis praenitet, incubatque somno
 Securæ. Procul hinc abite mortales
 Haec vitae genitalis est origo
 Quedat luctus atrox genisque nascent
 Iam dulces lacrimae, dolorumque fastus
 Quidquid fleverat ante, nunc odoret.

P. PAPINII STATII
S I L V A R U M
LIBER III.

STATIUS POLLIO SUO SALUTEM.

Tibi certe, Polli dulcissime et hac, cui tam fideliter inhaeres, quiete dignissime, non habeo probandam diu. N-
bellorum istorum temeritatem, quam scias multos ex illis
in sinu tuo subito natos, et hanc audaciam stili nostri fre-
quenter expaveas, quotiens in illius facundiae tuae pen-
trale seductus altius literas intro et in omnes a te studio-
rum sinus ducor. Securus itaque tertius hic silvarum
nostrarum liber ad te mittitur. Habuerat quidem et secu-
ndus testem, sed hic habet auctorem. Nam primum limen
eius Hercules Surrentinus aperit, quem in litore tuo con-
secratum, statim ut videram, his versibus adoravi. Sequi-
tur libellus, quo splendidissimum et mihi iocundissimum
iuvenem, Metium Celerem, a sacratissimo imperatore mis-
sum ad regionem Syriacam, quia sequi non poteram, sic
prosecutus sum. Merebatur et Claudii Etrusci mei pietas
aliquod ex studiis nostris solatium, quam lugeret veritas,
quod amarissimum est, facrimis senem patrem. Eius
praeterea, Germanici nostri libertas, scit, quamdiu deside-
rium eius moratus sim, quum petissem, ut capillos suos,
quos cum gemmata pyxide et speculo ad Pergamenum
Asclepium mittebam, versibus dedicarem. Summa est ecloga,
qua mecum secedere Neapolim Claudiam meam exhortor.
Hic, si verum dicimus, sermo est, equidem securus, ut
cum uxore, et qui persuadere malit, quam placere. Hic
praecipue libello favebis, quum seias hanc destinationem

quietis meae tibi maxime intendere, meque non tam in patriam, quam ad te secedere.

I. HERCULES SURRENTINUS POLLII FELICIS.

Intermissa tibi renovat, Tirynthie, sacra
Pollius et causas designat desidis anni,
Quod coleris maiore tholo nec litora pauper
Nuda tenes tectumque vagis habitabile nautis,
Sed nitidos postes Graiisque effulta metallis 5
Culmina, ceu taedis iterum lustratus honesti
Ignis ab Oetaea conscenderis aethera flamma.

Vix oculis animoque fides. Tune ille reclusi
Liminis et parvae custos inglorius arae?
Unde haec aula recens fulgorque inopinus agresti 10
Alcidae? Sunt fata deum, sunt fata locorum.
O velox pietas! Steriles hic nuper arenas,
Adpersum pelago montis latus hirtaque dumis
Saxa, nec ulla pati faciles vestigia terras
Cernere erat. Quae nam subito fortuna rigentes 15
Ditavit scopulos? Tyrione haec moenia plectro
An Getica venere lyra? Stupet ipse labores
Annus, et angusto bissemi limite menses
Longaevum mirantur opus. Deus attulit arces
Erexitque suas atque obluctantia saxa 20
Submovit nitens et magno pectore montem
Reppulit: inमित credas iussisse novercam.

Ergo age, seu patrios liber iam legibus Argos
Incolis et mersum tumulis Enrysthea calcas,
Sive tui solium Iovis et virtute parata 25
Astra tenes, haustumque tibi succincta beati
Nectaris excluso melior Phryga porrigit Hebe;
Huc ades et genium templis nascentibus infer
Non te Lerna nocens, nec pauperis arva Molochi
Nec formidatus Nemees ager antraxe poscunt 30
Thracia nec Pharii polluta altaria regis;
Sed felix simplexque domus fraudumque malarum
Inscia et hospitibus superis dignissima sedes.
Pone truces agmenque imite pharetrae

Et regum multo perfusum sanguine reborum
Instratumque humeris dimitte gestentibus hostem.

Hic tibi Sidonio celsum pulvinar accanbo
Texitur, et signis crebris torus asper ornatur.
Pacatus mitisque venis nec turbidus hauri
Nec famulare timens, sed quomodo Maenale Auge
Confectum thyasis et multo lacte madentem
Detinuit, qualenique vagae possit crimina molis
Thespius obstupuit, totiens solet. Hic tibi festas
Gymnas, et festos inter omnia sacra sacris inde

Annua veloci peragunt certamina iustis
Hic templis inscriptis avo gaudente sacerdos
Parvus adhuc similisq[ue] pueri primaque percae
Monstra manu premeres, equis examinas, dolores

Sed quae nam sibi veneranda ordo compli,
Dic age, Calliope, scias tibi regandas sonant
Alcides tensoque modis imbutus arcu
Tempus erat, totum quem torrentis huius exis

Incumbit terris, totusq[ue] Hyperione multo
Acer anhelantes incendit saevus agros
Iamque dies aderat, protigis quum regibus apum
Fumat Aricinum Tivias hominis, et fatis multa

Conscius Hippotyras pendet lacus, ipsa coronat
Emerget Diana canes et spreuta tergit
Et tutas sinit, nec teras omnisque pudoris
Italia terra foet, peccat illas excoquit, et

Ast ego, Dardaniae quamvis sub tellure Albac
Rus proprium magnique ductis milli numero carmen
Unda domi curas mulcere scilicet libere
Sufficerent, nota Struam non in te rupes

Facundique larem Polus non hospes habebam
Assidue moresque viri pacemque fovesset
Pleridum flores intabescens carmina discens
Forte diem Tiviae dum praetor duces udo

Augustasque fores assuetaque recta gravati
Frondebis et patula defendimus arbore soles,
Delituit eodem, et scilicet ex candida cecidit
Nabibus, et cunctis quae vixit Favonius ante

Imaduit; qualem Libae Saturnia nimbum
 Attulit, Iliaco dum dives Elisse marito
 Donatur, testesque ululant per devia nymphae. 75
 Diffugimus, festasque dapes redimitaque vincta
 Abripiunt famuli, non quo convivium migrent,
 Quamvis innumeris gaudentia pura superne
 Insedere domus, et multa cubine dives
 Mons nitet: instantes sed proxima quaerere nimbi. 80
 Suadebant, laesque fides reditura serenae
 Stabat dicta sacri tenuis oase agmine templi
 Et magnum Alciden humili lane parva premebat,
 Fluctivagos nautas scrutatoresque profundi
 Vix operire opax. Huc quomais turba cepimus
 Huc epulae, dotesque tori coetnaeque ministrum
 Stipantur stidasque cohors gratissima Pollae
 Non cepere fortes angustae defuit aedes
 Erubuit risitque deus dilectaque Polli
 Corda subit blandisque vinum complectitur ulais. 90
 Tunc, inquit, longior opum, qui mente profusa
 Tecta Dicarchei pariter juvenaeque replesti
 Parthenopam? nostro qui tot fastigia monti
 Tot virides lectos, tot saxa imitantia vultus
 Aeraeque, tot scriptae viventes lumina caes. 95
 Fixisti? Quid enim istae domus quid terra priusquam
 Te gauderet, erant? Longa tunc tramine nudos
 Taxisti scopulos, fueratque ubi semina tantum
 Nunc ibi distincta, et porticus alta columnis
 Ne sorderet iter. Cuius in litoris ora
 Clausisti calidas gemmas, postudine nymphae
 Vix opera enumerare mihi pauperis et indigni
 Pollus? Et tales hilis tamen intro penates
 Et litus, quod pandis amo. Sed proxima sedem
 Despicit et tacite ridet, manumina, tunc
 Da templum dignasque tui opibus arces
 Quas puppes velis poline transire secundis
 Quo pater aetherius, regisque sacrae daedum
 Turba, et ab excelsa, venat, porondespia templi
 Nec te, quod solidus antra tigeat nubo maligni. 100

Montis et immenso non umquam exesus ab aevo,
 Terreat; ipse adero et conamina tanta iuvabo
 Asperaque invitae perfringam viscera terrae.
 Incipe et Herculeis fidens hortatibus aude.
 Non Amphioniae steterint velocius arces 115
 Pergameusve labor.' Dixit montemque reliquit.

Nec mora, conscripta formantur imagine templa:
 Innumerae coiere manus. His caedere silvas
 Et levare trabes, illis inmergere curae
 Fundamenta solo. Coquitur pars humida terrae 120
 Protectura hiemes atque exclusura pruinas,
 Indomitusque silex curva fornace liquescit.
 Praecipuus sed enim labor est excindere dextra
 Oppositas rupes et saxa negantia ferro.
 Hic pater ipse loci positis Tirynthius armis 125
 Insudat validaque solum deforme bipenni,
 Quum grave nocturna coelum subtexitur umbra,
 Ipse fodit. Dites Capreae viridesque resultant
 Taurubulae, et terris ingens redit aequoris echo.

Non tam grande sonat motis incudibus Aetna, 130
 Quum Brontes Steropesque ferit, nec maior ab antris
 Lemniacis fragor est, ubi flammeus aegida caelat
 Mulciber et castis exornat Pallada donis.

Decrescunt scopuli, et rosea sub luce reversi
 Artifices mirantur opus. Vix annus anhelat 135
 Alter, et ingenti dives Tirynthius arce
 Despectat fluctus et iunctae tecta novercae
 Provocat et dignis invitat Pallada templis.

Iam placidae dant signa tubae, iam fortibus ardens
 Fumat arena sacris. Hos nec Pisaens honores 140
 Iuppiter aut Cyrrhae pater aspernetur opacae.
 Nil his triste locis; cedat lacrimabilis Isthmos,
 Cedat atrox Nemee, litat hic felicior infans.
 Ipsae pumiceis virides Neretides antris
 Exiliunt ultro, et scopulis humentibus haerent; 145
 Nec pudet occulte nudas spectare palaestras.
 Spectat et Icario nemorosus palmite Gaurus
 Silvage, quae fixam pelago Nesida coronat,

Et placidus Limon omenque Euploea carinis
 Et Lucrina Venus Phrygioque e vertice Graias 150
 Adsciscis, Misene, tubas, ridetque benigna
 Parthenope gentile sacrum nudosque virorum
 Certatus et parva spæ simulacra coronæ.

Quin age et ipse libens proprii certaminis actus
 Invicta dignare manu: seu nubila disco 155

Findere, seu volucres Zephyros praevertere telo,
 Seu tibi dulce manu liquidas nodare palaestras,
 Indulge his sacris, et si tibi poma supersunt
 Hesperidum, gremio venerabilisingere Pollæ:
 Nam capit et tantum non degenerabit honorem. 160

Quod si dulce decus viridesque resumeret annus,
 Da veniam, Alcide, fors huic et pensa tulisses,
 Haec ego nascentes lactus bacchatus ad aras
 Libamenta tuli. Nunc ipsum in limine cerno
 Solventem vices et falia dicta ferentem: 165

Macte animis opibusque meos imitate labores,
 Qui rigidas rupes infœcundæque pudenda
 Naturæ deserta domas et vertis in usum
 Lustra habitata feris foedeque latentia proferas
 Numina. Quæ tibi nunc meritorum præmia solyam? 170

Quas referam grates? Parcarum fila tenebo,
 Extendamque colus: duram scio, vincere mortem,
 Avertam luctus, et tristia, damna vetabo
 Teque nihil laesum, viridi renouabo senecta
 Concedamque diu, iuvenes spectare nepotes, 175

Donec et hic sponsæ, maturus et illa, marito,
 Rursus, et ex illis, æboles, nova, grexque, protervus
 Nunc humeris inreptis, ævi nunc, agmine, blando
 Certatim placidæ concurrat, ad oscula, Pollæ,
 Nam templis nunquam statuetur, terminus, ævi, 180

Dum me flammigeri portabit, machina, coeli,
 Nec mihi plus Nemeæ, præcumque, habebitur, Argos,
 Nec Tiburna domus, solisque, cubilia, Gades?

Sic ait, et tangens, surgentem, altarihus, ignem
 Populeaque movens, albania, tempora, silva, 185
 Et Styga et ætheri, iuravit, fulmina, patris.

II. PROPEMPTICON METEO CELERI.

Di, quibus audaces amor est servare uarinas
 Saevaque ventosi mulcere pericula ponti;
 Sternite molle fretum placidumque advertite votis
 Concilium, et letis non obstrepat unde precanti.
 Grande tuborumque damus; Neptune; profundo
 Depositum; juvenis dubio committitur altis
 Metius atque animae partem super aequora aestu
 Maiorem transferre parat: Proferat benigna
 Sidera et autumnus gemmas cecidisse uerna
 Oebalii fratres; vobis pontusque potusque
 Luceat; Iliacae longe nimbrosae sororis
 Astra fugate; specor; totoque nunc cludite coelo
 Vos quoque euculeum; divae Nereides; argemae
 Quis honoris regni cesset fortuna secundae
 Dicere quae magni sitis inibi sidera ponti
 Surgite de vitreis spumosa Doridos atris
 Baianosque sinus et foeta tepentibus undis
 Litora tranquilla certatim ambite nata
 Quaerentes ubi belsa ratis, qua scendere gaudet
 Nobilis Ausoniae Celer armipotentis alumnus
 Nec quaerenda illic; modo nam trans aequora terris
 Prima Dicarcheis Pharium gravisonitula munus
 Primoque datavi Cupros per margine educto
 Sparsit Tyrrenae Maleocor vina Minervae
 Huius utrumque latus nullum praecingite gyros
 Partitaeque vices; vos stuppes totante mali
 Vincula, vos cunctis amictis suppara vetas
 Vos Zephyris querite sinus; et pars utriusque reponat
 Pars demittat aquas curvae moderamina pappi
 Sint, quibus expleret opes gravis arte molydis
 Quaeque securam religant post longa phaselon
 Uncaque submersae penitus retinacula vellant
 Temperet haec aestus; plagaque inclinet ad ortus
 Officio careat glaucarum saula uordum
 Hinc multos Proteus geminosque hinc corpore Triton
 Praenatet; et sub illis perdet ingulcat monstris

Glaucus, adhuc quotiens patriis allabitur oris
Litoream blanda festens Anthedona cauda.

'Tu tamen ante omnes, diva cum matre Palaemon,
Annue, si vestras amor est mihi pandere Thebas, 40
Nec cano degeneri Phoebeum Amphionia plectro.

'Et pater, Aeolio frangit qui carcere ventos,
Cui varii status omnisque per aequora ponti
Spiritus atque hiemes nimboaque nubila parent,
Arctius obiecto Boreas Eurumque Notamque 45
Monte premat: soli Zephyro sit copia coeli;
Solus agat puppes summasque supernatet undas
Assiduus pelago; donec tua turbine nullo
Laeta Paretonis assignet carbasa ripis.

Audimur. Vocat ipse ratem nautasque morantes 50
Increpat. Inde morantim timido iam frigore pactus
Labitur et nequeo; quamvis moveat omnis horror,
Claudere suspensos oculorum in margine fletus.

Iamque ratem terris divisit fune soluto
Navita et angustum deiecit in aequora pontem. 55
Saevus et e puppi longo clamore magister
Dissipat amplexus atque oscula fida revellit,
Nec longum cara licet in cervice morari.
Attamen in terras e plebe novissimus omni
Ibo nec egrediar nisi iam cedente carina. 60

Quis rude et absdissum miseris animantibus aequor?
Fecit iter solidaeque vios telluris altissimos
Expulit in fluctus pelagoque inmisit hiantes?
Audax ingenii, nec otia temeraria virtus?
Illa magis, summae solidum quae Pelion Ossa
Iunxit anhelantemque iugis bis pressit Olympum
Usque adeone parum dentis transire paludes
Stagnaue et angustos submittere pontibus amnes?
Imus in abruptum gentilesque undique terras
Fugimus, exigua clausi trabe et iacere nudo 70
Inde furor ventis indignataeque procellae
Et coeli fremitus et fulmina plura. Tonant.

Ante rates pigro torpebant aequora spando,
Nec spumare Thetis nec spargere nubila fluctus

Audebant. Visis tumuerunt puppibus undae, 75
 Inque hominē surrexit hiems. Tunc nubila Pleias,
 Oleniumque pecus, solito tunc peior Orion.

Iusta queror; fugit ecce vagas ratis acta per undas
 Paulatim minor, et longe servantia vincit.
 Lumina, tot gracili ligno complexa timores, 80
 Teque super reliquos, te, nostri pignus amoris
 Portatura, Celer. Quos nunc ego, pectore somnos
 Quosve queam perferre dies? Quis cuncta paventi
 Nuntius, an facili te praetermiserit unda?
 Lucani rabida ora maris? Num porva Charybdia 85
 Fluctuet aut Siculi populatrix virgo profundi?
 Quos tibi currenti praecoeps ferat Adria mores?
 Quae pax Carpathio? Quali te subvehat aura
 Doris Agenorei fartis blandita iuvenoi?

Sed merui questus. Quid enim ta castra petente 90
 Non vel ad ignotes ibam comes impiger, Indos
 Cimmeriumque chaos? Starem propa bellica regia
 Signa mei, seu tela manu seu frena teneres,
 Armatis seu iura dares; operumque tuorum
 Etsi non socius, certe mirator adessem. 95

Si quondam magno Phoenix reverendus Achilli
 Litus ad Iliacum Thymbraeaeque Pergama venit
 Inbellis tumidoque nihil iusatus Atmidæ,
 Cur nobis ignavus amor? Sed pectore fido
 Numquam abero longisque sequar tua carbasæ votis. 100

Isi, Phorœcis quondam stabulata sub antris,
 Nunc regina Phari numenque orientis anhelis
 Excipe multisono puppem Mareotida sistro;
 Ac iuvenem egregium, Latius cui doctor Eoa
 Signa Palaestinasque dedit frenare cohortes, 105
 Ipsa manu placida per limina festa sacrosque
 Duc porfus urbesque tuas. Te praeside noscat,
 Unde paludosi foecunda licentia Nili,
 Cur vada desidant, et ripa coereat undas
 Cecropio stagnata ludo, cur invida Memphis,
 Curve Therapnaei lasciviat ora Canopi,
 Cur servet Pharias Lethaeus ianitor aras,

Vilia cur magnos aequent animalia divos;
 Quae sibi praesternat vivax altaria Phoenix,
 Quos dignetur agros, aut quo se gurgite Nili 115
 Mergat adoratus trepidis pastoribus Apis.

Duc et ad Aemathios manes, ubi belliger urbis
 Conditor Hyblaeo perfusus nectare durat,
 Anguiferamque domum, blando qua mersa veneno
 Actias Ausonias fugit Cleopatra catenas. 120
 Usque et in Assyrias sedes mandataque castra,
 Prosequere et Marti iuvenem, dea, trade Latino.
 Nec novus hospes erit; puer his sudavit in arvis
 Notus adhuc tantum maioris munere clavi.
 Iam tamen et turmas facili praevertere gyro. 125
 Fortis et Eoas iaculo damnare sagittas.

Ergo erit illa dies, qua te maiora daturus
 Caesar ab emerito iubeat discedere bello?
 At nos hoc iterum stantes in litore vastos
 Cernemus fluctus aliasque rogabimus auras. 130

O tum quantus ego! aut quanta votiva movebo
 Plectra lyra! quum me magna cervice ligatum
 Attolles humeris atque in mea pectora primum
 Incumbes e puppe novus servataque reddes
 Colloquia, inque vicem medios narrabimus annos; 135
 Tu rapidum Euphraten et regia Bactra sacrasque
 Antiquae Babylonis opes et Zeugma, Latinae
 Pacis iter, qua dulce nemus florentis Idumes;
 Quo pretiosa Tyros rubeat, quo purpura fucos
 Sidoniis iterata cadis, quo germine primum. 140
 Candida felices sudent opobalsama, virgae
 Ast ego, devictis dederim quae busta Pelasgis,
 Quaeque laboratas claudat mihi pagina Thebas.

III. CONSOLATIO AD CLAUDIUM ETRUSCUM.

Summa deum pietas, cuius gratissima coelo
 Rara profanatas inspectant numina terras
 Huc vittata comam niveoque insignis amictu,
 Qualis adhuc praesens nullaque expulsa nocentum
 Fraude rudes populos atque aurea regna colebas; 145

Mitibus exequiis ades, et lugentis Etrusci
Cerne pios fletus, laudataque lumina terge.

Nam quis inexplēto rumpentem pectora questu
Complexumque rogos incumbentemque familiā
Adspiciens, non aut primævæ funera plangi
Coniugis, aut nati modo pubescentiæ credat,
Ora rapi flammis? Pater est, qui flatur, Adeste,

Dique hominesque sacris. Procul hinc, procul ite nocentes,
Si cui corde nefas tacitum fessique senectus
Longa patris, ai quis pulsatae conspiciat umquam
Matris et inferna rigidum timet, Aeacoe una
Insontes castosque voce. Tænet, acce, seniles

Leniter implicitus, vultus sanctamque parentis
Canitiem spargit lacrimis, animaeque supremam
Frigus amat; celeres genitoris, filius, annos
Mira fides! pigrasque putat, properasse, sorores

Exultent placidi, Lethææ ad lumina, manas
Elysiae gaudete domus: date sortis per ierem
Festaque pallentes hilarant altaria luges.
Felix, heu, nimium felix, ploratque nato
Umbra venit. Longe, Furiarum sibila, longe

Tergeminus custos, penitus, via, longa, patecet
Manibus egregiis. Est, horrendumque silentis
Accedat domini solium, gratesque, supremas
Perferat et totidem iuvani soget, anxius, annos: H

Macte pio gemitu, Debimus solatis dignis
Luctibus Aoniasque tuo sacra hinc, ultro
Inferias, Etrusce, senti, in, Iacra, Eos
Germina, tu messas, Ciliquumque, Arabumque, sumpseris

Merge rogis; ferat ignis, pro, haredis, et alto
Aggere, missuri, nitido pia, nubes, coelo
Stipentur cineres, nos, non, arura, feremus
Munera, ventura, quæ, durabit, in, annos
Me monstrante, dolo, Neque, nunc, mihi, flere, parentem
Ignotum, et similes, gemui, pro, lectus, ad, ignes

Ille mihi, tua, damna, dies, componere, caute
Suadet, et ipse, nulli, quos, nunc, mihi, confecto, questus
Non tibi clara, pudam, missi, pro, lectus, ad, ignes

Linea nec proavis stemma, sed ingens
 Supplevit fortune genus, et panique parentum. 45
 Occulit. Neque enim dominos de plebe tulisti;
 Sed quibus occasus pariter famulantur et ortus.
 Nec pudor iste tibi, quid enim terrisque poloque
 Parendi sine lege manet? Vix cuncta reguntur
 Alternisque regunt. Propolis sub regibus omnis 50
 Terra premit solus regum diademata Roma;
 Hanc cubibus frenare datum; mox crescit in illas
 Imperium superis. Sed habent et minima legem
 Servit et astrorum velox choras, et vaga servit
 Luna, nec intrasse totiens reat orbita luels. 55
 Et modo si fas est requirere facientia summis,
 Pertulit et saevi Tarquinus horrida regna
 Pacta, nec erubuit famulantis ista domus Proebi.
 Sed neque barbaricus Latro transmissus ab oris,
 Smyrna tibi gentile solum potiusque reverendo 60
 Fonte Meles Herinique vadum quo Lydius intrat
 Bacchus et aurato refert sua cornua timo.
 Leta dehinc verbes variisque ex ordine curis
 Auctus honos; semperque gradus prope numina, semper
 Caesareum coluisse laetas sacrisque adorum 65
 Arcanis haerere datum. Tibereta primam
 Aula tibi vixit, ora nova mutante juvenia
 Panditur. Hic unius multa super indole virtus
 Libertas oblata venit, nec proximus heres
 Inmitis quamquam et furis agnatus abegit 70
 Hunc et in Arctois tenuis comes usque pulvis
 Terribilem equata passus visuque tyrannum
 Immanemque vultu, cui qui mentenda ferarum
 Corda domant, mersaque rebus non sanguine tacto
 Reddere ab ore manus et nulla vivere praeda. 75
 Praecipuos sed enim meritis subvesti in arcibus
 Nondum intelligitur senior diadema in axem
 Claudius et longo transmissis haurere nepoti
 Quis superos metens pariter tot complaxit aras
 Promeruisse datum. Summi tibi superis aras 80
 Nuntius, tibi superis Thesamanda Hunc;

Stat celer obsequio iussa ad Neptunia Triton;
 Tu totiens mutata ducum iuga rite tulisti
 Integer, inque omni felix tua cymba profundo.

Iamque piam lux alta domum praecelsaeque toto 85
 Intravit Fortuna gradu; iam creditur uni
 Sanctarum digestus opum partaeque per omnes
 Divitiae populos magnique impendia mundi.
 Quidquid ab auriferis electat Iberia fossis,
 Dalmatico quod monte nitet, quod messibus Afris 90
 Verritur, aestiferi quidquid terit area Nili,
 Quodque legit mersus pelagi scrutator Eoi,
 Et Lacedaemonii pecuaria culta Galesi,
 Perspicuaeque nives Massylaeque robera et Indi
 Dentis honos: uni parent commissa ministro, 95
 Quae Boreas, quaeque Eurus atrox, quae nubilus Auster
 Invehit. Hibernos citius numeraveris imbres
 Silvarumque comas: Vigil iste animique sagacis
 Exitus evolvit, quantum Romana sub omni
 Pila die quantumque tribus; quid templa, quid alti 100
 Undarum cursus, quid propugnacula poscant
 Aequoris aut longe series porrecta viarum;
 Quod domini celis niteat laquearibus aurum,
 Quae divum in vultus igni formanda liquescat
 Massa; quid Ausoniae scriptum crepet igne monetae. 105
 Hinc tibi rara quies animoque exelasa voluptas,
 Exiguaeque dapes et numquam laesa profundo
 Cura mero; sed iura tamen genitalia cordi,
 Et mentem vincere tortis et iungere festa
 Conubia et fidos domino genuisse clientes. 110
 Quis sublime decus formaeque insignis Etruscae
 Nesciat? haud quamquam proprio mihi cognita visu,
 Sed decus externum formae par reddit imago
 Vultibus, et similes natorum gratia monstrat.
 Nec vulgare genus; fastos summaque curulem 115
 Frater et Ausonios enses mandatuque fidus
 Signa valit, quum prima truces amentia Dacos
 Impulit, et magno gens est damnata triumpho.
 Sic quidquid patrio cessatum sanguine, mater

Reddidit, obscurumque latus clarescere vidit 120
 Conubio gavisa domus. Nec pignora longe;
 Quippe bis ad partus venit Lucina manuque
 Ipsa levi gravidos tetigit foecunda labores.
 Felix o! si longa dies, si cernere vultus
 Natorum viridesque genas tibi iusta dedissent 125
 Stamina! Sed media cecidere abrupta iuventa
 Gaudia, florentesque manu scidit Atropos annos;
 Qualia pallentes declinant lilia culmos,
 Pubentesque rosae primos moriuntur ad austros,
 Aut uti verna novis expirat purpura pratis. 130
 Illa sagittiferi circumvolitastis, Amores,
 Funera maternosque rogos unxistis amomo:
 Nec modus aut pennis laceris aut crinibus ignem
 Spargere, collectaeque pyram struxere pharetrae.
 Quas tunc inferias aut quae lamenta dedisses 135
 Maternis, Etrusce, rogis, qui funera patris
 Haud matura putas atque hos pias ingemis annos?
 Illum et qui nutu superas nunc temperat arces,
 Progeniem claram terris partitus et astris,
 Laetus Idumaei donavit honore triumphi, 140
 Dignatusque loco victricis et ordine pompae
 Non vetuit, tenuesque nihil minuere parentes.
 Atque idem in euneos populum quum duxit equestres,
 Mutavitque genus laevaeque ignobile ferrum
 Exiit, et celsae natorum aequavit honore. 145
 Dextra bis octonis fluxerunt saecula lustris,
 Atque aevi sine nube tenor. Quam dives in usus
 Natorum totoque volens excedere censu,
 Testis adhuc largi mior inde assuetus Etrusci,
 Cui tua non humiles dedit indulgentia mores. 150
 Hunc siquidem amplexa semper, revocante tenebas
 Blandus, et imperio nunquam pater, huius honori
 Prior ipse etiam gaudebat cedere fratrem.
 Quas tibi devoti iuvenes pro patre venato,
 Summe ducum, grates, aut quae pia vota rependant? 155
 Tu, seu tarda situ rebuque exhausta senectus
 Erravit, seu blanda diu Fortuna regressum

Maluit, attonitum et venturi fulminis ictus
 Horrentem, tonitru tantum lenique procella
 Contentus monuisse senem; quumque horrida supra 160
 Aequora curarum socius procul Italia rura
 Linqueret, hic molles Campani litoris oras
 Et Diomedea concedere iussus in arces,
 Atque hospes, non exul erat. Nec plura moratus
 Romuleum reseras iterum, Germanice, limen 165
 Moerentemque foves inclinatosque penates
 Erigis. Haud mirum, ductor placidissime, quando
 Haec est, quae victis parcentia foedera Cattis,
 Quaeque suum Dacis donat clementia montem,
 Quae modo Marcomanos post horrida bella vagosque 170
 Sauromatas Latio non est dignata triumpho.
 Iamque in fine dies, et inexorabile pensum
 Deficit. Hic moesti pietas me poscit Etrusci
 Qualia nec Siculae moderantur carmina rupes,
 Nec fati iam certus olor saevique marita 175
 Tereos. Heu quantis lassantem brachia vidi
 Planctibus et prono fusum super oscula vultu!
 Vix famuli comitesque tenent, vix arduus ignis
 Submovet. Haud aliter gemit periuria Theseus
 Litore, qui falsis deceperat Aegea velis. 180
 Tunc inmane gemens foedatusque ora tepentes
 Affatur cineres: 'Cur nos, fidissime, linquis
 Fortuna redeunte, pater? Modo numina magni
 Praesidis atque breves superum placavimus iras,
 Nec frueris, tantique orbatus muneris usu 185
 Ad manes, ingrate, fugis. Nec flectere Parcas
 Aut placare malae datur aspera numina Lethes?
 Felix, cui magna patrem cervice vehenti
 Sacra Mycenaeae patuit reverentia flammae!
 Quique tener saevis genitorem Scipio Poenis 190
 Abstulit et Lydi pietas temeraria Lausi.
 Ergo et Thessalici coniux pensare mariti
 Funus et inमितem potuit Styga vincere supplex
 Thracius? Ah quanto melius pro patre liceret!
 Non totus rapiere tamen, nec funera mittam 195

Longius; hic manes; hic intra tecta tenebo.
 Tu custos dominusque laris, tibi cuncta tuorum
 Parebunt. Ego rite minor semperque secundus
 Assiduas libabo dapes et pocula sacris
 Manibus effigiesque colam: te dulcia saxa,
 Te similem doctae referet mihi linea ceræ:
 Nunc ebur et fulvam vultus imitabitur aurum.
 Inde viam morum longaeque examina vitae
 Affatusque pios monituraque somnia poscam.
 Talia dicentem genitor dulcedine laeta
 Audit et imites lente descendit ad umbras
 Verbaque dilectae fert narraturus Etruscae.

Salve supremum, senior mitissime patrum,
 Supremumque vale, qui numquam, sospite nato,
 Triste chaos moestique situs patiere sepulchri
 Semper odoratis spirabunt floribus arae;
 Semper et Assyrios felix bibet urna liquores
 Et lacrimas, qui maior honos. Hic sacra litabit
 Manibus inque tua tumultum tellure levabit
 Nostra quoque exemplo meritis tibi carmina sanxit,
 Hoc etiam gaudens cinerem donasse sepulcro:

IV. CAPILLI FLAVII MARINI.

Ite, comae, facilemque precor transcurrite pontum,
 Ite coronato redubantes molliter auro,
 Ite, dabit cursus mitis Cytherea secundos
 Placabitque notos: fors et de puppe timenda
 Transferet inque sua ducet super aequora concha.

Accipe laudans, invenis Phœbeie, crines,
 Quos tibi Caesareus donat puer, accipe tactus,
 Intonsoque ostende patri. Sine dulce nitentes
 Comparet atque diu fratris patet esse Lyaei.
 Forsan et ipse comae humatam salientis honorem
 Proferet atque alio clatsum tibi ponet in auro.

Pergame, pinifera multum fellicior Ida
 Illa licet sacrae placeat sibi nube rapinae,
 Nempe dedit superis illum, quem turbida semper
 Iuno videt, refugique manum neclatque rebusat.

At tu grata deis pulchroque insignis alumno
 Misisti Latio, placida quem fronte ministrum
 Iuppiter Ausonius pariter Romanaque Iuno
 Adspiciunt et uterque probant. Nec tanta potenti
 Terrarum domino divum sine mente voluptas. 20

Dicitur Idalios Erycis de vertice lucos
 Dum petit, et molles agitat Venus aurea cygnos,
 Pergameas intrasse domos, ubi maximus aegris
 Auxiliator adest, et festinantia sistens
 Fata salutifero mitis deus incubat angui. 25

Hic puerum egregiae praeclarum sidere formae
 Ipsius ante dei ludentem conspicit aras.
 Ac primum subita paulum decepta figura
 Natorum de plebe putat; sed non erat illi
 Arcus et ex humeris nullae fulgentibus umbrae. 30

Miratur puerile decus, vultumque comasque
 Adspiciens 'Tunc Ausonias, ait, ibis ad arces,
 Neglectus Veneri? Tu sordida tecta iugumque
 Servitii vulgare feres? Procul absit: ego isti,
 Quem meruit, formae dominum dabo. Vade age mecum, 35
 Vade, puer; ducam volucris per sidera curru
 Donum inmane duci, nec te plebeia manebunt
 Iura; Palatino famulus deberis amori.

Nil ego, nil, fateor, toto tam dulce sub orbe
 Aut vidi aut genui. Cedat tibi Latmius ultro 40
 Sangariusque puer, quemque inrita fontis imago
 Et sterilis consumpsit amor. Te caerula Nais
 Mallet et apprensa traxisset fortius urna.

Tu, puer, ante omnes; solus formosior ille,
 Cui daberis.' Sic orsa leves secum ipsa per auras 45
 Tollit olorinaque iubet considerare biga.

Nec mora. Iam Latii montes, veteresque penates
 Evandri, quos mole nova pater inclitus urbis
 Excolit, et summis aequat Germanicus astris.
 Tunc propior iam cura deae, quae forma capillis 50
 Optima, quae vestis roseos accendere vultus
 Apta, quod in digitis, collo quod dignius aurum.
 Norat coelestes oculos ducis ipsaque taedas

- Iunxerat et plena dederat conubia dextra.
 Sic ornat crines, Tyrios sic fundit amictus, 55
 Dat radios ignemque suum. Cessere priores
 Deliciae famulumque greges; hic pocula magno
 Prima duci myrrhasque puer crystallaque portat
 Candidiore manu: crescit nova gratia Baccho.
 Care puer, superis qui praelibare verendum 60
 Nectar et ingentem totiens contingere dextram
 Electus, quam nosse Getae, quam tangere Persae
 Armeniique Indique petunt! O sidere dextro
 Edite, multa tibi divum indulgentia favit!
 Olim etiam, ne prima genas lanugo nitentes 65
 Carperet et pulchrae fuscaret gratia formae,
 Ipse deus patriae celsam trans aequora liquit
 Pergamon. Haud ulli puerum mollire potestas
 Credita; sed tacita iuvenis Phoebeius arte
 Leniter haud ullo concussum vulnere corpus 70
 De sexu transire iubet. Tamen anxia curis
 Mordetur puerique timet Cytherea dolores.
 Nondum pulchra ducis clementia coeperat ortu
 Intactos servare mares; nunc frangere sexum
 Atque hominem mutare nefas, gavisaeque solos 75
 Quos genuit, natura videt, nec lege sinistra
 Ferre timent famulae natorum pondera matres.
 Tu quoque, nunc iuvenis, genitus si tardius esses,
 Umbratusque genas et adultos fortior artus,
 Non unum gaudens Phoebea ad limina munus 80
 Misisses; patrias nunc crinis solus ad aras
 Naviget. Hunc multo Paphie saturabat amomo,
 Hunc nova tergemina pectebat Gratia dextra.
 Huic et purpurei cedat coma saucia Nisi,
 Et quam Sperchio tumidus servabat Achilles. 85
 Ipsi, quum primum niveam praeceperere frontem
 Decretum est humerosque manu nudare nitentes,
 Accurrunt teneri Paphia cum matre volucres
 Expediuntque comas et serica pectore ponunt
 Pallia. Tunc iunctis crinem incidere sagittis 90
 Atque auro gemmisque locant, rapit ipsa cadentes

Mater, et arcanos iterat Cytherea liquores.

Tunc puer e turba, manibus qui forte supinis
Nobile gemmato speculum portaverat auro,
'Hoc quoque demus, ait: patriis nec gratius ullum 95
Munus erit templis ipsoque potentius auro.
Tu modo fige aciem et vultus hos usque relinque.'
Sic ait et speculum reclusit imaginē rapta.

At puer egregias tendens ad sidera palmas,
'His mihi pro donis, hominum mitissime custos, 100
Si merui, longa dominum renovare iuventa
Atque orbi servare velis! Hoc sidera mecum,
Hoc undae terraeque rogant. Eat, oro, per annos
Iliacos Pyllosque simul, propriosque penates
Gaudeat et secum Tarpeia senescere templa.' 105
Sic ait et motas miratur Pergamos aras.

V. AD CLAUDIAM UXOREM.

Quid mihi moesta die, sociis quid noctibus, uxor,
Anxia pervigili ducis suspiria cura?
Non metuo, ne laesa fides aut pectore in isto
Alter amor; nullis in te datur ire sagittis, —
Audiat infesto licet haec Rhamnusia vultu, — 5
Non datur. Et si egomet patrio de litore raptus
Quatuor emeritis per bella, per aequora lustris
Errarem, tu mille procos intacta fugares;
Non intersectas commenta retexere telas,
Sed sine fraude palam, thalamosque armata negasses. 10
Dic tamen, unde alta mihi fronte et nubila vultus?
Anne quod Euboicos fessus remeare penates
Auguror et patria senium componere terra?
Cur hoc triste tibi? Certe lascivia cordi
Nulla, nec aut rapidi mulcent te proelia Circi, 15
Aut intrat sensus clamosi turba theatri;
Sed probitas et opaca quies et sordida numquam
Gaudia. Quas autem comitem te raptō per undas?
Quamquam, et si gelidas irem mansurus ad Arctos
Vel super Hesperiae vada caligantia Thules 20
Aut septemgemi caput haud penetrabile Nili,

Hortarere vias. Etenim tua, — nempe benigna
 Quam mihi sorte Venus iunctam florentibus annis
 Servet et in senium, — tua, — quae me vulnere primo
 Intactum thalamis et adhuc iuvenile vagantem 25
 Fixisti, — tua frenâ libens docilisque recepi;
 Et semel insertas non mutaturus habenas
 Usque premo. Ter me nitidis Albana ferentem
 Dona comis sanctoque indutum Caesaris auro
 Visceribus complexa tuis, sertisque dedisti 30
 Oscula anhela meis. Tu, quum Capitolia nostrae
 Inficiata lyrae, saevum ingratumque dolebas
 Mecum victa Iovem; tu procurentia primis
 Carmina nostra sonis, mutasque in murmure voces
 Aure rapis vigili; longi tu sola laboris 35
 Conscia, cumque tuis crevit mea Thebais annis.

Qualem te nuper Stygias modo raptus ad undas,
 Quum iam Lethaeos audirem cominus amnes,
 Adspexi, tenuique oculos iam morte cadentes.
 Scilicet exhausti Lachesis mihi tempora fati 40
 Te tantum miserata dedit, superique potentes
 Invidiam timuere tuam. Post ista propinquum
 Nunc iter optatosque sinus comes ire moraris?
 Heu ubi nota fides totque explorata per usus,
 Qua veteres Latias Graiasque Heroidas aequas? 45
 Isset ad Iliacas — quid enim deterret amantes? —
 Penelope gavisâ domos, si passus Ulixes.
 Quæstâ est Aegiale, quæstâ est Meliboea relinqui,
 Et quamquam saevi fecerunt maenada planctus.
 Nec minor his tu nosse fidem firmamque maritis 50
 Reddere. Sic certe cineres umbramque priorem
 Quaeris adhuc, sic exequias amplexa canori
 Coniungis ingentes iterasti pectore planctus.
 Iam mea. Nec pietas alia est tibi curaque natae;
 Sic ut mater amas, sic nunquam corde recedit 55
 Nata tuo fixamque animi penetralibus imis
 Nocte dieque tenes. Non sic Trachinia nidos
 Halcyone veros, non sic Philomela penates
 Circuit amplexens animamque in pignora transfert.

Et nunc illa tenet viduum quod sola cubile, 60
 Otia tam pulchrae terit infoecunda iuventae;
 Sed venient festis, venient connubia taedis.
 Sic certe formaeque bonis animique meretur;
 Sive chelyn complexa petit, seu voce paterna
 Discendum Musis sonat et mea carmina flectit, 65
 Candida seu molli diducit brachia motu,
 Ingenium probitas artemque modestia vincit.

Nonne leves pueros, non te, Cytherea, pudebat
 Hoc cessare decus? Nec tantum Roma iugales
 Conciliare toros festasque accendere taedas 70
 Fertilis, et nostra generi tellure dabuntur.
 Non adeo Vesuvinus apex et flammea diri
 Montis hiems trepidas exhaustit civibus urbes:
 Stant populisque vigent. Hic auspice condita Phoebo
 Tecta, Dicarchei portus et litora mundi 75
 Hospita; et hic magnae tractus imitantia Romae
 Quae Capys advectis inplevit moenia Teucris.
 Nostra quoque haud propriis tenuis, nec rara colonis
 Parthenope, cui mite solum trans aequora vectae
 Ipse Dionaea monstravit Apollo columba. 80
 Has ego te sedes, nam nec mihi barbara Thrace
 Nec Libye natale solum, transferre laboro.
 Quas et mollis hiems et frigida temperat aestas,
 Quas inbelle fretum torpentibus alluit undis.
 Pax secura locis et desidis otia vitae, 85
 Et numquam turbata quies somnique peracti.
 Nulla foro rabies, aut strictae iurgia legis,
 Morum iura viris solum et sine fascibus aequum.

Quid nunc magnificas species cultusque locorum
 Templaque et innumeris spatia interstincta columnis, 90
 Et geminam molem nudi tectique theatri
 Et capitolinis quinquennia proxima lustris,
 Quid laudem risus libertatemque Menandri,
 Quam Romanus honos et grata licentia miscent?
 Nec desunt variae circum oblectamina vitae, 95
 Sive vaporiferas, blandissima litora, Baias,
 Enthea fatidicae, seu visere tecta Sibyllae

Dulce sit Iliacoque iugum memorabile remo,
Seu tibi Bacchei vineta madentia Gauri
Telebournque domos, trepidis ubi dulcia nautis 100
Lumina noctivagae tollit Pharus aemula lunae,
Caraque non molli iuga Surrentina Lyaeo,
Quae meus ante alios habitator Pollius auget,
Aenariaeque lacus medicos Statinasque renatas.

Mille tibi nostrae referam telluris amores. 105
Sed satis hoc, coniux, satis est dixisse, creavit
Me tibi, me socium longos adstrinxit in annos.
Nonne haec amborum genetrix altrixque videri
Digna? Sed ingratus qui plura adnecto tuisque
Moribus indubito. Venies, carissima coniux, 110
Praeveniesque etiam. Sine me tibi ductor aquarum
Tibris et armiferi sordebunt tecta Quirini.

P. PAPINII STATII
S I L V A R U M
L I B E R I V.

AD MARCELLUM.

Inveni librum, Marcelle carissime, quem pietati tuae dedicarem. Reor quidem aliter quam invocato numine maximi imperatoris nullum opusculum meum coepisse. Sed hic liber tres habet; sequitur quarta, quae ad honorem tuum pertinet. Primo autem septimum decimum Germanici nostri consulatum adoravi; secundo gratias egi sacratissimis eius epulis honoratus; tertio viam Domitianam miratus sum, qua gravissimam arenarum moram exemit: cuius beneficio tu quoque maturius epistolam meam accipies, quam tibi in hoc libro a Neapoli scribo. Proximum est lyricum carmen ad Septimium Severum, iuvenem, uti scis, inter ornatissimos secundi ordinis, tuum quidem etiam condiscipulum, sed mihi contra hoc quoque ius arctissime carum. Iam Vindicis nostri Herculem Epitrapezion, secundum honorem, quem de me et de ipsis studiis meretur, imputare etiam tibi possum. Maximum Iunium et dignitatis et eloquentiae nomine a nobis diligi satis eram testatus epistola, quam ad illum de editione Thebaidos meae publicavi; sed nunc quoque eum reverti maturius e Dalmatia rogo. Iuncta est ecloga ad municipem meum Iulium Menecratem, splendidum iuvenem et Pollii mei generum, cui gratulor, quod Neapolin nostram numero liberorum honestaverit. Plotio Grypho, maioris gradus iuveni, dignius opusculum reddam, sed interim hendecasyllabos, quos Saturnalibus una risimus, huic volumini inserui. Quare

ergo plura in quarto silvarum, quam in prioribus? Ne se putent aliquid egisse, qui reprehenderunt, ut audio, quod hoc stili genus edidissem. Primum supervacuum est dissuadere rem factam; deinde multa ex illis iam domino Caesari dederam, et quanto hoc plus est, quam edere? Exercere autem iocos non licet? si secreto, inquit. Sed et sphaeromachias spectamus, et pilaris lusio admittitur. Novissime quisquis ex meis invidus aliquid legit, statim se profitetur adversum, itaque consilio eius accedam? In summa nempe ego sum, qui traducor, taceat et gaudeat. Hunc tamen librum tu, Marcelle, defendes. Et si videatur, hactenus, sin minus, reprehendatur.

I. XVII CONSULATUS IMP. AUG. GERMANICI
DOMITIANI.

Laeta bis octonis accedit purpura fastis
Caesaris, insignemque aperit Germanicus annum,
Atque oritur cum sole novo, cum grandibus astris
Clarius ipse nitens et primo maior Eoo.
Exultent leges Latiae, gaudete, curules; 5
Et septemgemino iactantior aethera pulset
Roma iugo, plusque ante alias Evandrius arces
Collis ovet. Subiere novi palatia fasces,
Et requiem bis sextus honos precibusque receptis;
Curia Caesareum gaudet vicisse pudorem. 10
Ipse etiam inmensi reparator maximus aevi
Attollit vultus, et utroque a limine grates
Ianus agit, quem tu vicina pace ligatum
Omnia iussisti componere bella novique
In leges iurare fori. Levat ecce supinas 15
Hinc atque inde manus geminaeque haec voce profatur:
‘Salve, magne parens mundi, qui saecula mecum
Instaurare paras, talem te cernere semper
Mense novo tua Roma cupit, sic tempora nasci,
Sic annos intrare decet. Da gaudia fastis 20
Continua; hos humeros multo sinus ambiat ostro
Et properata tuae manibus praetexta Minervae.
Adspicis ut templis alius nitor, altior aris

Ignis, et ipsa meae tepeant tibi sidera brumae.
 Moribus atque tuis gaudent turmaeque tribusque 25
 Purpureique patres, lucemque a consule ducit
 Omnis honos. Quid tale, precor, prior annus habebat?
 Dic age, Roma potens, et mecum longa vetustas
 Dinumera fastos, nec parva exempla recense,
 Sed quae sola meus dignetur vincere Caesar. 30
 Ter Latios deciesque tulit labentibus annis
 Augustus fasces; sed coepit sero mereri,
 Tu iuvenis praegressus avos. Et quanta recusas,
 Quanta vetas! Flectere tamen precibusque senatus
 Permites hanc saepe diem. Manet insuper ordo 35
 Longior, et totidem felix tibi Roma curules
 Terque quaterque dabit. Mecum altera saecula condes,
 Et tibi longaevi revocabitur ara Terenti.
 Mille tropaea feres, tantum permitte triumphos.
 Restat Bactra novis, restat Babylona tributis 40
 Frenari; nondum in gremio Iovis Indica laurus,
 Nondum Arabes Seresque rogant, nondum omnis honorem
 Annus habet, cupiuntque decem tua nomina menses.
 Sic Ianus, clausoque libens se poste recepit.
 Tunc omnes patuere fores laetoque dederunt 45
 Signa polo, longamque tibi, rex magne, iuventam
 Annuit atque suos promisit Iuppiter annos.

II. EUCHARISTICON AD IMP. AUG. GERMANICUM
DOMITIANUM.

Regia Sidoniae convivia laudat Elisae,
 Qui magnum Aeneam Laurentibus intulit arvis,
 Alcinoique dapes mansuro carmine monstrat
 Aequare qui lento reducem consumpsit Ulixen: 5
 Ast ego, cui sacrae Caesar nova gaudia coenae
 Nunc primum dominaque dedit consurgere mensa,
 Qua celebrem mea vota lyra, quas solvere grates
 Sufficiam? Non, si pariter mihi vertice laeto
 Nectat adoratas et Smyrna et Mantua lauros,
 Digna loquar. Mediis videor discumbere in astris 10
 Cum Iove et Iliaca porrectum sumere dextra

Immortale merum; steriles transmisimus annos;
 Haec aevi mihi prima dies, haec limina vitae.
 Tene ego, regnator terrarum orbisque subacti
 Magne parens, te, spes hominum, te, cura deorum, 15
 Cerno iacens? Datur haec iuxta, datur ora tueri
 Vina inter mensasque, et non assurgere fas est?
 Tectum augustum, ingens, non centum insigne columnis,
 Sed quantae superos coelumque Atlante remisso
 Sustentare queant. Stupet hoc vicina Tonantis 20
 Regia, teque pari laetantur sede locatum
 Numina, ne magnum properes escendere coelum:
 Tanta patet moles effusaeque inpetus aulae
 Liberior campi multumque amplexus aperti
 Aetheros, et tantum domino minor; ille penates 25
 Inplet et ingenti genio iuvat. Aemulus illic
 Mons Libys Iliacusque nitent, et multa Syene
 Et Chios et glauca certantia Doride saxa
 Lunaque portandis tantum suffecta columnis.
 Longa super species, fessis vix culmina prenda 30
 Visibus auratique putes laquearia coeli.
 Hic quum Romuleos proceres trabeataque Caesar
 Agmina mille simul iussit discumbere mensis,
 Ipsa sinus accincta Ceres Bacchusque laborant
 Sufficere. Aetherei felix sic orbita fluxit 35
 Triptolemi; sic vitifero sub palmite nudos
 Umbravit colles et sobria rura Lyaeus.
 Sed mihi non epulas Indisve innixa columnis
 Robora Maurorum famulasve ex ordine turmas,
 Ipsum, ipsum cupido tantum spectare vacavit 40
 Tranquillum vultus et maiestate serena
 Mulcentem radios submittentemque modeste
 Fortunae vexilla suae; tamen ore nitebat
 Dissimulatus honos. Talem quoque barbarus hostis
 Posset et ignotae conspectum agnoscere gentes. 45
 Non aliter gelida Rhodopes in valle recumbit
 Dimissis Gradivus equis; sic lubrica ponit
 Membra Therapnaea resolutus gymnade Pollux,
 Sic iacet ad Gangen Indis ululantibus Evan,

Sic gravis Alcides post horrida iussa reversus 50
 Gaudebat strato latus acclinare leoni.
 Parva loquor, nec dum aequo tuos, Germanicę, vultus:
 Talis ubi Oceani finem mensasque revisit
 Aethiopum, sacro diffusus nectare vultus,
 Dux superum, secreta iubet dare carmina Musas, 55
 Et Pallenaeos Phoebum laudare triumphos.

Di tibi, namque animas saepe exaudire minores
 Dicuntur, patriae bis terque exire senectae
 Annuerint fines! rata numina miseris astris,
 Templaque des habitesque domos! Saepe annua pandas 60
 Limina, saepe novo Ianum lictore salutes,
 Saepe coronatis iteres quinquennia lustris!

Qua mihi felices epulas mensaeque dedisti
 Sacra tuae, talis longo post tempore venit
 Lux mihi, Troianae qualis sub collibus Albae 65
 Quum modo Germanas acies, modo Dacae sonantem
 Proelia, Palladio tua me manus induit auro.

III. VIA DOMITIANA.

Quis duri silicis gravisque ferri
 Inmanis sonus aequori propinquum
 Saxosae latus Appiae replevit?
 Certe non Libycae sonant catervae,
 Nec dux advena perierante bello 5
 Campanos quatit inquietus agros,
 Nec frangit vata montibusque caesis
 Inducit Nero sordidas paludes.
 Sed qui limina bellicosa Iani
 Iustis legibus et foro coronat, 10
 Qui castae Cereri diu negata
 Reddit iugera sobriasque terras,
 Qui fortem vetat interire sexum,
 Et censor prohibet mares adultos
 Pulchrae supplicium timere formae, 15
 Qui reddit Capitolio Tonantem
 Et pacem propria domo reponit,
 Qui genti patriae futura semper

Sancit limina Flaviumque culmen; Hic segnes populi vias gravatus Et campis iter omne detinentes Longos eximit ambitus novoque Iniectu solidat graves arenas, Gaudens Euboicae domum Sibyllae Gauranosque sinus et aestuantes Septem montibus admovere Baias.	20 25
Hic quondam piger axe vectus uno Nutabat cruce pendula viator, Sorbebatque rotas maligna tellus, Et plebs in mediis Latina campis Horrebat mala navigationis, Ne cursus agiles, sed inpeditam Tardabant iter orbitae tacentes, Dum pondus nimium querens sub alta Repit languida quadrupes statera. At nunc, quae solidum diem terebat, Horarum via facta vix duarum. Non tensae volucrum per astra pennae, Nec velocius ibitis, carinae.	30 35
Hic primus labor inchoare sulcos Et rescindere limites et alto Egestu penitus cavare terras; Mox, haustas aliter replere fossas Et summo gremium parare dorso, Ne nutent sola, ne maligna sedes Et pressis dubium cubile saxi; Tunc umbonibus hinc et hinc coactis Et crebris iter alligare gomphis. O quantae pariter manus laborant!	40 45
Hi caedunt nemus exuuntque montes, Hi ferro scopulos trabesque laevant; Illi saxa ligant opusque texunt Cocto pulvere sordidoque topho; Hi siccant bibulas manu lacunas Et longe fluvios agunt minores. Hae possent et Athon cavare dextrae	50 55

Et moestum pelagus gementis Helles
Intercludere ponte non natanti.
His parvus, nisi Lechia vetarent,
Inous freta miscuisset Isthmos.

60

Fervent litora mobilesque silvae,
It longus medias fragor per urbes,
Atque echo simul hinc et inde fractam
Gauro Massicus uvifer remittit.

Miratur sonitum quieta Cyme
Et Literna palus pigerque Savo.
Et flavum caput humidumque late
Crinem mollibus inpeditus ulvis

65

Vulturnus levat ora maximoque
Pontis Caesarei reclinis arcu
Raucis talia faucibus redundat:

70

‘Camporum bone conditor meorum,
Qui me vallibus aviis refusum
Et ripis habitare nescientem

Recti legibus alvei ligasti,
Et nunc ille ego turbidus minaxque
Vix passus dubias prius carinas,

75

Iam pontem fero perviusque calcor;
Qui terras rapere et rotare silvas
Assueram, pudet! amnis esse coepi;
Sed grates ago strictus atque tanti est,

80

Quod sub te duce, te iubente, cessi,
Quod tu maximus arbiter meaeque
Victor perpetuus legere ripae.

Et nunc limite me colis beato
Nec sordere sinis, malumque late
Deterges sterilis soli pudorem;

85

Ne me pulvereum gravemque coeno
Tyrreni sinus obruat profundum,
Qualis Cinyphius tacente ripa

90

Poenos Bagrada serpit inter agros,
Sed talis ferar, ut nitente cursu
Tranquillum mare proximumque possim
Puro gurgite provocare Lirim.

Haec amnis, pariterque se levabat
Ingenti plaga marmorata dorso. 95

Huius ianua prosperumque limen
Arcus, belligeri ducis tropaeis
Et totis Ligurum nitens metallis,
Quantus nubila quo coronat Iris. 10

Illic flectitur excitus viator,
Illic Appia se dolet relinqui.
Tunc velocior acriorque cursus,
Tunc ipsos iuvat inpetus iugales.
Ceu fessis ubi remigum lacertis 105

Primae carbasa ventilatis aurae.
Ergo omnes, quae sub axe primo
Romani colitis fidem parentis,
Prono limite commeate gentes.
Eoae citius venite laurus; 110

Nil obstat cupidis, nihil moratur.
Qui primo Tiberim reliquit ortu,
Primo vespere navigat Lucrinum.
Sed quam fine viae recentis imo,
Qua monstrat veteres Apollo Cumas, 115

Albam crinibus infulisque cerno!
Visu fallimur? an sacris ab antris
Profert Chalcidicas Sibylla laurus?
Cedamus; chely, iam repone cantus,
Vates sanctior incipit, tacendum est. 120

En! et colla rotat novisque late
Bacchatur spatiis viamque replet.
Tunc sic virgineo profatur ore:

‘Dicebam, veniet — manete campi
Atque amnis — veniet favente coelo, 125
Qui foedum nemus et putres arenas
Celsis pontibus et via levabit.

En! hic est deus, hunc iubet beatis
Pro se Iuppiter imperare terris;
Quo non dignior has subit habenas, 130
Ex quo me duce praescios Avernī
Aeneas avida futura quaerens

Lucos et penetravit et reliquit. Hic paci bonus, hic timendus armis, Natura melior potentiorque.	135
Hic si flammiferos teneret axes, Largis, India, nubibus maderes, Undaret Libye, teperet Haemus.	
'Salve, dux hominum et parens deorum, Provisum mihi cognitumque numen.	140
Nec iam putribus evoluta chartis Solenni prece quindecim virorum Perlustra mea dicta, sed canentem Ipsam cominus, ut mereris, audi:	
'Vidi quam seriem morantis aevi	145
Pronectant tibi candidae sorores; Magnus te manet ordo saeculorum, Natis longior abnepotibusque Annos perpetua geres iuventa, Quot fertur placidos obisse Nestor, Quot Tithonia computat senectus, Et quantos ego Delium poposci.	150
'Iuravit tibi iam nivalis Arctos, Nunc magnos oriens dabit triumphos.	
Ibis qua vagus Hercules et Evan, Ultra sidera flammeumque solem, Et Nili caput et nives Atlantis, Et laudum cumulo beatus omni Scandes belliger abnuesque currus; Donec Troicus ignis et renatae Tarpeius pater intonabit aulae, Haec donec via te regente terras Annosa magis Appia senescat.'	155 160

IV. AD VICTORIUM MARCELLUM EPISTOLA.

Curre per Euboicos non segnis, epistola, campos,
Hac ingressa vias, qua nobilis Appia crescit
In latus et molles solidus premit agger arenas.
Atque ubi Romuleas velox penetraveris arces,
Continuo dexteras flavi pete Tibridis oras,

Lydia qua penitus stagnum navale coercet
 Ripa, suburbanisque vadum praetexitur hortis.
 Illic egregium formaque animisque videbis
 Marcellum et celso praesignem vertice nosces.
 Cui primum solito vulgi de more salutem, 10
 Mox inclusa modis haec reddere verba memento :
 'Iam terras volucremque polum fuga veris aquosi
 Laxat et Icariis coelum latratibus urit;
 Ardua iam densae rarescunt moenia Romae.
 Hos Praeneste sacrum, nemus hos glaciale Dianae, 15
 Algidus aut horrens aut Tuscula protegit umbra,
 Tiburis hi lucos Anienaeque frigora captant.
 'Te quoque clamosae quaenam plaga mitior urbi
 Subtrahit? Aestivos quo decipis aere soles?
 Quid, tuus ante omnes, tua cura potissima Gallus, 20
 Nec non noster amor — dubium morumne probandus
 Ingeniive bonis, — Latiis aestivat in oris?
 Annē metalliferae repetit iam moenia lunae
 Tyrrhenasque domos? Quod si tibi proximus haeret,
 Non ego nunc vestro procul a sermone recedo. 25
 Certum est, inde sonus geminas mihi circuit aures.
 'Sed tu, dum nimio possessa Hyperione flagrat
 Torva Cleonaei iuba sideris, exue curis
 Pectus et assiduo temet furare labori.
 Et sontes operit pharetras arcumque retendit 30
 Parthus, et Eleis auriga laboribus actos
 Alpheo permulcet equos, et nostra fatiscit
 Laxaturque chelys. Vires instigat alitque
 Tempestiva quies, maior post otia virtus.
 Talis cantata Briseide venit Achilles, 35
 Acrior et positis erupit in Hectora plectris.
 Te quoque flammabit tacite repetita parumper
 Desidia et solitos novus exultabis in actus.
 Certe iam Latiae non miscent iurgia leges,
 Et pacem piger annus habet, messesque reversae 40
 Dimisere forum. Nec iam tibi turba reorum
 Vestibulo, querulique rogant exire, clientes
 Cessat centeni moderatrix iudicis, hasta,

Qua tibi sublimi iam nunc celeberrima fama
 Eminent, et iuvenes facundia praeterit annos. 45
 'Felix curarum, cui non Heliconia cordi
 Serta nec inbelles Parnassi e vertice laurus,
 Sed viget ingenium, et magnos accinctus in usus
 Fert animus quascumque vices. Nos otia vitae
 Solamur cantu ventosaeque gaudia famae 50
 Quaerimus. En egomet somnum et geniale secutus
 Litus, ubi Ausonio se condidit hospita portu
 Parthenope, tenues ignavo pollice chordas
 Pulso, Maroneique sedens in margine templi
 Sumo animum et magni tumulis ad canto magistri. 55
 'At tu, si longi cursum dabit Atropos aevi,
 Detque precor, Latiiue ducis sic numina pergant,
 — Quem tibi posthabito studium est coluisse Tonante,
 Quique tuos alio subtexit munere fasces,
 Et spatia antiquae mandat renovare Latinae, — 60
 Forsitan Ausonias ibis frenare cohortes,
 Aut Rheni populos aut nigrae litora Thules,
 Aut Istrum servare latus metuendaque portae
 Limina Caspiacae. Nec enim tibi sola potentis
 Eloquii virtus, sunt membra accommoda bellis, 65
 Quique gravem tarde subeant thoraca lacerti.
 Seu campo pedes ire paras, est agmina supra
 Nutaturus apex, seu frena sonantia flectes,
 Serviet asper equus. Nos facta aliena canendo
 Vergimur in senium: propriis tu pulcher in armis 70
 Ipse canenda gerēs patriaeque exempla parabis.
 Magna pater dignosque etiamnum belliger actus
 Poscit avus, praestatque domi novisse triumphos.
 Surge agedum, iuvenemque puer deprehende parentem,
 Stemmata materno felix, virtute paterna. 75
 Iam te blanda sinu Tyrio sibi gloria felix
 Educat et cunctas gaudet spondere curules.'
 Haec ego Chalcidicis ad te, Marcella, sonabam
 Litoribus, fractas ubi Vesvius erigit iras,
 Aemula Trinacriis volvens incendia flammis. 80
 Mira fides! Credetne virum ventura propago,

Quum segetes iterum, quum iam haec deserta virebunt,
 Infra urbes populosque premi proavitaque toto
 Rura abiisse mari? Necdum letale minari
 Cessat apex. Procul ista tuis, Tifata, Teate,
 Nec Marrucinos agat haec insania montes. 85

Nunc si forte meis quae sint exordia Musis
 Scire petis, iam Sidonios emensa labores
 Thebais optato collegit carbasa portu,
 Parnassique ingis silvaeque Heliconide festis 90
 Tura dedit flammis et virginis exta iuvencae
 Votiferaque meas suspendit ab arbore vittas.
 Nunc vacuos crines alio subit infula nexu;
 Troia quidem magnusque mihi temptatur Achilles.
 Sed vocat arcitenens alio pater armaque monstrat 95
 Ausonii maiora ducis. Trahit inpetus illo
 Iam pridem retrahitque timor. Stabuntne sub illa
 Mole humeri, an magno vincetur pondere cervix?
 Dic, Marcelle, feram? fluctus an sueta minores
 Nosse ratis nondum Ioniis credenda periclis? 100

Iamque vale et penitus noti tibi vatis amorem
 Corde exire veta. Nec enim Tirynthius almae
 Pectus amicitiae; cedit tibi gloria fidi
 Theseos, et lacerum qui circa moenia Troiae
 Priamidem caeso solatia traxit amico. 105

V. CARMEN LYRICUM AD SEPTIMIUM SEVERUM.

Parvi beatus ruris honoribus,
 Qua prisca Teucros Alba colit lares,
 Fortem atque facundum Severum
 Non solitis fidibus saluto.

Iam trux ad Arctos Parrhasias hiems 5
 Concessit altis obruta solibus,
 Iam pontus ac tellus renident,
 Iam Zephyris Aquilo refractus.

Nunc cuncta veris frondibus annuis
 Crinitur arbor, nunc volucrum novi 10

Questus inexpertumque carmen,
Quod tacita statuere bruma.

Non parca tellus, pervigil et focus
Culmenque multo lumine sordidum
Solantur exemptusque testa, 15
Qua modo ferbuerat Lyaeus.

Non mille balant lanigeri greges,
Nec vacca dulci mugit adultero,
Unique si quando canenti
Mutus ager domino reclamat. 20

Sed terra primis post patriam mihi
Dilecta curis; hic mea carmina
Regina bellorum virago
Caesareo decoravit auro,

Quum tu sodalis dulce periculum 25
Connisus omni pectore tolleres,
Ut Castor ad cunctos tremebat
Bebryciae strepitus arenae.

Tene in remotis Syrtibus avia
Leptis creavit? Iam feret Indicas 30
Messēs odoratisque rara
Cinnama praecripiet Sabaeis.

Quis non in omni vertice Romuli
Reptasse dulcem Septimium putet?
Quis fonte Iuturnae relictis 35
Uberibus neget esse pastum?

Nec mira virtus. Protinus Ausonum
Portus vadosae nescius Africae
Intras, adoptatusque Tuscis
Gurgitibus puer innatasti. 40

Hic parvus inter pignora curiae
Contentus raro lumine purpurae
Crescis, sed imensos labores
Indole patricia secutus.

Non sermo Poenus, non habitus tibi,
 Externa non mens, Italus, Italus. 45

Sunt urbe Romanisque turmis,
 Qui Libyam deceant alumni?

Est et frementi vox hilaris foro,
 Venale sed non eloquium tibi; 50
 Ensisque vagina quiescit,
 Stringere ni iubeant amici.

Sed rura cordi saepius et quies,
 Nunc in paternis sedibus et solo
 Veiente, nunc frondosa supra 55
 Hernica, nunc Curibus vetustis.

Hic plura pones vocibus et modis
 Passu solutis, sed memor interim
 Nostri verecundo latentem
 Barbiton ingeminas sub antro. 60

VI. HERCULES EPITRAPEZIOS NOVII VINDICIS.

Forte remittentem curas Phoeboque levatum
 Pectora, quum patulis tererem vagus otia septis
 Iam moriente die, rapuit me coena benigni
 Vindicis. Haec imos animi perlapsa recessus
 Inconsumpta manet. Neque enim ludibria ventris 5
 Hausimus aut epulas diverso e sole petitas
 Vinaque perpetuis aevo certantia fastis.

Ah miseri! quos nosse iuvat, quid Phasidis ales
 Distet ab hiberna Rhodopes grue, quis magis anser
 Exta ferat, cur Tuscus aper generosior Umбро, 10
 Lubrica qua recubent conchylia mollius alga.

Nobis verus amor medioque Helicone petitus
 Sermo hilaresque ioci brumalem absumere noctem
 Suaserunt mollemque oculis expellere somnum,
 Donec ab Elysiis prospexit sedibus alter 15
 Castor et hesternas risit Tithonia mensas.

O bona nox! iunctaque utinam Tirynthia luna!
 Nox et Erythraeae Thetidis signanda lapillis

Et memoranda diu geniumque habitura perennem!
 Mille ibi tunc species aerisque eborisque vetusti 20
 Atque locuturas mentito corpore ceras
 Edidici. Quis namque oculis certaverit usquam
 Vindicis artificum veteres agnoscere ductus,
 Et non inscriptis auctorem reddere signis?
 Hic tibi quae docto multum vigilata Myroni 25
 Aera, laboriferi vivant quae marmora coelo
 Praxitelis, quod ebur Pisaeo pollice rasum,
 Quod Polycleteis iussum spirare caminis,
 Linea quae veterem longe fateatur Apellem,
 Monstrabit, namque haec, quotiens chelyn exuit, illi 30
 Desidia est, hic Aoniis amor avocat antris.
 Haec inter castae genius tutelaque mensae
 Amphitryoniades multo mea cepit amore
 Pectora, nec longo satiavit lumina visu:
 Tantus honos operi finesque inclusa per arctos 35
 Maiestas! Deus, ille deus seseque videndum
 Indulsit, Lysippe, tibi, parvusque videri
 Sentirique ingens; et quum mirabilis intra
 Stet mensura pedem, tamen exclamare libebit,
 Si visus per membra feres; hoc pectore pressus 40
 Vastator Nemees; haec exitiale ferebant
 Robur et Argoos frangebant brachia remos.
 Hoc spatium tam magna brevi mendacia formae!
 Quis modus in dextra, quanta experientia docti
 Artificis curis, pariter gestamina mensae 45
 Fingere et ingentes animo versare colossos!
 Tale nec Idaeis quidquam Telchines in antris,
 Nec solidus Brontes nec, qui polit arma deorum,
 Lemnius, exigua potuisset ludere massa.
 Nec torva effigies epulisque aliena remissis, 50
 Sed qualem parci domus admirata Molochi,
 Aut Aleae lucis vidit Tegeaea sacerdos:
 Qualis et Oetaeis emissus in astra favillis
 Nectar adhuc torva laetus Iunone bibebat,
 Sic mitis vultu, veluti de pectore gaudens, 55
 Hortatur mensas. Tenet haec marcentia fratris

Pocula, adhuc saevae meminit manus altera caedis.
Sustinet occultum Nemeaeo tegmine saxum.

Digna operi fortuna sacro. Pellaeus habebat
Regnator laetis numen venerabile mensis 60

Et comitem occasus secum portabat et ortus,

Prensabatque libens modo qua diademata dextra

Abstulerat dederatque et magnas verterat urbes.

Semper ab hoc animos in crastina bella petebat,

Huic acies victor semper narrabat opimas, 65

Sive catenatos Bromio detraxerat Indos,

Seu clausam magna Babylona refregerat hasta,

Seu Pelopis terras libertatemque Pelasgam

Obruerat bello, magnoque ex agmine laudum

Fertur Thebanos tantum excusasse triumphos. 70

Ille etiam, magnos fatis rumpentibus actus,

Quum traheret letale merum, iam mortis opaca

Nube gravis, vultus alios in numine caro

Aeraque supremis tenuit sudantia mensis.

Mox Nasamoniaco decus admirabile regi 75

Possessum; fortique deo libavit honores

Semper atrox dextra periuroque ense superbus

Hannibal. Italicae perfusum sanguine gentis

Diraque Romuleis portantem incendia tectis

Oderat, et quum epulas et quum Lenaea dicaret 80

Dona, deus castris moerens comes isse nefandis,

Praecipue quum sacrilega face miscuit arces

Ipsius inmeritaeque domos ac templa Sagunti

Polluit et populis furias inmisit honestas.

Nec post Sidonii letum ducis aere potita 85

Egregio plebeia domus. Convivia Sullae

Ornabat semper claros intrare penates

Assuetum et felix dominorum stemmate signum.

Nunc quoque, si mores humanaeque pectora curae

Nosse deis, non aula quidem, Tirynthie, nec te 90

Regius ambit honos, sed casta ignaraeque culpae

Mens domini, cui prisca fides coeptaеque perenne

Foedus amicitiae. Scit adhuc florente sub aevo

Par magnis Vestinus avia, quem nocte dieque

Spirat, et in carae vivit complexibus umbrae. 95
 Hic igitur tibi laeta quies, fortissime divum,
 Alcide, nec bella vides pugnasque feroces,
 Sed chelyn et vittas et amantes carmina laurus.
 Hic tibi solemnī memorabit carmine, quantus
 Iliacas Geticasque domos quantusque nivalem 100
 Stymphalon quantusque iugis Erymanthon aquosis
 Terrueris, quem te pecoris possessor Iberi,
 Quem tulerit saevae Mareoticus arbiter arae.
 Hic penetrata tibi spoliataque limina mortis
 Concinet et flentes Libyae Scythiaeve puellas. 105
 Nec te regnator Macedum nec barbarus umquam
 Hannibal aut saevi posset vox horrida Sullae
 His celebrare modis. Certe tu numeris auctor
 Non aliis malles oculis, Lysippè, probari.

VII. LYRICUM AD MAXIMUM IUNIUM.

Iamdiu lato satiata campo
 Fortis heroos Erato labores
 Differ, atque ingens opus in minores
 Contrahe gyros.
 Tuque regnator lyricae cohortis 5
 Da novi paulum mihi iura plectri,
 Si tuas cantu Latio sacravi,
 Pindare, Thebas.
 Maximo carmen tenuare tempto;
 Nunc ab intonsa capienda myrto 10
 Serta, nunc maior sitis, et bibendus
 Castior amnis.
 Quando te dulci Latio remittent
 Dalmatae montes, ubi Dite viso
 Pallidus fossor redit erutoque 15
 Concolor auro?
 Ecce me natum propiore terra
 Non tamen portu retinent amoeno

Desides Baiae, liticenve notus Hectoris armis.	20
Torpor est nostris sine te Camoenis, Tardius sueto venit ipse Thymbrae Rector, et primis meus ecce metis Haeret Achilles.	
Quippe te fido monitore nostra Thebais multa cruciata lima Temptat audaci fide Mantuanae Gaudia famae.	25
Sed damus lento veniam, quod alma Prole fundasti vacuos penates. O diem laetum! venit ecce nobis Maximus alter.	30
Orbitas omni fugienda nisu, Quam premit votis inimicus heres, Optimo poscens pudet heu! propinquum Fumus amico.	35
Orbitas nullo tumultata fletu. Stat domo capta cupidus superstes Inminens leti spoliis et ipsum Computat ignem.	40
Duret in longum generosus infans, Perque non multis iter expeditum Crescat in mores patrios avumque Provocet actis!	
Tu tuos parvo memorabis enses, Quos ad Eoum tuleris Orontem Signa frenatae moderatus alae Castore dextro;	45
Ille ut invicti rapidum secutus Caesaris fulmen refugis amaram Sarmatis legem dederit, sub uno Vivere coelo.	50

Sed tuas artes puer ante discat,
 Omne quis mundi senium remensus
 Orsa Sallusti brevis et Timavi
 Reddis alumnum. 55

VIII. AD IULIUM MENECRATEM OB PROLEM.

Pande fores superum vittataque templa Sabaeis
 Nubibus et pecudum fibris spirantibus inple,
 Parthenope; clari genus ecce Menecratis auget
 Tertia iam soboles. Procerum tibi nobile vulgus
 Crescit et insani solatur damna Vesevi. 5

Nec solum festas secreta Neapolis aras
 Ambiat, et socii portus dilectaque mitis
 Terra Dicarcheae, nec non plaga cara madenti
 Surrentina deo sertis altaria cingat,
 Materni qua litus avi, quem turba nepotum
 Circuit et similes contendit reddere vultus. 10
 Gaudeat et Libyca praesignis avunculus hasta,
 Quaeque sibi genitos putat attollitque benigno
 Polla sinu. Macte, o iuvenis, qui tanta merenti
 Lumina das patriae. Dulci fremit ecce tumultu
 Tot dominis clamata domus. Procul atra recedat
 Invidia, atque alio liventia pectora flectat.
 His senium longaeque decus virtutis et alba
 Atropos et patrius lauros promisit Apollo. 15

Ergo quod Ausoniae pater augustissimus urbis
 Ius tibi tergeminae dederat laetabile prolis,
 Omen erat. Venit totiens Lucina piumque
 Intravit repetita larem. Sic fertilis, oro,
 Stet domus et donis numquam nudata sacratis.

Macte, quod et proles tibi saepius aucta virili
 Robore; se iuveni laetam dat virgo parenti. 25
 Aptior his virtus, citius dabit illa nepotes,
 Qualis maternis Helene iam digna palaestris
 Inter Amyclaeos reptabat candida fratres,
 Vel qualis coeli facies, ubi nocte serena
 Admovere iubar mediae duo sidera lunae. 30
 Sed queror haud faciles, iuvenum rarissime, questus

Irascorque etiam, quantum irascuntur amantes.
 Tantane me decuit vulgari gaudia fama
 Noscere? Quumque tibi vagiret tertius infans, 35
 Protinus ingenti non venit nuntia cursu
 Litera, quae festos cumulare altaribus ignes
 Et redimire chelyn postesque ornare iuberet,
 Albanoque cadum sordentem promere fumo
 Et creta signare diem? Sed tardus inersque 40
 Nunc demum mea vota cano? Tu culpa tuusque
 Hic pudor. Ulterius sed enim producere questus
 Non licet; en hilaris circumstat turba tuorum
 Defensatque patrem. Quem non hoc agmine vincas?
 Di patrii, quos auguriis super aequora magnis 45
 Litus ad Ausonium devexit Abantia classis,
 Tu, ductor populi longe migrantis, Apollo,
 Cuius adhuc volucrem laeva cervice sedentem
 Respiciens blande felix Eumelis adorat,
 Tuque, Actaea Ceres, cursu cui semper anhelio 50
 Votivam taciti quassamus lampada mystae,
 Et vos, Tyndaridae, quos non horrenda Lycurgi
 Taygeta umbrosaeve magis coluere Therapnae,
 Hos cum plebe sua patrii servate penates.
 Sint, qui fessam aevo crebrisque laboribus urbem 55
 Voce opibusque iuvent viridique in nomine servant.
 His placidos genitor mores largumque nitorem
 Monstret avus, pulchrae studium virtutis uterque.
 Quippe et opes et origo sinunt hanc lampade prima
 Patritias intrare fores, hos, pube sub ipsa, 60
 Si modo plena bonis invicti Caesaris adsint
 Numina, Romulei limen pulsare senatus.

IX. RISUS SATURNALITIUS AD PLOTIUM GRYPHUM.

Est sane iocus iste, quod libellum
 Misisti mihi, Gryphe, pro libello.
 Urbanum tamen hoc potest videri,
 Si post hoc aliquid mihi remittas;
 Nam si ludere, Gryphe, perseveras, 5
 Non ludis. Licet, ecce, computemus:

Noster purpureus novusque charta Et binis decoratus umbilicis, Praeter me mihi constitit decussis.	
Tu rosum tineis situque putrem,	10
Quales aut Libycis madent olivis, Aut tus Niliacum piperve servant, Aut Byzantiacos olent lacertos; Nec saltem tua dicta continentem,	
Quae trino iuvenis foro tonabas,	15
Aut centum prope iudices, priusquam Te Germanicus arbitrum sequentis Annonae dedit omniumque late Praefecit stationibus viarum; Sed Bruti senis oscitationes	20
De capsula miseri libellionis, Emptum plus minus asse Caiano, Donas. Usque adeone defuerunt Caesis pilea suta de lacernis? Vel mantilia luridaeve mappae,	25
Chartae Thebaicaeve caricaeve? Nusquam turbine conditus ruenti Prunorum globus atque coctanorum? Non ellychnia sicca, non replictae Bulborum tunicae nec ova tantum?	30
Non leves alicae nec asperum far? Nusquam Cinyphiis vagata campis Curvarum domus uda cochlearum? Non lardum breve debilisve perna? Non Lucanica, non graves Phalisci,	35
Non sal, oxyporumve caseusve, Aut panes viridantis aphronitri, Vel passum psythiis suis recoctum, Dulci defruta vel lutosae coeno? Quantum vel dare cereos olentes	40
Cultellum tenuesve codicillos? Ollares, rogo, non licebat uvas, Cumano patinas in orbe tortas, Aut unam dare synthesin — quid horres? —	

Alborum alicum atque caccaborum?

45

Sed certa velut aequus in statera,
Nil mutas, sed idem nihil rependis.

Quid? si quum bene mane semicrudus

Inlatam tibi dixero salutem,

Et tu me vicibus domi salutes?

50

Aut quum me dape iuveris opima,

Expectes similes et ipse coenas?

Irascor tibi, Gryphe. Sed valebis;

Tantum ne mihi, quo soles lepore,

Et nunc hendecasyllabos remittas.

55

P. PAPINII STATII
S I L V A R U M
L I B E R V.

AD ABASCANTIUM.

Omnibus affectibus prosequenda sunt bona exempla, quum publice prosint. Pietas, quam Priscillae tuae praestas, et morum tuorum pars nulli non conciliare te, praecipue marito, potest. Uxorem enim vivam amare voluptas est, defunctam religio. Ego tamen huic operi non ut unus e turba, nec tantum quasi otiosus assilui. Amavit enim uxorem meam Priscilla et amando fecit mihi illam probatorem; post hoc ingratus sum, si lacrimas tuas transeo. Praeterea latus omne divinae domus semper demereri pro mea mediocritate connitor. Nam qui bona fide deos colit, amat et sacerdotes. Sed quamvis propiorem nexum amicitiae tuae iampridem cuperem, mallet tamen nondum intervenire materiam.

Reliqua desunt.

I. ABASCANTII IN PRISCILLAM PIETAS.

Si manus aut similes docilis mihi fingere ceras
Aut ebur inpressis aurumve animare figuris,
Hinc, Priscilla, tuo solatia grata marito
Conciperem. Namque egregia pietate meretur,
Ut vel Apelleo vultus signata colore,
Phidiaca vel nata manu reddare dolenti.
Sic auferre rogis umbram conatur et ingens
Certamen cum morte gerit, curasque fatigat
Artificum inque omni te quaerit amare metallo.

Sed mortalis honos, agilis quem dextra laborat. 10

Nos tibi, laudati iuvenis rarissima coniux,
Longa nec obscurum finem latura perenni
Temptamus dare iusta lyra; modo dexter Apollo
Quique venit iuncto mihi semper Apolline Caesar,
Annuat. Haud alio melius condere sepulcro. 15

Sera quidem tanto struitur medicina dolori,
Altera quum volucrem Phoebi rota torqueat annum;
Sed quum plaga recens et adhuc in vulnere primo
Aegra domus questu miseramque accessus ad aurem
Coniugis orbat, tunc flere et scindere vestes 20

Et famulos lassare greges et vincere planctus
Fataque et iniustos rabidis pulsare querelis
Coelicolas solamen erat. Licet ipse levandos
Ad gemitus silvis comitatus et amnibus Orpheus
Afforet, atque omnis pariter matertera vatem, 25

Omnis Apollineus tegeret Bacchique sacerdos,
Nil cantus, nil fila, deis pallentis Averni
Eumenidumque audita comis, mulcere valerent.
Tantus in attonito regnabat pectore luctus!
Nunc etiam ad planctus refugit iam plana cicatrix, 30
Dum canimus gravibusque oculis uxorius instat
Imber. Habentne pios etiamnum lumina fletus?

Mira fides! Citius genetrix Sipylea feretur
Exhausisse genas; citius Tithonida moesti
Deficient rores, aut exatiata fatiscet 35
Mater Achilleis hiemes affringere bustis.

Macte animi! Notat ista deus, qui flectit habenas
Orbis et humanos propior Iove digerit actus,
Moerentemque videt lectique arcana ministri
Hinc etiam documenta capit, quod diligis umbram 40
Et colis exequias. Hic est castissimus ardor,
Hic amor a domino meritis censore probari.
Nec mirum, si vos collato pectore mixtos
Iunxit inabrupta concordia longa catena.

Illa quidem nuptumque prior taedasque marito 45
Passa alio, sed te ceu virginitate iugatum
Visceribus totis animoque amplexa fovebat;

Qualiter aequaevo sociatam palmite vitem
 Ulmus amat miscetque nemus ditemque precatur.
 Autumnum et caris gaudet redimita racemis. 50

Laudentur proavis seu pulchrae munere formae,
 Quae morum caruere bonis, falsoque potentes
 Laudis egent verae; tibi quamquam et origo niteret.
 Et felix species, multumque optanda maritis,
 Ex te maior honos, unum novisse cubile, 55
 Unum secretis agitare sub ossibus ignem.
 Illum nec Phrygius vitiasset raptor amorem
 Dulichiive proci, nec qui fraternus adulter.
 Casta Mycenaeo conubia polluit, auro,
 Si Babylonis opes, Lydae si pondera gazae, 60
 Indorumque dâres Serumque Arabumque potentes
 Divitias, mallet cum paupertate pudica
 Intemerata mori vitamque, rependere famae,
 Nec frons triste rigens, nimis in moribus horror,
 Sed simplex hilarisque fides, et mixta pudori 65
 Gratia. Quod si anceps metus ad maiora vocasset,
 Illa vel armiferas pro coniuge laeta catervas
 Fulmineosque ignes, mediisque pericula ponti,
 Exciperet; melius, quod non adversa probarent,
 Quae tibi cura tori, quantus pro coniuge pallor, 70
 Sed meliore via dextros tua vota marito.
 Promeruere deos, dum nocte dieque fatigas
 Numina, dum cunctis supplex advolveris aris
 Et mitem genium domini praesentis adoras.

Audita es, venitque gradu Fortuna benigno. 75
 Vidit quippe pii invenis navamque quietem
 Intactamque fidem succinctaque pectora curis,
 Et vigilis sensus et digna evolvere tantas
 Sobria corda vices, vidit, qui cuncta suorum
 Novit et inspectis ambit latus omne ministris. 80
 Nec mirum! Videt ille ortus obitusque, quid auster,
 Quid boreas hibernus agat, ferrique togaeque
 Consilia atque ipsam mentem probat. Ille subactis
 Molem inmensam humeris et vix tractabile pondus
 Inposuit, — nec enim numerosior altera sacra 85

Cura domo, — magnum late dimittere in orbem
 Romulei mandata ducis, viresque modosque
 Imperii tractare manu; quae laurus ab arcto,
 Quid vagus Euphrates, quid ripa binominis Istri,
 Quid Rheni vexilla ferant, quantum ultimus orbis 90
 Cesserit et refugo circumsona gurgite Thule.
 Omnia nam laceras pila attollentia frondes,
 Nullaque fumosa signatur lancea pinna.

Praeterea, fidos dominus si dividat enses,
 Pandere quis centum valeat frenare manipulis 95
 Intermixtus equos, quis praecepisse cohorti,
 Quem deceat clari praestantior ordo tribuni,
 Quisnam frenigerae signum dare dignior alae.
 Mille etiam praenosse vices, an merserit agros
 Nilus, an imbrifero Libye sudaverit austro; 100
 Cunctaque si numerem, non plura interprete virga
 Nuntiat e celsis ales Tegeaticus astris,
 Quaeque cadit liquidas lunqnia virgo per auras,
 Et picturato pluvium ligat aera gyro,
 Quaeque tuas laurus volucris, Germanice, curru 105
 Fama vehit, praegressa diem tardumque sub astris
 Arcada et in medio linquit Thaumantida coelo.

Qualem te superi, Priscilla, hominesque benigno
 Adspexere die, quum primum ingentibus actis
 Admotus coniux! Vicisti gaudia certe 110
 Ipsius, affuso dum pectore prona sacratos
 Ante pedes avide domini tam magna merentis
 Volveris. Aonio non sic in vertice gaudet,
 Quam pater arcani praefecit hiatibus antri
 Delius, aut primi cui ius venerabile thyrsi 115
 Bacchus et attonitae tribuit vexilla catervae.

Nec tamen hic mutata quies probitasve secundis
 Intumuit; tenor idem animo moresque modesti
 Fortuna crescente manent. Fovet anxia curas
 Coniugis hortaturque simul flectitque labores. 120
 Ipsa dapes modicas et sobria pocula tradit,
 Exemplumque ad herile monet; velut Appula coniux
 Agricolae parci, vel sole infecta Sabina,

Quae videt emeriti iam prospectantibus astris.
Tempus adesse viri, propere mensasque torosque. 125
Instruit expectatque sonum redeuntis aratri.

Parva loquor; tecum gelidas comes illa per arctos,
Sarmaticasque hiemes Istrumque et pallida Rheni.
Frigora, tecum omnes animo durata per aestus.
Et, si castra darent, vellet gestare pharetras, 130
Vellet Amazonia latus intercludere pelta:
Dum te pulvereis bellorum in pube videret.
Caesarei prope fulmen equi divinaque tela
Vibrantem et magnae sparsum sudoribus hastae.

Hactenus alma chelys. Tempus nunc ponere frondes, 135
Phoebe, tuas moestaque comam, dammare cupressae.
Quisnam inpacata consanguinitate ligavit
Fortunam invidiamque deus? Quis iussit iniquas
Aeternum bellare deas? Nullamne notavit
Illa domum, toro quam non haec lumine figat. 140

Protinus, et saeva perturbet gaudia dextra
Florebant hilares inconcussique penales.
Nil maestum: quid enim, quamvis infida levisque
Caesare tam dextro posset fortuna timeri?
Invenere viam, liventia fata, plumque. 145

Intravit vis saeva larem. Sic plena maligno
Afflantur vineta noto, sic alta senescit
Imbre seges nimio, rapidae sic obvia puppi.
Invidet et velis adoubilat aura secundis.

Carpitur, eximium fato, Priscilla decorem, 150
Qualiter alta comam silvarum gloria pinus
Seu Iovis igne malo seu iam radice soluta
Deficit et nulli spoliata remurmurat aurae.
Quid prohibas aut casta fides, quid numina, prosunt
Culta deum? Furfur, miseram, circum undique leti. 155

Vallavere plagae; tenentur dura sororum
Licia, et exanti superest para ultima fili.
Nil famuli coetus, nil ara, operosa medentum
Auxiliata malis. Comites, tamen, undique ficto
Spem simulant vultu, flentem notat illa maritum. 160
Ille modo infernae, pugnacum flumina Lethe

Incorrupta rogat, nunc anxius omnibus aris
 Infacrimat signatque fores et pectore terget
 Limina; nunc magni vocat exorabile numen
 Caesaris. Heu durus fati tenor! Estne quod illi 165
 Non liceat? Quanta poterant mortalibus annis
 Accessisse morae, si tu, pater, omne teneres
 Arbitrium? Caeco gèmeret mors clausa barathro;
 Longius et vacuae possuissent stamina Parcae.

Iamque cadunt vultus oculisque novissimus error 170
 Obtusaeque aures, nisi quum vox sola mariti
 Noscitur; illum unum media de morte reversa
 Mens videt; illum aegris circumdat fortiter ulnis
 Inmotas obversa genas, nec sole supremo
 Lumina, sed dulci mavult satiare marito. 175
 Tunc sic unanimum moriens solatur amantem

Pars animae victura meae, cui lingere possem
 Ostinam, quos dura mihi rapit Atropos, annos,
 Parce, precor, lacrimis, saevo nec concute planctu
 Pectora, nec crucia fugientem cõilugis umbram. 180
 Linquo equidem thalamos (salvo tamen ordine) mcesti
 Quod prior, exegi longa potiora senectâ
 Tempora; vidi omni te pridem in flore nitentem;
 Vidi altae propius propiusque accedere dextrae.

Non in te fatis, non iam coelestibus ullis 185
 Arbitrium; mecum lata fero. Tu limite coepto
 Tende libens sacrumque latus geniumque potentem
 Inquietus ama. Nunc, quod cupis ipse tuberi,

Da capitulinis aeternum sedibus aurum,
 Quo niteat sacri centeno pondere vultus 190
 Caesaris et propriae signet culticis amorem.
 Sic ego nec Furias nec deteriora videbo
 Tartara, et elysias felix admittar in bras.

Haec dicit labens sociosque amplectitur artus,
 Haerentemque animam non tristicin ora mariti 195
 Transtulit et cara pressit sua lumen dextra.
 At juvenis magnis flammatis pectora motu
 Nunc inplet saevo vultu clamore penates,
 Nunc ferrum laxare cupit, nunc ardua tendit

In loca; vix retinent comites; nunc ore ligato
 Incubat amissae mersumque in corde dolorem
 Saevus agit, qualis conspecta confuge segnis
 Odrysus vates positus ad Strymona plectris
 Obstupuit tristemque rogum sine carmine flevit.
 Ille etiam certae rupisset tempora vitae,
 Ne tu tartareum chaos incomitata subfressi
 Sed prohibet mens fida duci mirandaque sacris
 Imperiis et maior amor. Quis carmine digno
 Exequias et dona malae feralia pompae
 Perlegat? Omne illic stipatum examine longo
 Ver Arabum Cilicumque fuit floresque Sabaei
 Indorumque arsura seges praereptaque templis
 Tura, Palaestini simul Hebraei que liquores
 Coryciaeque comae Cinyreaeque germina.
 Ipsa toris Serum Tyrioque umbrata recumbit
 Tegmine, sed toto spectatur in agmine coniux
 Solus; in hunc magnae flectuntur lumina Romae
 Ceu iuvenes natos suprema ad busta ferentem
 Is dolor in vultu, tantum crinesque genaeque
 Sordis habent. Illam tranquillo sine solutam
 Felicemque vocant, facimas fudere marito.
 Est locus ante urbem, qua primum nascitur ingens
 Appia, quaque Italo gemitos Almonae Cybele
 Ponit et Idaeos iam non reminiscitur amnes.
 Hic te Sidonio velatam molliter ostro
 Eximius coniux, nec enim fumantia busta
 Clamoreque regi potuit perferre, beato
 Composuit, Priscilla, toro. Nil longior aetas
 Carpere, nil aevi poterunt vitare labores
 Siccatam membris, tantas venerabile marmor
 Spirat opes. Mox in varias mutata novaris
 Effigies, hoc aere Ceres, hoc lucida Gnosis,
 Illo Maia tholo, Venus hoc innot inproba saxo.
 Accipiunt vultus haud indignata decoros
 Numina; circumstant famuli consuetaque turba
 Obsequiis, tum rite tori mensaeque parantur
 Assidue. Domus ista, domus, quae triste sepulcrum

Dixerit? Hac merito visa pietate mariti
 Protinus exclames, est hic, agnosco, minister
 Ilius, aeternae modo qui sacraria genti 240
 Condidit inque alio posuit sua sidera coelo.

Sic ubi magna novum Phario de litore puppis
 Solvit iter iamque innumeros utrimque rudentes
 Lataque veliferi porrexit brachia mali
 Invasitque vias, in eodem angusta phaselus 245
 Aequare et inmensi partem sibi vindicat auri.

Quid nunc inmodicos, iuvenum lectissime, fletus
 Corde foves longumque vetas exire dolorem?
 Nempe times, ne Cerbereos Priscilla tremiscat
 Latratus? Tacet ille pius, ne tardior adsit 250
 Navita proturbetque raris? Vehit ille merentes
 Protinus et manes placidus locat hospite cymba.
 Praeterea, si quando pio laudata marito
 Umbra venit, iubet ire, faces Proserpina laetas,
 Egressasque sacris veteres heroidas antris 255
 Lumine purpureo tristes laxare tenebras
 Sertaque et elysios animae praesternere flores.
 Sic manes Priscilla subit; ubi supplice dextra
 Pro te fata rogat, reges tibi tristis Averni
 Placat, ut expletis humani finibus aevi 260
 Pacantem terras domigum, ruvenemque reliquas
 Ipse senex! Certae iurant in vota sorores.

II. PROTREPTICON AD CRISPINUM.

Rura meus Tyrrhena petit saltusque Tagetis
 Crispinus; nec longa mora est aut avia tellus
 Et mea secreto velluntur pectora morsu
 Udaeque turgentes impellunt lumina guttas
 Ceu super Aegeas hiemes abeuntis amici
 Vela sequar spectemque ratem iam fessus ab aliis
 Rupibus atque oculos longo quorar aere vicini
 Quod si militiae iam te, puer inolite, primae
 Clara rudimenta et castrorum dulce vocaret
 Auspiciis, quanto manarem gaudia, detur 265
 Quosve darem amplexus. Etiamne optanda propinqua

Tristia? Et octonos bis iam tibi circuit orbes
Vita, sed angustis animus robustior annis;
Succumbitque oneri et mentem sua non capit aetas.

Nec mirum; non te series inhonora parentum
Obscurum; proavis et priscae lucis egentem;
Plebeia de stirpe tulit; non sanguine cretas
Turmalis trabeaque Remi, nec paupere clavo
Augustam sedem et Latii penetrale senatus
Advena pulsasti; sed praecedente tuorum
Agmine. Romulei qualis per ingens circi,
Quum pulcher visu et titula generosus avitis
Expectatur equus, culus de stemmate longo
Felix emeritis habet admissura parentes;
Illum omnes acunt; plausus; illum ipse volentem
Pulvis et incurvae gaudent agnoscere metae;
Sic te videre pueri; genitum te curians sensit;
Primaque patriis clausis vestigia luma;

Mox Tyrios ex more sinus tunicamque potentem
Agnovere humeri. Sed enim tibi magna parabat
Ad titulos exempla paten. Quippe ille iuventam
Protinus ingrediens pharetratum invast Araxem
Belliger indocilemque fero servire Neroni
Armeniam. Rigidi summam illavortis agebat
Corbulo; sed comitem belli sociumque laborum
Ille quoque egregiis multum miratus in armis
Bolanium; atque illi curarum asperima suetus
Credere partiri; metus; quod tempus amicum
Fraudibus, reorto quaecumque bona tempora bello
Quae suspecta fides, aut quae fuga vera, ferocis
Armenii. Bolanus iter praenoque timendum;
Bolanus tutis iuga quaerere commoda castris,
Metari Bolanus agros, aperire malignas
Tot veprum nemorumque moras tantamque verendi
Mentem implere ducis iussisque ingentibus unus
Sufficere. Ipsa vinum moras iam barbara tellus,
Ille secundus appa bellorum et proxima cassis,
Sic Phryges attoniti, quamquam Nemeaea viderent
Arma Cleonaeque naties impallesq; arcus

Pugnante Alcideq; tamen et Telamona timebant.
 Disce, puer, nec enim externo monitore petendus
 Virtutis tibi pulcher amor cognata ministret
 Laus animos. Aliis Debii reducesque Camillum
 Monstrentur; tu disce patrem; quantusque nigrantem
 Fluctibus occidis fessoque Hyperione Thulea
 Intrarit mandata gerens, quantusque potentis
 Mille urbes Asia insertito roxerit anho;
 Imperium mulcente toga. Bibe talia pronis
 Auribus, haec coram tibi conciliare propinqui
 Haec iterent comites praecepta senesque paterni
 Iamque alio nobis iter, nec deside passu
 Ire paras; nondum valida tibi signa iuventae
 Inreperit genis, et adhuc tenor integer aevi
 Nec genitor tanta satis namque haustus iniquis
 Occidit, heu! geminam prolem sine praeside litans
 Nec saltem teneris ostrum puerile latentis
 Exuibus tunc humeros induxit amictu.
 Quem non dum puerilibus effrena nova reges
 Libertas propevata loquax? seu nescia falcis
 Silva comas tollit fractumque expirat in umbras
 At tibi Pieriae tenero sub pectore cupae
 Et pudor et docti legem tibi dicere mibres
 Tunc hilavis probitaret frons tranquilla nitore
 Luxuriae confine timens pietasque operi omnes
 Dispensata modos; neque ego videro flatri
 Mirarique patrem miseramque ignoscere matrem
 Admonuit fortuna domus, Tibine illa nefanda
 Pocula letalesque manu componere sacris
 Evaluit, qui vobis potes praesentare morsus
 Serpentum atque omnes vultus placare noceras
 Infestare libet manes haeritoque precatus
 Pacem auferre rogis sed te propius optime
 Flectentem iustis et talia dicta parantem
 Parce, precor, vel nati, statum illud et qua nocentem
 Parcarum; crimenque dei mortalibus quisquis
 Pectora sero videt, nec prius in plinthe histit
 Conatus scelerum atque in ipso infanda parentis

Excidat illa dies aevo, nec postera credant
 Saecula! Nos certe taceamus, et obruta multa
 Nocte tegi propriae patiamur crimina gentis. 90
 Exegit poenas, hominum cui cura suorum;
 Quo pietas auctore redit terrasque revisit,
 Quem timet omne nefas. Satis haec lacrimandaque nobis
 Ultio. Quin saevas utinam exorare liceret
 Eumenidas timidaeque avertere Cerberon umbrae 95
 Inmemoremque tuis citius dare manibus amnem.

Macte animo, iuvenis! sic crescunt crimina matris:
 Nec tantum pietas, sed protinus ardua virtus
 Affectata tibi. Nuper quum forte sodalis
 Inmeritae falso palleret crimine famae,
 Erigeretque forum succinctaque iudice multo 100
 Strgeret et castum vibraret Julia fulmen;
 Tu, quamquam non ante forum legesque severas
 Passus, sed tacita studiorum oculis in umbra,
 Defensare metus adversaque tela subisti 105
 Pellere; inermis adhuc et tiro, paventis amici.
 Haud umquam tales adspexit Romulus annos
 Dardanique senes, medii bellare togata
 Strage fori. Stirpuere patres tentamina tanta
 Conatusque tuos, pro te reus ipse timebat. 110

Par vigor et membris, promptaeque ad fortia vires
 Sufficiunt animo atque ingentia iussa sequuntur.
 Ipse ego te nuper Tiberino in litore vidi,
 Qua Tyrrhena vadis Laurentibus aestuat unda,
 Pendentem in cursus vexantemque illa nuda 115
 Calce ferocis equi, vultu dextraque minacem;
 Si qua fides dictis, stupui armatumque putavi.
 Getulo sic pulcher equo Troianaque quassans
 Tela novércales ibat venator in agros
 Ascanius miseramque patri flagrabat Elisam. 120
 Troilus haud aliter gyro brevior minantes
 Effudebat equos, aut quem de turribus altis
 Arcadas Ogygio versantem in pulvere turmas
 Spectabant Tyriae non torvo lumine matres.

Ergo age, nam magni ducta indulgentia pulsat, 125

Certa que dat votis hilaris vestigia frater,
 Surge, animo et fortes castrorum concipe curas.
 Monstrabunt acies, Mayors Actaeque virgo;
 Flectere Castor equos, humeris quater arma Quirinus,
 Qui tibi tam tenere permisit plaudere collo 130
 Nubigenas clipeos intactaque caedibus aera.
 Quasnam igitur terras, quem Caesaris ibis in orbem?
 Arctosne annes, et Rhœni fracta natabis
 Flumina, an aestiferis Libyæ sudabis in arvis?
 An iuga Pannoniæ, mutatoresque domorum 135
 Sauromatas quævis? An te septenus habebit
 Ister et undoso circumflua coniuge Pæuce?
 An Solymum cinerem, palmæque capta subibis
 Non sibi felices silvas ponentis Idumes?
 Quod si te magno tellus frenata parenti 140
 Accipiat, quantum ferus exultabit Araxes!
 Quanta Calydoniæ attollet gloria campos!
 Quam tibi longævus referet truciſ incolæ terræ:
 'Hic suetus dare iura parens, hoc cespite turmas
 Affari; vigiles apæculas castellaque longe 145
 Adspicis? ille dedit, cinxitque hæc moenia fossæ.
 Belligeris hæc dona deis, hæc tela dicavit;
 Carnis adhuc titulas, hunc ipse vocantibus armis
 Induit, hunc regi rapuit thoraca Britanno.
 Qualiter in Teuqros victricia bella parant 150
 Ignotum Pyrrho Phoenix narrabat Achillem.
 Felix, qui viridi fidens coeptaque iuventa
 Derabis quascumque vias vallumque subibis
 Forsan et ipse latus, — si numina principis adsint,
 Cinctus et unanimi comes indefessus amicitia 155
 Quo Pylades ex more pius, quo Dardana gessit
 Bella Menœtiades. Quippe, hæc concordia nobis
 Hic amor est; duretque precor! nos fortior actas
 Iam fugit; hinc votis animum precibusque iuvabo
 Hei mihi, sed coetus solitos si forte ciebo 160
 Et mea Romulei venient ad carmina patres,
 Tu deeris, Crispine, mihi, cuneosque per omnes
 Te meus abantem circumspectabit Achilles.

Sed venies melior, vatum non inrita current
 Omina, quique aquilas tibi nunc et castra recludit, 165
 Idem omnes perferre gradus cingique superbis
 Fascibus et patrias dabit incedisse curules.
 Sed quis ab excelsis Troianae collibus Albæ
 Unde suae iuxta prospectat moenia Romæ
 Proximū ille deus, fama velocior, intrat 170
 Nuntius atque tuos inplet, Crispine, penates?
 Dicebam certa, vatum non inrita cugrunt
 Auguria. En! ingens referat tibi limen honorum
 Caesar et Ansonii committit moenia ferri
 Vade, puer, tantisque emixsis suffice donis, 175
 Felix, qui magno iam nunc sub praeside iuras
 Cuique sacra primum tradit Germanicus ense
 Non minus hoc fortis, quam si tibi panderet ipse
 Bellipotens aquilas torvaque induceret onga
 Casside. Vade, alape, maioraque disce mereris 180

III. EPICEDION IN PATREM SUUM

Ipsæ qualis vires et lamentabile carmen
 Elysio de fonte mihi pulsamque sinistrae
 Da, genitor perdocte, lyrae. Neque enim antra movet
 Delia nec solitam fas est impellere Cyntham
 Te sine. Cerycia quidquid modo Rhœbus in umbræ
 Quidquid ab Iamariis monstrabat collibus Etyæ
 Dedidici. Fugere meos Bernassia iunestes
 Vellera, funestamque hederis inrepere taxum
 Extimui, trepidamque nefas! arescere liliæ
 Certe ego, magnanimus qui facta attolere regum
 Ibam altum spirans Martemque aequare canendos
 Quis sterili mea corda situ quis Apolline verso
 Frigida damnatae præduxit bubila ventri?
 Stant circum ætoniæ vatem ipsam dulce sonantes
 Nec digitis nec voce decas. Dux ipsa silenti
 Fulta caput citharæ, qualis post Orpheæ raptum
 Adstitit, Hebræ tibi, cornibus ianua surda ferarum
 Agmina et innotos dubito carmine lucos
 At tu seu membris emidans iudæia cæcis

Fulgentesque plagas rerumque elementa recensens, 20
 Quis dens, unde ignes, quae ducat semita solem,
 Quae minuat Phoebem quaeque integrare latentem
 Causa queat, doctique modos extendis Arati,
 Seu tu Lethaei secreto in gramine campi
 Concilia heroum iuxta manesque beatos, 25
 Maeonium Ascræumque senem, non segnior umbra
 Accolis alternumque sonas et carmina misces,
 Da vocem magno, pater, ingeniumque dolori.
 Nam me ter relegens coelo terque ora retexens
 Luna videt residem nullaque Heliconide vistes 30
 Solantem curas, tuis aut mihi vultibus ignis
 Inrubit, cineremque oculis humentibus haesi.
 Vilis honos studiis. Vix haec in munera potvos
 Primum animam tacitisque situm depellere curis
 Nunc etiam trepidante manu nec lumine siceo 35
 Ordior, aethnis tumbo, quo molle quiescis
 Iugera nostra tenens; ubi post Aeneia fata
 Solatus Latiis ingressit montibus Albam
 Ascanius, Phrygio dum pingues sanguine campos
 Odit et infaustae regnum dotale novercae 40
 Hic ego te, nam Sioanii non mitius halet
 Aura croci, ditas nec si tibi rara Sabaei
 Cinnamam odoratas dūc Arabs decerpit aristās
 Inserui cum laude lovi, sed vamine plango 45
 Pierio; sume et gemitus et vulnera notae
 Et lacrimas cari quas nunquam habuere parentes
 Atque utinam fortuna mihi dare manibus aras
 Par templis opus acriamque educere molem,
 Cyclopum scopulos ultra atque audacia saxa molis molis
 Pyramidum et magnū tumulum praetexere luco 50
 Illic et Siculi superassam dona sepulchri statum
 Et Nemees lucum et Pelopis solennia truncum
 Illic Oebalio non funderet aera disco, non attingit
 Graiorum vis nuda virum, non larva rigaret
 Sudor equum, aut putri sonitum daret ungula campo 55
 Sed Phoebi simplex chorus. Hic frondentia vatū
 Praemia laudato, genitor, tibiurite dicaremque ut ille

Ipse madens oculis, umbrarum animaeque sacerdos,
 Praecinerem gemitum, cui te nec Cerberus omni
 Ore nec Orpheae quirent avertere leges.
 Meque habitus moresque tuos et facta canentem
 Fors et magniloquo non posthabuisset Homero,
 Tenderet et torvo pietas aequare Maroni.

Cur magis incessat superos et aena sororum
 Stamina, quae tepido genetrix super aggere nati
 Orba sedet, vel quae primaevi coniugis ignem
 Adspicit obstantesque manus turbamque tementem
 Vincit, in ardentem, liceat, moritura maritum?
 Maior certe aliis superos et tastara pulsam
 Invidia, externis etiam miserabile visum
 Funus eat. Sed neo mihi se natura dolenti
 Nec pietas iniusta dedit; mihi limine primo
 Fatorum et viridi, genitor oeu raptus ab aevo
 Tartara dura subis. Neo enim Marathonis virgo
 Parcius extinctum saevorum crimine agrestum
 Fleverit Icarium, Phrygia quam turres cadentem
 Astyanacta parens. Laqueo quin ille supremos
 Inclusit gemitus: at te post funera magni
 Hectoris Haemonio pudor est servisse marito.

Non ego quas sati certus sibi voce canora
 Inferias praemittitolor, nec rupe quodd atra
 Tyrrhenae volucres nautis praedulce minantur,
 In patrios adhibebo reges; non murmure trunco
 Quod gemit et dirae queritur Philemela aqronis
 Nota nimis vati. Quis non in funere cunctos
 Heliadum ramos lacrimasque germina dixit,
 Et Phrygium silicem atque avsum contraria Phoebo
 Carmina nec foeda gavisam Pallada iuxta?
 Te pietas oblita virum revocataque coelo
 Iustitia et gemina plangat facundia lingua,
 Et Pallas doctique cohors Heliconiae Phoebi,
 Quis labor Aonios seno pede ducere campos,
 Et quibus Arcadia carmen testudine mensis
 Cura lyrae nomenque fuit, quosque orbe sub omni
 Ardua septena numerat sapientia fana;

Qui furias regumque dolos aversaque coelo
 Sidera terrifico super intonnuere cothurno;
 Et quis lasciva vires tenuare Thalia
 Dulce vel heroos gressu truncare tenores.
 Omnia namque animo complexus et omnia motor,
 Qua fandi via lata patet, sive orsa libebat
 Aoniis vincire modis, seu voce soluta
 Spargere et effreno nimbos aequare profatu.

Exsere semirutos de subito pulvere vultus,
 Parthenopè; crinemque afflato monte sepulti
 Pone super tumulos et magni funus alumni,
 Quo non Munichiae quidquam praestantius arces
 Doctave Cyrene Sparteve animosa creavit.
 Si tu stirpe vetus famaeque obscura iaceres
 Nil gentile tenens; nil te cive probabas
 Graiam atque Euboeae maiorum sanguine duoi.
 Ille tuis totiens pressit sua tempora sertias;
 Quum stata laudato caneret quinquennia versu,
 Ora supergressus Pylîi senis oraque regis
 Dulichii specieque comam subnexus utraque.

Non tibi deformes obscuri sanguinis ortus,
 Nec sine luce genus, — quamquam fortuna parentum
 Arctior expensis —; etenim te divite rita
 Ponere purpureos infantia adegit amictus
 Stirpis honore datos et nobile pectoris auram:
 Protinus exorto dextrum risere sorores
 Aonides, pueroque chelyn submitit et ora
 Inbuit amne sacro iam tum tibi blandus Apollo.
 Nec simplex patriae decus; et metalis origo
 Pendet ab ambiguo geminae certamine terrae.
 Te de gente suum latilis adscita colonis
 Graia refert Selley; Phrygius qua puppe magister
 Excidit et mediis miser evigilavit in undis;
 Maior at inde suum longo probat ordine vitae.

Desunt nonnulla.

[Maeoniden aliaque alia natalibus urbes
 Diripiunt cunctaeque probant; non omnibus ille

Verus, alit victos inmanis gloria falsi.]

Atque ibi dum profers annos vitamque salutas,

Protinus ad patrii raperis certamina lustris

Vix implenda viris, laudum festinus et audax

Ingeniis. Stupuit primaeva ad carmina plebes

Euboea, et natis te monstravere parentes.

Inde frequens pugnae, nulloque ingloria sacro

Vox tua. Non totiens victorem Castoraegypso

Nec fratrem caestu virides plausere Therapnae.

Sit primum vicisse domi, quid Achaea mereri

Praemia nunc ramis Phoebi nunc germine Lernae

Nunc Athamantea protectum tempora pinu?

Quum totiens lassata tamen nusquam evia frondes

Abstulit aut alium tetigit Victoria crinem.

Hinc tibi vota patrum credi, generosaque pubes

Te monitore regi moresque et facta priorem

Discere, quis casus Troiae, quam cardus Ulixes,

Quantus equos pugnasque virum decurrere versu

Maeonides, quantumque pios ditavit agrestes

Ascreaeus Siculusque senex, qua lege recurrat

Pindaricae vox flexa lyrae, volucrumque precator

Ibicus et tetricis Aleman cantatus Amyclis

Stesichorusque ferax actusque egressa viriles

Non formidata temeraria Leucade Sappho,

Quosque alios dignata Chelys, Te pandere doctas

Carmina Battidae, latebrasque Lycophronis atris

Sophronaque implicitum tenuisque laevana Corinnae.

Sed quid parva loquor? Tu par assoctus Homero

Ferre iugum senosque pedes aequare solutis

Versibus et nunquam passu breviora relinquis.

Quid mirum, patrii si te petiere retecta,

Quos Lucanus ager, rigidi quos iugula Daunii,

Quos Veneri plorata domus neglectaque tellus

Alcidae, vel quos enervine Carvatinus

Mittit Tyrrheni speculatrix virgo, profundi?

Quos proprio solum litore remotoque volatus

Collis et Ausonii, pridem laris hospita Oyme,

Quosque Dicarchis portus Baiamque mittunt.

Litora, qua mediis alte permixtus anhelat 170
 Ignis aquis et aperta domos incendia servant.
 Sic ad Avernales scopulos et opaca Sibyllae
 Antea rogaturae veniebant undique gentes.
 Illa minas divum Parcarumque acta canebat,
 Quamvis decepto vates non inrita Phoebus. 175

Mox et Romuleam stirpem proceresque futuros
 Instruis inque patrum vestigia ducere perstas.
 Sub te Dardanius facis explorator opertae,
 Qui Diomedei celat penetralia furti,
 Crevit, et inde sutorum didicit puer. Arma probare 180
 Monstrasti Saliis praesagumque aethera certis
 Auguribus; cui Chalcidicum fas volvere carmen
 Cai Phrygii lanca est coma flaminis et tua multum
 Verbera succincti formidavere Luperci.
 Et nunc ex illo forsae grege gentibus alter 185
 Iura dat Eois, alter nec compescit Iberos;
 Alter Achaemenium secludit Zeugmate Persen,
 Hydites Asiae populos, hi Pontica frenant,
 Hi fora pacificis emendant fascibus, illi
 Castra pia statione tenent: tu laudis origo. 190
 Non tibi certassent iuvenilia fingere corda
 Nestor et indomiti Phoenix moderator alumni,
 Quique tubas acres liqnosque audire volentem
 Aeaciden alio frangebat carmine Chiron.

Talia dum celebras, subitam cividis Erias
 Tarpeio de monte facem Phlegraeaeque movit 195
 Proelia. Sacrilagis lucent capitolia taedis,
 Et Senonum furias Latiae sumpserunt cohortes,
 Vix requies flammae, nec dum rogus ille decorum
 Siderat, excisis quum tu solatia templis 200
 Impiger et multum sacibus velocior ipsis
 Concipis ore pio captivumque fulmina desces,
 Mirantur Latii proceres, aut quae decorum
 Caesar, et e medio divum pater annuntiat igni 205
 Iamque et flere pio Vesuvius incendia caesa
 Mens erat et gemitum patriis impendere damnis,
 Quum pater exemptum terris ad sidera montem 210

Sustulit et late miseras deiecit in urbes.

- Me quoque vocales lucos lustrataque Tempe
 Pulsantem, quum stirpe tua descendere dixi, 210
 Admisere deae; nec enim mihi sidera tantum
 Aequoraque et terras, quam vos debere parenti.
 Tu decus hoc quodcumque lyrae primusque dedisti
 Non vulgare loqui et famam sperare sepulcro.
 Qualis eras, Latios quotiens ego carmine patres 215
 Mulcerem, felixque tui spectator adesses
 Muneris; heu quali confusus gaudia fletu,
 Vota piosque metus inter laetumque pudorem!
 Qualis et ille dies, qua non mihi gloria maior!
 Talis Olympiaca iuvenem quum spectat arena 220
 Qui genuit, plus ipse ferit, plus corde sub alto
 Caeditur; attendunt cunei; spectatur athletes
 Ille magis, crebro dum lumina pulveris haustu
 Obruit et prensa vovet expirare corona.
 Hei mihi quod tantum patrias ego vertice frondes 225
 Solaque Chalcidicae Cerealia dona coronae
 Te sub teste tuli! Qualem te Dardanus Albae
 Vix cepisset ager, si per me sarta tulisses
 Caesarea donata manu! Quod subdere robur
 Illa dies, quantum potuit dempsisse senectae? 230
 Heu quod me mixta quercus non pressit oliva,
 Et fugit speratus honos, quum lustra parentis
 Invida Tarpeii canerem! Te nostra magistro
 Thebais urgebat priscorum exordia vatum;
 Tu cantus stimulare meos, tu pandere facta 235
 Heroum bellique modos positusque locorum
 Monstrabas. Labat incerto mihi limite cursus
 Te sine, et orbatae caligant vela carinae.
 Nec solum larga memet pietate fovebas,
 Talis et in thalamos. Una tibi cognita taeda 240
 Conubia, unus amor. Certe seiungere matrem
 Iam gelidis nequeo bustis; te sentit habetque,
 Te videt et tumulos ortuque obituque salutat,
 Ut Pharios aliae ficta pietate dolores
 Mygdoniosque colunt et non sua funera plorant. 245

Quid referam expositos servato pondere mores?
 Quae pietas, quam vile lucrum, quae cura pudoris?
 Quantus amor recti, rursusque, ubi dulce remitti,
 Gratia quae dictis? Animo quam nulla senectus?
 His tibi pro meritis famam laudesque benignas 250
 Index cura deum nulloque e vulnere tristes
 Concessit. Raperis, genitor, non indigus aevi,
 Non nimius, trinisque decem quinquennia lustris
 Iuncta ferens. Sed me pietas numerare dolorque
 Non sinit, o Pylias aevi transcendere metas 255
 Et Teucros aequare senes, o digne videre
 Me similem! Sed nec leti tibi ianua tristis.
 Quippe leves causae nec segnis tabe senili
 Exitus instanti praemisit membra sepulcro,
 Sed te torpor iners et mors imitata quietem 260
 Explicuit falsoque tulit sub tartara somno.

Quos ego tunc gemitus? Comitum manus anxia vidit,
 Vidit et exemplum genetrix gavisaeque novit,
 Quae lamenta tuli. Veniam concedite, manes,
 Fas dixisse, pater, non tu mihi plura dedisses. 265

Felix ille patrem vacuis circumdedit ulnis,
 Vellet et elysia quamvis in sede locatum
 Abripere et Danaas iterum portare per umbras;
 Temptantem et vivos molitum in tartara gressus
 Detulit infernae vates longaeva Dianae. 270

Si chelyn Odrysiam pigro transmisit Averno
 Causa minor, si Thessalicis Admetus in oris,
 Si coniux retro Phylaceida rettulit umbram,
 Cur nihil exoret, genitor, chelys aut tua manes,
 Aut mea? Fas mihi sit patrios contingere vultus, 275
 Fas iunxisse manus, et lex quaecumque sequatur.

At vos, umbrarum reges aeternaque Iuno —
 Si laudanda precor — taedas auferte comasque
 Eumenidum: nullo sonet asper ianitor ore!
 Centiaurosque Hydraeque greges Scyllaeaque monstra 280
 Aversae celent valles, umbramque senilem
 Invitet ripis, discussa plebe, supremis
 Vector et in media componat molliter alga.

Ite, pii manes Graiumque examina vatam,
 Illustremque animam Lethaeis spargite sertis, 285
 Et monstrate nemus, quo nulla irupit Erinyas,
 In quo falsa dies coeloque similimus aer.
 Inde tamen venias melior, qua porta malignum
 Cornea vincit ebur, somnique in imagine monstra
 Quae solitus. Sic sacra Numae ritusque colendos 290
 Mitis Aricino dictabat Nympha sub antro,
 Scipio sic plenos Latio Iove ducere somnos
 Creditur Ausoniis et non sine Apolline Sulla.

IV. AD SOMNUM.

Crimine quo merui iuvenis, placidissime divum,
 Quove errore miser, donis ut solus egerem,
 Somne, tuis? Tacet omne pecus, volucresque feraeque,
 Et simulant fessos curvata cacumina somnos,
 Nec trucibus fluviis idem sonus, occidit horror. 5
 Aequoris, et terris maria acclinata quiescunt.

Septima iam rediens Phoebo mihi respicit aegras
 Stare genas; totidem Octaeae Paphiaeque revisunt
 Lampades, et totiens nostros Tithonia questus
 Praeterit et gelido spargit miserata flagello. 10
 Unde ego sufficiam? non si mihi lumina mille,
 Quae sacer alterna tantum statione tenebat
 Argus et haud umquam vigilabat corpore toto.

At nunc heu! aliquis longa sub nocte, puellae
 Brachia nexa tenens ultro te, Somne, repellit. 15
 Inde veni nec te totas infundere pennas
 Luminibus compello meis; — age, turba precetur
 Laetior — extremo me tanga cacumine virgae,
 Sufficit, aut levior suspensio poplite transi.

V. EPICEDION IN PUERUM SUUM.

Me miserum! — neque enim verbis solennibus ulla
 Incipiam nunc, Castaliae vocalibus undis
 Invisus Phoeboque gravis, — quae vestra, sorores,
 Orgia, Pieriae, quas incestavimus, aras?
 Dicite, post poenam liceat commissa fateri. 5

Numquid inaccesso posui vestigia luco?
 Num vetito de fonte bibi? Quae culpa, quis error,
 Quem luimus tantis moeroribus? Ecce lacertis
 Viscera nostra tenens animamque avellitur infans,
 Non de stirpe quidem, nec qui mea nomina ferret 10
 Oraque; non fueram genitor, sed cernite fletus
 Liventesque genas et credite planctibus orbi:
 Orbis ego. Huc patres et aperto pectore matres
 Conveniant, cerneret oculus et carmina ferte.
 Si qua sub uberibus plenis ad funera natos 15
 Ipsa gradu labente tulit madidumque cecidit
 Pectus et ardentes restinxit lacte favillas;
 Quisquis adhuc tenerae signatum flore iuventae
 Inmersit cineri juvenem primaque iacentis
 Serpere crudeles vidit lanugine flammam, 20
 Adsit et alterno mecum clamore fatiscat:
 Vincetur lacrimis, et te, natura, pudebit.
 Tanta mihi feritas, tanta est insania luctus.

Hoc quoque dum nitor, ter dena luce peracta
 Acclinis tumulo luctus in carmina verto, 25
 Discordesque modos et singulantia verba
 Molior. Orsa *** est: atque ira tacendi
 Impatiens. Sed neo solitae mihi vertice laurus,
 Nec fronti vittatus honos. En taxea marcet
 Silva comis, hilaresque hederas plorata cupressus 30
 Excludit ramis; ignavo pollice chordas
 Pulso, sed incertum digitis errantibus amens
 Scindo chelyn. Iuvat heu, iuvat inlaudabile carmen
 Fundere et incompte miserum laudare doctorem.
 Sic merui, sic me cantuque habituque nefastum 35
 Adspiciant superi. Pudeat Thebasque novumque
 Aeaciden, nil iam placitum manabit ab ore.

Ille ego, qui totiens blandumque patrumque
 Vulnera, qui vivos potui mulcere dolores;
 Ille ego lugentum militis solator, acerbis 40
 Auditis tumultis et descendantibus umbris,
 Deficio medicasque manus fomentaque quaero
 Vulneribus, quae summa meis. Nunc tempus, amici, 41

Quorum ego manantes oculos et saucia tersi
 Pectora, reddite opem saevasque exsolvite grates. 45
 Nimirum nunc vestra domus ego funera moestus
 Increpitans, nunc damna dolens aliena, repono
 Infelix lacrimas et mitia carmina solvo.
 Verum erat; absumptae vires et copia fandi
 Nulla mihi, dignumque nihil mens fulmine tanto 50
 Repperit; inferior vox omnis, et omnia sordent
 Verba. Ignosce, puer, tu me caligine moestum
 Obruis ah! dira. Viso sic vulnere carae
 Coniugis, invenit caneret quod Thracius Orpheus
 Dulce sibi; sic busta Lini complexus Apollo 55
 Non tacuit. Nimius fortasse avidusque doloris
 Dicar et in lacrimis iustum excessisse pudorem.
 Quisnam autem gemitus lamentaque nostra reprehendit?
 O nimium felix, nimium crudelis et expers
 Imperii, Fortuna, tui, qui dicere legem 60
 Fletibus aut fines audet censere dolendi!
 Incitat heu! planctus; potius fugientia ripas
 Flumina devincas, rapidis aut ignibus obstes,
 Quam miseros lugere vetes. Tamen ille severus,
 Quisquis is est, nostrae cognoscat vulnera causae. 65
 Non ego mercatus Pharia de pube loquaces
 Delicias doctumque sui convicia Nili
 Infantem, lingua nimium salibusque protervum
 Dilexi. Meus ille, meus: tellure cadentem
 Adspexi et vinctum genitali carmine fovi, 70
 Poscentemque novas tremulis ululatibus auras
 Inserui vitae. Quid plus tribuere parentes?
 Quin alios artus libertatemque sub ipsis
 Uberibus tibi, parve, dedi: tu munera nostra
 Ridebas, ingratus adhuc. Properaverit ille, 75
 Sed merito properabat, amor, ne perderet ullum
 Libertas tam parva diem. Nonne horridus ipsos
 Invidia superos iniustaque tartara pulsem?
 Nonne gemam te, care puer? quo sospite natos
 Non cupii; primo genitum qui protinus ortu 80
 Implicui fixique mihi, cui verba sonosque

Monstravi, questasne et murmura caeca resolvam?
 Reptantemque solo demissus ad oscula dextra
 Erexi, blandique sinus iam iamque natantes
 Excepisse genas dulcesque accersere somnos.
 Cui nomen vox prima meum ludusque tenello
 Risus, et e nostro veniebant gaudia vultu.

Desunt cetera.

THE UNIVERSITY OF CHICAGO

PHILIP H. KATZ, M.D., F.R.C.P.

1954

P. PAPINII STATII

A C H I L L E I D O S

L I B R I II.

[illegible]

P. PAPINII STATII
ACHILLEIDOS
LIBER I.

Magnanimum Aeaciden formidatamque Tonanti
Progeniem et patrio vetitam succedere coelo,
Diva, refer; quamquam acta viri multum inclita cantu
Maeonio, sed plura vacant. Nos ire per omnem,
Sic amor est, heroa velis Scyroque latentem 5
Dulichia proferre tuba, nec in Hectore tracto
Sistere, sed tota iuvenem deducere Troia.
Tu modo, si veteres digno deplevimus haustu,
Da fontes mihi, Phoebe, novos ac fronde secunda
Necte comas; neque enim Aonium nemus advena pulso, 10
Nec mea nunc primis albescunt tempora vittis.
Scit Dircaeus ager, meque inter prisca parentum
Nomina cumque suo numerant Amphione Thebae.
At tu, quem longe primum stupet Itala virtus
Graiaque, cui geminae florent vatumque ducumque 15
Certatim laurus, olim dolet altera vinci,
Da veniam ac trepidum patere hoc sudare parumper
Pulvere. Te longo necdum fidente paratu
Molimur, magnusque tibi praeludat Achilles.
Solverat Oebalio classem de litore pastor 20
Dardanus incautas blande populatus Amyclas,
Plenaque materni referens praesagia somni
Culpatum relegebat iter, qua condita ponto
Fluctibus invisus iam Nereis imperat Helle,
Quum Thetis Idaeos, heu numquam vana parentum 25
Anguria! expavit vitreo sub gurgite remos.
Nec mora, et undosis turba comitante sororum
Prosiluit thalamis. Fervent coeuntia Phryxi

Litora, et angustum dominas non explicat aequor.
 Illa ubi discusso primum subit aera ponto, 30
 'Me petit haec, mihi classis, ait, funesta minatur:
 Agnosco monitus et Protea vera locutum.
 Ecce novam Priamo facibus de puppe levatis
 Fert Bellona nurum; video iam mille carinis
 Ionium Aegaeumque premi; nec sufficit, omnis 35
 Quod plaga Graiugenum tumidis coniurat Atridis.
 Iam pelago terrisque meus quaeretur Achilles,
 Et volet ipse sequi. Quid enim cunabula parvo
 Pelion et torvi commisimus antra magistri?
 Illic, ni fallor, Laptiharum proelia ludit 40
 Inprobus et patria iam se metitur in hasta.
 O-dolor, o-seri materno in corde timores!
 Non potui infelix, quam primum in gurgite nostro
 Rhoetaeae cecidere trabes, attellere magnum
 Aequor et incesti praedonis vela profunda 45
 Tempestate sequi cunctasque inferre sorores?
 Nunc quoque, sed tardum est, iam plena iniuria raptae.
 Ibo tamen pelagique deos dextramque secundi,
 Quod superest, complexa Iovis, per Tethyos annos
 Grandaevumque patrem supplex miseranda rogabo 50
 Unam hiemem.' Dixit magnumque in tempore regem.
 Adspicit. Oceano veniebat ab hospite, mensis
 Lactus et aequoreo diffusus nectare vultus,
 Unde hiemes ventique silent cantuque quisto
 Armigeri Tritones eunt, scopulosaque cete 55
 Tyrrhenique greges circumque infraque rotantur
 Rege salutato; placidis ipse arduus undis
 Eminent et triplici telo iubet ire iugales.
 Illi spumiferos glomerant a pectora fluctus,
 Pone natant delentque pedum vestigia cauda. 60
 Cui Thetis: 'O magni rector genitorque profundi,
 Adspicis, in quales miserum patefeceris usus
 Aequor? Eunt tutis terrarum crimina velis,
 Ex quo iura freti maiestatemque repostam
 Rupit Iasonia puppis Pagasaea rapina. 65
 En aliud furto scelus et spolia hospita portas

Navigat iniustae temerarius arbiter Idae,
 Eheu quos gemitus terra pelagoque daturus!
 Quos mihi! sic Phrygiae pensamus praemia palmae.
 Hi Veneris mores, hoc gratæ munus alumnae, 70
 Has saltem — non semideos nostrumve reportant
 Thesea —, si quis adhuc honor undis, obrue puppes!
 Aut permitte fretum; nulla inclementia, fas sit
 Pro nato timuisse mihi. Da tollere fluctus,
 Nec tibi de tantis placeat me fluctibus unum 75
 Litus et Iliaci scopulos habitare sepulcri.'

Orabat laniata comas et pectore nudo
 Caeruleis obstabat equia. Tunc rector aquarum
 Invitat curru dictisque ita mulcet amicis:
 'Ne pete Dardaniam frustra, Theti, mergere classem. 80
 Fata vetant: ratus ordo deis, miscere cruentas
 Europaeque Asiaeque manus, consultaque bella
 Iuppiter et tristes edixit caedibus annos.
 Quem tu illic natum Sigeo in pulvere, quanta
 Adapicies victrix Phrygiarum funera matrum? 85
 Quum tuus Aeacides tepido modo sanguine Tenoros
 Undabit campos, modo crassa exire vetabit
 Flumina et Hectoreo tardabit funere currus
 Inpelletque manu nostros, opera inrita, muros.
 Pelea iam desiste queri thalamosque minores, 90
 Credideris peperisse Iovi. Neo inulta dolebis,
 Cognatis utere fretis. Dabo tollere fluctus,
 Quum reduces Danaï nocturnaque signa Caphareus
 Exeret et dirum pariter quaeremus Ulixem.'

Dixerat. Illa gravi vultum demissa repulsa, 95
 Quae iam exire fretum et ratibus bellare parabat
 Iliacis, alios iterum commenta paratus,
 Tristis ad Haemonias detorquet brachia terras.
 Ter conata manu, liquidum ter gressibus aequor
 Reppulit, et niveas feriant vada Thessala plantas. 100
 Laetantur montes, et conubialia pandunt
 Antra sinus, lateque deae Sperchios abundat
 Obvius et dulci vestigia circuit unda.
 Illa nihil gavisae loci, inaecepta fatigat

Pectore consilia et sollers pietate magistra, 105
 Longaevum Chirona petit. Domus ardua montem
 Perforat et longo suspendit Pelion arcu.
 Pars exhausta manu, partem sua ruperat aetas.
 Signa tamen divumque tori et quem quisque sacrarat
 Accubitu genioque locum monstrantur: at intra 110
 Centauri stabula alta patent, non aequa nefandis
 Fratribus. Hic hominum nullos experta cruores
 Spicula, nec truncae bellis genialibus orni
 Aut consanguineos fracti crateres in hostes,
 Sed pharetrae insontes et inania terga ferarum. 115
 Haec quoque dum viridis; nam nunc labor unus inermi,
 Nosse salutiferas dubiis animantibus herbas,
 Aut monstrare lyra vetères heroas alumno.
 Ac tunc venatu rediturum in limine primo
 Opperiens properatque dapes largoque serenat 120
 Igne domum, quum visa procul de litore mater.
 Nereis erumpit silvis; dant gaudia vines,
 Motaque desueto crepuit senis ungula campo.
 Tunc blandus dextra atque imos submissus in armos
 Pauperibus tectis inducit et admovet antris. 125
 Iamdudum tacito lustrat Thetis omnia visu,
 Nec perpressa moras: Ubinam mea pignora, Chiron?
 Dic, ait, aut cur nulla puer iam tempora ducit
 Te sine? Non merito trepidus sopor atraque matri
 Signa deum? Magnos utinam mentis timores! 130
 Namque mihi infestos utero modo contuor enses,
 Nunc planctu livens manus, modo in cubera saevas
 Ire feras; saepe ipsa nefas! sub inania natum
 Tartara et ad Stygios iterum fore mergere fontes.
 Hos abolere metus magis iubet ordine sacris. 135
 Carpathius vates puerumque sub axe probato
 Secretis lustrare fretis, ubi litora summa impetant
 Oceani et genitor tepet in labentibus castris
 Pontus, ubi ignotis horrenda pericula divis
 Donaquet; sed longum cuncta enumerare, vatorque; 140
 Trade magis! Sic fato parens; neque enim ille dedisset
 Si molles habitus et tegmina foeda fateri

Ausa seni. Tunc ille refert: 'Duc, optima, quaeso,
 Duc genetrix humilique deos infringe precatu.
 Nam superant tua vota modum, placandaque multum 145
 Invidia est. Non addo metum, sed vera fatebor:
 Nescio, quid magnum — nec me patria omina fallunt —
 Vis festina parat tenerosque supervenit annos.
 Olim et ferre minas et obire audita solebat
 Imperia et nostris procul haud discedere ab antris. 150
 Nunc illum non Ossa capit, non Pelion ingens
 Thessaliaeve nives. Ipsi mihi saepe queruntur
 Centauri raptasque domos abstractaque coram
 Armenta et campis semet fluviiisque fugari.
 Insidias et bella parant tumidique minantur. 155
 Olim equidem Argoos; plus quam Thessala reges
 Hac veheret, iuvenem Alciden et Thesea vidi;
 Sed taceo.' — Figit gelidus Nereida pallor.

Ille aderat multo sudore et pulvere maior.
 Attamen arma inter festinatosque labores, 160
 Dulcis adhuc visum, niveo natat ignis in ore
 Purpureus; fulvoque nitet coma gratior auro.
 Necdum prima nova ianugine vertitur aetas;
 Tranquillaeque facies oculi et plurima valit
 Mater inest; qualis Lyciae venator Apollo 165
 Qnum redit et saevius permutat pleetra pharetris.
 Forte et laetus adest, quanto quantum gaudia formae
 Adiciunt! foetam Phloech sub rupe leaenam
 Perculerat ferro vacuisque reliquerat antris
 Ipsam, sed catulos apportat et insultat unguis. 170
 Quos tamen, ut fide genetrix in limine visa est,
 Abicit exceptamque utris obroumfigat utris;
 Iam gravis amplexu ianque abque vertice matris

Insequitur magno, iam nunc connexus amore
 Patroclus tantisque extenditur aechulus actis, 175
 Par studiis aevique modis, sed robore longe
 Et tamen aequali visurus Pergama fato.
 Prothius ille subito rapido, quae proxima, saltu
 Fluvio fumantesque genas orinensq; novavit
 Fontibus, Eurotae qualis hada Casteri anhelon 180

Intrat equo fessumque sui iubar excitat astri.
 Miratur comitque senex, nunc pectora mulcens
 Nunc fortes humeros, angunt sua gaudia matrem.
 Tunc libare dapes Bacchaeaque munera Chiron
 Orat et attonitam vario oblectamine mulcet, 185
 Elicit extremo chelyn et solantia curas
 Fila movet leviterque expertas pollice chordas
 Dat puero. Canit ille libens inmania laudum
 Semina, qui tumidae superarit iussa novercae
 Amphitryoniades, crudum quo Bebryca cestu 190
 Obruerit Pollux, quanto circumdata nexu
 Ruperit Aegides Minoi brachia tauri,
 Maternos in fine toros, superisque gravatum
 Pelion. Hic ficto risit Thetis anxia vultu.
 Nox trahit in somnos, saxo collabitur ingens 195
 Centaurus, blandusque humeris se innectit Achilles,
 Quamquam ibi fida parens assuetaque pectora mavult.
 At Thetis undisonis per noctem in rupibus adstans,
 Quae nato secreta velit, quibus abdere terris
 Destinet, huc illuc diversa mente volutat. 200
 Proxima sed studiis multum Mavortia Thrace,
 Nec Macedum gens dura placet laudumque daturi
 Cecropidae stimulos; nimium opportuna carinis
 Sestos Abydenique sinus; placet ire per altas
 Cycladas. Hinc spretae Myconos humilisque Seriphos 205
 Et Lemnos non aequa viris atque hospita Delos
 Gentibus. Inbelli nuper Lycomedis in aula
 Virgineos coetus et litora persona ludo
 Audierat, duros laxantem Aegaeona nexu
 Missa sequi centumque dei numerare catenas. 210
 Haec placet, haec timidae tellus tutissima matri.
 Qualis vicino volucris iam sedata parva
 Iamque timens, qua fronde domum suspendat inanem,
 Providet hinc ventos, hinc anxia cogitat angues,
 Hinc homines, tandem dubiae placet umbra, novisque 215
 Vix stetit in ramis et protinus arbor amatur.
 Altera consilio superest, tristemque fatigat
 Cura deam, natum ipsa sinu complexa per undas,

An magno Tritone ferat ventosque volucres
 Advocet, an pelago solitam Thaumantida pasci. 220
 Elicit inde fretis et murice frenat acuto
 Delphinas biuges, quos illi maxima Tethis
 Gurgite Atlanteo pelagi sub valle sonora
 Nutrierat. Nullis vada per Neptunia glaucae
 Tantus honor formae nandique potentia, nec plus 225
 Pectoris humani; iubet hos subsistere pleno
 Litore, ne nudaē noceant contagia terrae.
 Ipsa dehinc toto resolutam pectore Achillem
 — Qui pueris sopor — Haemonii de rupibus antri
 Ad placidas deportat aquas et iussa tacere 230
 Litora. Monstrat iter toto quae fulserat orbe
 Cynthia; prosequitur divam celeresque recursus
 Securus pelagi Chiron rogat, udaeque celat
 Lumina et abreptos subito iam iamque latentes
 Erecto prospectat equo, qua cana parumper 235
 Spumant signa fugae et liquido perit orbita ponto.
 Illum non alias rediturum ad Thessala Tempe
 Iam tristis Pholoe, iam nubilus ingemit Othrys,
 Et tenuis Sperchios aquis speluncaque docti
 Muta senis. Quaerunt puerilia carmina Fauni, 240
 Et sperata diu plorant conubia Nymphae.
 Iam premit astra dies, humilisque ex aequore Titan
 Rorantes evolvit equos, et ab aethere magno
 Sublatum curru pelagus cadit. At vada mater
 Scyria iamdudum fluctus emensa tenebat, 245
 Exierantque iugo fessi delphines herili,
 Quum pueri tremefacta quies oculiquo iacentia
 Infusum sentire diem. Stupet aere primo,
 Quae loca, qui fluctus, ubi Pelion? Omnia versa
 Atque ignota videt, dubitatque agnoscere matrem. 250
 Occupat illa manu blandaque affata paventem:
 * Si mihi, care puer, thalamos sora aequa dedisset,
 Quos dabat, aethereis ego te complexa tenerem
 Sidus grande plagis, magnique puerpera coeli
 Nil humiles Parcas terrenaque fata vererer. 255
 Nunc inpar tibi, nate, genus, praeclusaque leti

Tantum matre via est. Quin et metuenda propinquant
 Tempora et extremis admota pericula metis.
 Cedamus, paulumque animos submitte viriles
 Atque habitus dignare meos. Si Lydia dura 260
 Pensa manu mollesque tulit Tirynthius hastas,
 Si decet aurata Bacchum vestigia palla
 Verrere, virgineos si Iuppiter induit artus,
 Nec magnum ambigui fregerunt Caenea sexus:
 Has sine, quaeso, minas numenque exire malignum. 265
 Mox iterum campos, iterum Centaurica reddam
 Lustra tibi. Per ego hoc decus et ventura iuventae
 Gaudia, si terras humilemque experta maritum
 Te propter, si progenitum Stygos amne severo
 Armavi — totumque utinam! — cape tuta parumper 270
 Tegmina, nil nocitura animo. Cur ora reducis?
 Quidve parant oculi? Pudet hoc mitescere cultu?
 Per te, care puer, cognata per aequora iuro,
 Nesciet hoc Chiron.' Sic horrida pectora tractat
 Nequicquam mulcens. Obstat genitorque roganti 275
 Nutritorque ingens et cruda exordia magnae
 Indolis. Effrenae tumidum velut igne iuventae
 Si quis equum primis submittere temptet habenis,
 Ille diu campis fluviisque et honore superbo
 Gavisus, non colla iugo, non aspera praebet 280
 Ora lupis, dominique gemit captivus inire
 Imperia atque alios miratur discere cursus.
 Quis deus attonitae fraudes astumque parenti
 Contulit? Indocilem quae mens detraxit Achillem?
 Palladi litoreae celebrabat Scyros honorum 285
 Forte diem, placidoque satae Lycopede sorores
 Lucae sacra patriis, quae rara licentia, muris
 Exierant dare veris opes divaeque severas
 Fronde ligare comas et spargere floribus hastam.
 Omnibus eximium formae decus, omnibus idem 290
 Cultus et expleto teneri iam sine pudoris
 Virginitas matura toris annique tumentes.
 Sed quantum virides pelagi Venus addita Nymphas
 Obruit, aut humeris quantum Diana relinquit

Naides, effulget tantum regina decori 295
 Deidamia chori pulchrisque sororibus obstat.
 Illius et roseo flammatur purpura vultu;
 Et gemmis lux maior inest et blandius aurum.
 Atque ipsi par forma deae, si pectoris angues
 Ponat et exempta placetur casside vultus. 300
 Hanc ubi ducentem longe socia agmina vidit
 Trux puer et nullo temeratus pectora motu,
 Dirigit totisque novum bibit ossibus ignem:
 Nec latet haustus amor, sed fax vibrata medullis
 In vultus atque ora redit lucemque genarum 305
 Tingit et impulsam tenui sudore pererrat.
 Lactea Massagetae veluti quum pocula fuscant
 Sanguine puniceo vel ebur corrumpitur ostro,
 Sic variis manifesta notis palletque rubetque
 Flamma recens. Eat atque ultro ferus hospita sacra 310
 Discutiat turbae securus et inmemor aevi,
 Ni pudor et iunctae teneat reverentia matris.
 Ut pater armenti quondam rectorque futurus,
 Cui nondum toto peraguntur cornua gyro,
 Quum sociam pastus niveo caudore iuvencam 315
 Adspicit, ardescunt animi, primusque per ora
 Spumat amor, spectant hilares optantque magistri.
 Occupat arrepto iam tempore conscia mater:
 Hosne inter simulare choros et brachia ludo
 Nectere, nate, grave est? gelida quid tale sub Ossa 320
 Peliacisque iugis? O si mihi iungere curas,
 Atque alium portare sinu contingat Achillem!
 Mulcetur laetumque rubet visusque superbos
 Obliquat vestesque manu leviore repellit.
 Adspicit ambiguum genitrix cogitque volentem 325
 Iniecitque sinus. Tunc colla rigentia mollit
 Submittitque graves humeros et fortia laxat
 Brachia et inplexos certo domat ordine crines;
 Ac sua dilecta cervice monilia transfert
 Et picturato cohibet vestigia limbo 330
 Incessum motumque docet fandique pudorem.
 Qualiter artificis virtutae pulchre ceratae!

Accipiunt formas ignemque mantumque sequuntur,
 Talis erat divae natum mutantis imago.
 Nec luctata diu; superest nam plurimus illi 335
 Invicta virtute decor, fallitque tuentes
 Ambiguus tenuique latens discrimine sexus.

Procedunt, iterumque monet rursusque fatigat
 Blanda Thetis: 'Sic ergo gradus, sic ora manusque,
 Nate, feres comitesque modis imitabere fictis, 340
 Ne te suspectum molli non misceat aulae
 Rector et incepti pereant mendacia furti.'
 Dixit, et admoto non cessat comere tactu.
 Sic ubi virginels Hecate lassata pharetris
 Ad patrem fratremque redit, comes haeret eunti 345
 Mater, et ipsa humeros exertaque brachia velat.
 Ipsa arcum pharetramque locat vestesque latentes
 Deducit sparsosque studet componere crines.

Protinus aggreditur regem, atque ibi testibus aris
 'Hanc tibi, ait, nostri germanam, rector, Achillis — 350
 Nonne vides, ut torva genas aequandaque fratri? —
 Tradimus: arma humeris arcumque animosa petebat
 Ferre et Amazonio conubia pelliere ritu.
 Sed mihi curarum satis est pro stirpe virili.
 Haec calathos et sacra ferat, tu frange regendo 355
 Indocilem sexumque tene, dum nubilis aetas
 Solvendusque pudor; neve exerceere protervas
 Gymnadas aut lustris nemorum concede vagari.
 Intus ale et similes inter secludere puellas;
 Litore praecipue portuque arcere memento. 360
 Vidisti modo vela Phrygi; iam mutua iura
 Fallere transmissae pelago didicere carinae.

Accedit dictis pater, ingentisque parentis
 Occultum Aeciden quis divum fraudibus obstat? 365
 Accipit; ultro etiam veneratur supplice dextra
 Et grates electis agit; nec turba piarum
 Scyriadum cessat nimio defigere visu
 Virginis ora novae, quantum cervice comisque
 Emineat quantumque humeros ad pectora fundat.
 Dehinc sociare choros castisque accedere sacris 370

Hortantur, ceduntque loco et contingere gaudent.
 Qualiter Idaliae volucres, ubi mollia frangunt
 Nubila, iam longum coelque domoque gregatae,
 Si iunxit pennas diversoque hospita tractu
 Venit avis, cunctae primum mirantur et horrent;
 Mox propius propiusque volant, atque aere in ipso
 Paulatim fecere suam plausuque secundo
 Circumeunt hilares et ad alta cubilia ducunt.

Digreditur multum cunctata in limine mater,
 Dum repetit monitus arcanaque murmura figit
 Auribus et tacito dat verba novissima voto.
 Tunc excepta freto, longe cervice reflexa
 Abnatat et blandis affatur litora verbis:
 'Cara mihi tellus, magnae cui pignora curae
 Depositumque ingens timido commisimus astu,
 Sis felix taceasque, precor, quo more tacebat
 Creta Rheae. Te longus honos aeternaque cingent
 Tempa, nec instabili fama superahere Delo.
 At ventis et sacra fretis interque vadas
 Cycladas, Aegeae frangunt ubi saxa procellae,
 Nereidum tranquilla domus iurandaque nautis
 Insula, ne solum Danaas admitte carinas,
 Te precor. Hic thiasos tantum, nihil utile bellis,
 Hic famam narrare doce, dumque arma parantur
 Dorica et alternum Mayors interfurit orbem
 — Cedo equidem —, sit virgo pii Lycomedis Achilles.

Interea meritos ultrix Europa dolores
 Dulcibus armorum furis et supplice regum
 Conquestu flammata movet; quinque ambit Atrides
 Ille magis, cui nupta domi, facinusque relatu
 Asperat Iliacum, captam sine Marte, sine armis
 Progeniem coeli Spartaque potentis alumnam,
 Iura, fidem, superos, una calcata rapina
 Hoc foedus Phrygium, haec geminae commercia terrae
 Quid maneat populus, ubi tanta iniuria primos
 Degrassata duces? Coeunt gens omnis et aetas;
 Nec tantum exciti, bimari quos Istmia vallo
 Clausura, nec undisonae quos circuit umbo Maleae,

Sed procul admotae, Phryxi qua semita iungi
 Europamque Asiamque vetat, quasque ordine gentes 410
 Litore Abydeno maris alligat unda superni.
 Fervet amor belli concussasque erigit urbes.
 Aera domat Temese, quatitur navalibus ora
 Eubois, innumera resonant incude Mycenae,
 Pisa novat currus, Nemeae dat terga ferarum, 415
 Cyrrha sagittiferas certat stipare pharetras,
 Lerna graves clipeos caesis vestire iuencis.
 Dat bello pedites Aetolus et asper Arcanan,
 Argos agit turmas, vacuantur pascua ditis
 Arcadiae, frenat celeres Epiros alumnos, 420
 Phocis et Aoniae iaculis rarescitis umbrae,
 Murorum tormenta Pylos Messanaeque tendunt.
 Nulla immunis humus; velluntur postibus altis
 Arma olim dimissa patrum, flammisque liquescunt
 Dona deum; raptum superis Mars efferat aurum. 425
 Nusquam umbrae veteres; minor Othrys, et ardua sidunt
 Taygeta, exuti viderunt aera montes.
 Iam natat omne nemus, caeduntur robora classi,
 Silva minor remis. Ferrum laxatur ad usus
 Innumeros, quod rostra liget, quod muniat arma, 430
 Belligeros quod frenet equos, quod mille catenis
 Squalentes nectat tunicas, quod sanguine fumet
 Vulneraque alta bibat, quod conspirante veneno
 Impellat mortes; tenuantque humentia saxa
 Attritu et nigris addunt mucronibus iras. 435
 Nec modus aut arcus lentare aut fundere glandes,
 Aut torrere sudas galeasque attollere comis.
 Hos inter motus pigram gemit ora quietem
 Thessalis et geminis incusat fata querelis,
 Quod senior Peleus nec adhuc maturus Achilles. 440
 Iam Pelopis terras Graiumque exhauserat orbem
 Praecipitans in transtra viros insanus equosque
 Bellipotens. Fervent portus, et operta carinis
 Stagna suasque hiemes classis promota suosque
 Attollit fluctus; ipsum iam puppibus aequor 445
 Deficit et totos consumunt carbasa ventos.

Prima rates Danaas Hecateia congregat Aulis,
 Rûpibus expositis longique crepidine dorsi
 Euboicum scandens Aulis mare, litora multum
 Montivagae dilecta deae, iuxtaque Caphareus 450
 Latratum pelago tollens caput. Ille Pelasgas
 Ut vidit transnare rates, ter monte, ter undis
 Intonuit saevaeque dedit praesagia noctis.
 Coetus ibi armorum Troiae fatalis; ibi ingens
 Iuratur bellum, donec sol annuus omnes 455
 Conficeret metas. Tunc primum Graecia vires
 Contemplata suas; tunc sparsa ac dissona moles
 In corpus vultumque coit et rege sub uno
 Disposita est. Sic curva feras indago latentes
 Claudit et admotis paulatim cassibus arctat. 460
 Illae ignem sonitumque pavent diffusaque linquunt
 Avia miranturque suum decrescere montem,
 Donec in angustam ceciderunt undique vallem,
 Inque vicem stupuere greges socioque timore
 Mansuescunt. Simul hirtus aper, simul ursa lupusque 465
 Cogitur, et captos contemnit cerva leones.

Sed quamquam gemini pariter sua bella capessant
 Atridae famamque avidi virtute paternam
 Tydides Sthenelusque premant, nec cogitet annos
 Antilochus septemque Ajax umbone coruscet 470
 Armenti reges, atque aequum moenibus orbem
 Consiliis armisque vigil contendat Ulixes:
 Omnis in absentem belli manus ardet Achillem,
 Nomen Achillis amant, et in Hectora solus Achilles
 Poscitur. Illum unum Teneris Priamoque loquuntur 475
 Fatalem. Quis enim Haemonis sub vallibus alter
 Creverit effossa reptans nive? Cuius ab ortu
 Crûda rudimenta et teneros formaverit annos
 Centaurus? Patrii propior cui linea coeli,
 Quemve alium Stygios tulerit secreta per annos 480
 Nereis et pulchros ferro praestinxerit artus?
 Haec Graiae castris iterant traduntque cohortes.
 Cedit turba ducum vincique haud moesta fatetur
 Sic quum bellantes Phlegraea in castra corrent

Coelicolae iamque Odrysiam Gradivus in hastam 485
 Surgeret et Libycos Tritonia tolleret angues
 Ingentemque manu curvaret Delius arcum;
 Stabat anihela metu solum natura Tonantem
 Respiciens; quando ille hiemes tonitrusque vocaret
 Nubibus, igniferam quae fulmina posceret Aetnam. 490
 Atque ibi dum mixta vallati plebe suorum
 Et maris et belli consultant tempora reges,
 Increpitans magno vatem Calchanta tumultu
 Protesilaus ait — namque huic bellare cupido
 Praecipua, et prima iam tunc data copia mortis — 495
 O nimium Phoebi tripodumque oblite tuorum,
 Thestoride, quando ora deo possessa movebis
 Iustius, aut quando Parcarum occulta recludes?
 Cernis, ut ignotum cuncti stupeantque petantque
 Aeaciden? Sordet vulgo Calvdonius heros 500
 Et magno genitus Telamone Ajaxque secundus,
 Nos quoque; sed Mayors abreptaque Troia probantur.
 Illum neglectis pudet heu ductoribus omnes
 Belligerum ceu numen amant. Dic ocuis — aut cur
 Serta comis et mitis honos? — quibus abditus oris 505
 Quave iubes tellure peti. Nam fama nec antris
 Chironis patria nec degere Peleos aula.
 Eia, inrumpe deos et fata latentia laxa
 Laurigerosque ignes, si quando, avidissimus hauri:
 Arma horrenda tibi saevosque remisimus enses. 510
 Numquam has imbelles galea violabere vittas,
 Sis felix numeroque duem praestantior omni,
 Si magnum Danais per te portendis Achillem.
 Iamdudum trepido circumfert lumina motu
 Intranstemque deum primo pallore faetur 515
 Thestorides; mox igne genas et sanguine torquens
 Nec socios nec castra videt, sed caecus et amens
 Nunc superum magnos deprendit in aethere coetus,
 Nunc sagas affatur aves nunc dira sororum
 Licia, turiferas modo consult anxius aras 520
 Flammarumque apices rapit et caligine sacra
 Pascitur. Exiliunt crines, rigidisque laborat

Vitta comis, neo colla loco, nec in ordine gressus.

Tandem fessa tremens longis mugitibus ora
Solvit, et oppositum vox eluctata furorem est: 525

‘Quo rapis ingentem magni Chironis alumnum
Femineis, Nerei, dolis? Huc mitte; quid aufers?

Non patiar: meus iste, meus. Tu diva profundi,
Et me Phoebus agit. Latebris quibus abdere temptas

Eversorem Asiae? Video per Cycladas altas 530

Attonitam et turpi quaerentem litora furto.

Occidimus, placuit Lycomedis conscia tellus.

O scelus! en fluxae veniunt in pectora vestes.

Scinde, puer, scinde et timidae crede parenti.

Hei mihi raptus abit! quae nam haec procul improba virgo?’ 535

Hic nutante gradu stetit amissisque furoris

Viribus ante ipsas tremefactus corruit aras.

Tunc haerentem Ithacum Calydonius occupat heros:

‘Nos vocat iste labor: neque enim comes ire recuso,

Si tua cura trahat. Licet ille sonantibus antris 540

Thetyos adversae gremioque prematur agnosco

Nereos, invenies. Tu tantum providus astu

Tende animum vigilem foecundumque erige pectus.

Nam mihi quis vatum dubiis in casibus ausit

Fata videre prior?’ Subicit gavisus Ulixes: 545

‘Sic deus omnipotens firmet, sic annuat illa

Virgo paterna tibi! Sed me spes lubrica tardat,

Grande equidem armatum castris inducere Achillem.

Sed si fata negent, quam foedum ac triste reverti!

Vota tamen Danaum non intemptata relinquam. 550

Iamque adeo aut aderit mecum Peleius heros,

Aut verum penitus latet et sine Apolline Calchas.

Conclamant Danai, stimulatque Agamemnon volentes:

Laxantur coetus, resolutaque murmure laeto

Agmina discedunt. Quales iam nocte propinqua 555

E pastu referuntur apes, vel in antra reverti

Melle novo gravidas mitis videt Hybla catervas

Nec mora, iam dexteras Ithacesia carbasus auras

Poscit, et in remis hilaris sedere iuventus.

At procul occultum falsi sub imagine sexus 560

Aeaciden furto iam noverat una latentem
 Deidamia virum; sed opertae conscia culpa
 Cuncta pavet tacitasque putat sentire sorores.
 Namque ut virgineo stetit agmine clarus Achilles
 Exolvitque rudem genitrix digressa pudorem, 565
 Protinus elegit comitem, quamquam omnis in illum
 Turba coit, blandaeque novas nil tale timenti
 Admovet insidias; illum sequiturque premitque
 Inprobus, illam oculis iterumque iterumque resumit.
 Nunc nimius lateri non evitantis adhaeret, 570
 Nunc levibus sertis, lapsis nunc sponte canistris
 Nunc thyrsos parcente ferit; modo dulcia notae
 Fila lyrae tenuesque modos et carmina monstrat
 Chironis ducitque manum digitosque sonanti
 Infringit citharae, nunc occupat ora canentis 575
 Et ligat amplexus et mille per oscula laudat.
 Illa libens discit, quo vertice Pelion, et quis
 Aeacides, puerique auditum nomen et actus
 Assidue stupet et praesentem cantat Achillem.
 Ipsa quoque et validos proferre modestius artus 580
 Et tenuare rudes attrito pollice lanas
 Demonstrat reficitque colos et perdit dura
 Pensa manu votisque sonum pondusque tenentis;
 Quodque fugit comites, nimio quod lumine sese
 Figat et in verbis intempestivus anhelet, 585
 Miratur; iam iamque dolos aperire parantem
 Virginea levitate fugit prohibetque fateri.
 Sic sub matre Rhea juvenis regnator Olympi
 Oscula securae dabit insidiosa sorori
 Frater adhuc, medii donec reverentia cessit, 590
 Sanguinis et veros germana expavit amores.
 Tandem detecti timidae Nereidos aptus
 Lucus Agamemnoni sublimis ad orgia Bacchi
 Stabat et admissum caelo nemus; huius in umbra
 Alternum revocare pia tritica matres 595
 Consuerant sociumque pecus terraeque revulsas
 Ferre trabes; gratosque deo praestare furores.
 Lex procul iura manens; iterumque praecipit verendus

Ductor, inaccessumque viris edicitur antrum.
 Nec satis est; stat sine dato metuenda sacerdos 600
 Exploratque aditus, ne quis temerator oberret
 Agmine femineo. Tacitus subrisit Achilles.
 Illum virgineae ducentem signa catervae,
 Magnaque difficili solventem brachia motu —
 Et sexus pariter decet et mendacia matris —, 605
 Mirantur comites. Nec iam pulcherrima turbæ
 Deidamia suæ tantumque admota superbo
 Vincitur Aeacide, quantum premit ipsa sorores.
 Ut vero a tereti demisit nebrida collo
 Errantesque sinus hedera collegit et alte 610
 Cinxit purpureis flaventia tempora vittis
 Vibravitque gravi redimitum missile dextra;
 Attonito stat turba metu, sacrisque relictis
 Illum ambire libet pronosque attollere vultus.
 Talis, ubi ad Thebas vultumque animumque remisit 615
 Evius et patrio satiavit pectora luxu;
 Serta comis mitramque levat thyrsumque virentem
 Armât et hostiles invisit fortior Indos.
 Scandebat roseo medii fastigia coeli
 Luna iugo, totis ubi somnus inertior alis 620
 Defluit in terras mutumque amplectitur orbem.
 Consedere chori paulumque exercita pulsu
 Aera tacent, tenero quum solus ab agmine Achilles
 Haec secum: 'Quonam timidæ commenta parentis
 Usque ferēs? primumque inbelli carcere perdes 625
 Florem animi? non tela licet Mavortia dextra,
 Non trepidas agitare feras? ubi campus et amnes
 Haemonii? quaerisne meos, Sperchie, natatus? an
 Promissasque comas? an desertoris alumina?
 Nullus honos? Stygiasque procul iam raptus ad umbras 630
 Dicor, et orbatus plangit mea funera Chiron?
 Tu nunc tela manu, nostros tu dirigis arcus
 Nutritosque mihi scandis, Patrocle, iugales?
 Ast ego pampineis diffundere brachia thyrso
 Et tenuare oculos, ipse tunc taedetque fateri 635
 Iam scio. Quam etiā dilectæ virginis ignem

Aequaeamque facem captus noctesque diesque
Dissimulas? Quonam usque premes urentia pectus
Vulnera? teque marem, pudet heu! nec amore probabis?

Sic ait; et densa noctis gavius in umbra 640

Tempestiva suis torpere silentia furtis
Vi potitur votis et toto pectore veros
Admōvet amplexus: risit chorus omnis ab alto
Astrorum, et tenerae rubuerunt cornua Lunae.
Illa quidem clamore nemus montemque replevit; 645
Sed Bacchi comites discussa nube soporis
Signa choris indicta putant. Fragor undique notus
Tollitur, et thyrsos iterum vibrabat Achilles.
Ante tamen dubiam verbis solatur amicis:

Ille ego, — quid trepidas? — genuit quem caerulea mater
Peliacis silvis nivibusque inmisit alendum 651
Thessaliciis. Neque ego hos cultus aut foeda subissem
Tegmina, ni primo te visa in litore: cossi
Te propter, tibi pensa manu, tibi mollia gesto
Tympana: Quid defles magno muris addita ponto? 655
Quid gemis ingentes coelo paritura nepotes?
Sed pater ante igni, ferroque excisa iacebit
Scyros, et in tumidas ihunt haec, versa procellas
Moenia, quam saevo mea tu comibis perdas
Funere: non adeo parehimus omnia matri. 660
Vade, sed ereptum taceas: celesque pudorem?

Obstupuit tantis regina exterrita monstis,
Quamquam olim suspecta fides et, cominus ipsum
Horruit et multum facies mutata fatentis
Quid faciat? casusque suos, ferat ipsa parenti 665
Seque simul iuvenemque promittit, fortassis, acerbas
Hauserum poenas? Et adhuc in corde manebat
Ille diu deceptus amor. Sileti aegra praeputitque
Iam commune nefas. Unam placet addere furtis,
Altricum sociam, piceoibus quae victa duorum 670
Annuit. Illa astu tacito, raptumque pudorem
Surgentemque iterum atque aegros in pendere menses
Occuluit, plenius donec statim tempora metis
Attulit et parva inde, lucina resolvit.

P. PAPINII STATII
A CHILLEIDOS

LIBER II.

Iamque per Aegæos ibat Laertia fluctus
Puppis, et innumerae mitabant Cycladas auras;
Iam Paros Olæarosque latent; iam rauditur alta
Lemnos, et a tergo decrescit Bacchica Naxos
Ante oculos crescentem Samo; iam Delos opacat
Aequor, ubi excelsa libant barchesia puppe,
Responsisque fidem et verum Catelanta præcantur.
Audist' Arcadenus Zephyrumque e vertice Cynthi
Impulit et dubiis pleno dedit omnia velo
It pelago secura ratis; quippe alta Tonantis
Iussa Tethin certas fatorum vertere leges
Arcebant aegram lacrimis ac multa gementem,
Quod non erueret pontum ventisque fretisque
Omnibus invisam iam tunc sequeretur Ulxem.
Frangebat radios hanc iam pronus Olympo
Phoebus, et Oceanum penetrabile ritus anhellis
Promittebat equis, quàm se scopulosa levavit
Scyros; in hanc totos emisit puppe radentes
Dux Laertiades, scopulosque resumens pontum
Imperat et remis Zephyros supplere cadentes
Accedunt iussu; magis indubitata magisque
Scyros etiam placidum super Tritonia custos
Istoris. Egrediuntur venerantibus amicis
Aetolusque Niacusque deo. Tum providas Helios
Hospita ne aliud terrerent moenia rectu
Puppe iubet remansere cubis; quæ adhuc fidem
Cum Diomede perit. Sed iam prælonerat arpis

Litoreae servator Abas ignotaque regi
 Ediderat, sed Graia tamen, succedere terris
 Carbasae; procedunt, gemini ceu foedere iuncto 30
 Hiberna sub nocte lupi; licet et sua pulset
 Natorumque fames, penitus rabiemque minasque
 Dissimulant humilesque meant, ne nuntiet hostes
 Cura canum et trepidos moneat vigilare magistros.

Sic segnes heroes eunt campumque patentem, 35
 Qui medius portum celsamque interiacet urbem,
 Alterno sermone terunt; prior occupat acer
 Tydides: 'Qua nunc verum ratione paramus
 Scrutari? namque ambiguo sub pectore quondam
 Verso, quid inbelles thyrsos mercatus et aera, 40
 Urbibus in mediis Bacchaeaeque terga mitrasque
 Huc tuleris varioque adspersas nebridas auro?
 Hisne gravem Phrygibus Priamoque armamus Achillem?'

Illi subridens Ithacus paulum ore remisso:
 'Haec tibi, virginea modo si Lycomedis in aula 45
 Fraude latens, ultro confessum in proelia ducent
 Peliden; tu cuncta citus de puppe memento
 Ferre, ubi tempus erit, clipeumque his iungere donis,
 Qui pulcher signis auroque asperrimus ardet.
 Haec sat erunt: tecum lituo bonus adsit Agyrtes 50
 Occultamque tubam tacitos apportet iu usus.'

Dixerat; atque ipso portarum in limine regem
 Cernit et ostensa pacem praefatur oliva.

'Magna, reor, pridem vestras pervenit ad aures
 Fama trucidis belli, regum placidissime, quod nunc 55
 Europamque Asiamque quatit. Si nomina quaeras
 Huc perlata ducum, fudit quibus ultor Atrides,
 Hic tibi, quem tanta meliorem stirpe creavit
 Magnanimus Tydeus, Ithacis ego ductor Ulixes.
 Causa viae — metuum quid enim tibi cuncta fateri, 60
 Quum Graius notaque fide celeberrimus unus? —
 Explorare aditus invisaque litora Troiae,
 Quidve parent.' Medio sermone intercipit ille:
 'Annuerit fortuna, precor, dextrique secudent
Ista dei. Nunc hospitio mea tecta plumque 65

Illustrate larem.' Simul intra limina ducit.

Nec mora, iam mensas famularis turba torosque

Instruit. Interea visu perlustrat Ulixes

Scrutaturque domum, si qua vestigia magnae

Virginis aut dubia facies suspecta figura;

70

Porticibusque vagis errat totosque penates,

Ceu miretur, adit. Velut ille cubilia praedae

Indubitata tenens muto legit arva Molosso

Venator, videat donec sub frondibus hostem

Porrectum somno positosque in cespite dentes.

75

Rumor in arcana iamdudum perstreptit aula,

Virginibus qua fida domus, venisse Pelasgum

Ductores Graiamque ratem sociosque receptos.

Iure pavent aliae; sed vix nova gaudia celat

Pelides, avidusque novos heroas et arma

80

Vel talis vidisse cupit. Iamque atria fervent

Regali strepitu, et picto discumbitur ostro,

Quum pater ire iubet natas comitesque pudicas

Natarum. Subeunt, quales Maeotide ripa,

Quum Scythicas rapuere domos et capta Getarum

85

Moenia, suppositis epulantur Amazones armis.

Tum vero intentus vultus ac pectora Ulixes

Praelibat visu. Sed nox inlataque fallunt

Lumina, et extemplo latuit mensura iacentis.

At tamen erectumque genas oculisque vagantem

90

Nullaque virginei servantem signa pudoris

Defigit comitique obliquo lumine monstrat.

Quod nisi praecipitem blando complexa moneret

Deidamia sinu, nudataque pectora semper

Exertasque manus humerosque in veste teneret,

95

Et prodire toris et poscere vina vetaret

Saepius, et fronti crinale reponeret aurum;

Argolicis ducibus iam tunc patuisset Achilles.

Ut placata fames epulis bis terque repostis,

Rex prior alloquitur paterisque hortatur Achivos:

100

'Invideo vestris, fateor, decora inclita gentis

Argolicae coeptis; utinam mihi fortior aetas,

Quaeque fuit, Dolopas quum Scyria litora adortos

105

Perdomui fregique vadis! quae signa triumphii
 Vidistis celsas murorum in fronte carinas. 105
 Saltem si soboles, aptam quam mittere bello —
 [Possem, plena forent mihi gaudia; namque iuvarem.]
 Nunc ipsi viresque meas et cara videtis
 Pignora. Quando novos dabit haec mihi turba nepotes?
 Dixerat, et sollers arrepto tempore Ulixes: 110
 'Haud spernenda cupis. Quis enim non visere gentes
 Innumeras variosque duces atque agmina regum
 Ardeat? Omne simul roburque decusque potentis
 Europae meritos ultra iuravit in enses,
 Rura urbesque vacant, montes spoliavimus altos; 115
 Omne fretum longa velorum obtexitur umbra;
 Tradunt arma patres, ruit inrevocata iuventus.
 Non alias umquam tantae data copia famae
 Fortibus, aut campo maiore exercita virtus.'
 Adspicit intentum vigilique haec aure trahentem, 120
 Quum paveant aliae demissaque lumina flectant,
 Atque iterat: 'Quisquis proavis et gente superbus,
 Quisquis equo saculoque potens, qui praevalet arcu,
 Omnis honos illic; illic iagentia cecant.
 Nomina. Vix timidae matres, vix agmina cessant 125
 Virginea. Hic multum steriles damnatus in annos
 Invisusque deis, si quem haec nova gloria segnem
 Praeterit.' Exisset stratis, nisi provida signo
 Deidamia dato cunctas hortata sorores
 Liquisset mensas, ipsum complexa. Sed haeret 130
 Respicens Ithacum coetuque novissimus exit.
 Ille quidem incepto paulum ex sermone remisit,
 Pauca tamen iungens: 'At tu, tranquillus in alta
 Pace mane carisque parva conubia matris
 Quas tibi sideris divarum vulgibus aequas 135
 Sors dedit, ut me olim tacitum reverentia tangit!
 His decor et formae species permixta virili.'
 Occurrit genitor: 'Quid si Bacchaean ferentes
 Orgia, Palladas aut circum videris, aras?
 Et dabimus, si forte novus cunctabitur auster.' 140
 Excipiunt cupidi, et tacitis spes addita votis.

Cetera depositis Lycomedis regia curis
 Tranquilla sub pace silet; sed longa sagaci
 Nox Ithaco, lucemque caput somnoque gravatur.
 Vixdum exorta dies et iam comitatus Agryta
 Tydides aderat praedictaque dona ferebat.
 Nec minus egressae thalamis Scyreides ibant
 Ostentare choros promissaque sacra verendis
 Hospitibus. Nitet ante alias regina comesque
 Pelides; qualis Siculae sub rupibus Aetnae
 Naides Hennaeas inter Diana feroxque
 Pallas et Elysii lucebat sponsa tyranni.

Iamque movent gressus thiasisque Ismenia buxus
 Signa dedit, quater aera Rheae, quater Evia pulsant
 Terga manu variosque quater legera recursus.
 Tunc thyrsos pariterque levant pariterque reponunt,
 Multiplicantque gradum, modo quo Curetes in acta,
 Quoque pil Samothracae eunt; nunc obvia versae
 Pectine Amazonio, modo quo citat orbe Lacuenas,
 Delia plaudentesque suis intorquet Amyclis.
 Tunc vero, tunc praecipue manifestus Achilles
 Nec servare vices nec fungere brachia curat.
 Tunc molles gressus, tunc aspernatur amictus
 Plus solito rumpitque choros et plurima turbat.
 Sic indignantem thyrsos acceperatque matris
 Tympana iam tristes spectabant Penithea Thebae.

Solvuntur laudata cohors repetuntque paterna
 Limina, ubi in mediae latusculum sedibus aulae
 Munera, virgineos visus tractura, locarat
 Tydides; signum hospitii praeternique laboris
 Hortaturque legant, nec rex plebe dissimulat arces.
 Heu simplex nimiumque rudis, qui caligat dona
 Graiorumque delos variantque ignorat Ulixem!
 Hinc aliae, quas sexus iners naturaque ductu,
 Aut teretes thyrsos aut respondentia temptant
 Tympana; gemmatas aut nebulas tempora dantis;
 Arma vident magnoque priant donata parente
 At ferus Aeacides, radiantem ut dominus orbem
 Caelatum pugnas sedulis et forte rubentem

- Bellorum maculis acclinem et conspicit hastam; 180
 Infremuit torsitque genas, et fronte relictâ
 Surrexere comas; nusquam mandata parentis,
 Nusquam occultus amor, totoque in pectore Troia est.
 Ut leo, materno quum raptus ab ubere mores
 Accepit pectique iubas hominemque vereri 185
 Edidicit, nullasque ruit nisi iussus in iras,
 Si semel adverso radiavit lumine ferrum,
 Eiurata fides domitorque inimicus, in illum
 Prima fames, timidoque pudet servisse magistro.
 Ut vero accessit propius luxque aemula vultum 190
 Reddidit et simili se tandem vidit in auro,
 Horrui erubuitque simul. Tunc acer Ulixes
 Admotus lateri submissa voce: 'Quid haeres?
 Scimus, ait, tu semiferi Chironis alumnus,
 Tu coeli pelagique nepos; te Dorica classis, 195
 Te tua suspensis expectat Graecia signis,
 Ipsaque iam dubiis nutant tibi Pergama muris.
 Etâ, age, rumpe moras; sine perſida palleat Ide,
 Et iuvet haec audire patrem, pudeatque dolosam
 Sic pro te timuisse Thetin.' Iam pectus amictu 200
 Laxabat, quum grande tuba, sic iussus, Agyrtes
 Insonuit; fugiunt disiectis undique donis
 Implorantque patrem commotaque proelia credunt.
 Illius intactae cecidere a pectore vestes.
 Iam clipeus breviorque manu consumitur hasta, — 205
 Mira fides! — Ihacumque humeris excedere visus
 Aetolumque ducem: tantum subita arma calorque
 Martius horrenda confundit luce penates.
 Inmanisque gradu, ceu protinus Hectora poscens,
 Stat medius trepidante domo. Peleia virgo 210
 Quaeritur. Ast alia plangebatur parte relictos
 Deidamia dolos, cuius quum grandia primum
 Lamenta et notas accepit pectore voces.
 Haesit et occulto virtus infracta calore est.
 Dimittit clipeum regisque ad lumina versus 215
 Attonitum fati inopinaque monstra paventem,
 Sicut erat, mediis Lycomedem affatur in armis:

'Me tibi, care pater, — dubium dimitte timorem, —
 Me Thetis alma dedit; te pridem tanta manebat
 Gloria. Quaesitum Danaïs tu mittis Achillem, 220
 Gratior et magno, si fas dixisse, parente
 Et dulci Chirone mihi. Sed corda parumper
 Huc adverte libens atque has bonus accipe voces.
 Te Peleus nato socerum et Thetis hospita iungunt,
 Allegantque suos utroque a sanguine divos. 225
 Unam virgineo natarum ex agmine poscunt.
 Dasne? an nos humiles tibi degeneresque videmur?
 Non renuis. Iunge ergo manus et concipe foedus
 Atque ignosce tuis. Tacito iam cognita furto
 Deidamia mihi; quis enim his obstare lacertis, 230
 Quae potuit nostras possessa evadere flammis?
 Me luere ista iube; pono arma et reddo Pelasgis
 Et maneo. Quid triste fremis? quid lumina mutas?
 Iam socer es, — natum ante pedes proiecit et addit —
 Iamque avus; inmitis quotiens tractabitur ensis, 235
 Turba sumus.' Tunc et Danaï per sacra fidemque
 Hospitii blândusque precum compellat Ulixes.
 Ille, etsi carae comperta iniuria natae,
 Et Thetidis mandata movent, prodique veretur
 Depositum tam grande deae, tamen obviis ire 240
 Tot metuit fatis Argivaeque bella morari.
 Fac velit; ipsam illic matrem sprevisset Achilles.
 Ne tamen abnueret genero se iungere tali,
 Vincitur; arcanis effert pudibunda tenebris
 Deidamia gradum, veniam nec protinus amens 245
 Credit et opposito genitorem placat Achille.
 Mittitur Haemoniam, magni qui Pelea facti
 Impleat et classem comitesque in proelia poscat.
 Nec non et geminas regnator Scyrius alnos
 Deducit genero viresque excusat Achivis. 250
 Tunc epulis consumpta dies, tandemque receptum
 Foedus, et intrepidos nox conscia iungit amantes.
 Illius ante oculos nova bella et Xanthus et Ide
 Argolicaeque rates; atque haec iam cogitat undas
 Auroramque timet; cara cervice mariti 255

Fusa novi lacrimas iam solvit et occupat artus.
 'Adspiciamne iterum meque hoc in pectore ponam,
 Aeacide? rursusque tuos dignabere partus?
 An tumidus Teucrosque lares et capta reportans
 Pergama virgineae noles meminisse latebrae? 260
 Quid precer, heu! timeamve prius? quidve anxia mandem,
 Cui vix flere vacat? Modò te nox una deditque
 Inviditque mihi. Thalamis haec tempora nostris?
 Hicne est liber hymen? O dulcia furta dolique,
 O timor! eripitur miserae permissus Achilles. 265
 I, — neque enim tantos ausim revocare paratus, —
 I cautus, nec vana Thetis timuisse memento,
 I felix nosterque redi. Nimis improba posco.
 Iam te spectabunt lacrimis planctuque decorae
 Troades optabuntque tuis dare colla lacertis 270
 Et patriam pensare toris, aut ipsa placebit
 Tyndaris, incesta nimium laudata rapina.
 Ast ego vel primae puerilis fabulae culpa
 Narrabor famulis, aut dissimulata latebo.
 Quin age, duo comitem; cur non ego Martia tecum 275
 Signa feram? tu pensa manu Bacchaeaeque mecum
 Sacra, quod infelix non credet Troia, talisti.
 Attamen hunc, quem moesta mihi solatia linquis,
 Hunc saltem sub corde tene, et concede precanti
 Hoc solum, pariat ne quid tibi barbara coniux, 280
 Ne qua det indignos Thetidi captiva nepotes.
 Talia dicentem non ipse inmotus Achilles
 Solatur iuratque fidem iurataque fletu
 Spondet, et ingentes famulas captumque reversus
 Ilion et Phrygiae promittit munera gazae. 285
 Inrita ventosae vapiebant verba procellae.
 Exiit implicitum tenebris humentibus orbem
 Oceano prolata dies; genitorque coruscæ
 Lucis adhuc hebetem vicina nocte levabat
 Et nondum excusso rorantem lampade ponto. 290
 Et iam puncta nodatum pectora palla,
 Insignemque ipsis; quæ prima invaserat, armis
 Aeaciden — quippe cura vocat cognataque suadent

Aequora, — prospectant cuncti iuvenemque ducemque
 Nil ausi meminisse pavent. Sic omnia visu 295
 Mutatus rediit, ceu numquam Scyria passus
 Litora Peliaco raptus descendat ab antro.

Tunc ex more deis — ita namque monebat Ulixes, —
 Aequoreis austrisque litat fluctuque sub ipso
 Caeruleum regem tauro veneratur avumque 300
 Nerea; vittata genetrix placata iuvenca est.
 Hic spumante salo iaciens tumida exta profatur:
 ‘Paruimus, genetrix, quamquam haud toleranda iubebas,
 Paruimus nimium, bella ad Troiana ratesque
 Argolicas quaesitus eo.’ Sic orsus et alno 305
 Insiluit penitusque noto stridente propinquis
 Abripitur terris; iamque ardua crescere nubes
 Incipit et longo Scyros decedere ponto.

Turre procul summa lacrimis comitata sororum
 Confessumque tenens et habentem nomina Pyrrhum 310
 Pendebat coniux oculisque in carbasa fixis
 Ibat, et ipsa fretum et puppem iam sola videbat.
 Ille quoque obliquos dilecta ad moenia vultus
 Declinat viduamque domum gemitusque relictæ
 Cogitat. Occultus sub corde renascitur ardor, 315
 Datque locum virtus. Sensit Laertius heros
 Moerentem et placidis aggressus flectere dictis:
 ‘Tene, inquit, magnæ vastator debite Troiae,
 Quem Danaæ classes, quem divum oracula poscunt,
 Erectumque manet reserato limine bellum, 320
 Callida femineo genetrix velavit amictu
 Commisitque ullis tam grandia furtâ latebris:
 Speravitque fidem? Nimis o suspensa nimisque
 Mater! an hæc virtus tacita torperet in umbra?
 Quæ vix audito litui clangore refugit 325
 Et Thetin et comites et quos suppresserat ignes?
 Nec nostrum est, quod in arma venis sequerisque precantes;
 Venisses ultro.’ Quem talibus occupat heros
 Aeacides: ‘Longum est, residues exponere causas
 Maternumque nefas; hoc excusabitur, ense 330
 Scyros et indecores, fatorem crimina, cultus.

Tu potius, dum leno fretum zephyrisque feruntur
 Carbasa, quae Danaïs tanti primordia belli,
 Ede; libet iustas hinc sumere protinus iras.
 Hic Ithacus paulum repetito longius orsu: 335
 'Fertur in Hectorea, si talia credimus, ora
 Electus formae certamina solvere pastor
 Sollicitas tenuisse deas, nec torva Minervae
 Ora, nec aetherei sociam rectoris amico
 Lumine, sed solam nimium vidisse Dionen. 340
 Atque adeo lis ista tuis exorta sub antris
 Concilio saperum, dum Pelea dulce maritat
 Pelion, et nostris iam tunc promitteris armis.
 Ira quatit victas; petit exitalia iudex
 Praemia; raptori faciles monstrantur Amyclae. 345
 Ille Phrygas lucos, matris penetralia caedit
 Turrigeræ vetitasque solo proeumbere pinus
 Praecipitat, terrasque freto delatus Achaeas
 Hospitis Atridae, pudet heu miseretque potentis
 Europae! spoliât thalamos, Helenaque superbus 350
 Navigat et captos ad Pergamam dehinc Argos.
 Inde dato passim varias rumore per urbes
 Undique inexciti sibi quisque et sponte coinus
 Ultiores. Quis enim illicitis genitalia rumpi
 Pacta dolis faciliq; trahi conubia raptam? 355
 Ceu pecus armentumve aut viles mœsis acervopoli
 Perferat? hæc et non fortes iactura moveret.
 Non tulit insidias divum imperiosus Agenor,
 Mugitusque sacros et magno numine vectam
 Quaesiit Europen aspernatusque Tonantem est 360
 Ut generum Raptam et Scythico de litore prolem
 Non tulit Aetes, ferroque et classe secatus
 Semideos reges et ituram in sidera puppim.
 Nos Phryga semivirum, portus et litora circum
 Argolica incesta volitantem puppe feremus? 365
 Usque adeo nusquam arma et equi fretoque iuvia Graiis?
 Quid si nunc aliquis patriis rapturam ab oris
 Deidamiam eat viduaque a sede revellat
 Attonitam et magni clamantem montem Aschillis?

Illius ad capulum rediit manus, et simul ingens 370
 Impulit ora rubor. Tacuit contentus Ulixes.

Excipit Oenides: 'Quin, o dignissima coeli
 Progenies, ritusque tuos elementaque primae
 Indolis, et valida mox accedente iuventa,
 Quae solitus laudum tibi semina pandere Chiron, 375
 Virtutisque aditus, quas membra augere per artes,
 Quas animum, sociis multumque faventibus ede:
 Sit pretium longas penitus quaesisse per undas
 Scyron et his armis primum intendisse lacertos.'

Quem pigeat sua facta loqui? tamen ille modeste 380
 Inchoat, ambiguus paulum propiorque coacto:
 'Dicor et in teneris et adhuc reptantibus annis,
 Thessalus ut rigido senior me monte recepit,
 Non ullas ex more dapes habuisse, nec almis
 Uberibus satiasse famem, sed spissa leonum 385
 Viscera semianimesque lupae traxisse medullas.
 Haec mihi prima Ceres, haec lasti munera Bacchi,
 Sic dabat ille pater. Mox ire per avia secum
 Lustra gradu maiore trahens visisque placebat.
 Arridere feris, nec fracta ruentibus undis 390
 Saxa nec ad vastae trepidare silentia silvae.
 Iam tunc hasta manu, iam tunc cervice pharetræ,
 Et ferri properatus amor durataque multo
 Sole geluque cutis; tenero nec flexa cubili
 Membra, sed ingenti saxum commune magistro. 395
 Vix mihi bisseuos annorum torserat orbes.
 Vita rudis, volucres quum iam praevertere cervos
 Et Lapithas cogebat equo praemissaque cursu
 Tela sequi saepe ipse gradu me praepete Chiron.
 Dum velox aetas, campis admissus agebat 400
 Omnibus, exhaustumque vago peragramina passu
 Laudabat gaudens atque in sua colla levabat.
 Saepe etiam primo fluvii torpore iubebat
 Ire super glaciemque levi non frangere plantæ
 Hoc puerile decus. Quid nunc tibi proelia dicam 405
 Silvarum et vacuos saepe iam murmuris saltus?
 Numquam ille imbelles Ossææ per avia lynceos

Sectari, aut timidas passus me cuspide damas
 Sternere, sed tristes turbare cubilibus ursas
 Fulmineosque sues, et sicubi maxima tigris 410
 Aut seducta iugis foetae spelunca leaenae.
 Ipse sedens vasto facta expectabat ab antro,
 Si sparsus magno remearem sanguine; nec me
 Ante nisi inspectis admisit ad oscula telis.
 Iamque et ad ensiferos vicina pube tumultus 415
 Aptabar, nec me ulla feri Mavortis imago
 Praeteriit. Didici, quo Paeones arma rotatu,
 Quo Macetae sua gesa citent, quo turbine contum
 Sauromates falcemque Getes arcumque Gelonus
 Tenderet, et flexae Balearicus actor habenae 420
 Quo suspensa trahens libraret vulnera tortu,
 Inclusum quotiens distringeret aera gyro.
 Vix memorem cunctos, etsi modo gessimus, actus.
 Nunc docet ingenti saltu me iungere fossas,
 Nunc caput aerii scandentem prendere montis, 425
 Quo fugitur per plana gradu, simulacraque pugnae,
 Excipere inmissos curvato umbone molares
 Ardentisque intrare casas peditemque volantes
 Sistere quadriugos. Memini, rapidissimus ibat 430
 Imbribus assiduus pastus nivibusque solutis
 Sperchios vulsasque trabes et saxa ferebat,
 Quum me ille inmissum, qua saevior inpetus undae,
 Stare iubet contra tumidosque repellere fluctus,
 Quos vix ipse gradu totiens obstante tulisset.
 Stabam equidem, nec me referebat concitus amnis 435
 Et latae caligo viae. Ferus ille minari
 Desuper incumbens verbisque urgere pudorem.
 Nec nisi iussus abii. Sic me sublimis agebat
 Gloria, nec duri tanto sub teste labores.
 Nam procul Oebalios in nubila condere discos 440
 Et liquidam nodare Palen et spargere caestus,
 Ludus erat requiesque mihi; nec maior in istis
 Sudor, Apollineo quam fila sonantia plectro
 Quum quaterem priscosque virum mirarer honores.
 Quin etiam succos atque auxiliantia morbis 445

Gramina, quo nimius staret medicamine sanguis,
Quid faciat somnos, quid hiantia vulnera claudat,
Quae ferro cohibenda lues, quae cederet herbis,
Edocuit, monitusque sacrae sub pectore fixit
Iustitiae, qua Peliacis dare iura verenda 450
Gentibus, atque suos solitus pacare bifformes.
Hactenus annorum, comites, elementa meorum
Et memini, et meminisse iuvat. Scit cetera mater.'

Sectari, aut timidas passus me cuspide damas
 Sternere, sed tristes turbare cubilibus ursas
 Fulmineosque sues, et sicubi maxima tigris 410
 Aut seducta iugis foetae spelunca leaenae.
 Ipse sedens vasto facta expectabat ab antro,
 Si sparsus magno remearem sanguine; nec me
 Ante nisi inspectis admisit ad oscula telis.
 Iamque et ad ensiferos vicina pube tumultus 415
 Aptabar, nec me ulla feri Mavortis imago
 Praeteriit. Didici, quo Paeones arma rotatu,
 Quo Macetae sua gesa citent, quo turbine contum
 Sauromates falcemque Getes arcumque Gelonus
 Tenderet, et flexae Balearicus actor habenae 420
 Quo suspensa trahens libraret vulnera tortu,
 Inclusum quotiens distringeret aera gyro.
 Vix memorem cunctos, etsi modo gessimus, actus.
 Nunc docet ingenti saltu me iungere fossas,
 Nunc caput aerii scandentem prendere montis, 425
 Quo fugitur per plana gradu, simulacraque pugnae,
 Excipere inmissos curvato umbone molares
 Ardentesque intrare casas peditemque volantes
 Sistere quadriiugos. Memini, rapidissimus ibat 430
 Imbribus assiduus pastus nivibusque solutis
 Sperchios vulsasque trabes et saxa ferebat,
 Quum me ille inmissum, qua saevior inpetus undae,
 Stare iubet contra tumidosque repellere fluctus,
 Quos vix ipse gradu totiens obstante tulisset.
 Stabam equidem, nec me referebat concitus amnis 435
 Et latae caligo viae. Ferus ille minari
 Desuper incumbens verbisque urgere pudorem.
 Nec nisi iussus abii. Sic me sublimis agebat
 Gloria, nec duri tanto sub teste labores.
 Nam procul Oebalios in nubila condere discos 440
 Et liquidam nodare Palen et spargere caestus,
 Ludus erat requiesque mihi; nec maior in istis
 Sudor, Apollineo quam fila sonantia plectro
 Quum quaterem priscosque virum mirarer honores.
Quin etiam succos atque auxiliantia morbis 445

PUBLIUS PAPINIUS STATIUS.

RECOGNOVIT

GUSTAVUS QUECK.

TOM. II.

T H E B A I S .



L I P S I A E

SUMPTIBUS ET TYPIS B. G. TEUBNERI.

MDCCCLIV.

PRAEFATIO.

Thebaidos Statianae permultos extare codices constat. In bibliotheca Parisiensi quatuordecim asservari dicuntur eius codices his numeris signati: 7936 saeculo XIV. script., ut Hasio videtur, 8051 saec. X., 8052 saec. XII., 8053 saec. XIII., 8054, 8055, 8056, 8057, 8058, 8059, 8060, 8280, 8468, omnes hi saec. XIII., 8061 saec. XIV. Ne aliorum codicum nomina exhibeam, — in indice ab Handio confecto septuaginta septem codd. Thebaidos enumeratos invenio, — eos modo breviter memorabo, quibus ipse usus sum.

Sunt enim apud me quatuor Paris. codd. collationes ab Hasio accurate et plenissime factae, cod. 8051, 8052, 8053, 8055, etiam cod. 8054 collatio ad tres priores libros pertinens. De cod. 8051, olim Puteano (Put.), vide quae ad Achilleida tom. priore dicta sunt; omnium videtur Hasio accuratissimus et certissimus; idem est sine dubio, quem Lindembrogus iam contulit. In fine libri quarti scriptum est: CODEX IULIANI V. C. (viri clarissimi an consularis?), unde colligi potest, hunc librum Parisinum ab antiquissimo archetypo transcriptum esse. Post hunc optimus videtur cod. 8055 membr. olim Colbertinus (Colb.), praeter Thebaida continens Persii satiras et Senecae tragoedias, accurate et nitidissime scriptus saec. XIII. Codd. 8052 (P α) membr. una Achilleida complectens, 8053 (P β) membr. olim Colbertinus et 8054 (P γ) minoris pretii sunt.

Praeterea usus sum codice Vratislaviensi ex bibliotheca Rhedigerana, scripto saec. XIV., quem Thom. Rhediger ipse in Italia a Petro, Florentino bibliopola, emit; porro tribus codd. Gudeanis membr. (52 = G α , 54 = G β , 146 = G γ), quos Lenzius cum Bipontina contulit; Guelferbytano (Glf.), quem Passovius contulit; Freisingensi, qui in bibl. Monacensi est,

Lipsiensi membr. saec. XVI., qui servatur in bibliotheca senatoria, utrumque contulerat Lenzius.

Nuperrime novam codicis Cassellani collationem protulit C. F. Weber, professor Marburgensis clarissimus (progr. acad. Marburg. 1853, p. 55), qui p. 6 de hoc libro affert haec: „codex diligentissime et nitidissime literis romanis a compluribus librariis ita scriptus est, ut in quavis pagina lineis distributa triceni versus legantur; literae initiales cuiusque versus invicem sunt vel rubrae vel atrae, primae cuiusque libri vel argumenti literae picturis vel ornamentis distinctae. Omnia sunt magna cum cura exarata, ita ut correctrix manus eius, qui codicem transscripsit, raro appareat, saepius alterius et hic illic tertii, qui errores sane commissos emendaverunt. Totus codex signa et notas habet aetatis, quam subscriptio prae se fert, saeculi undecimi.“ Conf. etiam quae docte ac diligenter exposuit Web. pag. 18—20. Consentit Cass. plerumque cum Lips.

Denique accurate collegi et diiudicavi lectiones librorum, quibus Bernartius, Lindenbrogius, Barthius (Barth. significat optimum illum codicem, quem Barthius saepissime laudat,) usi sunt, et emendationes, quas Heinsius, Gruterus, Gronovius, Marklandus aliique protulerunt.

In scribendi ratione consentiunt plerumque Put. Cass. Lips. Uncis [] inclusi, quae suspecta viderentur, signo — notata est parenthesis.

G. Queck.

LIB. I.

Cf. Iani Gruteri suspensiones in Statii Theb. libr. I. cum animadversionibus F. Handii, Ienae 1851.

V. 12. *arcus* revocavi ex Put. Colb. Gα, Cass. pr. m.; Vrat. *arcum*. 32. Put. Colb. *Pierio*, sed in Put. superscriptum est alia manu *laurigero*, quod ceteri fere omnes habent. 71. *cedentibus* cum Barthio scripsi, i. e. *recedentibus*; cf. Senec. Oed. 962; infra 427 *oculi cedentes*. 77. a libris nostris hic versus, quem Barthius elicere vult, non abest. Put. Vrat. *in funere*, cf. Grut. susp. 83. Put. Pβ, Gα, γ *arripui*; Colb. Freisg.

Cass. *abrupti*. 88. Colb. *iactanti*, ceteri omnes *dicenti*, cf. Hand. l. l. 102. *cognatave* scripsi, vide Handium ad silv. I, 2, 160. — 110. *in pectora* plerique libri, cf. Theb. V, 397; IX, 260. — 112. Gronov. coniecit: *tum geminas quatit ira minans*, cf. Hand. l. l. 123. omnes fere libri (Put. Colb. Vrat.) *culmine*. 144. *fula* in plerisque libris legitur; cf. Gronov. diatr. 546; Theb. III, 326; in repetitione eiusdem verbi nulla offensio. 158. omnes libri *portu* — *Ibero*, Gruteri coniectura, quam Gronov. secutus est, *porta* — *Ibera*, reiicienda est. 197. Put. Vrat. *imperio*, reliqui omnes *imperis*. 208. omnes fere nostri iique optimi *tecla*, Barth. cod. *templa*. 209. in Put. eadem manu superscriptum *fremunt*. 214. Put. Colb. Barth. *exaturabile*. 215. aliquot *quoadusque*, omnes nostri *exigar*. 222. *est* omitt. Put. Colb. Vrat. Freisg. 227. *imposta mens* est firma, infixae, non mutabilis, cf. Hand. l. l. 255. alii *restinguas*. 284. omnes *motu*, quam lectionem explicat Handius: ille non ipse dictis graviter laedens haec reddidit, quae tamen animi motu, quo proferebantur, aspera erant. 291. libri *inrevocabile*, unus *atque inrevoc*. 292. plerique *quod*, Vrat. *quo*. 313. Barth. cod. *furtim*, ceteri *furto*. 321. omnes nostri libri *superbus*. 322. Put. Voss. *iam*. 330. *lassumque* in Put. G α , γ , Freisg. Cass.; *lapsuque* in Vrat., *lappumque* in Colb. P α , β . 340. Put. *promusque ex aethere nutat*. 347. nostri libri *percutsa*. 353. *prae-solidat* Handius legi vult cum manusc. 365. vid. Gronov. diatrib. 515. — 384. Put. Vrat. P β *habens*. 396. probabilis videtur Put. et Barth. lectio *fato* — *ducente*. 400. plerique *parenti*. 452. interpunctionem mutandam esse putavi cum Dubnero. 455. vide Gronovii explicationem, diatr. 264: nescio quis iste coeli iniurias atque intempestum Iovem tecto excludere aut vitare prohibuit. 460. interpunctione mutata; *sociare* est infinit. indignantium. Glossat. Lips. addit: *fas non?* 462. multi libri *aborto*. 468. de coniungendis particulis *que* — *aut* — *aut* vide Handium ad Grut. susp.; *que* legitur in libris. 472. in plerisque libris *praemisera*. 486. Put. alique *annis*, cf. Gron. diatr. 223. — 550. nostri omnes *lassant*. 561. duo *liat*. 569. plerique *caedis*. 571. multi libri: *pubescentibus*, Colb. cum schol. i. e. *pubem ineuntibus*. 604. plerique *divesci*. 613. fere omnes *duro*. 619. haud pauci *plebes*. 623 seq. cf. Gronov.

diatr. 298. — 652. Put. Colb. Vrat. alii *praestabat*. 708. in libris *quae mutant*.

LIB. II.

Vers. 6. Put. Colb. aliique *chudent*. Versus 37—40. *illic* — *pulsant* desunt in Put. Colb. P α , β , Gud. utroque, Lips., Freisg., sed in plerisque ad marginem manu recentiore appicti. De versuum 35—46 ordine vide Barthium, qui versus ita sese excipere vult: 35, 36, 43, 44, 37, 38, 39, 40, 41, 42, 45, 46. — 44. haud pauci *non audens*. 62. aliquot *meat*. 63. *sui* fere omnes, unus *suum*, v. Barth. 69. scribit Dubnerus *sed summa T. sed Arc.*, nescio qua librorum auctoritate. 74. plerique libri *ducere*, Vrat. *educere*. 81. Put. alii *rabidus*. 108. plerique *sic fama*, Put. *scil fama*, Colb. Gud. α , γ *superbus*, reliqui *superbil*. 110. plerique *tua*. 138. Barth. *obvertit*. 153. alii (Put. Colb.) *dextra*, alii *atra*. 185 seq. recte iudicat Dubnerus, locum non integrum esse. 209. *haec* in optimis libris. 231. meliores *ruborem*, alii *pudorem*. 232. meliores *tacite*. 258. Put. Colb. *Euippi*, alii *Euhippi*, *Euchippi*, *Eurippi*, *Euphippi*. 268. *persequar* ex optimis libris. 297. quatuor libri *tunc*. 327. aliquot *pectore*, tres *corpore*, Barth. *pectora*. Eodem versu Put. *quercus*, superscr. *vires*; illud commendant Gronov. Heinsius, Barthius; conf. Dubn. ad h. l. Virg. Aen. XII, 104 seq. Luc. II, 603. — 338. omnes libri *iactantia* praeter Put. opt. qui habet *latrantia*, cf. Markl. ad silv. II, 1, 13. — 344. alii *poterisne*. 359. praeferam *demittere*, neque displicet quod Vratisl. habet *in terris*. 386. omnes nostri *ferus*. ad v. 417 sq. conf. Barth. 465. omnes *eras*. 509. Put. Vrat. *frementi*, plerique *trementi*. 512. omnes fere *dirae*, quod aptissimum est. 538. variant libri: *Chromi*, *Chromii*, *Cronii*, *Chithonii*. 541. plerique *tegmen*, nonnulli *tegmen*. 551. Put. *deire*. 556. Barth. et unus e nostris *abscissis*. 573. meliores *confisus*, alii *confessus*. 588. plerique *diffusus*. 593. haud pauci *involvit*. — scripsi *ruentes*, quod habet Put. et iam Gronovio placuit; Colb. P β , G α *ruentum*; Vrat. Cass. P α , G β , γ *cruentis*; Lips. G γ superscr. *ruentis*. 658. nonnulli *timide*. 668. plerique *ast*; Gron. diatr. 463 *attamen*. 712.

tractas i. e. extractas, quod Markl. placuit (cf. epist. ad Stellam, silv. I.), est in Put. G α . 721. invenio in nonnullis *divertis*, et paulo ante *velis* pro *venis*. 724. Put. *equarum*.

LIB. III.

Vers. 16. *solidove* habet Barth., in nostris non legitur. 27. *sonant*, ceteri *tonant*. 28. *maki* Barth. Put. Colb. Cass. 56. Put. *qualis bello*. 61. Colb. P β *ira*, Put. *ira* superscr. eadem manu *ore*, Vrat. *ora*. 73. Colb. Put. *gestis*. 100. Put. Vrat. *si dignum est*. 111. *durent* et 113. *servet*, quod Barth. habet, etiam in Colb. et P α legitur. 115. *avia* Barth. Put. 136. Put. *igne tremens*, in margine manu recentiore *ungue premens*. 163. Put. *numerosaque funera*, superscr. *vulnera*, P α *numerandaque*, P β *miseram numerandaque* superscr. *obscuram*; Lutatius etiam *numerandaque*. — 186. plerique *trepido*, schol. in Colb. *ipse trepidus*; sed P α et β *tepido*, quod non displicet; locus tepidus erat, quum tot corpora virorum occisorum prostrata fuissent. 202. pro *temerante* coniecit Markl. (silv. II, 6, 80) *temerare*, quod est in P α . 230. Markl. coniectura (silv. III, 4, 98) *hac nubilus ira* comprobatur Put. optimo, Barth. *sic nub.* 240. Put. P α *pugnare*. 257. *flamine* Put. Barth. P α , β . 259. Put. *exusti*, P α *iacent exacti*. 391. Colb. P γ *et nunc*. 392. P γ G α *animosaque*. 412. praeter Barth. optimum etiam Colb. habet *calidis*, superscr. *rosidis*, et G α . 423. omnes *ferit*. 429. Barth. Colb. G α *excitat*. 433. Put. *volentes*, sed conf. Theb. VII, 82. — 443. in omnibus *amens*; 444. Put. Colb. G α *novosque*; 445. G β *mentibus*. 454. Colb. Put. Vrat. *pronus*. 478. omnes nostri *aequalis*, conf. Gronov. diatr. p. 337: *aequatus*. 488. Cass. P γ , G α , β *summe*, quod Dubnerus recepit. 505. libri nostri et Barth. optimus *planxerit*. 508. Put. G β *quin*, Colb. Par. γ *qui*. 510. tres libri *stridunt*. 521. Barthium secutus scripsi *Iasoni*. 536. omnes *inexpertio* praeter Cass.: *inexpleto*. 546. Put. Colb. *furtim in lac.*, Gud. α *illacr*. 550. omnes *insertasse*. 563. omnes nostri *flebile*, quod recepi. 574. tres *bissenos* — *dies*. 583. Colb. P γ *haerentesque*. 595. Colb. *molare*. 619. omnes *prorumpere adactus*. 641. Put. Colb. *metus*. 644. Barth. P β , γ *vestro*. 647. praeter Put.

omnes *semel*. 656. Put. Colb. $G\alpha$ et Lutatius: *Sidonios ad hostes*, $P\gamma$ *ad arces*, ceteri et Barth. *urbes*. 660. in nullo nostrorum *Martia*, quod Barth. habet. 665. abest etiam a nostris Barthianum *ventis*. 672. Barth. Colb. $G\alpha$ *flamina*; ibidem Put. Colb. $G\alpha$ *montes*. 674 *obicibus* in duobus. 689. $G\beta$, Vrat. Barth. *genialia*. 696. $G\beta$, $P\beta$, Cass. *tacentis*. 698. Put. *o ubi*. 705. Put. *castae*. 721. Barth. *monet*.

LIB. IV.

Vers. 4. Colb. Cass. $G\alpha, \beta$ *miseri*. 8. praeter Barth. optimum etiam Put. $G\alpha$ *Aoniae*. 16. Barth. Put. $G\alpha$ Vrat.: *nuptaeque*, Cass. *innuptae*; conf. Theb. III, 114: *at nuptae exanimis puerique aegrique parentes*, contra silv. I, 1, 12: *innuptae puellae*. 27. in verbis distinguendis secutus sum Weberum. versus 29—31. in libris turbati sunt; in Put. v. 31. *stant tamen* etc. deest; in Colb. v. 29. *stant in rupe tamen* etc. manu posteriore inter v. 28. *hinc magna* etc. et v. 31. *stant tamen* etc. insertus, v. 30. *dulce sequi* etc. omnium ultimus scriptus est. In $P\beta$ ita legitur:

relictis

Stant tamen et nota puppim de rupe salutant,

Dulce sequi, patriosque dolent crebrescere ventos;

in Cass. et Vrat. v. 29. deest; quae versuum perturbatio initialium verborum repetitione facta videtur. 36. omnes quos habeo praeter Put. *spoliaverit*; cf. Theb. V, 149, unde communem librorum depravationem videre licet. 41. libri *manipuli*. 54. alii *hic*, alii *hinc*, cf. Handii Tursell. III, 104. — 55. Put. *poto Phleg.*, Barth. *toto*, conf. Handium ad silv. I, 3, 42. — 100. Put. *fraudaverit*, id. 101. *praesentes*. 112. $P\beta$, $G\beta$ Cass. *coronat*. 113. nusquam inveni *noctis*, quod duo Barthiani habent. 130. Put. Cass. $G\gamma$ *niveum*, Heinsius legi vult *niveum candente*. 131. $G\gamma$ *tegunt*, ceteri *terunt*. 138. unus *longeque*. 143. Barth. *inde*, quod abest a nostris. 145. Put. cum tribus aliis *dictu*. 156. Colb. $G\alpha$ *aplantur*. 162. *tres auro*. 163. conf. Barth. ad h. l. 171. Put. *nigrescit*; $P\alpha$ cum duobus Barth. et Anglicano *palescit*, ceteri *ignescit*. 183. nonnulli *multos*, recte *mutos*; vita sine cantu dicitur *muta*. 197. Put.

ni; Colb. G β nisi; P β , Vrat. Cass. G γ si. 199. Put. G α , Vrat. *exuerat cultus*, idem in Anglicano legi inuenio. 203. plerique vitiose *advertere*. 204. Put. *insandum*; omnes *claudere*. 219. consentiunt cum Barth. optimo Put. G α , Vrat.: *pressasque*. 227. *oloriferi* scripsi cum Put. 241. in Put. videtur legi *patria*, ceteri *putria*. 245. nusquam inveni *frena*, quod ex suo codice affert Barthius. 247. nonnulli *armorum*, 248. plerique *saltus tum*, Cass. *lucos tum*. 255. Put. *abstulit*, 260. Barth. *perculsus*. 264. conf. Markl. ad silv. III, 2, 83. — 276. P α , G α quos. 296. scripsi *Aegyptios*, Put. *Aegyptios*, Vrat. Cass. *epitios*, alii *et Pitios*. 302. scripsi: *his cassida crines integit*. 333. fere omnes *hoc*. 339. Barth.: *vos, en, hunc*, quod nusquam inveni. 357. nonnulli *lapsa*. 374. alii *iam et sudare*. 404. praeter Puteanum omnes *saltum*. 410. Put. *saliensibus*. 423. Put. Colb. Lips. Cass. *operta*. 434. Put. *patens*, ceteri *patet*. 444. Put. *vivoque*, i. e. vivorum animalium, cf. Theb. V, 162. — 484. cum Barth. consentit Colb. *semine*. 501. alii *divae*, alii *divi*, alii *divos*, Heinsius *diras*; ibid. contra Barthium servavimus *saturavimus*, quod libri nostri habent, Put. *saturabimus*. 505. Put. G α *medicata*, quod recepi. 516. *est* in nonnullis omittitur. 521. cf. Markl. ad silv. III, 1, 110. — 522. omnes nostri *flumina*. 527. Put. Vrat. *torva*. 528. libri variant: *dominisque, dominique, dominaeque*; sequenti v. Cass. Barth. P β , Heins. *super imminet*. 537. Weberi emendatio *ne vulgata* perspicue in Put. G β legitur. 555. quod Lindenbrogius edidit: *insequitur geminusque bibit d. v. s.* in Put. et Vrat. legitur. 559. plerique *fossa*. 560. Colb. Barth. *cupiunt*, Put. *sitis exhaustire* (?). 568. emendatio Barth. *et Stygios super usque l.* est in P β . 625. tres *tingit*. 630. Put. P β G γ *adhibete*. 644. nonnulli *vincit*. 645. alii *relinquit*. 671. Put. *ex longo*. 687. in meis non inveni *arentes*. 688. Put. *praecipuam Nemeen*, alii *praecipue*, Vrat. *praecipuus*. 697. tres *tenuis*. 698. alii *exaruit*, alii *evanuit*, cf. infra v. 724. — 702. verba *tenerique in origine culmi inclinata seges* in Put. et Cass. desunt, in Colb. ad marg. scripta. 712. Put. G α , Vrat. Glf. *advolvens*, alii *adverrens*, alii *adverrens*. 715. in Lips. septem versus, qui alieni videntur esse, inserti sunt. 739. Put. *pararat*. 743. nonnulli *nec laeta (leta)*. 747. *non* in Bipont. deest; desunt in Put. verba *quae laeta* —

aguas. 754. Put. Colb. Gα, Vrat. *aspera.* 789. alii *clamore.* 811. alii *in cursibus.* 818. Put. *ab imis.* 826. alii *quantum.* 827. Pβ ad marg. *clara.* 833. alii *reportat.*

LIB. V.

1. Complures libri vitiose *alvum*, Put. *altum.* 11. consentit cum libris Barth. Put.: *deprenta.* 13. omnes nostri *fugaci*, nullus *sagaci*; neque *quicumque*, neque *vilam* v. 20 et 21 invenio. 34. *nam* habent Put. Cass. Gβ. 78. libri *Edonias*, unus falso *edomitas.* 83. praeter Barth. etiam Put. Pα *in lacrimis*; conf. praeterea Markl. ad silv. I, 2, 49. — 95. haud displicet Barth. lectio: *arrecta comas aciemque offusa.* 96. nostri *deiectam* (Barth.) non afferunt. 103. omnes nostri *effari* sine est. 113. Barth. Put. Colb. Gγ *cui coniuge*; Cass. *thalamis.* 158. omnes fere nostri *admovet iras*, unus *aras*; *ignes*, quod Barth. affert, non invenio. 192. Put. *quaeque.* 199. Pα et Gruteri codd. quatuor *implicito* („nam impliciti erant somno“). 217. Pα Glf. *solvit sua brachia.* 224. libri *thorosque*, Put. *torvosque.* 228. Put. *fixerat*, 229. Cass. Pβ *cum.* 274. Pα, Gα, Glf. *absciderant.* 290. omnes fere nostri libri *fit modus.* 293. Put. *nilente*, quod Behotius affert; *sed et* in omnibus, Lips. *sedet.* 304. Colb. Cass. Pα,β, Gα *exturbare.* 315. Put. Gα *velamina.* 336. Colb. aliique *ostia*, Pβ *hostia*, unde fortasse *hospita* ortum est, conf. VI, 328 *ostia ponti.* 346. Put. *primi*, ceteri *primum*, non necessaria Marklandi emendatio (silv. V, 3, 138) *oraeque ponti.* 361. Put. Colb. aliique *aberant terris.* 377. *austros* recepi ex Put. Cass. Pβ, Gβ. 386. Colb. *ustaeque*, Vrat. *usteque*, cf. Theb. X, 532 *nigra sudes*, Virg. Aen. VII, 524 *praeusta.* 387. nusquam in meis invenio *mixta*, nec 389. *stabula.* 454. Barth. Put. Pβ *cineres*, 458. alii *generastis.* 462. Colb. Gα,β *celebratur*, Vrat. *clamatur.* 466. Put. *datur.* 470. cum Barth. consentit Put. et Vrat. *adversi.* 498. alii *abripit.* 510. Put. Colb. *fronti.* 562. Put. Colb. Gα,β *ducis.* 564. Put. Colb. *avia.* 602. Put. Vrat. *iam stupet imp.* 651. Pα,β, Cass. *advehit.* 658. alii *cito.* 668. Put. *mitius.* 674. cf. Gron. diatr. 520 et Theb. VII, 179. — 676. Colb. Cass. Pβ *timidone.* 677. Vrat. *pavida.* 688. optimi libri *haec.* 703. nonnulli *ecce est.* 721. Put. Cass. Pα, Gα,β *inruerant.* 745. Put. *recedas.* 750. alii *nec — nec.*

PUBLIUS PAPINIUS STATIUS.

RECOGNOVIT

GUSTAVUS QUECK.

TOM. II.

T H E B A I S .



L I P S I A E

SUMPTIBUS ET TYPIS B. G. TEUBNERI.

MDCCCLIV.

LIB. VII.

15. Cass. Vrat. *Inachidas*. 19. P α Barth. *busta*. 38. Put. Colb. Cass. P β *aurea*; haud raro apud poetas *palla* dicitur *aurea* vel *aurata*. 70. quod affert Barth. *laetos*, non invenio. 85. Colb. *lenior*, cf. Dubnerum ad h. l. 86. complures *relinquit*, nullus *redit*. 88. in Put. loco verbi *carinis*, quod omissum est, adscriptum est *quiescunt* (eodem stilo, perveteri atramento). 104. Colb. Cass. *volebat*, vide Bernatium. 110. Put. Vrat. *animoque avertere vires*; idem Heinsius ex libris. 112. Put. *quacumque*, Vrat. *quascumque velit*. 122. Put. *exiliere*. 134. nostri *concussit* et *plausit*. 158. P β Cass. *iaculatum*. 177. nostri *ruimus*. 222. P α *animumque*. 240. Colb. P α , β , Vrat. *contra*. 260. nusquam in meis libris invenio *silvis*; P β *ingis*, ceteri *lucis*; Colb. *consertissima*. 269. Put. Colb. *Macetum vibrabant*, Cass. *macedum*. 271. Colb. Cass. *suprascr. pubes*. 279. Put. Colb. *lyram galea*, Cass. *liram in gal.*; in loco interpungendo secutus sum Bernartium. 284. libri *hormie*. 290. Put. *loquenti*, cf. Barth. 297. P β Cass. *laphitaona*. 300. *et* in nonnullis deest. 312. P α *corpora*. 324. Put. Cass. *vix tonitru*. 331. *et* legitur in quibusdam. 334. duo *habet pro abil*. 337. Gron. coniecit *pristes*. 342. Put. *alhuis*, Cass. *alluet*. 363. in multis vitiose *voluntas*. 369. P α *donum*, P β *cronin*, Cass. *clonin*; restituit Gronov. 374. omnes nostri *rector*, in Cass. correct. 434. P α *moneo*. 442. *viderent*, Barth. Cass. 445. libri *instant*. 457. optima lectio cod. Barth. *alios* etiam in Put. legitur. 490. Put. *ecquis*, alii *ei* vel *en*. 511. *delevi et*, quod etiam in Cass. deest. 513. duo *effugit*. 523. duo *vestra*, unus *nostra*. 534. libri *ante oculos*. 553. tres *abil*. 613. vide Dubnerum ad h. l. 622. Barth. *confluxere*, Put. *conumxere*. 640. Put. Colb. *sternunt*. 654. Barth. secutus scripsi *filo*. 683. *eruptusque* nostrorum librorum scriptura esse videtur, alii *eruptosque*. Heinsius emend. *eructans*, Drakenb. *eruptusque sinu*. 698. Barth. *vult eat*, consentit Gruterus. 727. Colb. *petit*. 733. Put. Colb. *et mihi*. 737. Put. Colb. Vrat. *iactum (iactu)*, Cass. *iaculo* — *inertem* (pro *in Hersen*), idem Lips. secunda manu. 743. *insessos* Barthium secutus scripsi, libri *infessos*, Put. pro *onus habet sonus*. 755. nonnulli libri *terra* et *Menaleus*.

LIB. VIII.

17. Colb. Cass. P β *vastaeque*. 56. Colb. P α , β , Cass. *pa-
tuerunt*, sed recte *lacuerunt*, quod iam Bernartius explicavit.
87. *indecerptus*, quod Barth. proposuit, Dubn. probavit, non
inveni; servari potest *interceptus* mutata interpunctione, quod
iam in Bernartii editione factum esse video. 110. libri non
nulli vitiose *aperto*. 146. Put. Colb. P α *tetendit*. 156. Colb.
P β , Cass. *ruuntque*, quae est manifesta ex versu antecedente
depravatio. 162. duo libri *sibi*, Barth. emend. *tunc ibi quae
facies*. 167. Colb. *lavare*, Cass. *lavere*. 175. pro hoc legen-
dum est *heu* vel *haec*. 178. inepta est Barth. lectio *caecis*.
186. alii *vocasti*, sed recte *vacasti*, de structura verbi vide Theb.
X, 340 *si non dedecui tua iussa*. 191. nonnulli *hilaris*. 226.
Put. Colb. *in tempore*, quod revocavi. 307. tres *viros*. 360.
alveis scripsi Gronov. secutus; idem in Vrat. 378. notata est
in duobus libris lectio *amictu*, conf. Barth. III, 416. — 381. *un-
gue* scripsi Markl. secutus, quem conf. silv. II, 1, 143. — 388.
Barthii emendatio: *animisque ultra thoracis anhelis cona-
tur (ira)* Heinsii auctoritate adiuvatur. 400. *fumant* recepi ex
libris. 416. *funda*, 418 *una in morte* ex libris. 433. Put. *ul-
tra*. Heinsius legi vult: *hastam ultra pectus euntem (Ne pudor)
in tergo*. 444. Put. *praegrediens*. 447. in omnibus nostris
deest. 458. duo *Cadmeius heros*. 520. tres *sensit*. 523. alii
nec pudet. 549. P β , Cass. *Corymbus*. 551. Put. Colb. P β *po-
sitis*, conf. Bernart. 558. *aversatus* legendum esse post Ber-
nart. censet Dubn., sed iam in Put. optimo Cass. Lips. ita le-
gitur; legit etiam Heinsius explicans: *dedignatus*. 564. conf.
Markl. silv. I, 2, 45. — 571. scripsi *in faciles*, quod probat
Heinsius. 597. P α *pugnacis*. 767. conf. IV, 52.

LIB. IX.

36. *deriguit* Cass. Lips. 45. libri praeter Put. *absistunt*. 60.
hunc, quod Barth. praefert, nusquam inveni. 64. Colb. P β
mactasti. 80. solus Cass. *voluptas*. 89. Cass. P α *parma*. 95.
Bernart. coniec. *euicil*. 123. Cass. *turma*. 148. Colb. P α , β ,
Cass. *recensens*. 199. libri nostri *hostesque*. 221. Put. Cass.

tremescunt. 258. Vrat. *e fluvio.* 291. libri *Thebaeumque.* 358. Colb. *Pa ille.* 397. libri praeter Put. *busta*, conf. IX, 518; Markl. silv. III, 2, 142. — 419. Cass. *Pa*, Colb. *ulmis.* 474. Put. Colb. *tenent.* 480. *tricerica* scripsi Heinsium et Barthium secutus; legitur perspicue in Cass. 482. in aliis libris *mole.* 501. lectio *passurum* suspecta videtur; Gronov. *prensurum*, Barth. *passa virum.* 523. libri *flata.* 561. pro *ipsius* Markl. legendum esse censet *Hypseos*, cuius vestigia in libro Freising. sunt; deinde Barth. coniecit *exanimum quatiens.* 591. quod Barth. probat: *vix radiis locus* omnino abest a nostris libris. 599. cf. silv. I, 4, 110. — 616. Put. alique libri *animo*; sed conf. supra v. 570 *somnum.* 626. Put. Colb. *dura (dura).* Desunt in Put. et Vrat. versus 648 et 649. — 701. Put. *frementes*; Colb. *Pa trementes*, sed P β *micantes*, Cass. vitiose *meantes.* 715. Put. Colb. in *proelia.* 731. Put. Colb. Vrat. *decidit*, sed conf. v. 770. — 749. ex libris scripsi *sinistro.* Put. *Pa callida.* 760. deest in quatuor libris, conf. Weberi sententiam de hoc loco. 770. Cass. Vrat. *nusquam*, Put. *numine* pro *vulnere.* 801. *vultu*, quod Gronov. coniecerat, confirmant Put. P β . 840. tres libri *evicta*, conf. III, 558. — 847. probabilis est Gronovii coniectura: *Aepitilique duces Thelpusaeaeque phalanges*; Put. Vrat. *Delphus* —, Colb. *Pa Telepheaeque*, Cass. *tegeaeque.* 872. quod Put. Colb. 891. servavi vulgatam, quamquam omnes libri *capesse.* 903. tres *busta.*

LIB. X.

33. libri *vigilem flammam.* 34. Colb. *nullus.* 46. Colb. Cass. *Pa agnae.* 83. cf. silv. V, 4, 19. Desunt versus 100—105 *mille* — *imago* in Colb. Cass. Vrat. *Pa, β* , Freisg. Lips. Barth., leguntur in Put. 104. lege *tecti*, nisi *tectum* pro *tectorum* MAVIS. 107. scripsi *stipatos* Barth. secutus; tres libri *lapetis.* 112—117. desunt in omnibus nostris praeter Put. 123. tres *percussus.* 129. alii *inra.* 160. alii *recens*, 167. alii *tendit.* 205. libri nostri *non vanae.* 210. tres *suade.* 218. Put. Colb. *Pa*, Cass. Lips. *solus eo atque adeo venit.* 293. alii *optat*, 295. duo *mallet.* 305. alii *Palmenus*, Gronov. coni. *Ialmenus.* 311. Colb. Put. *a perturbat.* 326. duo *noctis.* 385. recepi *animis-*

que, quod in plerisque est. 456. Cass. *magnum*, quod placet; Put. pro *novus* habet *tunc*. 470. *Pa*, Cass. *lactis*; cf. Barth. 510. Vrat. expresse *ialmenides*, cf. Gronov. ad X, 305. — 536. Cass. *Pβ pharetrae*. 551. libri *lata*. 602. Barthium secutus *rubore* posui. 669. Put. *audet* — *certatim*. 683. nostri omnes *fessum*. 714. alii *i Danaas*. 734. Cass. Lips. *Actiona*, Vrat. *Athiona*; *Aechion* VI, 465. — 781. omnes *nam*. 788. Heinsium secutus scripsi *solutos*. 796. *notavi* retinendum esse duxi; Colb. *Pa*, Vrat. *novavi*. 886. plerique *infestante*. 906. Colb. *Pa β*, Cass. *turres*; Put. Vrat. Barth. *thalamos*. 920. Put. *pallent*. 932—934. in Put. Cass. Freis. Lips. plane desunt, in Colb. *Pa β*, Vrat. leguntur sic ut versus 931. *quo ruat* positus sit post v. 934. *conatus* etc.; in Colb. praeterea deest v. 931, in *Pβ* 934; sine dubio spurii habendi sunt. 938. nonnulli *o si*. 939. Put. Colb. *sperare*.

LIB. XI.

22. *aut* ante *hostiles* deest in Cass. Colb. Quod Lindenbrogius coniecit, legitur *Pa*: *nec turmae hostiles ferrum aut m. t.* 33. Put. *tumultus*. 46. Put. Colb. *astris*; iidem libri 45. *expirat*, 49. *culmine*. 59. Put. Colb. *Pa fidiit*. 68. Put. Colb. Vrat. *respexit*. 131. Colb. Cass. *parcere coelo*. 153. *in* ante *sanguine* in plerisque deest. 158. Colb. *propriamque*; coniecerunt viri docti *privamque*. 168. *supplicium* ob metrum scripsi, legitur in Cass. Vrat. Barth. 177. Put. Vrat. *indefensa*. 186. in nonnullis deest. 199. alii *Pherecli*, *Pericli*. 220. *laetique* ex codd. scriptura (*letique*), iam alii reposuerunt. 254. Put. *efflat*, alii *offert*, i. e. *effert*. 262. Put. Colb. *nos bell. iube*. 272. Put. Colb. *Pa potentem*. 274. alii *demissa*, plerique *deiecta*. 285. tres *ararum*. 296. *audis* ex libris. 317. alii *comam* et *vultumque*. 325. libri nostri *intrepidumque*. 363. libri *respice*. 398. *fulla* posui, conf. I, 144. — 409. alii *pavent*. 429. libri omnes *externos*, scripsi Priscianum secutus *exter honos*; conf. Barth. 471. Cass. *Pβ*, Lips. *auxilio temptemus*. 547. bene restituit Barth. *hostis*, quod iam in Put. est. 564. Put. *Pa*, Vrat. *pectora*. 588. *Pβ nigri*, quod Heinsius mavult. 618. libri *praereptaque*, cf. Barth. ad XI, 209. — 647. duo *ligabat*. 661. nullus *nostro*.

rum librorum habet *moribus*, quod Barthius affert. 668. plerique libri *sed redit*; ibidem *audentius* reposui ex Put. Cass. conf. II, 175. — 714. Colb. Put. *vivit pro fervet*. 715. Put. Colb. *aspera*, Pa, Vrat. *anxia*, Pβ, Cass. Lips. *inrita*. 721. plerique *potentibus*; vide Markl. ad silv. IV, 6, 69. — 733. alii *referat*. 737. Put. Colb. Vrat. Cass. *moestosque*; Pa *moesteque*, Pβ *misericue*. 746. Put. Colb. Pa, Vrat. Lips. Barth. *solutas*.

LIB. XII.

3. Put. Colb. Vrat. *ubi iam*. 11. Colb. Pβ, Vrat. Cass. *vocantis*. 26. *loquuntur* in libris. 40. Put. Colb. *facultas*, iidem libri 54. *funere*. 69. *sorji* vel *ferti* scribendum est, conf. XI, 283. — 72. Put. *magnanimae nimius te*. 90. Put. *minimum laetanda*. 108. aliquot *in pectore*. 140. alii *non* pro *neve*. 141. libri *inani vulnere*, 168. Put. Colb. Vrat. *gelati*, quod recepimus, cf. IV, 497; — 176. nostri omnes *hic non*. 191. plerique *versatur*. 207. *aufert* scripsi, quod in libris legi videtur. 222. omnes *nil corde*. 235. pro *vadi* alii *ruit*, unus *meat*; pro *praeter* et v. seq. alii *praeteri*, alii *fertur et*. 241. Put. Vrat. *comitis*. 245. Put. Colb. Vrat. *incipit*. 352. Vrat. *teneri*. 384. secutus sum emendationem Barth., quae a librorum scriptura non abhorret. 398. omnes libri *sublinem*. 404. alii *fata*. 410. plerique *qua*. 423. deest in Put. 445. Put. Cass. *in obsequio*. 456. libri *ambitur*. 512. Put. Vrat. *huc*. 569. Put. Cass. Vrat. *verrere*. 601. Cass. Vrat. *composuit*; iidem libri 622. *Aleus*. 623. alii *vestilis*. 703. alii *cessat*. 752. Vrat. *tremendo*. 765. alii *dementia*. 769. nonnulli *afflicxit*.

P. PAPINII STATII
T H E B A I D O S
LIBRI XII.

ARGUMENTA

DUODECIM LIBRORUM THEBAIDOS.

EX VETUSTISSIMO CODICE TOLETANO.

Solvitur in primo fratrum concordia libro.
Denegat et foedus repetitaque regna secundus.
Tertius in Thebas inflammat Dorica castra.
In quarto Mavors bello rapit undique Graios.
Quintus et Hypsipyles luctus narratque dolores.
Archemori sextus ludos ad funera ducit.
Septimus obsessas Thebas vatisque sepulcrum.
Occidit octavo Menalippi cuspide Tydeus.
Hippomedonta solo dat nonus et Arcada telo.
Cuspide fulminea decimus Capanea terebat.
Undecimus parili germanos funere iungit.
Ultimus Ogygias dat vincere Thesea Thebas.

EX ALIIS CODICIBUS.

Associat profugum primus Tydeo Polynicen.
Tydea legatum docet insidiasque secundus.
Tertius Haemonidem canit et vates latitantes.
Quartus habet reges ineuntes proelia septem.
Mox Furiae seni quinto narrantur et anguis.
Archemori bustum sexto ludique leguntur.
Dat Graios Thebis et vatem septimus umbris.
Octavo cecidit Tydeus, spes fida Pelasgis.
Hippomedon nono queritur cum Parthenopaeo.
Fulmine percussus decimo Capaneus superatur.

Undecimo sese perimunt per vulnera fratres.
Argian flentem memorat duodenus et ignes.

ARGUMENTA

SINGULORUM LIBRORUM, QUAE IN EDITIONE BARTHIANA LEGUNTUR
ET IN LIBRIS QUIBUSDAM MANUSCR. EXTANT.

Primi libri argumentum in omnibus deest.

LIB. II.

At Maia genitus superas remeabat ad auras,
Excitusque Erebo iam saevus Laius ibat,
Tiresiae vultum in somnis mentitus et ora
Armari in fratrem dirum Eteoclea perurget,
Perfossusque senis ingulum faciemque recludit.
Mox suas thalamis natas sociavit Adrastus,
Deipylen Tydei, Argian Polynicis amati.
Sed cupidus regni fortem Cadmeius heros
Tydea legatum mittit, qui foedera fratrem
Posceret imperii. Ille suae non immemor irae
Quinquaginta viros legatum obsidere iussit,
Quos stravit telis, victor patriamque revisit.

[Legitur in Barth. Colb. Cass. Vrat. P. β.]

LIB. III.

Perfidus interea missorum sera virorum
Tempora dum queritur, dum spectat colla recisa
Tydeos invisi, tunc tanta ex caede relictus
Advenit Hermonidas sociorum funera pandens.
Iuppiter hinc Martem stimulis flammavit amaris,
Spargeret ut Thebis Argisque incendia belli.
At Venus Hermionen memorat Thebasque tuetur.
Tunc duo gliscentes pugnae praesagia vates
Explorant divos, cernuntque instare futuras
Crudeli populo strages, sed dicere mussant.
Hic ferus insistit Capaneus bellumque lacessit
Vociferans, spernitque deos sociosque fatigat.

[Legitur in Barth. Cass. Vrat. P. β.]

LIB. IV.

Mox septem Bellona viros in proelia cogit.
 Primus init bellum moestus longaevus Adrastus,
 Itque gener fulgens patriis Dircaeus in armis.
 Inde ferox animi Tydeus iam saevit in hostes.
 Herculeam Hippomedon pubem movet inclitus armis,
 Et Capaneus atrox Thebas excindere quaerit.
 Amphiarum prodit coniux iam perfida vatem.
 Parthenopaeus init trepida genetrice maniplos.
 At contra Eteocles Thebanos instruit omnes,
 Nec non Tiresias infernas consulit umbras.
 Argivisque sitim Bacchus molitur et aestus.
 Hypsipyle monstrat lymphas Langia perennes.

[Legitur in Barth. Vrat. Cass. P. α.]

LIB. V.

Postquam pulsa sitis relevataque membra fluentis,
 Inachidae iuvenes, ante omnes mitis Adrastus,
 Hypsipyles coelum, gentem patriamque requirit.
 Ingemit illa quidem et tandem vix moesta profatur:
 Lemnos erat patria, princeps mihi sanguinis Evan,
 Hic Veneris rabie aetas cuncta perempta virorum est.
 Ast ego sola meum carum miserata parentem
 Committo incolumem ventis; mox ipsa per undas
 Excessi geminam linquens de Iasone prolem.
 Haec fata Archemorum sacro serpente peremptum
 Conspicit Eurydice, genetrix miseranda querelis.
 Intonat, et placat Graiorum turba Lycurgum.

[Barth. Cass. B. α.]

LIB. VI.

Ut puer est functus serpentis vulnere laesus,
 Instituunt Danaï ludos hortamine vatis.
 Fama vocat cunctos, artis ac moenibus adsunt.
 Primus sudor equis venit certamine campi.
 Extitit hic Doriō victor, Polydice cadente,
 Proximus Oeclydes; sed sumpsit praemia laudis.

Decipitur cursu puer Arcas postea victor,
 Hippomedon disco laudatur ab agmine iacto.
 Vix rapitur Lacon Capanei caestibus altis.
 Tydeus Agileum superavit agone palaestrae.
 Lex prohibet binos nudo concurrere ferro.
 Ipsi iactanti remeat iactata sagitta.

[Barth. Vrat. P. α.]

LIB. VII.

Hic Iovis imperio Martem Cyllenius ales
 Excitat in Graios resides; tunc ille furem
 Instaurat belli ac Thebas ardentibus offert.
 Labdacios tendit lacrimis defendere Liber.
 Antigone e muris sociorum discere vultus
 Exquirat, fidus cui pandit singula Phorbas.
 Mox Iocasta gemens natum Graiosque precatur,
 Ut placidus Thebas ineat fratremque reposcat
 Imperium, Tydeus prohibet sua vulnera narrans.
 Hic Tigrium interitus partes pugnare coegit.
 Bellantem curru Amphiarum telluris hiatus
 Obruit, ingemuitque cadens lucemque reliquit.

[Barth. Vrat. Cass. versus octavus ultimo loco positus est.]

LIB. VIII.

Tunc graviter superos obiurgat rector Avernii
 Ipsumque Amphiarum terret, cui pauca furenti
 Iam tenui voce et pavidus, supplexque profatur
 Coniugis infandae indicium subitamque ruinam.
 Anxius Inachidas vatis dolor angit amissi.
 Sidonii exultant memorantque insignia gentis.
 At Graium procures similem pietatis honore
 Theodamanta legunt, vatis qui munera servet.
 Hic Thebana phalanx, illic ruat Inacha pubes,
 Vulnera vulneribus geminant funduntque vicissim.
 Corpora magna virum: tunc multa in caede furentem
 Tydea deiectum telis Tritonia flevit.

[Barth. Vrat. Cass.]

LIB. IX.

Oeneidae interitu magni Dyrcea iuventus
 Eminet, at Danaï contra pro corpore amici
 Arma ferunt; furit ante alios Cadmeius heros.
 Hic ferus Hippomedon hostes prosternit et instat
 Exanimem rapiens socium, sed imagine falsa
 Luditur; Aonii incumbunt retrahuntque cadaver.
 Tum Ismenon fluvium Thebano sanguine mutat
 Fervidus Hippomedon, tumidoque in gurgite mersus
 Creneam obtruncat, moriens simul increpat amnem.
 Mox Dryas mortis stimulis rapit arma superbus,
 Parthenopaeum sternit iacentia tela Dianae.
 Ille cadens Dorcem alloquitur matremque requirit.

[Legitur in Barth. Cass. Vrat.]

LIB. X.

Quatuor afflictis ducibus fiducia belli
 Sidoniis crescit, Graiorum obsidere castra.
 Tunc Iuno mittit, quae somnum concitet, Iri.
 Thebanis subito solvantur membra sopore.
 Theodamus stimulat nocturna in proelia Graios
 Fata docens; iugulant iacentia corpora ferro.
 Decipit incautos pietas Hopleumque atque Dimanta,
 Oenidae exanimis laeti dum membra reportant.
 Pandere Tiresiam compellunt debita Thebis.
 Tunc patriae vitam largitur sponte Menoeceus.
 Mox Capaneus scalis conscendit moenia saevus,
 Fulmine percussus turrim complectitur ardens.

[Barth. Cass. Vrat.]

LIB. XI.

Tunc Capanei ardentis Danaos incendia terrent,
 Castra petunt miseri. Eumenis in tempore belli
 Tisiphone, gentis geminae exaturata cruore,
 Germanae auxilium poscit, fratresque nocentes.
 Diversis agitant stimulis. Tunc omnia dira
 Horrescit Tyrius ductor; mox Aepitus auctor

Armatum fratrem pulsantem cuspide portas
 Nunciat; ille celer gaudet rapit inpius arma,
 Nec matris lacrimae revocant, nec verba sororis.
 Postquam sacrilegis telis confixus uterque,
 Deflevit pietas fratrum miserata ruinam,
 Oedipoden Creon Thebanis moenibus arcet.
 [Barth. Cass. Vrat.]

LIB. XII.

Alterno postquam ceciderunt vulnere fratres,
 Moxque Creon deflens persolvit insta Meneceo
 Busta negans victis; at Graias fama perurget
 Quaerere clam matres, per campos membra suorum
 Vix Argia sui corpus Polynicis amati
 Reperit; Antigone Eteoclis funera quaerens
 Advenit, ignarae communia funera plangunt.
 Succensusque rogos flammis communibus ardet,
 Theseaque Evadne constante voce precatur,
 Iret ut ad Thebas vindex aliosque triumphos.
 Mox ille infrendens optatque vocatque Creonta,
 Quem sternit telo Graiorumque inmolat umbris.
 [Barth. Cass. Vrat.]

P. PAPINII STATII
T H E B A I D O S
L I B E R I.

Fraternas acies alternaque regna profanis
Decertata odiis sontesque evolvere Thebas,
Pierius menti calor incidit. Unde iubetis
Ire, deae? Gentisne canam primordia dirae?
Sidonios raptus et inexorabile pactum. 5
Legis Agenoreae scrutantemque aequora Cadmum?
Longa retro series, trepidum si Martis operi
Agricolam infandis condentem proelia sulcis
Expediam penitusque sequar, quo carmine muris
Iusserit Amphion Tyrios accedere montes, 10
Unde graves irae cognata in moenia Baccho,
Quod saevae Iunonis opus, cui sumpserit arcus
Infelix Athamas, cur non expaverit ingens
Ionium socio casura Palaemone mater.
Atque adeo iam nunc gemitus et prospera Cadmi 15
Praeteriisse sinam: limes mihi carminis esto
Oedipodae confusa domus, quando Italia nondum
Signa nec Arctos ausim sperare triumphos,
Bisque iugo Rhenum, his adactum legibus Istrum,
Et coniurato deiectos vertice Dacos, 20
Aut defensa prius vix pubescentibus annis
Bella Iovis. Tuque, o Latiae decus addite famae,
Quem nova maturi subeuntem exorsa parentis
Aeternum sibi Roma cupit: licet arctior omnes
Limes agat stellas, et te plaga lucida coeli, 25
Pleiadum Boreaeque et hiulci fulminis experts,

Sollicitet, licet ignipedum frenator equorum
 Ipse tuis alte radiantem crinibus arcum
 Inprimat, aut magni cedat tibi Iuppiter aequa
 Parte poli: maneat hominum contentus habenis, 30
 Undarum terraeque potens, et sidera dones.
 Tempus erit, quum laurigero tua fortior oestro
 Facta canam: nunc tendo chelya. Satis arma referre
 Aonia et geminis sceptrum exitiale tyrannis,
 Nec furiis post fata modum flammasque rebelles 35
 Seditione rogi tumulisque carentia regum
 Funera et egestas alternis mortibus urbes;
 Caerula quum rubuit Lernaeo sanguine Dirce,
 Et Thetis arentes assuetum stringere ripas
 Horruit ingenti venientem Ismenon: acervo. 40
 Quem prius heroum, Clio, dabis? inmodicum irae
 Tydea? laurigeri subitos an vatis hiatus?
 Urget et hostilem propellens caedibus annem
 Turbidus Hippomedon, plorandaque bella protervi
 Arcados atque alio Capaneus horrore canendus. 45
 Inpia iam merita scrutatus lumina dextra
 Merserat aeterna damnatum nocte pudorem
 Oedipodes, longaue animam sub morte tenebat.
 Illum indulgentem tenebris imaeque recessu
 Sedis inaspectos coelo radiisque penates. 50
 Servantem tamen assiduis circumvolat, alis
 Saeva dies animi, scelerumque in pectore Dirae.
 Tunc vacuos orbes, crudam ac miserabile vitae
 Supplicium, ostentat coelo manibusque cruentis.
 Pulsat inane solum, saevaue ita voce precatur: 55
~~Bi, montes animas angustaque tartara poenis~~
 Qui regitis, tuque umbrifero Styx, livida fundo,
 Quam video, multumque mihi consueta vocari
 Annæ, Tisiphone, perversaque vota secunda:
 Si bene quid merui, si me dei matre cadentem 60
 Fovisti gremio et traiecitum vulnera plantas
 Firmasti, si stagna petii Cyrrhaea bicorni
 Interfusa iugo, possem quum degener falsop
 Contentus Polybo, trifidaque in Paecidos eroto

Longaevum implicui regem secuique tremantis 65
 Ora senis, dum quaero patrem, si Sphingos iniquae
 Callidus ambages te praemonstrante resolvi,
 Si dulces furias et lamentabile matris
 Conubium gavisus inii noctemque nefandam
 Saepe tuli natosque tibi, scis ipsa, paravi, 70
 Mox avidus poenae digitis cedentibus ultro
 Incubui miseraque oculos in matre reliqui;
 Exaudi, si digna precor; quaeque ipsa furenti
 Subiceres: orbum visu regnisque parentem
 Non regere, aut dictis moerentem flectere adorti, 75
 Quos genui quocumque toro; quin ecce superbi
 Pro dolor! et nostro iamdudum funere reges
 Insultant tenebris gemitusque odere paternos.
 Hisne etiam funestus ego? et videt ista deorum
 Ignavus genitor? Tu saltem debita vindex. 80
 Huc ades et totos in poenam ordire nepotes.
 Indue quod madidum tabo diadema cruentis
 Unguibus arripui, votisque instinota paternis
 I media in fratres, generis consortia ferro
 Dissiliant. Da, Tartarei regina barathri, 85
 Quod cupiam vidisse nefas, nec tarda sequatur
 Mens iuvenum; modo digna veni: mea pignora nosces.
 Talia dicenti crudelis diva severos
 Advertit vultus. Inamoenum forte sedebat
 Coccyton iuxta, resolutaque vertice crines 90
 Lambere sulfureas permiserat anguibus undas.
 Illicet igne Iovis lapsisque citatio astris
 Tristibus exiliit ripis. Discedit mane
 Vulgus et occursum domus pavet. Illa per umbras
 Et caligantes animarum examina campos 95
 Taenariae limen petto inremabile portae.
 Sensit adesse dies, piceo non obvia nimbo
 Lucentes turbavit equos. Procul arduus Atlas
 Horruit et dubia coelum cervicis remisit.
 Arripit extemplo Malæae de valle resurgens 100
 Totum iter ad Thebas, neque enim velocior ulla
 Itque reditque vias cognatave, tatarum matrem.

Centum illi stantes umbrabant ora cerastae,
 Turba minor diri capitis; sedet intus abactis
 Ferrea lux oculis, qualis per nubila Phoebes 105
 Atracia rubet arte labor; suffusa veneno
 Tenditur ac sanie gliscit cutis; igneus atro
 Ore vapor, quo longa sitis morbique famesque
 Et populis mors una venit. Riget horrida tergo
 Palla, et caerulei redeunt in pectora nodi. 110
 Atropos hos atque ipsa novat Proserpina cultus.
 Tum geminas quatit illa manus, haec igne rogali
 Fulgurat, haec vivo manus aera verberat hydro.
 Ut stetit, abrupta qua plurimus arce Cithaeron
 Occurrit coelo, fera sibila crine virenti 115
 Congeminat, signum terris, unde omnis Achaei
 Ora maris late Pelopeiaque regna resultant.
 Audiit et medius coeli Parnassus et asper
 Eurotas, dubiamque iugo fragor inpulit Oeten
 In latus, et geminis vix fluctibus obstitit Isthmos. 120
 Ipsa suum genetrix curvo delphine vagantem
 Arripuit frenis gremioque Palaemona pressit.
 Atque ea Cadmeo praeceps ubi culmine primum
 Constitit assuetaque infecit nube penates,
 Protinus attoniti fratrum sub pectore motus 125
 Gentilisque animos subiit furor aegraque laetis
 Invidia atque parens odii metus. Inde regendi
 Saevus amor, ruptaeque vices iurisque secundi
 Ambitus inpatiens, et summo dulcius unum
 Stare loco, sociisque comes discordia regnis. 130
 Sic ubi delectos per torva armenta iuencos
 Agricola inposito sociare affectat aratro:
 Illi indignantes, quis nondum vomere multo
 Ardua nodosos cervix descendit in armos,
 In diversa trahunt atque aequis vincula laxant 135
 Viribus, et vario confundunt limite sulcos.
 Haud secus indomitos praeceps discordia fratres
 Asperat. Alterni placuit sub legibus anni
 Exilio mutare ducem. Sic iure maligno
Fortunam transire iubent, ut sceptrā tenentem 140

Foedere praecipiti semper novus angeret heres.
 Haec inter fratres pietas erat, haec mora pugnae
 Sola nec in regem perduratura secundum.

Et nondum crasso laquearia fulta metallo,
 Montibus aut alte Graiis effulta nitebant 146

Atria, congestos satis explicitura clientes.
 Non inpacatis regum advigilantia somnis
 Pila, nec alterna ferri statione gementes
 Excubiae, nec cura mero committere gemmas 150

Atque aurum violare cibus, sed nuda potestas
 Armavit fratres: pugna est de paupere regno.
 Dumque uter angustae squalentia iugera Dirces
 Verteret aut Tyrrii solio non altus ovaret
 Exulis, ambigitur; periit ius fasque bonumque,
 Et vitae mortisque pudor. Quo tenditis iras? 155

Ah miseri! Quid si peteretur crimine tanto
 Limes uterque poli, quem Sol emissus Eoo
 Cardine, quem portu vergens prospectat Ibero,
 Quasque procul terras obliquo sidere tangit
 Avius aut Borea gelidas madidive tepentes 160

Igne Noti? Quid si Tyriae Phrygiaeque sub unum
 Convectentur opes? loca dira arcesque nefandae
 Suffecere odio, furtisque inmanibus emptum est
 Oedipodae sedisse loco. Iam sorte carebat
 Dilatus Polynicis honos. Quis tum tibi, saeve, 165

Quis fuit ille dies, vacua quum solus in aula
 Respiceres ius omne tuum cunctosque minores,
 Et nusquam par stare caput? Iam murmura serpunt
 Plebis Echioniae, tacitumque a principe vulgus
 Dissidet, et, qui mos populis, venturus amatur. 170

Atque aliquis, cui mens humili laesisse veneno
 Summa, nec inpositos umquam cervice volenti
 Ferre duces: 'Hancne Ogygiis, ait, aspera rebus
 Fata tulere vicem? totiens mutare timendos,
 Alternoque iugo dubitantia subdere colla? 175
 Partiti versant populorum fata, manuque
 Fortunam fecere levem. Semperne vicissim
 Exulibus servire dabor? tibi, summae deorum

Terrarumque sator, sociis hanc addere mentem
 Sedit? An inde vetus Thebis extenditur omen, 180
 Ex quo Sidonii nequicquam blanda iuveni
 Pondera Carpathio iussus sale quaerere Cadmus
 Exul Hyanteos invenit regna per agros,
 Fraternasque acies foetae telluris hiatu
 Augurium seros dimisit ad usque nepotes? 185
 Cernis, ut erectum torva sub fronte minetur
 Saevior assurgens dempto consorte potestas.
 Quas gerit ore minas, quanto premit omnia fastu!
 Hicne umquam privatus erit? Tamen ille precanti
 Mitis et affatu bonus et patientior aequi. 190
 Quid mirum? Non solus erat. Nos vilis in omnes
 Prompta manus casus, domino cuicumque parati.
 Qualiter hinc gelidus Boreas, hinc nubifer Eurus
 Vela trahunt, nutat mediae fortuna carinae.
 Heu dubio suspensa metu tolerandaque nullis 195
 Aspera sors populis! Hic imperat, ille minatur?
 At Iovis imperiis rapidi super atria coeli
 Lectus concilio divum convenerat ordo
 Interiore polo. Spatiis hinc omnia iuxta
 Primaque occiduaeque domus, effusa sub omni 200
 Terra atque unda die; mediis sese arduus infert
 Ipse deis, placido quatiens tamen omnia vultu,
 Stellantique locat solio; nec protinus ausi
 Coelicolae, veniam donec pater ipsaq; sedendi
 Tranquilla iubet esse manu. Mox turba vagorum 205
 Semideum et summis cognati nubibus amnes
 Et compressa metu servantes murmura venti
 Aurea tecta replent. Mixta convexaeque domorum
 Maiestate tremunt, radiant maiore sereno
 Culmina et arcano florentes lumina postes. 210
 Postquam iussa quies siluitque exterritus orbis,
 Incipit ex alto, — grave et immutabile sanctis
 Pondus adest verbis, et vocem fata sequuntur —
 Terrarum delicta nec exsuperabile dinis
 Ingenium mortale queror. Quoniam, usque nocentum 215
 Exigar in poenas? taedet saevire conasco

Fulmine, iam pridem Cyclopum operosa fatiscunt
 Brachia, et Aeoliis desunt incudibus ignes.
 Atque ideo tuleram falso rectore solutos
 Solis equos, coelumque rotis errantibus uri, 220
 Et Phaethontea mundum squalere favilla.
 Nil actum est, neque tu valida quod cuspidate
 Ire per illicitum pelago, germane, dedisti.
 Nunc geminas punire domos, quis sanguinis auctor
 Ipse ego, descendo. Perseos alter in Argos 225
 Scinditur, Aonias fluit hic ab origine Thebas.
 Mens cunctis inoposta manet: quis funera Cadmi
 Nesciat et totiens excitam a sedibus imis
 Eumenidum bellasse aciem? mala gaudia matrum
 Erroresque feros nemorum et reticenda deorum 230
 Crimina? Vix lucis spatium, vix noctis abactae
 Enumerare queam mores gentemque profanam.
 Scandere quin etiam thalamos hic inpius heres
 Patris et inmeritae gremium incestare parentis
 Appetiit, proprios monstro revolutus in ortus. 235
 Ille tamen superis aeterna piacula solvit
 Proiecitque diem, nec iam amplius aethere nostro
 Vescitur: at nati, facinus sine more cadentes
 Calcavere oculos. Iam iam rata vota tulisti,
 Dire senex! meruere tunc, meruere tenebrae 240
 Ultorem sperare Iovem. Nova sontibus arma
 Iniciam regnis, totumque a stirpe revellam
 Exitiale genus. Belli mihi semina sunt
 Adrastus socer et superis adiuncta sinistris
 Conubia. Hanc etiam poenis incessere gentem 245
 Decretum; neque enim arceno de pectore fallax
 Tantalus, et saevae perit iniuria mensae.
 Sic pater omnipotens. Ast illi sarcina dictis
 Flammato versans inopsum corde dolorem
 Talia Iuno refert: Meno, o iustissime divum, 250
 Me bello certare iubes? scis semper, ut arcus
 Cyclopum magnique Phoroneos incita fama
 Sceptra viris opibusque pluvem, licet improbus illic
 Custodem Phariae somno letoque iuvencae

- Extinguas, septis et turribus aureus intres. 255
 Mentitis ignosco toris: illam odimus urbem,
 Quam vultu confessus adis, ubi conscia magni
 Signa tori, tonitrus agis et mea fulmina torques.
 Facta luant Thebae: cur hostes eligis Argos?
 Quin age, si tanta est thalami discordia sancti, 260
 Et Samon et veteres armis excinde Mycenae.
 Verte solo Sparten. Cur usquam sanguine festo
 Coniugis ara tuae, cumulo cur turis Eoi
 Laeta calet? Melius votis Mareotica fumat
 Coptos et aerisoni lugentia flumina Nili. 265
 'Quod si prisca luunt auctorum crimina gentes,
 Subvenitque tuis sera haec sententia curis;
 Percensere aevi senium, quo tempore tandem
 Terrarum furias abolere et saecula retro
 Emendare sat est. Iamdudum ab sedibus illis 270
 Incipe, fluctivaga qua praeterlabitur unda
 Sicanos longe relegens Alpheus amores.
 Arcades hic tua — nec pudor est? — delubra nefastis
 Inposuere locis, illic Mavortius axis
 Oenomai Geticoque pecus stabulare sub Haemo 275
 Dignius, abruptis etiamnum inhumata procorum
 Reliquiis trunca ora rigent. Tamen hic tibi templi
 Gratus honos, placet Ida nocens mentitaque manes
 Creta tuos. Me Tantaleis consistere tectis,
 Quae tandem invidia est? Belli deflecte tumultus 280
 Et generis miserescere tui. Sunt inopia late
 Regna tibi, melius generos passura nocentes.
 Finierat miscens precibus convicia Iuno.
 At non ille gravis dictis, quamquam aspera motu,
 Reddidit haec: 'Equidem haud rebar te mente secunda 285
 Laturam, quodcumque tuos, licet aequus, in Argos
 Consulere, neque me, detur si copia, fallit
 Multa super Thebis Bacchum ausuramque Dionen
 Dicere, sed nostri reverentia ponderis obstat.
 Horrendos etenim latices, Stygia aequora fratris 290
 Obtestor, mansurum et non revocabile verum,
 Nil fore, quo dictis flectar. Quare inpiger ales

LIB. IX.

Oeneidae interitu magni Dyrcea iuventus
 Eminent, at Danaï contra pro corpore amici
 Arma ferunt; furit ante alios Cadmeius heros.
 Hic ferus Hippomedon hostes prosternit et instat
 Exanimem rapiens socium, sed imagine falsa
 Luditur; Aonii incumbunt retrahuntque cadaver.
 Tum Ismenon fluvium Thebano sanguine mutat
 Fervidus Hippomedon, tumidoque in gurgite mersus
 Creneam obtruncat, moriens simul increpat amnem.
 Mox Dryas mortis stimulis rapit arma superbus,
 Parthenopaeum sternit iacentia tela Dianae.
 Ille cadens Dorcem alloquitur matremque requirit.

[Legitur in Barth. Cass. Vrat.]

LIB. X.

Quatuor afflictis ducibus fiducia belli
 Sidoniis crescit; Graiorum obsidere castra.
 Tunc Iuno mittit, quae somnum concitet, Irin.
 Thebanis subito solvantur membra sopore.
 Theodamus stimulat nocturna in proelia Graios
 Fata docens; iugulant iacentia corpora ferro.
 Decipit incautos pietas Hopleumque atque Dimanta,
 Oenidae exanimis laeti dum membra reportant.
 Pandere Tiresiam compellunt debita Thebis.
 Tunc patriae vitam largitur sponte Menoeceus.
 Mox Capaneus scalis conscendit moenia saevus,
 Fulmine percussus turrim complectitur ardens.

[Barth. Cass. Vrat.]

LIB. XI.

Tunc Capanei ardentis Danaos incendia terrent,
 Castra petunt miseri. Eumenis in tempore belli
 Tisiphonae, gentis geminae exaturata cruore,
 Germanae auxilium possit, fratresque nocentes.
 Diversis agitant stimulis. Tunc omina dira
 Horrescit Tyrius ductor; mox Aepitus auctor.

Porrigitur lassumque inclinat ad aquora montem,
 Praeterit. Hinc arcte scopuloso in limite pendens
 Infames Scyrone petras Scyllaeaque rura
 Purpureo regnata seni mitemque Corinthon
 Linquit, et in mediis audit duo litora campis. 335
 Iamque per emeriti surgens confinia Phoebi
 Titanis, late mundo subvecta silenti
 Rorifera gelidum tenuaverat aera biga.
 Iam pecudes volucresque tacent, iam somnus avaris
 Inserpit curis pronusque per aera nutat, 340
 Grata laboratae referens obliviae vitae.
 Sed nec puniceo rediturum nubila coelo
 Promisere iubar, nec rarescentibus umbris
 Longa repercusso nituere crepuscula Phoebo.
 Densior a terris et nulli pervia flammae 345
 Subtextit nox atra polos. Iam claustra rigentis
 Aeoliae percussa sonant, venturaque raucō
 Ore minatur hiems, venti transversa frementes
 Confligunt axemque emoto cardine vellunt,
 Dum coelum sibi quisque rapit. Sed plurimus Auster 350
 Inglomerat noctem et tenebrosa volumina torquet
 Defunditque imbres, sicco quos asper hiatu
 Persolidat Boreas; nec non abrupta tremiscunt
 Fulgura, et attritus subita face rumpitur aether.
 Iam Nemeae, iam Taenareis contermina lucis 355
 Arcadiae capita alta madent; ruit agmine facto
 Inachus, et gelidas surgens Erasinus ad Arctos.
 Pulverulenta prius calcandaque flumina nullae
 Aggeribus tenuere morae, stagnoque refusa est
 Funditus et veteri spumavit Lerna veneno. 360
 Frangitur omne nemus: rapiunt antiqua procellae
 Brachia silvarum, nullisque adspecta per aevum
 Solibus umbrosi patuere aestiva Lycaeī.
 Ille tamen modo saxa iugis fugientia ruptis
 Miratur, modo nubigenas e montibus amnes 365
 Aure pavens passimque insano turbine raptas
 Pastorum pecorumque domos. Non segnius amens
 Incertusque viae per nigra silentia vastum.

Haurit iter: pulsat metus undique et undique frater.
 Ac velut hiberno deprensus navita ponto, 370
 Cui neque temo piger neque amico sidere monstrat
 Luna vias, medio coeli pelagique tumultu
 Stat rationis inops, iam iamque aut saxa malignis
 Expectat submersa vadis, aut vertice acuto
 Spumantes scopulos erectae incurrere prorae. 375

Talis opaca legens nemorum Cadmeius heros
 Accelerat, vasto metuenda umbone ferarum
 Excutiens stabula, et prono virgulta refringit
 Pectore; dat stimulos animo vis moesta timoris,
 Donec ab Inachiis victa caligine tectis 380
 Emicuit lucem devexa in moenia fundens
 Larissaeus apex. Illo spe concitus omni
 Evolat; hinc celsae Iunonis templa Prosymnae
 Laevus habet, hinc Herculeo signata vapore
 Lernaesi stagna atra vadi, tandemque reclusis 385
 Infertur portis, actutum regia cernit
 Vestibula; hic artus imbri ventoque rigentes
 Proicit ignotaeque acclinis postibus aulae
 Invitat tenues ad dura cubilia somnos.

Rex ibi tranquillae medio de limite vitae 390
 In senium vergens populos Adrastus habebat,
 Dives avis et utroque Iovem de sanguine ducens.
 Hic sexus melioris inops, sed prole virebat
 Feminea, gemino natarum pignore fultus.
 Cui Phoebus generos — monstrum exitiabile dictu! 395
 Mox adaptata fides — aevo ducente canebat
 (Setigerumque suum et fulvum adventare leonem.)
 Haec volvens non ipse pater, non docte futuri
 Amphiarae vides, etenim vetat auctor Apollo.
 Tantum in corde sedens aegrescit cura parentis. 400

Ecce autem antiquam fato Calydonia relinquens
 Olenius Tydeus — fraterni sanguinis illum
 Conscius horror agit — eadem sub nocte sopora
 Lustra terit, similesque Notos dequestus et imbres,
 Infusam tergo glaciem et liquentia nimbis 405
 Ora comasque gerens subit uno tegmine, cuius

Fusus humo gelida partem prior hospes habebat.
 Hic vero ambobus rabiem fortuna cruentam
 Attulit; haud passi sociis defendere noctem
 Culminibus, paulum alternis in verba minasque 410
 Cunctantur; mox ut iactis sermonibus irae
 Intumere satis, tum vero erectus uterque
 Exertare humeros nudamque lacessere pugnam.
 Celsior ille gradu procera in membra simulque
 Integer annorum, sed non et viribus infra 415
 Tydea fert animus, totosque infusa per artus
 Maior in exiguo regnabat corpore virtus.
 Iam crebros ictus ora et cava tempora circum
 Obnixa ingeminant, telorum aut grandinis instar
 Rhiphaeae, flexoque genu vacua ilia tundunt. 420
 Non aliter quam Pisaeo sua lustra Tonanti
 Quum redeunt crudisque virum sudoribus ardet
 Pulvis: at hinc teneros caveae dissensus ephēbos
 Concitat, exclusaeque expectant praemia matres.
 Sic alacres odio nullaue cupidine laudis 425
 Accensi incurrunt, scrutatur et intima vultus
 Unca manus penitusque oculis cedentibus instat.
 Forsan et accinctos lateri, sic ira ferebat,
 Nudassent enses, meliusque hostilibus armis
 Lugendus fratri, iuvenis Thebane, iaceres, 430
 Ni rex insolitum clamorem et pectore ab alto
 Stridentes gemitus, noctis miratus in umbris,
 Movisset gressus, magnis cui sobria curis
 Pendebat somno iam deteriore senectus.
 Isque ubi progrediens numerosa luce per alta 435
 Atria dimotis adverso limine claustris
 Terribilem dictu faciem, lacera ora putresque
 Sanguineo videt imbre genas: 'Quae causa furoris,
 Externi iuvenes? — neque enim meus audeat istas
 Civis in usque manus, — quisnam inplacabilis ardor 440
 Exturbare odiis tranquilla silentia noctis?
 Usque adeone angusta dies et triste, parumper
 Pacem animo somnumque pati? Sed prodite tandem,
 Unde orti, quo fertis iter, quae iurgia? Nam vos

Haud humiles tanta ira docet, generisque superbi 445
Magna per effusum clarescunt signa cruorem.'

Vix ea cum mixto clamore obliqua tuentes
Incipiunt una: 'Rex o mitissime Achivum,
Quid verbis opus? ipse undantes sanguine vultus
Adspicis.' Haec passim turbatis vocis amarae 450

Confudere sonis; inde orsus in ordine Tydeus
Continuat, moesti cupiens solatia casus:
'Monstriferae Calydonis opes Acheloiaque arva
Deserui: vestris hic me ecce in finibus ingens
Nox operit. Tecto coelum prohibere quis iste 455

Arcuit? an quoniam prior haec ad limina forte
Molitur gressus? pariter stabulare bimembres
Centaurus unaque ferunt Cyclopas in Aetna
Compositos. Sunt et rabidis iura insita monstribus
Fasque suum: nobis sociare cubilia terrae? 460

Sed quid ego? aut hodie spoliis gavisus abibis,
Quisquis es, his, aut me, si non effoetus oborto
Sanguis hebet luctu, magni de stirpe creatum
Oeneos et Marti non degenerare paterno
Accipies.' — 'Nec nos animi nec stirpis egemus,' 465

Ille refert contra, sed mens sibi conscia facti
Cunctatur proferre patrem. Tunc mitis Adrastus:
'Immo agite, et positis, quas nox inopinique suasit
Aut virtus aut ira, minis, succedite tecto.' 470

Iam pariter coeant animorum in pignora dextrae.
Non haec incassum divisque absentibus acta:
Forsan et has venturus amor praemiserit iras,
Ut meminisse iuvet.' Nec vana voce locutus
Fata senex, siquidem hanc perhibent post vulnera iunctis

Esse fidem, quanta partitum extrema protervo 475
Thesea Pirithoo, vel inanem mentis Orestem
Opposito rabidam Pylade vitasse Megaeram.

Tunc quoque mulcentem dictis corda aspera regem
Iam faciles — ventis ut decertata residunt
Aequora, laxatisque diu tamen aura superstes 480
Inmoritur velis, — passi subiere penates.
Hic primum lustrare oculis cultusque virorum

Telaque magna vacat, tergo videt huius inanem Impexis utrimque iubis horrere leonem, Illius in speciem, quem per Theumesia Tempe	485
Amphitryoniades fractum iuvenilibus annis Ante Cleonaei vestitur proelia monstri. Terribiles contra setis ac dente recurvo Tydea per latos humeros ambire laborant	
Exuviae, Calydonis honos. Stupet omine tanto Delixus senior, divina oracula Phoebi Agnoscens monitusque datos vocalibus antris. Obtutu gelida ora premit, laetusque per artus Horror iit. Sensit manifesto numine ductos	490
Affore, quos nexis ambagibus augur Apollo Portendi generos, vultu fallente ferarum, Ediderat; tunc sic tendens ad sidera palmas :	495
‘Nox, quae terrarum coelique amplexa labores Ignea multivago transmittis sidera lapsu, Indulgens reparare animum, dum proximus aegris	500
Infundat Titan agiles animantibus ortus, Tu mihi perplexis quaesitam erroribus ultro Advehis alma fidem veterisque exordia fati Detegis : assistas operi tuaque omina firmes. Semper honoratam dimensis orbibus auni	505
Te domus ista colet, nigri tibi, diva, litabunt Electa cervice greges, lustraliaque exta Lacte novo perfusus edet Vulcanius ignis. Salve prisca fides tripodum obscurique recessus : Deprendi, <u>Fortuna</u> ! deos.’ Sic fatus et ambos	510
Innectens manibus tecta ulterioris ad aulae Progreditur. Canis etiamnum altaribus ignes, Sopitum cinerem et tepidi libamina sacri Servabant, adolere focos epulasque recentes Instaurare iubet. Dictis parere ministri	515
Certatim accelerant; vario strepit icta tumultu Regia, pars ostro tenues auroque sonantes Emunire toros altosque inferre tapetas, Pars teretes levare manu ac disponere mensas. <u>At</u> alii tenebras et opacam vincere noctem	520

Aggressi, tendunt auratis vincula lychnis.
 Hic labor inserto torrere exanguia ferro
 Viscera caesarum pecudum, his cumulare canistris
 Perdomitam saxo Cererem. Laetatur Adrastus
 Obsequio fervere domum, iamque ipse superbis 525
 Fulgebat stratis solioque effultus eburno.

Parte alia iuvenes siccati vulnera lymphis
 Discumbunt, simul ora notis foedata tuentur
 Inque vicem ignoscunt. Tunc rex longaevus Acesten —
 Natarum haec altrix eadem et fidissima custos 530
 Lecta sacrum iustae Veneri occultare pudorem, —
 Imperat acciri tacitaque innumurat aure.

Nec mora praeceptis, quum protinus utraque virgo
 Arcano egressae thalamo, miserabile visu,
 Pallados armisonae pharetrataeque ora Dianae 535
 Aequa ferunt, terrore minus. Nova deinde pudori
 Visa virum facies: pariter pallorque ruborque
 Purpureas hausere genas, oculique verentes
 Ad sanctum rediere patrem. Postquam ordine mensae
 Victa fames, signis perfectam auroque nitentem 540
 Iasides pateram famulos ex more poposcit,
 Qua Danaus libare deis seniorque Phoroneus
 Assueti. Tenet haec operum caelata figuras:
 Aurèus anguicomam praesepto Gorgona collo
 Ales habet, iam iamque vagas, ita visus, in auras 545
 Exilit; illa graves oculos languentiaque ora
 Paene movet vivoque etiam pallescit in auro.
 Hinc Phrygius fulvis venator tollitur alis,
 Gargara desidunt surgenti, et Troia recedit,
 Stant moesti comites, frustra sonantia lassant 550
 Ora canes umbramque petunt et nubila latrant.

Hanc undante mero fundens vocat ordine cunctos
 Coelicolas: Phoebum ante alios, Phoebum omnis ad aras
 Laude ciet comitum famulumque, evincta pudica
 Fronde, manus, cui festa dies largoque refecti 555
 Ture vaporatis lucent altaribus ignes.

‘Forsitan, o iuvenes, quae sint ea sacra, quibusque
 Praecipuum causis Phoebi obtestemur honorem,

Rex ait, exquirunt animi. Non inascia suasit
 Relligio, magnis exercita cladibus olim 560
 Plebs Argiva litant; animos advertite, pandam.
 Postquam caerulei sinuosa volumina monstri,
 Terrigenam Pythona, deus septem orbibus atris
 Amplexum Delphos squamisque annosa terentem
 Robora, Castaliis dum fontibus ore trisulco 565
 Fusus hiat, nigro sitiens alimenta veneno,
 Perculit, absumptis numerosa in vulnera telis,
 Cyrrhaeique dedit centum per iugera campi
 Vix tandem explicitum, nova deinde piacula caedis
 Perquirens, nostri tecta haud opulenta Crotopi 570
 Attigat: huic primis et pubescentibus annis
 Mira decore pio servabat nata penates
 Intemerata toris. Felix, si Delia numquam
 Furta nec occultum Phoebo sociasset amorem.
 Namque ut passa deum Nemeaei ad fluminis undam, 575
 Bis quinos plena quum fronte resumeret orbes
 Cynthia, sidereum Latonae foeta nepotem
 Edidit; ac poenae metuens — neque enim ille coactis
 Donasset thalamis veniam pater, — avia rura
 Eligit, ac natum septa inter ovilia furtim 580
 Montivago pecoris custodi mandat alendum.
 Non tibi digna, puer, generis cunabula tanti
 Gramineos dedit herba toros, et vimine querno
 Texta domus; clausa arbutei sub cortice libri
 Membra tepent, suadetque leves cava fistula somnos, 585
 Et pecori commune solum. Sed fata nec illum
 Concessere larem, viridi nam cespitem terrae
 Proiectum temere et patulo coelum ore trahentem
 Dira canum rabies, morsu depasta eruento,
 Disicit. Hic vero attonitas ut nuntius aures 590
 Matris adit, pulsus ex animo genitorque pudorque
 Et metus. Ipsa ultro saevius plangoribus amens
 Tecta replet, vacuumque ferens velamine pectus
 Occurrit confessa patri; nec motus et atro
 Imperat, infandum! cupientem occumbere leto. 595
Sero memor thalami moestae solatia morti,

Phoebe, paras, monstrum infandis Acheronte sub imo
 Conceptum Eumenidum thalamis, cui virginis ora
 Pectoraque, aeternum stridens a vertice surgit
 Et ferrugineam frontem discriminat anguis. 600
 Haec tam dira lues nocturno squalida passu
 Inlabi thalamis, animasque a stirpe recentes
 Abripere altricum gremiis, morsuque cruento
 Divesci et multum patrio pinguescere luctu.
 Haud tulit armorum praestans animique Coroebus 605
 Seque ultro lectis iuvenum, qui robore primi
 Famam posthabita faciles extendere vita,
 Obtulit. Illa novos ibat populata penates
 Portarum in bivio; lateri duo corpora parvum
 Dependent, et iam unca manus vitalibus haeret, 610
 Ferratique unguis tenero sub corde tepescunt.
 Obvius huic latus omne virum stipante corona
 It iuvenis, ferrumque ingens sub pectore duro
 Condidit, atque imas animae mucrone corusco
 Scrutatus latebras tandem sua monstra profundo 615
 Reddit habere Iovi. Iuvat ire et visere iuxta
 Liventes in morte oculos uterique nefandam
 Proluviem et crasso squalentia pectora tabo,
 Qua nostrae cecidere animae. Stupet Inacha pubes,
 Magnaque post lacrimas etiamnum gaudia pallent. 620
 Hi trabibus duris, solatia vana dolori,
 Proterere exanimes artus asprosque molares
 Deculcare genis, nequit iram explere potestas.
 Illam et nocturno circum stridore volantes
 Inpastae fugistis aves, rabidamque canum vim 625
 Oraque sicca ferunt trepidorum inhiasse luporum:
 'Saevior in miseros fatis ultricis ademptae
 Delius insurgit, summaque biverticis umbra
 Parnassi residens arcu crudelis iniquo
 Pestifera arma iacit, camposque et celsa Cyclopus 630
 Tecta superiecto nebularum incendit amictu.
 Labuntur dulces animae, mors fila sororum
 Ense metit captamque tenens fert manibus urbem
 Quaerenti, quae causa, duci, quis ab aethere laevus

Ignis, et in totum regnaret Sirius annum. 635
 Idem auctor Paeon rursus iubet ire cruento
 Inferias monstro iuvenes, qui caede potiti.
 Fortunate animi longumque in saecula digne
 Promeriture diem! non tu pia degener arma
 Oculis, aut certae trepidas occurrere morti. 640
 Cominus ora ferens Cyrrhaei in limine templi
 Constitit, et sacras ita vocibus asperat iras:
 'Non missus, Thymbraee, tuos supplexve penates
 Advenio: mea me pietas et conscia virtus
 Has egere vias. Ego sum, qui caede subegi, 645
 Phoebe, tuum mortale nefas, quem nubibus atris
 Et squalente die, nigra quem tabe sinistri
 Quaeris, inique, poli. Quodsi monstra effera magnis
 Cara adeo superis iacturaque vilior orbis,
 Mors hominum, et saevo tanta inclementia coelo est, 650
 Quid meruere Argi? me, me, divum optime, solum
 Obiecisse caput fatis praestabit. An illud
 Lene magis cordi, quod desolata domorum
 Tecta vides, ignique datis cultoribus omnis
 Lucet ager? Sed quid fando tua tela manusque 655
 Demoror? expectant matres supremaque fundunt
 Vota mihi. Satis est: merui, ne parcere velles.
 Proinde move pharetras arcusque intende sonoros
 Insignemque animam leto demitte; sed illum
 Pallidus Inachiis quis desuper inminet Argis, 660
 Dum morior, depelle globum.' Fors aequa merentes
 Respicit. Ardentem tenuit reverentia caedis
 Latoidem, tristemque viro submissus honorem
 Largitur vitae; nostro mala nubila coelo
 Diffugiunt: at tu stupefacti a limine Phoebi 665
 Exoratus abis. Inde haec stata sacra quotannis
 Sollemnes recolunt epulae, Phoebeiaque placat
 Templi novatus honos. Has forte invisitis aras
 Vos quae progenies? quamquam Calydonius Oeneus,
 Et Parthaoniae, dudum si certus ad aures' 670
 Clamor iit, tibi iura domus; tu pande, quis Argos
 Advenias, quando haec variis sermonibus hora est.'

Deiecit moestos extemplo Ismenius heros
 In terram vultus, taciteque ad Tydea laesum
 Obliquare oculos; tum longa silentia movit: 675
 'Non super hos divum tibi sum quaerendus honores,
 Unde genus, quae terra mihi, quis defluat ordo
 Sanguinis antiqui: piget inter sacra fateri.
 Sed si praecipitant miserum cognoscere curae,
 Cadmus origo patrum, tellus Mavortia Thebe, 680
 Et genetrix Iocasta mihi.' Tum motus Adrastus
 Hospitiis — agnovit enim —: 'Quid nota recondis? .
 Scimus, ait; nec sic aversum fama Mycenis
 Volvit iter. Regnum et furias oculosque pudentes
 Novit, et Arctois si quis de solibus horret, 685
 Quique bibit Gangem aut nigrum occasibus intrat
 Oceanum, et si quos incerto litore Syrtes
 Destituunt. Ne perge queri casusque priorum
 Adnumerare tibi: nostro quoque sanguine multum
 Erravit pietas, nec culpa nepotibus obstat. 690
 Tu modo dissimilis rebus mereare secundis
 Excusare tuos; sed iam temone supino
 Languet Hyperboreae glacialis portitor Ursae.
 Fundite vina focis, servatoremque parentum
 Latoiden votis iterumque iterumque canamus.' 695
 'Phoebe parens, seu te Lyciae Pataraea nivosis
 Exercent dumeta iugis, seu rore pudico
 Castaliae flavos amor est tibi mergere crines,
 Seu Troiam Thymbraeus habes, ubi fama volentem
 Ingratis Phrygios humeris subiisse molares, 700
 Seu iuvat Aegaeum feriens Latonius umbra
 Cynthus et assiduam pelago non quaerere Delon:
 Tela tibi longeque feros lentandus in hostes
 Arcus, et aetherii dono cessere parentes
 Aeternum florere genas. Tu doctus iniquas 705
 Parcarum praenosse manus fatumque quod ultra est,
 Et summo placitura Iovi, quis letifer annus,
 Bella quibus populis, mutent quae sceptrata cometae.
 Tu Phryga submittis citharae, tu matris honori
 Terrigenam Tityon Stygiis extendis arenis. 710

Te viridis Python Thebanaque mater ovantem
Horruit in pharetris. Ultrix tibi torva Megaera
Ieiunum Phlegyam subter cava saxa iacentem
Aeterno premit accubitu dapibusque profanis
Instimulat, sed mixta famem fastidia vincunt.
Adsis, o memor hospitii, Iunoniaque arva
Dexter ames, seu te roseum Titana vocari
Gentis Achaemeniae ritu, seu praestat Osirin
Frugiferum, seu Persei sub rupibus antri
Indignata sequi torquentem cornua Mithram.'

715

720

P. PAPINII STATII
THEBAIDOS
LIBER II.

Interea gelidis Maia satus aliger umbris
 Iussa gerens magni remeat Iovis; undique pigrae
 Ire vetant nubes, et turbidus implicat aer,
 Nec Zephyri rapuere gradum, sed foeda silentis
 Aura poli. Styx inde novem circumflua campis, 5
 Hinc obiecta vias torrentum incendia cludunt.
 Pone senex trepida succedit ~~Lajus umbra~~.
 Vulnere tardus adhuc; capulo nam largius illi
 Transabit costas cognatis ictibus ensis
 Inpius, et primas Furiarum pertulit iras. 10
 It tamen et medica firmat vestigia virga.
 Tum steriles luci possessaque manibus arva
 Et ferrugineum nemus adstupet, ipsaque tellus
 Miratur patuisse retro, nec livida tabes
 Invidiae, functis quamquam et iam lumine cassis, 15
 Defuit. Unus ubi ante alios, cui laeva voluntas
 Semper et ad superos hinc est gravis exitus, aevi
 Insultare malis rebusque aegrescere laetis:
 'Vade, ait, o felix, quoscumque vocaris in usus,
 Seu Iovis imperio, seu maior adegit Erinys 20
 Ire diem contra, seu te furiata sacerdos
 Thessalis arcano iubet emigrare sepulcro,
 Heu dulces visure polos solemque relictum
 Et virides terras et puros fontibus amnes,
 Tristior has iterum tamen intrature tenebras.' 25
 Illos ut caeco recubans in limine sensit
 Cerberus atque omnes capitum subrexit hiatus,

Saevus et intranti populo: iam nigra tumebat
 Colla minax, iam sparsa solo turbaverat ossa,
 Ni deus horrentem Lethaeo vimine mulcens 30
 Ferrea tergemino domuisset lumina somno.

Est locus, Inachiae dixerunt Taenara gentes,
 Qua formidatum Maleae spumantis in auras
 It caput et nullos admittit culmine visus.
 Stat sublimis apex ventosque imbresque serenus 35
 Despicit, et tantum fessis insiditur astris.

[Illic exhausti posuere cubilia venti,
 Fulminibusque iter est; medium cava nubila montis
 Insumpsere latus, summos nec praepetis alae
 Plausus adit colles, nec rauca tonitrua pulsant.] 40
 Ast ubi prona dies, longos super aequora fines
 Exigit atque ingens medio natat umbra profundo.

Intiorem sinu frangentia litora curvat
 Taenaros, expositos non audax scandere fluctus.
 Illic Aegaeo Neptunus gurgite fessos 45
 In portum deducit equos, prior haurit arenas
 Ungula, postremi solvuntur in aequora pisces.
 Hoc, ut fama, loco pallentes devius umbras
 Trames agit nigrique Iovis vacua atria ditat
 Mortibus, Arcadii perhibent si vera coloni, 50
 Stridor ibi et gemitus poenarum, atroque tumultu
 Fervet ager, saepe Eumenidum vocesque manusque
 In medium sonuere diem, letique triformis
 Ianitor agricolas campis auditus abegit.

Hac et tunc fusca volucer deus obsitus umbra 55
 Exilit ad superos, infernaque nubila vultu
 Discutit et vivis afflatibus ora serenat.

Inde per Arcturum mediaeque silentia lunae
 Arva super populosque meat. Sopor obvius illi
 Noctis agebat equos, trepidusque assurgit honori 60
 Numinis et recto decedit limite coeli.

Inferior volat umbra deo, praereptaque noscit
 Sidera principiumque sui; iamque ardua Cyrrhae
 Pollutamque suo despectat Phocida busto.

Ventum erat ad Thebas; gemit prope limina nati 65

Laius et notos cunctatur inire penates.

~~Ut vero~~ excelsis suamet iuga nixa columnis
Vidit et infectos etiamnum sanguine currus,
Paene retro turbatus abit; nec summa Tonantis
Iussa, nec Arcadiae retinent spiramina virgae. 70

Et tunc forte dies noto signata Tonantis
Fulmine, praerupti quum te, tener Evie, partus
Transmisere patri. Tyriis ea causa colonis
Insomnem ludo certatim educere noctem
Suaserat; effusi passim per tecta, per agros, 75
Serta inter vacuosque mero crateras anhelum
Proflabant sub luce deum; tum plurima buxus
Aeraque taurinos sonitu vincentia pulsus.

Ipse etiam gaudens nemorosa per avia sanas
Impulerat matres Baccho meliore Cithaeron. 80

Qualia per Rhodopen rabido convivio coetu
Bistones, aut mediae ponunt convallibus Ossae.
Illis semianimum pecus excussaeque leonum
Ore dapes, et lacte novo domuisse cruorem
Luxus: at Ogygii si quando afflavit Iacchi 85
Saevus odor, tunc saxa manu, tunc pocula pulchrum
Spargere et inmerito sociorum sanguine fuso
Instaurare diem festasque reponere mensas.

Nox ea, quum tacita volucer Cyllenius aura
Regis Echionii stratis allapsus, ubi ingens 90
Fuderat Assyriis exstructa tapetibus alto
Membra toro. Pro gnara nihil mortalia fati
Corda sui! capit ille dapes, habet ille soporem.

Tunc senior quae iussus agit, neu falsa videri
Noctis imago queat, longaevis vatis opacos 95
Tiresiae vultus vocemque et vellera nota
Induitur. Mansere comae propexaque mento
Canicies pallorque suus, sed falsa cucurrit
Infula per crines, glaucaeque innexus olivae
Vittarum provenit honos; dehinc tangere ramo 100
Pectora et has visus fatorum expromere voces:

‘Non somni tibi tempus iners, qui nocte sub alta
Germani secure iaces, ingentia dudum

Acta vocant rerumque graves, ignave, paratus.
 Tu, veluti magnum si iam tollentibus Austris 105
 Ionium nigra iaceat sub nube magister,
 Inmemor armorum versantisque aequora clavi
 Cunctaris. Iamque ille novis, scit fama, superbit
 Conubiis viresque parat; quis regna capessat,
 Quis neget, inque tua senium sibi destinat aula. 110
 Dant animos socer augurio fatalis Adrastus
 Dotalesque Argi, nec non in foedera vitae
 Pollutus placuit fraterno sanguine Tydeus.
 Hinc tumor, et longus fratri promitteris exul.
 Ipse deum genitor tibi me miseratus ab alto 115
 Mittit: habe Thebas, caecumque cupidine regni
 Ausurumque eadem germanum expelle, nec ultra
 Fraternos inhiantem obitus sine sidere coeptis
 Fraudibus, aut Cadmo dominas inferre Mycenae.
 Dixit, et abscedens, etenim iam pallida turbant 120
 Sidera lucis equi, ramos ac vellera fronti
 Diripuit, confessus avum, dirique nepotis
 Incubuit stratis, iugulum mox caede patentem
 Nudat et undanti perfundit vulnere somnum.
 Illi rupta quies, attollit membra toroque 125
 Erigitur plenus monstribus, vanumque cruorem
 Excutiens simul horret avum fratremque requirit.
 Qualis ubi audito venantium murmure tigris
 Horruit in maculas somnosque excussit inertes:
 Bella cupit laxatque genas et temperat unguis; 130
 Mox ruit in turmas natisque alimenta cruentis
 Spirantem fert ore virum: sic excitus ira
 Ductor in absentem consumit proelia fratrem.
 Et iam Mygdoniis elata cubilibus alto
 Impulerat coelo gelidas Aurora tenebras, 135
 Rorantes excussa comas multumque sequenti
 Sole rubens; illi, roseus per nubila seras
 Advertit flammis alienumque aethera tardo
 Lucifer exit equo, donec pater igneus orbem
 Impleat atque ipsi radios vetet esse sorori, 140
 Quum senior Talaonides nec longa morati

Dircaeusque gradum pariterque Acheloius heros
 Corripuere toris. Illos post verbera fessos
 Exceptamque hiemem cornu perfuderat omni
 Somnus: at Inachio tenuis sub pectore regi 145
 Tracta quies, dum mente deos inceptaque versat
 Hospitia, et quae sint generis adscita repertis
 Fata movet. Postquam mediis in sedibus aulae
 Congressi inque vicem dextras iunxere locumque,
 Quo serere arcanas aptum atque evolvere curas, 150
 Insidunt; prior his dubios compellat Adrastus:
 'Egregii iuvenum, quos non sine numine regnis
 Invexit nox dextra meis, quibus ipse per imbres,
 Fulminibus mixtos intempestumque Tonantem
 Has meus usque domos vestigia fecit Apollo; 155
 Non equidem obscurum vobis plebique Pelasgae
 Esse reor, quantis conubia nostra procorum
 Turba petant studiis: geminae mihi namque, nepotum
 Laeta fides, aequo pubescunt sidere natae.
 Quantus honos quantusque pudor, ne credite patri, 160
 Et super hesternas licuit cognoscere mensas.
 Has tumidi solio et late dominantibus armis
 Optavere viri — longum enumerare Pharaeos
 Oebaliosque duces, — et Achaea per oppida matres,
 Spem generis, nec plura tuus despexerat Oeneus 165
 Foedera Pisaeisque socer metuendus habenis.
 Sed mihi nec Sparta genitos nec ab Elide missos
 Iungere fas generos: vobis hic sanguis et aulae
 Iura meae, longo promittitur ordine fati.
 Di bene, quod tales stirpemque animosque venitis, 170
 Ut responsa iuvent: hic durae tempore noctis
 Partus honos, haec illa venit post verbera merces.'
 Audierant, fixosque oculos per mutua paulum
 Ora tenent, visique inter sese ordine fandi
 Cedere. Sed cunctis Tydeus audentior actis 175
 Incipit: 'O quam te parcum in praeconia famae
 Mens agitat matura tuae, quantumque ferentem
 Fortunam virtute domas! Cui cedat Adrastus
 Imperiis? quis te solio Sicyonis avitae

Excitum infrenos componere legibus Argos 180
 Nesciat? atque utinam his manibus permittere gentes,
 Iuppiter aequae, velis, quas Doricus alligat undis
 Isthmos et alterno quas margine submovet infra!
 Non fugeret diras lux intercisa Mycenae,
 Saeva nec Eleae gement certamina valles, 185
 Eumenidesque aliis aliae sub regibus, et quae
 Tu potior, Thebane, queri: nos vero volentes
 Expositique animis.' Sic interfatus, et alter
 Subicit: 'Anne aliquis soceros accedere tales
 Abnuat? exulibus quamquam patriaque fugatis 190
 Nondum laeta Venus, tamen omnis corde resedit
 Tristitia, affixique animo cessere dolores.
 Nec minus haec laeti trahimus solatia, quam si
 Praecipiti convulsa Noto prospectet amicam
 Puppis humum. Iuvat ingressos felicia regni 195
 Omina, quod superest fati vitaeque laborum
 Fortuna transire tua.' Nec plura morati
 Consurgunt, dictis impensius aggerat omne
 Promissum Inachus pater, auxilioque futurum
 Et patriis spondet reduces inducere regnis. 200
 Ergo alacres Argi, fuso rumore per urbem
 Advenisse duci generos, primisque hymenaeis
 Egregiam Argian, nec formae laude secundam
 Deipylon, tumida iam virginitate iugari,
 Gaudia mente parant; socias it Fama per urbes, 205
 Finitimisque agitur agris procul usque Lycaeos
 Partheniosque super saltus Ephyracaeque rura.
 Nec minus Ogygias eadem dea turbida Thebas
 Insilit, et totis perfundit moenia pennis,
 Labdaciumque ducem praemissae consona nocti 210
 Territat, hospitium et thalamos et foedera regni
 Permixtumque genus. Quae tanta licentia monstro,
 Quis furor est? iam bella canit. Diffuderat Argos
 Expectata dies: laeto regalia coetu
 Atria complentur, species est cernere avorum 215
 Cominus et vivis certantia vultibus aera.
 Tantum ausae perferre manus! Pater ipse bicornis

In laevum prona nixus sedet Inachus urna.
 Hunc tegit Iasiusque senex placidusque Phoroneus,
 Et bellator Abas indignatusque Tonantem 220
 Acrisius nudoque ferens caput ense Coroebus,
 Torvaque iam Danaï facinus meditantis imago;
 Exin mille duces. Foribus quum inmissa superbis
 Unda fremit vulgi, procerum manus omnis et alto
 Quis propior de rege gradus, stant ordine primi; 225
 Interior sacris calet, et sonat aula tumultu
 Femineo; casta matres cinxere corona
 Argolides, pars virginibus circum undique fusae
 Foedera conciliant nova solanturque timorem.
 Ibant insignes vultuque habituque verendo 230
 Candida purpureum fusae super ora ruborem
 Deiectaeque genas; tacite subit ille supremus
 Virginitatis amor, primaeque modestia culpae
 Confundit vultus; tunc ora rignantur honestis
 Imbribus, et teneros lacrimae iuvere parentes. 235
 Non secus ac supero pariter si cardine lapsae
 Pallas et asperior Phoebi soror, utraque telis,
 Utraque torva genis flavoque in vertice nodo,
 Illa suas Cyntho comites agat, haec Aracyntho.
 Tunc, si fas oculis, non umquam longa tuendo 240
 Expedias, cui maior honos, cui gratior, aut plus
 De Iove, mutatosque velint transumere cultus,
 Et Pallas deceat pharetras et Delia cristas.
 Certant laetitia superosque in vota fatigant
 Inachidae, quae cuique domus sacrique facultas. 245
 Hi fibris animaque litant, hi cespite nudo,
 Nec minus auditi, si mens accepta meretur
 Ture deos, fractisque obtendunt limina silvis.
 Ecce metu subito, Lachesis sic dira iubebat,
 Impulsae mentes, excussaeque gaudia patris, 250
 Et turbata dies. Innuptam lumine adibant
 Pallada, Munychiis cui non Argiva per urbes
 Posthabita est Larissa iugis; hic more parentum
 Isides, thalamis ubi casta adolesceret aetas,
 Virgineas libare comas primosque solebant 255

Excusare toros. Celsam subeuntibus arcem
 In gradibus summi delapsum culmine templi
 Arcados Euippi spoliū cadit aereus orbis,
 Praemissasque faces, festum nubentibus ignem,
 Obruit, eque adytis simul exaudita remotis
 Nondum ausos firmare gradum tuba terruit ingens. 260

In regem conversi omnes formidine prima,
 Mox audisse negant; cunctos tamen omina rerum
 Dira movent, variisque metum sermonibus augent.
 Nec mirum: nam tu infaustos donante marito 265
 Ornatus Argia geris dirumque monile
 Harmonies. Longa est series, sed nota malorum
 Persequar, unde novis tam saeva potentia donis.

Lemnius haec, ut prisca fides, Mavortia longum
 Furta dolens, capto postquam nihil obstat amori 270

Poena, nec ultrices castigavere catenae,
 Harmonies dotale decus sub luce iugali
 Struxerat. Hoc, docti quamquam maiora, laborant
 Cyclopes, notique operum Telchines amica
 Certatim iuvare manu, sed plurimus ipsi 275

Sudor. Ibi arcano florentes igne smaragdōs
 Cingit et infaustas percussū adamanta figuras
 Gorgoneosque orbes, Siculaque incude relictos
 Fulminis extremi cineres viridūque draconum
 Lucentes a fronte iubas; hic flebile germen 280

Hesperidum et dirum Phryxaei velleris aurum.
 Tum varias pestes raptūque interplicat atro
 Tisiphones de crine ducem, et quae pessima ceston
 Vis probat; haec circum spūmis lunaribus ungit
 Callidus atque hilari perfundit cuncta veneno. 285
 Non hoc Pasithea blandarum prima sororum,
 Non Decor Idaliusque puer, sed Luctus et Irae,
 Et Dolor et tota pressit Discordia dextra.

Prima fides operi, Cadmum comitata iacentem
 Harmonie versis in sibila dira querelis, 290
 Illyricos longo sulcavit pectore campos.
 Inproba mox Semele vix dona nocentia collo
 Induit, et fallax intravit limina Iuno.

Teque etiam, infelix, perhibent, Iocasta, decorum
 Possedis nefas; vultus hac laude colebas, 295
 Heu quibus, heu placitura toris! post longior ordo;
 Tunc donis Argia nitet vilesque sororis
 Ornatus sacro praeculta supervenit auro.

Viderat hoc coniux perituri vatis et aras
 Ante omnes epulasque trucem secreta coquebat 300
 Invidiam, saevis detur si quando potiri
 Cultibus, heu nihil auguriis adiuta propinquis.
 Quos optat gemitus, quantas cupit in pia clades!
 Digna quidem, sed quid miseri decepta mariti
 Arma, quid insontes nati meruere furores? 305

Postquam regales epulas et gaudia vulgi
 Bisseni clusere dies, Ismenius heros
 Respicere ad Thebas iamque et sua quaerere regna.
 Quippe animum subit illa dies, qua, sorte benigna
 Fratris, Echionia steterat privatus in aula, 310
 Respiciens descisse deos trepidoque tumultu
 Dilapsos comites, nudum latus omne fugamque
 Fortunae. Namque una soror producere tristes
 Exulis ausa vias, etiam hanc in limine primo
 Liquerat et magna lacrimas incluserat ira. 315

Tunc quos excedens hilares, quis cultus iniqui
 Praecipuus ducis, et profugo quos ipse notarat
 Ingemuisse sibi, per noctem ac luce sub omni
 Digerit; exedere animum dolor iraque demens,
 Et, qua non gravior mortalibus addita cura, 320

Spes, ubi longa venit. Talem sub pectore nubem
 Consilio volvens Dircen Cadmique negatas
 Apparat ire domos. Veluti dux taurus, amata
 Valle carens, pulsum solito quem gramine victor
 Iussit ab erepta longe mugire iuvenca, 325

Quum profugo placuere tori cervixque recepto
 Sanguine magna redit fractaeque in pectore vires:
 Bella cupit saltusque et capta armenta reposcit,
 Iam pede, iam cornu melior, pavet ipse reversum
 Victor, et attoniti vix agnovere magistri. 330

Non alias tacita iuvenis Theumesius iras

Mente acuit, sed fida vias arcanaque coniux
 Senserat; utque toris primo complexa iacebat
 Aurorae pallore virum 'Quos callide motus
 Quamve fugam moliris? ait, nil transit amantes. 335
 Sentio, pervigiles acuunt suspiria questus,
 Numquam in pace sopor. Quotiens haec ora natare
 Fletibus et magnas latrantia pectora curas
 Admota deprendo manu? Nil foedere rupto
 Conubiisve super moveor viduaque iuenta; 340
 Etsi crudus amor, necdum post flammea toti
 Intepuere tori; tua me, properabo fateri,
 Angit amata salus. Tune incommitatus, inermis
 Regna petes? poterisque tuis decedere Thebis,
 Si neget? atque illum solers deprendere semper 345
 Fama duces, tumidum narrat raptoque superbum
 Difficilemque tibi: necdum consumpserat annum.
 Me quoque nunc vates, nunc exta minantia divos,
 Aut avium lapsus, aut turbida noctis imago
 Territat. Ah, memini, numquam mihi falsa per umbras 350
 Iuno venit! Quo tendis iter? ni conscius ardor
 Ducit, et ad Thebas melior socer!' Hic breve tandem
 Risit Echionius iuvenis tenerumque dolorem
 Coniugis amplexu solatur, et oscula moestis
 Tempestiva genis posuit lacrimasque repressit: 355
 'Solve metus animo, dabitur, mihi crede, merentum
 Consiliis tranquilla dies; te fortior annis
 Nondum cura decet. Sciat haec Saturnius olim
 Fata parens, oculosque polo dimittere si quos
 Iustitia et rectum terris defendere curat. 360
 Fors aderit lux illa tibi, qua moenia cernes
 Coniugis et geminas ibis regina per urbes.'
 Sic ait, et caro raptim se limine profert.
 Tydea iam socium coeptis, iam pectore fido
 Aequantem curas — tantus post iurgia mentes 365
 Vinxit amor —! socerumque affatur tristis Adrastum.
 Fit mora consilio, quum multa moventibus una
 Iam potior cunctis sedit sententia, fratris
 Praetemptare fidem tutosque in regna precando

Explorare aditus. Audax ea munera Tydeus 370
 Sponte subit, nec non et te, fortissime gentis
 Aetolum, multum lacrimis conata morari
 Deipyle, sed iussa patris tutique regressus
 Legato iustaeque preces vicere sororis.

Iamque emensus iter silvis ac litore durum, 375
 Qua Lerne palus ambustaque sontibus alte
 Intepet hydra vadis, et qua vix carmine raro
 Longa sonat Nemeae nondum pastoribus ausis,
 Qua latus Eos Ephyres quod vergit ad Euros,
 Sisypheique sedent portus; irataque terrae 380
 Curva Palaemonio secluditur unda Lechaeo.

Hinc praeteriectus Nisum, et te, mitis Eleusin,
 Laevus habet, iamque arva gradu Theumesia et arces
 Intrat Agenoreas; ibi durum Eteoclea cernit
 Sublimem solio septumque horrentibus armis. 385
 Iura ferus populo trans legem ac tempora regni
 Iam fratris de parte dabat; sedet omne paratus
 In facinus queriturque fidem tam sero reposci.

Constitit in mediis, ramus manifestat olivae
 Legatum, causasque viae nomenque rogatus 390
 Edidit; utque rudis fandi pronusque calori
 Semper erat, iustis miscens tamen aspera coepit:

Si tibi plana fides et dicti cura maneret
 Foederis, ad fratrem completo iustius anno
 Legatos hinc ire fuit, teque ordine certo 395
 Fortunam exuere et laetum descendere regno,
 Ut vagus ille diu passusque haud digna per urbes
 Ignotas pactae tandem succederet aulae.

Sed quia dulcis amor regni blandumque potestas,
 Posceris, astriferum velox iam circulus orbem 400
 Torsit, et amissae redierunt montibus umbrae,

Ex quo frater inops ignota per oppida tristes
 Exul agit casus, et te iam tempus aperto
 Sub Iove ferre dies terrenaque frigora membra
 Ducere et externos submissum ambire penates. 405
 Pone modum laetis; satis auro dives et ostro
 Conspicuus tenuem germani pauperis annum

Risisti; moneo regnorum gaudia temet Dedoceas patiensque fugae mereare reverti.'	
Dixerat. Ast illi tacito sub pectore dudum Ignea corda fremunt; iacto velut aspera saxo Cominus erigitur serpens, cui subter inanes Longa sitis latebras, totosque agitata per artus Convocat in fauces et squamea colla venenum:	410
' Cognita si dubiis fratris mihi iurgia signis	415
Ante forent, nec clara odiorum arcana paterent, Sufficeret vel sola fides, qua torvus et illum Mente gerens, ceu septa novus iam moenia laxet Fossor, et hostiles inimicent classica turmas, Praefuris. In medios si cominus orsa tulisses	420
Bistonas aut refugo pallentes sole Gelonos, Parcior alloquio et medii reverentior aequi Inciperes; neque te furibundae crimine mentis Arguerim: mandata refers. Nunc omnia quando Plena minis, nec sceptrâ fide nec pace sequestra	425
Poscitis, et capulo propior manus: haec mea regi Argolico, nondum aequa tuis, vice dicta reporta:	
'Quae sors iusta mihi, quae non indebitus annis Sceptrâ dicavit honos, teneo longumque tenebo. Te penes Inachiae dotâlis régia dono	430
Coniugis, et Danaae — quid enim maioribus actis Invideam? — cumulentur opes; felicibus Argos Auspiciis Lernamque regas: nos horrida Dirces Pascua et Euboicis arctatas fluctibus oras, Non indignati miserum dixisse parentem	435
Oedipoden: tibi largâ — Pelops et Tantalus auctor — Nobilitas, propiorque fluat de sanguine iuncto Iuppiter. Anne feret luxu consueta paterno Hunc regina larem? nostrae cui iure sorores Anxia pensa trahant? longo quam sordida luctu	440
Mater, et ex imis auditus forte tenebris Offendat socer ille senex. Iam pectora vulgi Assuevere iugo: pudet heu! plebisque patrumque, Ne totiens incerta ferant mutentque gementes Imperia et dubio pigeat parere tyranno.	445

Non parcit populis regnum breve; respice, quantus
 Horror, et attoniti nostro in discrimine cives!
 Hosne ego, quis certa est sub te duce poena, relinquam?
 Iratus, germane, venis. Fac velle, nec ipsi,
 Si modo notus amor meritique est gratia, patres 450
 Reddere regna sinent.' Non ultra passus, et orsa
 Iniecit mediis sermonibus obvia: 'Reddes,
 Ingeminat, reddes; non si te ferreus agger
 Ambiat, aut triplices alio tibi carmine muros
 Amphion auditus agat; nil tela, nec ignes 455
 Obstiterint, quin ausa luas nostrisque sub armis
 Captivo moribundus humum diademate pulses.
 Tu merito: ast horum miseret, quos sanguine viles
 Coniugibus natisque infanda ad proelia raptos
 Proicis excidio, bone rex. O quanta Cithaeron 460
 Funera, sanguineisque vadis, Ismene, rotabis!
 Haec pietas, haec magna fides! nec crimina gentis
 Mira equidem duco; sic primus sanguinis auctor
 Incestique patrum thalami, sed fallit origo:
 Oedipodes tu solus eras, haec praemia morum 465
 Ac sceleris, violente, feres: nos poscimus annum.
 Sed moror.' Haec audax etiamnum in limine retro
 Vociferans, iam tunc impulsa per agmina praeceps,
 Evolat. Oeneae vindex sic ille Dianae
 Erectus setis et adunca fulmine malae, 470
 Quum premeret Pelopea phalanx, saxa obvia volvens
 Fractaque perfossis arbusta Acheloia ripis,
 Iam Telamona solo, iam stratum Ixiona linquens,
 Te, Meleagre, subit: ibi demum cuspide lata
 Haesit et obnixo ferrum laxavit in armo. 475
 Talis adhuc trepidum liquit Calydonius heros
 Concilium, infrendens ipsi ceu regna negentur,
 Festinatque vias ramumque precantis olivae.
 Abicit. Attonitae tectorum ex culmine summo
 Prospectant matres, saevoque infanda precantur 480
 Oenidae tacitoque simul sub pectore regi.
 Nec piger ingenio scelerum fraudisque nefandae
 Rector eget. Iuvenum fidos lectissima bello

Corpora nunc pretio, nunc ille hortantibus ardens
 Sollicitat dictis, nocturnaque proelia saevus 485
 Instruit, et sanctum populis per saecula nomen
 Legatum insidiis tacitoque invadere ferro —
 Quid regnis non vile? — cupit; quas quaereret artes
 Si fratrem, Fortuna, dares? O caeca nocentum
 Consilia! o semper timidum scelus! Exit in unum 490
 Plebs ferro iurata caput; ceu castra subire
 Apparet, aut celsum crebris arietibus urbis
 Inclinare latus: densi sic agmine facto
 Quinquaginta altis funduntur in ordine portis.
 Macte animi, tantis dignus qui crederis armis! 495
 Fert via per dumos propior, qua calle latenti
 Praecelerant densaeque legunt compendia silvae.
 Lecta dolis sedes: gemini procul urbe malignis
 Faucibus urgentur colles, quos umbra superni
 Montis et incurvis claudunt iuga frondea silvis; 500
 Insidias natura loco caecamque latendi
 Struxit opem; medias arcte secatur aspera rupes
 Semita, quam subter campi devexaque latis
 Arva iacent spatiis. Contra inportuna crepido
 Oedipodioniae domus alitis; hic fera quondam 505
 Pallentes erecta genas suffusaque tabo
 Lumina, concretis infando sanguine plumis
 Reliquias amplexa virum semesaue nudis
 Pectoribus stetit ossa premens visuque trementi
 Collustrat campos, si quis concurrere dictis 510
 Hospes inexplicitis, aut cominus ire viator
 Audeat et dirae commercia iungere linguae.
 Nec mora, quin acuens exertos protinus ungues
 Liventesque manus fractosque in vulnere dentes
 Terribili applausu circum hospita surget ora. 515
 Et latuere doli, donec de rupe cruenta
 Heu! simili deprensa viro, cessantibus alis,
 Tristis inexpleram scopulis affligeret alvum.
 Monstrat silva nefas, horrent vicina iuveni
 Gramina, damnatis avidum pecus abstinet herbis. 520
 Non Dryadum placet umbra choris, non commoda sacris

Faunorum, diraeque etiam fugere volucres
 Prodigiale nemus. Tacitis huc gressibus acti
 Deveniunt peritura cohors, hostemque superbum
 Annixi iaculis et humi posita arma tenentes 525
 Expectant densaque nemus statione coronant.

Cooperat humenti Phoebum subtexere palla
 Nox et caeruleam terris infuderat umbram.
 Ille propinquabat silvis et ab aggere celso
 Scuta virum galeasque videt rutilare comantes, 530
 Qua laxant rami nemus adversaque sub umbra
 Flammeus aeratis lunae tremor errat in armis.

Obstupuit visis, ibat tamen, horrida tantum
 Spicula et inclusum capulo tenus admovet ensem.
 Ac prior 'Unde viri, quidve occultatis in armis?' 535

Non humili terrore rogat. Nec reddita contra
 Vox, fidamque negant suspecta silentia pacem.
 Ecce autem vasto Chthonii contorta lacerto,
 Quo duce freta cohors, fuscas intervola auras 540
 Hasta, sed audenti deus et fortuna recessit.

Per tamen Olenii tegimen suis atraque setis
 Terga super laevos humeros vicina cruori
 Effugit, et viduo iugulum ferit inrita ligno.
 Tunc horrere comae sanguisque in corde gelari.

Huc ferus atque illuc animum pallentiaque ira 545
 Ora ferens, nec tanta putat sibi bella parari.

'Ferte gradum contra, campoque erumpite aperto.

Quis timor audendi, quae tanta ignavia? Solus,
 Solus in arma voco.' Neque in his mora; quos ubi plures,

Quam ratus, innumeris videt excursare latebris, 550

Hos prodire iugis, illos e vallibus imis.

Crescere, nec paucos campo, totumque sub armis

Collucere iter, ut clausas indagine profert

In medium vox prima feras: quae sola medendi 555

Turbata ratione via est; petit ardua dirae

Sphingos et abscissis infringens cautibus uncas

Exuperat iuga dira manus, scopuloque potitus,

Unde procul tergo metus et via prona nocendi,

Saxum ingens, quod vix plena cervice gementes

Vertere humo murisque valent inferre iuveni, 560
 Rupibus avellit; dein toto sanguine nixus
 Sustinet, inmanem quaerens librare ruinam,
 Qualis in adversos Lapithas erexit inanem
 Magnanimus cratera Pholus. Stupet obvia leto
 Turba super stantem atque emissi turbine montis 565
 Obruitur; simul ora virum, simul arma manusque
 Fractaque commixto sederunt pectora ferro.
 Quattuor hic adeo deiecti mole sub una
 Congemuere, fuga tremefactum protinus agmen
 Excutitur coeptis. Neque enim temnenda iacebant 570
 Funera: fulmineus Dorylas, quem regibus ardens
 Aequabat virtus, Martisque e semine Theron
 Terrigenas confusus avos, nec vertere cuiquam
 Frena secundus Halys, sed tunc pedes occubat arvis,
 Pentheumque trahens nondum te Phaedimus aequo, 575
 Bacche, genus. Quorum ut subitis exterrita fatis
 Agmina, turbatam vidit laxare catervam,
 Quae duo sola manu gestans acclinia monti
 Fixerat, intorquet iacula et fugientibus addit.
 Mox in plana libens, nudo ne pectore tela 580
 Inciderent, saltu praeceps defertur, et orbem,
 Quem procul oppresso vidit Therone volutum,
 Corripuit, tergoque et vertice tegmine noto
 Septus et hostili propugnans pectora parma
 Constitit. Inde iterum densi glomerantur in unum 585
 Ogygidae firmantque gradum; trahit ocus ense
 Bistonium Tydeus, Mavortia munera magni
 Oeneos, et partes pariter divisus in omnes
 Hos obit, atque illos ferroque micantia tela
 Decutit; impeditant numero, seque ipsa vicissim 590
 Arma premunt, nec vis conatibus ulla, sed ipsae
 In socios errare manus, et corpora turba
 Involvi prolapsa sua: manet ille ruentes
 Angustus telis et inexpugnabilis obstat.
 Non aliter, Geticae si fas est credere Phlegrae, 595
 Armatum immensus Briareus stetit aethera contra,
 Hinc Phoebi pharetras, hinc torvae Palladis angues,

Inde Pelethroniam praefixa cuspidē pinum
 Martis, at hinc lasso mutata Pyracmonē temnens
 Fulmina, quū toto nequicquam obsessus Olympo 600
 Tot queritur cessare manus; non segnius ardet
 Huc illuc clipeum obiectans, seque ipse recedens
 Circuit, interdum trepidis occurrit et instat
 Spicula divellens, clipeo quae plurima toto
 Fixa tremunt armantque virum, saepe aspera passum 605
 Vulnēra, sed nullum vitae in secreta receptum,
 Nec mortem sperare valet. Rotat ipse furentem
 Deilochum, comitemque illi iubet ire sub umbras
 Phegea sublata minitantem bella securi,
 Dircaeumque Gyan et Echionium Lycophontem. 610
 Iam trepidi sese quaerunt numerantque, nec idem
 Caedis amor, tantamque dolent rarescere turbam.
 Ecce Chromis Tyrii demissus origine Cadmi, —
 Hunc uterū quondam Dryope Phoenissa gravato
 Rapta repente choris onerisque oblita ferebat, 615
 Dumque trahit prensis taurum tibi cornibus, Evan,
 Procidit impulsus nimis conatibus infans, —
 Tunc audax iaculis et capti pelle leonis
 Pinea nodosa quassabat robora clava
 Increpitans: 'Unusne viri tot caedibus unus 620
 Ibit ovans Argos? vix credet fama reverso!
 Heu socii, nullaene manus, nulla arma valebunt?
 Haec regi promissa, Cydon, haec, Lampe, dabamus?'
 Dum clamat, subit ore cavo Theumesia cornus,
 Nec prohibent fauces; atque illi voce repleta 625
 Intercepta natat prorupto in sanguine lingua.
 Stabat adhuc, donec transmissa morte per artus
 Labitur, inmorsaque cadens obmutuit hasta.
 Vos quoque, Thespiadae, cur infitatus honora
 Arcuerim fama? Fratrīs moribunda levabat 630
 Membra solo Periphas, — nil indole clarius illa,
 Nec pietate fuit, — laeva marcentia colla
 Sustentans dextraque latus; singultibus arcum
 Exhaust thoraca dolor, nec vincla coercent
 Undantem fletu galeam, quū multa gementi. 635

Pone gravis curvas perfringit lancea costas.
 Exit et in fratrem, cognataque pectora telo
 Conserit; ille oculos etiamnum in luce natantes
 Sistit et adspecta germani morte resolvit.
 At cui vita recens et adhuc in vulnere vires: 640
 'Hos tibi complexus, haec dent, ait, oscula nati.'
 Procubuere pares fati, miserabile votum
 Mortis, et alterna clausurunt lumina dextra.

Protinus idem ultro iaculo parmae Menoetem
 Proterrebat agens, trepidis vestigia retro 645
 Passibus urgentem, donec defecit iniqua
 Lapsus humo, pariterque manus distractus in ambas
 Orat et a iugulo nitentem sustinet hastam:

'Parce per has stellis interlabentibus umbras,
 Per superos noctemque tuam; sine, tristia Thebis 650
 Nuntius acta feram vulgique per ora paventis
 Contempto te rege canam: sic inrita nobis
 Tela cadant, nullique tuum penetrabile ferro
 Pectus, et optanti victor reveharis amico.'

Dixerat. Ille nihil vultum mutatus 'Inanes
 Perdis, ait, lacrimas, et tu, ni fallor, iniquo
 Pollicitus mea colla duci: nunc arma diemque
 Proice; quid sequeris timidae compendia vitae?
 Bella manent.' Simul haec, et crassum sanguine telum
 Iam redit; ille super dictis infensus amaris 660

Prosequitur victos: 'Non haec trieterica vobis
 Nox patrio de more venit, non Orgia Cadmi
 Cernitis, aut avidas Bacchum scelerare parentes.
 Nebridas et fragiles thyrsos portare putastis
 Inbellem ad sonitum, maribusque incognita veris 656
 Foeda Celenaea committere proelia buxo?

Hic aliae caedes, alius furor: ite sub umbras
 O timidi paucique!' Haec intonat: ast tamen illi
 Membra negant, lassusque ferit praecordia sanguis.
 Iam sublata manus cassos defertur in ictus, 670
 Tardatique gradus, clipeum nec sustinet umbo
 Mutatum spoliis, gelidus cadit imber anhelus
 Pectore, tum crines ardentiaque ora cruentis

Roribus et tetra morientum adspergine manant.
 Ut leo, qui campis longe custode fugato 675
 Massylas depastus oves, ubi sanguine multo
 Luxuriata fames, cervixque et tabe gravatae
 Consedere iubae, mediis in caedibus adstat
 Aeger, hians victusque cibus; nec iam amplius irae
 Crudescunt: tantum vacuis ferit aera malis, 680
 Molliaque eiecta delambit vellera lingua.

Ille etiam Thebas spoliis et sanguine plenus
 Isset, et attonitis sese populoque ducique
 Ostentasset ovans, ni tu, Tritonia virgo,
 Flagrantem multaque operis caligine plenum 685
 Consilio dignata virum: 'Sate gente superbi
 Oeneos, absentes cui dudum vincere Thebas
 Annuimus, iam pone modum nimiumque secundis
 Parce deis: huic una fides optanda labori.
 Fortuna satis usus abi.' Restabat acerbis 690
 Funeribus socioque gregi non sponte superstes
 Haemonides — ille haec praeviderat, omina doctus
 Aeros et nulla deceptus ab alite — Maeon,
 Nec veritus prohibere ducem. Sed fata monentem
 Privavere fide; vita miserandus inerti 695
 Damnatur; trepido Tydeus inmitia mandat:
 'Quisquis es Aonidum, quem crastina munere nostro
 Manibus exemptum mediis aurora videbit,
 Haec iubeo perferre duci: cinge aggere portas,
 Tela nova, fragiles aevo circumspice muros, 700
 Praecipue stipare viros densasque memento
 Multiplicare acies, fumantem hunc adspice late
 Ense meo campum: tales in bella venimus.'

Haec ait, et meritae pulchrum tibi Pallas honorem
 Sanguinea de strage parat, praedamque iacentem 705
 Comportat gaudens ingentiaque acta recenset.
 Quercus erat tenerae iam longum oblita iuventae
 Aggere camporum medio, quam plurimus ambit
 Frondibus incurvis et crudo robore cortex.
 Huic leves galeas perfossaque vulnere crebro 710
 Inserit arma ferens, huic truncos ictibus enses

Subligat et tractas membris spirantibus hastas.
Corpora tunc atque arma simul cumulata superstans
Incipit; oranti nox et iuga longa resultant:

 'Diva ferox, magni decus ingeniumque parentis 715
Bellipotens, cui torva genis horrore decoro
Cassis et adperso crudescit sanguine Gorgon,
Nec magis ardentem Mavors hastataque pugnae
Impulerit Bellona tubas, huic annue sacro,
Seu Pandionio nostras invisere caedes 720
Monte venis, sive Aonia devertis Ithone
Laeta choris, seu tu Libyco Tritone repexas
Lota comas, qua te huius temone frementem
Intemeratarum volucer rapit axis equarum:
Nunc ibi fracta virum spolia informesque dicamus 725
Exuvias. At si patriis Parthaonis arvis
Inferar, et reduci pateat mihi Martia Pleuron,
Aurea tunc mediis urbis tibi templa dicabo
Collibus, Ionias qua despectare procellas
Dulce sit, et flavo tollens ubi vertice pontum 730
Turbidus obiectas Achelous Echinadas exit.
Hic ego maiorum pugnas vultusque tremendos
Magnanimum effingam regum, figamque superbis
Arma tholis, quaeque ipse meo quaesita revexi
Sanguine, quaeque dabis captis, Tritonia, Thebis. 735
Centum ibi virgineis votae Calydonides aris
Actaeas tibi rite facies et ab arbore casta
Nectent purpureas niveo discrimine vittas,
Pervigilemque focus ignem longaeva sacerdos
Nutriet, arcanum numquam inspectura pudorem. 740
Tu bellis, tu pace feres de more frequentes
Primitias operum, non indignante Diana.
Dixerat, et dulces iter instaurabat ad Argos.

P. PAPINII STATII
THEBAIDOS
LIBER III.

At non Aoniae moderator perfidus aulae,
 Nocte sub ancipiti quamvis humentibus astris
 Longus ad auroram superet labor, otia somni
 Accipit; invigilant animo scelerisque parati
 Supplicium exercent curae; tunc plurima versat 5
 Pessimus in dubiis augur timor: 'Hei mihi, clamat,
 Unde morae? — nam prona ratus facilemque tot armis
 Tydea, nec numero virtutem animumque rependit, —
 Num regio diversa viae? num missus ab Argis
 Subsidio globus? an sceleris data fama per urbes 10
 Finitimas? paucosne, pater Gradive, manuve
 Legimus indecores? At enim fortissimus illic
 Et Chromis et Dorylas et nostris turribus aequi *Boc. 6.27*
 Thespiadae totos raperent mihi funditus Argos.
 Nec tamen ille meis, reor, impenetrabilis armis, 15
 Aere gerens solidoque datos adamante lacertos,
 Venerat; heu segnes, quorum labor haeret in uno,
 Si conserta manus.' Vario sic turbidus aestu
 Angitur, ac sese culpat super omnia, qui non
 Orantem in mediis legatum coetibus ense 20
 Perculerit foedasque palam satiaverit iras.
 Iam pudet incepti, iam poenitet. Ac velut ille
 Fluctibus Ioniis Calabrae datus arbiter alno
 Nec rudis undarum, portus sed linguere amicos
 Purior Olenii frustra gradus inpulit astri, 25
 Quum fragor hiberni subitus Iovis, omnia mundi
 Clausura tonant multusque polos inclinat Orion.

Ipse quidem malit terras pugnatque reverti,
 Fert ingens a puppe Notus, tunc arte relicta
 Ingemit et caecas sequitur iam nescius undas: 30
 Talis Agenoreus ductor coeloque morantem
 Luciferum et seros moerentibus increpat ortus.

Ecce sub occiduas versae iam noctis habenas
 Astrorumque obitus, ubi primum maxima Tethys
 Inpulit Eoo cunctantem Hyperiona ponto, 35
 Ima flagellatis, signum lugubre malorum,
 Ponderibus trepidavit humus, motusque Cithaeron
 Antiquas dedit ire nives; tunc visa levare
 Culmina septemnaeque iugo concurrere portae.

Et prope sunt causae: gelido remeabat Eoo 40
 Iratus fati et tristis morte negata

Hemonides; necdum ora patent, dubiusque notari
 Signa dabat magnae longe manifesta ruinae
 Planctuque et gemitu: lacrimas nam protinus omnes
 Fuderat. Haud aliter saltu devertitur orbis 45
 Pastor ab agrestum nocturna strage luporum,
 Cuius herile pecus silvis inopinus abegit
 Imber et hibernae ventosa cacumina lunae.
 Luce patent caedes; domino perferre recentes
 Ipse timet casus, haustaque informis arena 50
 Questibus inplet agros, stabulique silentia magni
 Odit et amissos longo ciet ordine tauros.

Illum congestae portarum ad limina matres
 Ut solum videre, nefas! nulla agmina circum,
 Magnanimosque duces nihil ausae quaerere, tollunt 55
 Ciamorem, bello qualis supremus apertis
 Urbibus, aut pelago iam descendente carina.

Ut primum invisi cupidus data copia regis:
 'Hanc tibi de tanto donat ferus agmine Tydeus
 Infelicem animam, sive haec sententia divum, 60
 Seu fortuna fuit, seu, quod pudet ore fateri,
 Vis invicta viri; vix credo et nuntius, omnes
 Procubuere, omnes. Noctis vaga lumina testor
 Et socium manes et te, mala protinus ales,
 Qua redeo, non hanc lacrimis meruisse nec astu 65

Crudelem veniam atque inhonoraè munera lucis.
 Sed mihi iussa deum placitoque ignara moveri
 Atropos, atque olim non haec data ianua leti
 Eripuere necem; iamque ut mihi prodiga vitae
 Pectora, et extremam nihil horrescentia mortem 70
 Adspicias: bellum infandum ominibusque negatam
 Movisti, funeste, aciem, dum pellere leges
 Et consanguineo gliscis regnare superbus
 Exule; te series orbarum excisa domorum
 Placitibus assiduis, te diro horrore volantes 75
 Quinquaginta animae circum noctesque diesque
 Assillent; neque enim ipse moror.' Iam moverat iras
 Rex ferus, et tristes ignescunt sanguine vultus.

Inde ultro Phlegyas et non cunctator iniqui
 Labdacus, hos regni ferrum penes, ire manuque 80
 Proturbare parant. Sed iam nudaverat ens
 Magnanimus vates, et nunc trucis ora tyranni,
 Nunc ferrum adspiciens: 'Numquam tibi sanguinis huius
 Ius erit, aut magno feries inperdita Tydeo
 Pectora; vado equidem exultans ereptaque fata 85
 Insequor et comites feror expectatus ad umbras.
 Te superis fratrique' —! Et iam media orsa loquentis
 Abstulerat plenum capulo latus; ille dolori
 Pugnat et ingentem nixu duplicatus in ictum
 Corruit, extremisque animae singultibus errans 90
 Alternus nunc ore venit, nunc vulnere sanguis.

. Excussae procerum mentes, turbataque mussant
 Concilia: ast illum coniux fidiq̃ue parentes
 Servantem vultus et torvum in morte peracta,
 Nec longum reducem laetati in tecta ferebant. 95

Sed ducis infandi rabidae non hactenus irae
 Stare queunt; vetat igne rapi, pacemque sepulcri
 Inpiis ignaris nequicquam manibus arcet.

Tu tamen egregius fati mentisque, nec umquam
 Indignum passure situm, qui cominus ausus 100
 Vadere contemptum regis, quaque ampla veniret
 Libertas sancire viam: quo carmine dignam,
 Quo satis ore tuis famam virtutibus addam,

Augur amate deis? Non te coelestia frustra
 Edocuit lauroque sua dignatus Apollo est, 105
 Et nemorum Dodona parens Cyrrhaeaeque virgo
 Audebit tacito populos suspendere Phoebo.
 Nunc quoque Tartareo multum divisus Averno
 Elysias, i, carpe plagas, ubi manibus axis
 Inuius Ogygiis, nec sontis iniqua tyranni 110
 Iussa valent; durant habitus et membra cruentis
 Inviolata feris, nudoque sub axe iacentem
 Et nemus et tristis volucrum reverentia servat.
 At nuptae exanimes puerique aegrique parentes
 Moenibus effusi per plana, per invia, passim 115
 Quisque suas avidi ad lacrimas miserabile currunt
 Certamen, quos densa gradu comitantur euntes
 Millia solandi studio, pars visere flagrant
 Unius acta viri et tantos in nocte labores.
 Fervet iter gemitu, et plangoribus arva reclamant. 120
 Ut vero infames scopulos silvamque nefandam
 Perventum, ceu nulla prius lamenta nec atri
 Manassent imbres, sic ore miserrimus uno
 Exoritur fragor, adspectuque accensa cruento
 Turba furit: stat sanguineo discissus amictu 125
 Luctus atrox caesoque invitat pectore matres.
 Scrutantur galeas frigentam inventaque monstrant
 Corpora, prociduae super externosque suosque.
 Hae pressant in tabe comas, hae lumina signant
 Vulneraque alta replent lacrimis, pars spicula dextra 130
 Nequicquam parcente trahunt, pars molliter aptant
 Brachia trunca loco et cervicibus ora reponunt.
 At vaga per dumos vacuque in pulvere campi
 Magna parens iuvenum, gemini tunc funeris, Ide
 Squalentem sublata comam liventiaque ora 135
 Ungue premens, nec iam infelix miserandaque, verum
 Terror inest lacrimis, per et arma et corpora passim
 Caniciem inpexam dira tellure volutans,
 Quaerit inops natos omnique in corpore plangit.
 Thessalis haud aliter bello gavis a recenti, 140
 Cui gentile nefas hominem revocare canendo,

Multifida attollens antiqua lumina cedro,
 Nocte subit campos versatque in sanguine functum
 Vulgus, et explorat manes, cui plurima busto
 Imperet ad superos: animarum moesta queruntur 145
 Concilia, et nigri pater indignatur Averni.

Illi in secessu pariter sub rupe iacebant
 Felices, quos una dies, manus abstulit una,
 Pervia vulneribus media trabe pectora nexi.
 Ut vidit lacrimisque oculi patuere profusis: 150

‘Hosne ego complexus, genetrix, haec oscula, nati,
 Vestra tuor? sic vos extremo in fine ligavit
 Ingenium crudele necis? quae vulnera tractem,
 Quae prius ora premam? vosne illa potentia matris,
 Vos uteri fortuna mei, qua tangere divos 155
 Rebar et Ogygias titulis anteire parentes?

At quanto melius dextraque in sorte iugatae,
 Quis steriles thalami nulloque ululata dolore
 Respexit Lucina domum! Mihi quippe malorum
 Causa labor; sed nec bellorum in luce patenti 160
 Conspicui factis aeternaque gentibus ausi,
 Quaesistis miserae vulnus memorabile matri,
 Sed mortem obscuram miserandaque funera passi.
 Heu quantus furto cruor et sine laude iacetis!

Quin ego non dexteras miseris complexibus ausim 165
 Dividere et tanti consortia rumpere leti:
 Ite diu fratres indiscretique supremis
 Ignibus et caros urna confundite manes!’

Nec minus interea digesta strage suorum
 Hinc Chthonium coniux, hinc mater Penthea clamat 170
 Aestyche, puerique rudes tua, Phaedime, proles
 Amissum didicere patrem, Marpissaque pactum
 Phyllea, sanguineumque lavant Acamanta sorores.

Tunc ferro retegunt silvas, collisque propinqui
 Annosum truncant apicem, qui conscius actis 175
 Noctis et inspexit gemitus; ibi grandior aevo
 Ante rogos, dum quisque suo nequit igne revelli,
 Concilium infaustum dictis mulcebat Alethes:

‘Saepe quidem infelix, varioque exercita ludo

Haec sator astrorum iamdudum e vertice mundi
 Prospectans primoque inbutas sanguine gentes,
 Gradivum acciri propere iubet. Ille furentes 220
 Bistonas, et Geticas populatus caedibus urbes,
 Turbidus aetherias currus urgebat ad arces,
 Fulmine cristatum galeae iubar armaque in auro
 Tristia, terrificis monstorum animata figuris,
 Incutiens: tonat axe polus clipeique cruenta 225
 Lux rubet, et solem longe ferit aemulus orbis.
 Hunc ubi Sarmaticos etiamnum efflare labores
 Iuppiter et tota perfusum pectora belli
 Tempestate videt: 'Talis mihi, nate, per Argos,
 Talis abi, sic ense madens, hac nubilus ira. 230
 Exturbent resides frenos, et cuncta perosi
 Te cupiant, tibi praecipites animasque manusque
 Devoveant, rape cunctantes et foedera turba,
 Quae dedimus, tibi fas ipsos incendere bello
 Coelicolas pacemque meam. Iam semina pugnae 235
 Ipse dedi; remeat portans inmania Tydeus
 Ausa ducis, scelus et turpis primordia belli,
 Insidias fraudesque, suis quas ultus in armis.
 'Adde fidem. Vos o superi, meus ordine sanguis,
 Ne pugnat odiis, neu me temptare precando 240
 Certetis: sic fata mihi nigraeque sororum
 Iuravere colus; manet haec ab origine mundi
 Fixa dies bello populi in proelia nati.
 Quid ni me veterum poenas sancire malorum
 Gentibus et diros sinitis punire nepotes? 245
 Arcem hanc aeternam, mentis sacraria nostrae,
 Testor et Elysios etiam mihi numina fontes,
 Ipse manu Thebas correptaque moenia fundo
 Excutiam versasque solo super Inacha tecta
 Effundam turres, ac stagna in caerula vertam 250
 Imbre superiecto, licet ipsa in turbine rerum
 Iuno suos colles templumque amplexa laboret.'
 Dixit, et attoniti iussis, mortalia credas
 Pectora, sic cuncti vocemque animosque tenebant.
 Non secus ac longa ventorum pace solutum 255

Aequor et inbelli recubant ubi litora somno,
 Silvarumque comas et abacto flamine nubes
 Mulcet iners aestas; tunc stagna lacusque sonori
 Detumuere, tacent exhausti solibus amnes.

Gaudet ovans iussis, et adhuc temone calenti 260
 Fervidus in laevum torquet Gradivus habenas.

Iamque iter extremum coelique abrupta tenebat,
 Quum Venus ante ipsos nulla formidine gressum
 Figit equos; cessere retro iam iamque rigentes
 Suppliciter posuere iubas. Tunc pectora summo 265
 Acclinata iugo vultumque obliqua madentem
 Incipit, — interea dominae vestigia iuxta
 Spumantem proni mandunt adamanta iugales —:

‘Bella etiam in Thebas, socer o pulcherrime, bella
 Ipse paras ferroque tuos abolere nepotes? 270

Nec genus Hermiones, nec te conubia coelo
 Festa, nec hae quicquam lacrimae, furibunde, morantur?
 Criminis haec merces? hoc fama pudorque relictus,
 Hoc mihi Lemniacae de te meruere catenae?

Perge libens: at non eadem Vulcania nobis 275
 Obsequia, et laesi servit tamen ira mariti.

Illum ego perpetuis mihi desudare caminis
 Si iubeam, vigilesque operi transmittere noctes,
 Gaudeat ornatusque novos ipsique laboret
 Arma tibi; tu! — sed scopulos et athena precando 280

Flectere corda paro; solum hoc tamen anxia, solum
 Obtestor, quid me Tyrio sociare marito

Progeniem caram infaustisque dabas hymenaeis?
 Dum fore praeclaros armis et vivida rebus

Pectora vipereo Tyrios de sanguine iactas, 285
 Demissumque Iovis serie genus; ah! mea quanto

Sithonia malle nupsisset virgo sub Arcto
 Trans Boream Thracasque tuos. Indigna parumne

Pertulimus, divae Veneris quod filia longum
 Reptat et Illyricas electat virus in herbas? 290

Nunc gentem inmeritam! —! Lacrimas non pertulit ultra
 Bellipotens, hastam laeva transumit et alto,
 Haud mora, desiluit curru, clipeoque receptam

Laedit in amplexu dictisque ita mulcet amicis:	
‘O mihi, bellorum requies et sacra voluptas	295
Unaque pax animo! soli cui tanta potestas	
Divorumque hominumque meis occurrere telis	
Inpune, et media quamvis in caede frementes	
Hos assistere equos, hunc ense avellere dextra.	
Nec mihi Sidonii genitalia foedera Cadmi,	300
Nec tua cara fides — ne falsa incessere gaude —	
Exciderunt: prius in patrui deus infera mergar	
Stagna et pallentes agar exarmatus ad umbras.	
Sed nunc fatorum monitus mentemque supremi	
Iussus obire patris, neque enim Vulcania tali	305
Imperio manus apta legi, quo pectore contra	
Ire Iovem dictasque parem contemnere leges,	
Cui modo, pro vires! terras coelumque fretumque	
Attremere oranti tantosque ex ordine vidi	
Delituisse deos? Sed ne mihi corde supremos	310
Concipe, cara, metus, quando haec mutare potestas	
Nulla datur, quum iam Tyriis sub moenibus ambae	
Bellabunt gentes, adero et socia arma iuvabo.	
Tunc me sanguineo late defervere campo	
Res super Argolicas haud sic delecta videbis:	315
Hoc mihi ius, nec fata vetant.’ Sic orsus aperto	
Flagrantes inmisit equos. Non ocus alti	
In terras cadit ira Iovis, si quando nivalem	
Othryn et Arctoe gelidum caput institit Ossae	
Armavitque in nube manum: volat ignea moles	320
Saeva dei mandata ferens, coelumque trisulca	
Territat omne coma, iamdudum aut ditibus agris	
Signa dare, aut ponto miseros involvere nautas.	
Iamque remensus iter fesso Danaeia Tydeus	
Arva gradu viridisque legit devexa Prosymnae	325
Terribilis visu: stant fulti pulvere crines,	
Squalidus ex humeris cadit alta in vulnera sudor,	
Insomnesque oculos rubor excitat, oraque retro.	
Sorbet anghela sitis; mens altum spirat honorem	
Conscia factorum. Sic nota in pascua taurus	330
Bellator redit, adverso cui colla suoque	

Sanguine proscissisque natant palearibus armi.
 Tunc quoque lassa tumet virtus multumque superbit
 Pectore despecto; vacua iacet hostis arena
 Turpe gemens crudosque vetat sentire dolores. 335
 Talis erat; medias etiam non destitit urbes,
 Quidquid et Asopon veteresque interiacet Argos
 Inflammare odiis, multumque et ubique retexens
 Legatum sese Graia de gente petendis
 Isse super regnis profugi Polynicis, at inde 340
 Vim, noctem, scelus, arma, dolos, ea foedera passum
 Regis Echionii, fratri sua iura negari.
 Prona fides populis. Deus omnia credere suadet
 Armipotens, geminatque acceptos fama pavores.
 Utque introgressus portas — et forte verendos 345
 Concilio pater ipse duces cogeat Adrastus, —
 Improvisus adest, iam illinc a postibus aulae,
 Vociferans: 'Arma, arma viri, tuque optime Lernaee
 Ductor, magnanimum si quis tibi sanguis avorum,
 Arma para. Nusquam pietas, non gentibus aequum 350
 Fas aut cura Iovis; melius legatus adissem
 Sauromatas avidos servatoremque cruentum
 Bebrycii nemoris; nec iussa incuso pigetve
 Officii, iuvat isse, iuvat, Thebasque nocentes
 Explorasse manu; bello me, credite, bello, 355
 Ceu turrim validam aut arctam compagibus urbem,
 Delecti insidiis instructique omnibus armis
 Nocte doloque viri nudum ignarumque locorum
 Nequicquam clausere; iacent in sanguine mixti
 Ante urbem vacuam. Nunc o, nunc tempus in hostes, 360
 Dum trepidi exanguesque metu, dum funera portant,
 Dum capulo nondum manus excidit; ipse ego fessus
 Quinquaginta illis heroum inmanibus umbris
 Vulneraque ista ferens putri insiccata cruore
 Protinus ire peto.' Trepidi de sedibus adstant 365
 Inachidae, cunctisque prior Cadmeius heros
 Accurrit vultum deiectus et 'En ego divis
 Invisus vitaeque nocens haec vulnera cerno
 Integer? hosne mihi reditus, germane, parabas?

In me haec tela dabas? pro vitae foeda cupido! 370
 Infelix, facinus fratri tam grande negavi.
 Et nunc vestra quidem maneant in pace serena
 Moenia, nec vobis tanti sim causa tumultus
 Hospes adhuc. Scio, nec me adeo res dextra levavit,
 Quam durum natis, thalamo quam triste revelli, 375
 Quam patria; non me ullius domus anxia culpet
 Respectentque truces obliquo lumine matres.
 Ibo libens certusque mori, licet optima coniux
 Auditusque iterum revocet socer; hunc ego Thebis,
 Hunc, germane, tibi iugulum et tibi, maxime Tydeu, 380
 Debeo.' Sic variis praetemptat pectora dictis
 Obliquatque preces; commotae questibus irae
 Et mixtus lacrimis caluit dolor. Omnibus ultro
 Non iuvenum modo, sed gelidis et inertibus aevo
 Pectoribus mens una subit, viduare penates, 385
 Finitimas adhibere manus, iamque ire. Sed altus
 Consiliis pater imperiique haud flectere molem
 Inscius: 'Ista quidem superis curaeque medenda
 Linquite, quaeso, meae, nec te germanus inulto
 Sceptra geret, neque vos avidi promittere bellum.. 390
 At nunc egregium tantoque in sanguine ovantem
 Excipite Oeniden, animosque et pectora laxet
 Sera quies: nobis dolor haud rationis egebit.'
 Turbati extemplo comites et pallida coniux
 Tydea circum omnes fessum bellicue viaeque 395
 Stipantur. Laetus mediis in sedibus aulae
 Constitit, ingentique exceptus terga columna,
 Vulnera dum lymphis Epidaurius eluit Idmon,
 Nunc velox ferro, nunc ille potentibus herbis
 Mitior. Ipse alta seductus mente renarrat 400
 Principia irarum, quaeque orsus uterque vicissim,
 Quis locus insidiis, tacito quae tempora bello,
 Qui contra, quantique duces, ubi maximus illi
 Sudor, et indicio servatum Maeona tristi
 Exponit. Cui fida manus procuresque socerque 405
 Adstupet oranti, Tyriusque incenditur exul.
 Solverat Hesperii devexo margine ponti

- Flagrantes sol pronus equos rutilamque lavabat
 Oceani sub fonte comam, cui turba profundi
 Nereos et rapidis accurrunt passibus Horae; 410
 Frenaque et auratae textum sublime coronae
 Deripiunt, laxant roseis humentia loris
 Pectora, pars meritis vertunt ad molle iugales
 Gramen et erecto currum temone supinant.
 Nox subiit curasque hominum motusque ferarum 415
 Composuit nigroque polos involvit amictu.
 Illa quidem cunctis, sed non tibi mitis, Adraste,
 Labdacioque duci: nam Tydea largus habebat
 Perfusum magna virtutis imagine somnus.
 Et iam noctivagas inter deus armiger umbras 420
 Desuper Arcadiae fines Nemeaeaeque rura
 Taenariumque cacumen Apollineasque Therapnas
 Armorum tonitru ferit et trepidantia corda
 Inplet amore sui. Comunt Furor Iraque cristas,
 Frena ministrat equis Pavor armiger. At vigil omni 425
 Fama sono varios rerum succincta tumultus
 Ante volat curram flatuque inpulsa gementum
 Alipedum trepidas denso cum murmure plumas
 Excutit: urget enim stimulis auriga cruentis
 Facta, infecta loqui, curruque infestus ab alto 430
 Terga comasque deae Scythica pater increpat hasta.
 Qualis ubi Aeolio dimissos carcere ventos
 Dux prae se Neptunus agit magnoque volantes
 Inicit Aegaeo; tristis comitatus eunti
 Circum lora fremunt nimbiue hiemesque profundae 435
 Nubilaque et vulso terrarum sordida fundo
 Tempestas, dubiae motis radicibus obstant
 Cyclades; ipsa tua Mycono Gyaroque revelli,
 Dele, times, magnique fidem testaris alumni.
 Septima iam nitidum terris Aurora deisque 440
 Purpureo vehit ore diem, Perseius heros
 Quum primum arcana senior sese extulit aula,
 Multa super bello generisque tumentibus amens
 Incertusque animi, daret armis iura ferosque
 Gentibus incuteret stimulos, an frena teneret 445

Irarum et motos capulis adstringeret enses.
 Hinc pacis tranquilla movent, atque inde pudori
 Foeda quies, flectique nova dulcedine pugnae
 Difficiles populi; dubio sententia tandem
 Sera placet, vatum mentes ac provida veri 450
 Sacra movere deum. Solers tibi cura futuri,
 Amphiaræ, datur, iuxtaque Amythaone cretus
 Iam senior, sed mente virens Phoeboque Melampus
 Associat passus: dubium, cui dexter Apollo,
 Oraque Cyrrhaea satiarit largius unda. 455
 Principio fibris pecudumque in sanguine divos
 Explorant; iam tum pavidis maculosa bidentum
 Corda negant diraque nefas minitanti vena.
 Ire tamen, vacuoque sedet petere omina coelo.
 Mons erat audaci seductus in aethera dorso, 460
 Nomine Lernaei memorant Aphasanta coloni,
 Gentibus Argolicis olim sacer; inde ferebant
 Nubila suspensio celerem temerasse volatu
 Persea, quum raptos pueri perterrita mater
 Prospexit de rupe gradus ac paene secuta est. 465
 Huc gemini vates sanctam canentis olivæ
 Fronde comam et niveis ornati tempora vittis
 Evadunt pariter, madidos ubi lucidus agros
 Ortus et argentes laxavit sole pruinas.
 Ac prior Oeclides solita prece numen amicat: 470
 'Iuppiter omnipotens — nam te pernicibus alis
 Addere consilium volucresque implere futuri,
 Ominaque et causas coelo deferre latentes
 Accipimus — non Cyrrha deum promiserit antro
 Certius, aut frondes lucis quas fama Molossis 475
 Chaonias sonuisse tibi, licet aridus Hammon
 Invideat Lyciæque parent contendere sortes
 Niliacumque pecus patrioque aequalis honori
 Branchus, et undosæ qui rusticus accola Pisæ
 Pana Lycaonia nocturnum exaudit in umbra. 480
 Ditiior ille animi, cui tu, Dictææ, secundas
 Impuleris manifestus aves. Mirum unde, sed olim
 Hic honor alitibus, superæ seu conditor aulae

Sic dedit, effusum chaos in nova semina texens,
 Seu quia mutatae nostraeque ab origine versis 485
 Corporibus subiere Notos, seu purior axis
 Amotumque nefas et rarum insistere terris
 Vera docent; tibi summa, sator terraeque deumque,
 Scire licet: nos Argolicae primordia pugnae
 Venturumque sinas coelo praenosse laborem. 490
 Si datur et duris sedet haec sententia Parcis
 Solvere Echionias Lernaea cuspide portas,
 Signa feras laevusque tones; tunc omnis in astris
 Consonet arcana volucris bona murmura lingua.
 Si prohibes, hic nocte moras dextrisque profundum 495
 Alitibus praetexe diem.' Sic fatus, et alto
 Membra locat scopulo, tunc plura ignotaque iungit
 Numina et inmensi fruitur caligine mundi.

Postquam rite diu partiti sidera cunctas
 Perlegere animis oculisque sequacibus auras, 500
 Tunc Amythaonius longo post tempore vates:
 'Nonne sub excelso spirantis limite coeli,
 Amphiarae, vides, cursus ut nulla serenos
 Ales agat liquidoque polum complexa meatu
 Pendeat, aut fugiens placabile planxerit omen? 505
 Non comes obscurus tripodum, non fulminis ardens
 Vector adest flavaeque sonans avis unca Minervae,
 Non venit auguriis melior, quin vultur et altis
 Desuper accipitres exultavere rapinis.
 Monstra volant, dirae strident in nube volucres, 510
 Nocturnaeque gemunt striges et feralia bubo
 Damna canens. Quae prima deum portenta sequemur?
 Hisne dari, Thymbraeae, polum? simul ora recurvo
 Ungue secant rabidae planctumque imitantibus alis
 Exagitant Zephyros et plumea pectora caedunt.' 515

Ille sub haec: 'Equidem varii, pater, omina Phoebi
 Saepe tuli, iam tunc prima quum pube virentem
 Semideos inter pinus me Thessala reges
 Duceret; hic casus terraeque marisque canentem
 Obstupuere duces; nec me ventura locuto 520
 Saepius in dubiis auditus Iasoni Mopsus,

Sed similes non ante metus aut astra notavi
 Prodigiosa magis, quamquam maiora parantur.
 Huc adverte animum; clara regione profundum
 Aetheros innumeri statuerunt agmina cygni, 525
 Sive hos Strymonia Boreas eiecit ab Arcto,
 Seu foecunda refert placidi clementia Nili.
 Fixerunt cursus, hac rere in imagine Thebas.
 Nam sese inmoti gyro atque in pace silentes
 Ceu muris valloque tenent. Sed fortior ecce 530
 Adventat per inane cohors; septem ordine fulvo
 Armigeros summi Iovis exultante caterva
 Intuor, Inachii sunt hi tibi, concipe, reges.
 Invasere globum nivei gregis; uncaque pandunt
 Caedibus ora novis et strictis unguibus instant. 535
 Cernis inexperto rorantes sanguine ventos,
 Et plumis stillare diem, quam saeva repente
 Victores agitat leto Iovis ira sinistri?
 Hic excelsa petens subita face solis inarsit
 Submititque animos, illum vestigia adortum 540
 Maiorum volucrum tenerae deponitis alae.
 Hic hosti implicitus pariter ruit, hunc fuga retro
 Volvit agens sociae linquentem fata catervae.
 Hic nimbo glomeratus obit, hic praepete viva
 Pascitur inmorians: spargit cava nubila sanguis. 545
 Quid furtim lacrimas? illum, venerande Melampu,
 Qui cadit, agnosco? Trepidus sic mole futuri
 Cunctaque iam rerum certa sub imagine passos
 Terror habet vates; piget inrupisse volantum
 Concilia et coelo mentem insertasse vetanti. 550
 Auditique odere deos; unde iste per orbem
 Primus venturi miseris animantibus aeger
 Crevit amor? divumne feras hoc munus, an ipsi
 Gens avida et parto non umquam stare quieti?
 Eruimus, quae prima dies, ubi terminus aevi, 555
 Quid bonus ille deum genitor, quid ferrea Clotho
 Cogitet; hinc fibrae et volucrum per nubila sermo,
 Astrorumque vices numerataque semita lunae
 Thessalicumque nefas. At non prior aureas ille

Sanguis avum, scopulisque satae vel robore gentes 560
 Mentibus hoc ausae; silvas amor unus humumque
 Edomuisse manu; quid crastina volveret aetas
 Scire nefas homini; nos pravum ac debile vulgus
 Scrutati penitus superos: hinc pallor et irae,
 Hinc scelus insidiaeque et nulla modestia voti. 565

Ergo manu vittas damnataque vertice sarta
 Deripit, abiectaque inhonorus fronde sacerdos
 Inviso de monte redit; iam bella tubaeque
 Cominus, absentesque fremunt sub pectore Thebae.
 Ille nec adspectum vulgi, nec fida tyranni 570
 Colloquia aut coetus procerum perferre, sed atra
 Sede tegi, et superum clausus negat acta fateri.
 Te pudor et curae retinent per rura, Melampu.

Bissenno premit ora die populumque ducesque
 Extrahit incertis. Et iam suprema Tonantis 575

Iussa fremunt, agrosque viris annosaque vastant
 Oppida; bellipotens prae se deus agmina passim
 Mille rapit; liquere domos dilectaque laeti
 Conubia et primo plorantes limine natos:
 Tantus in attonitos cecidit deus. Arma paternis 580

Postibus et fixos superum ad penetralia currus
 Vellere amor; tunc fessa putri rubigine tela
 Horrentesque situ gladios in saeva recurvant
 Vulnere et attrito cogunt iuvenescere saxo.
 Hi teretes galeas magnorumque aerea suta 585

Thoracum et tunicas chalybum squalore crepantes
 Pectoribus temptare, alii Gortynia lentant
 Cornua; iam falces avidis et aratra caminis
 Rastraque et incurvi saevum rubuere ligones.
 Caedere nec validas sanctis e stirpibus hastas, 590
 Nec pudor emerito clipeum vestisse iuvenco.

Inrupere Argos, moestique ad limina regis
 Bella animis, bella ore fremunt; it clamor ad auras,
 Quantus Tyrrheni gemitus salis, aut ubi temptat
 Enceladus mutare latus; procul igneus antris 595
 Mons tonat, exundant apices fluctusque Pelorus
 Contrahit, et sperat tellus abrupta reverti.

Atque hic ingenti Capaneus Mavortis amore
 Excitus et longam pridem indignantia pacem
 Corda tumens — huic ampla quidem de sanguine prisco 600
 Nobilitas; sed enim ipse manu praegressus avorum
 Facta, diu tuto superum contemptor et aequi
 Inpatiens largusque animae, modo suaserit ira —
 Unus ut e silvis Pholoes habitator opacae
 Inter et Aetnaeos aequus consurgere fratres, 605
 Ante fores, ubi turba ducum vulgigue frementis,
 Amphiaræ, tuas. 'Quæ tanta ignavia, clamat,
 Inachidae? vosque o socio de sanguine Achivi
 Unius, heu pudeat! plebeia ad limina civis,
 Tot ferro accinctæ gentes animisque paratæ 610
 Pendemus? Non si ipse cavo sub vertice Cyrrhæ,
 Quisquis is est timidus famæque ita visus, Apollo
 Mugiat insano penitus seclusus in antro,
 Expectare queam, dum pallida virgo tremendas
 Nuntiet ambages. Virtus mihi numen et ensis, 615
 Quem teneo; iamque huc timida cum fraude sacerdos
 Exeat, aut hodie, volucrum quæ tanta potestas,
 Experiar.' Laetum fremit, assensuque furentem
 Inplet Achæa manus; tandem prorumpere adactus
 Oeclides, alio curarum agitante tumultu: 620
 'Non equidem effreno iuvenis clamore profani
 Dictorumque metu, licet hic insana minetur,
 Elicior tenebris; alio mihi debita fato
 Summa dies, vetitumque dari mortalibus armis.
 Sed me vester amor nimiusque arcana profari 625
 Phoebus agit; vobis ventura atque omne, quod ultra est,
 Pandere moestus eo: nam te, vesane, moneri
 Ante nefas, unique silet tibi noster Apollo.
 Quo miseri fati superisque obstantibus arma,
 Quo raptis? quæ vos Furiarum verbera caecos 630
 Exagitant? adeone animarum taedet? et Argos
 Exosi? nil dulce domi? nulla omina curæ?
 Quid me Persei secreta ad culmina montis
 Ire gradu trepido superosque inrumpere coetus
 Egistis? Potui pariter nescire, quis armis 635

Casus et atra dies; quae fati exordia cunctis,
 Quae mihi; consulti testor penetralia mundi
 Et volucrum affatus et te, Thymbraee, vocanti
 Non alias tam saeve mihi, quae signa futuri
 Pertulerim; vidi ingentis portenta ruinae. 640

Vidi hominum divumque nefas hilaremque Megaeram,
 Et Lachesim putri vacuantem saecula penso.

‘Proicite arma manu: deus ecce furentibus obstat,
 Ecce deus. Miseri quid pulchrum sanguine victo
 Aoniam et diri saturare novalia Cadmi? 645

Sed quid vana cano, quid fixos arceo casus?
 Ibimus.’ Hic presso gemuit simul ore sacerdos.

Illum iterum Capaneus: ‘Tuus o furor, augur, et uni
 Ista tibi, ut serves vacuos inglorius Argos,

Et tua non umquam Tyrrhenus tempora circum 650
 Clangor eat. Quid vota virum meliora moraris?
 Scilicet ut vanis avibus natoque domoque

Et thalamis potiare iacens, sileamus inulti
 Tydeos egregii perfossum pectus et arma
 Foederis abrupti? quodsi bella efferat Graios 655

Ferre vetas, i Sidonios legatus ad hostes.
 Haec pacem tibi certa dabunt: tua prorsus inani

Verba polo causas abstrusaque semina rerum
 Eliciunt? miseret superum, si carmina curae
 Humanaeque preces. Quid inertia pectora terres? 660

Primus in orbe deos fecit timor, et tibi tuto
 Nunc eat iste furor. Sed prima ad classica quum iam

Hostilem Ismenon galeis Diricenque bibemus,
 Ne mihi tunc, moneo, lituos atque arma volenti,

Obvius ire pares ventisque aut alite visa 665
 Bellorum proferre diem. Procul haec tibi mollis
 Infula terrificique aberit dementia Phoebi.

Illic augur ego et mecum quicumque parati
 Insanire manu.’ Rursus fragor intonat ingens

Hortantum et vasto subter volat astra tumultu. 670
 Ut rapidus torrens, animos cui verna ministrant
 Flamina et exuti concreto frigore colles,

Quum vagus in campos frustra prohibentibus exit

Obicibus, resonant permixto turbine tecta,
 Arva, armenta, viri, donec stetit inprobus alto 675
 Colle minor magnoque invenit in aggere ripas.
 Haec alterna ducum nox interfusa diremit.

At gemitus—Argia viri non amplius aequo
 Corde ferens sociumque animo miserata dolorem,
 Sicut erat pridem laceris turbata capillis 680
 Et fletu signata genas, ad celsa verendi
 Ibat tecta patris, parvumque sub ubere caro
 Thessandrum portabat avo iam nocte suprema
 Ante novos ortus, ubi sola superstite plaustro
 Arctos ad oceanum fugientibus invidet astris. 685

Utque fores iniit magnoque affusa parenti est:
 'Cur tua cum lacrimis moestio sine coniuge supplex
 Limina nocte petam, cessem licet ipsa profari,
 Scis genitor. Sed iura deum genitalia testor, 690
 Teque pater, non ille iubet, sed pervigil angor,
 Ex quo primus Hymen movitque infausta sinistram
 Iuno facem, semper lacrimis gemituque propinquo
 Exturbata quies. Non si mihi tigridis horror
 Aequoreaeque super rigeant praecordia cautes,
 Ferre queam: tu solus opem, tu summa medendi 695
 Iura tenes; da bella, pater, generique iacentis
 Adspice res humiles, atque hanc, pater, adspice prolem
 Exulis; huic olim generis pudor. O ubi prima
 Hospitia et iunctae testato numine dextrae!

Hic certe est, quem fata dabant, quem dixit Apollo. 700
 Non egomet tacitos Veneris furata calores
 Culpata me facem, tua iussa verenda tuosque
 Dilexi monitus; nunc qua feritate dolentis
 Despiciam questus? nescis, pater optime, nescis,
 Quantus amor causae misero nupsisse marito. 705
 Et nunc moesta quidem grave et inlaetabile munus
 Ut timeam doleamque, rogo. Sed quum oscula rumpet
 Moesta dies, quum rauca dabunt abeuntibus armis
 Signa tubae saevoque genas fulgebitis auro,
 Hei mihi! care parens, iterum fortasse rogabo.' 710

Illius humenti carpens pater oscula vultu:

‘Non equidem has umquam culparim, nata, querelas;
Pone metus, laudanda rogas nec digna negari.
Sed mihi multa dei, nec tu sperare, quod urges,
Desine, multa metus regnique volubile pondus 715
Subiciunt animo. Veniet, qui debitus istis,
Nata, modus, nec te incassum flevisse quereris.
Tu solare virum, neu sint dispendia iustae
Dura morae: magnos cunctamur, nata, paratus.
Proficitur bello.’ Dicentem talia nascens 720
Lux movet, ingentesque iubent assurgere curae.

P. PAPINII STATII

T H E B A I D O S

L I B E R IV.

Tertius horrentem Zephyris laxaverat annum
 Phoebus, et angustum cogebat limite verno.
 Longius ire diem, quum fracta impulsaque fatis
 Consilia et tandem miseris data copia belli.
 Prima manu rutilam de vertice Larissaeo 5
 Ostendit Bellona facem, dextraque trabalem
 Hastam intorsit agens, liquido quae stridula coelo
 Fugit et Aoniae celso stetit aggere Dirces.
 Mox et castra subit, ferroque auroque coruscis
 Mixta viris turmale fremit; dat euntibus enses, 10
 Plaudit equos, vocat ad portas; hortamina fortes
 Praeveniunt, timidisque etiam brevis addita virtus.
 Dicta dies aderat. Cadit ingens rite Tonanti
 Gradivoque pecus, nullisque secundus in extis
 Pallet et armatis simulat sperare sacerdos. 15
 Iamque suos circum pueri nuptaeque patresque
 Funduntur mixti, summisque a postibus obstant.
 Nec modus est lacrimis: rorant clipeique iubaeque
 Triste salutantum, et cunctis dependet ab armis
 Suspiranda domus; galeis iuvat oscula clausis 20
 Inserere amplexuque truces deducere conos.
 Illi, quis ferrum modo, quis mors ipsa placebat,
 Dant gemitus fractaeque labant singultibus irae.
 Sic ubi forte viris longum super aequor ituris,
 Quum iam ad vela Noti et scisso redit ancora fundo, 25
 Haeret amica manus: certant innectere collo

Brachia, manantesque oculos hinc oscula turbant,
 Hinc magni caligo maris, tandemque relictī
 Stant in rupe tamen; fugientia carbasa visu
 Dulce sequi, patriosque dolent crebrescere ventos, 30
 Stant tamen, et notam puppē de rupe salutant.

Nunc mihi, fama prior mundique arcana vetustas,
 Cui meminisse ducum vitasque extendere curae,
 Pande viros, tuque o nemoris regina sonori,
 Calliope, quas ille manus, quae moverit arma 35
 Gradivus, quantas populis solaverit urbes,
 Sublata molire lyra: nec enim altior ulli
 Mens hausto de fonte venit. Rex tristis et aeger
 Pondere curarum propiorque abeuntibus annis,
 Inter adhortantes vix sponte incedit Adrastus, 40
 Contentus ferro cingi latus; arma manipuli
 Pone ferunt, volucres portis auriga sub ipsis
 Comit equos, et iam inde iugo luctatur Arion.

Huic armat Larissa viros, huic celsa Prosymne,
 Aptior armentis Midea pecorosaque Phyllos, 45
 Quaeque pavet longa spumantem valle Charadron
 Neris, et ingenti turritae mole Cleonae,
 Et Lacedaemonium Thyre lectura cruorem.
 Iunguntur memores transmissi ab origine regis,
 Qui Drepani scopulos et oliviferae Sicyonis 50
 Culta serunt, quos pigra vado Langia tacenti
 Lambit et anfractu riparum incurvus Elissos.
 Saevus honos fluvio, Stygias lustrare severis
 Eumenidas perhibetur aquis; huc mergere suetae
 Ora et anhelantes tuto Phlegethonte cerastas, 55
 Seu Thracum vertere domos, seu tecta Mycenis
 Inpia Cadmeumve larem; fugit ipse natantes
 Amnis, et innumeris livescunt stagna venenis.

It comes Inoas Ephyre solata querelas
 Cenchreaeque manus, vatum qua conscius amnis 60
 Gorgoneo percussus equo, quaque obiacet alto
 Isthmos et a terris maria inclinata repellit.
 Haec manus Adrastum numero ter mille secuti
Exultant: pars gesa manu, pars robora flammis

Indurata diu — non unus namque manipuli 65
 Mos, neque sanguis inest —, teretes pars vertere fundas
 Assueti vacuoque diem praecingere gyro.
 Ipse annis sceptrisque subit venerabilis aequae.

Ut possessa diu taurus meat arduus inter
 Pascua, iam laxa cervice et inanibus armis, 70
 Dux tamen; haud illum bello attemptare iuvenis
 Sunt animi, nam trunca vident de vulnere multo
 Cornua et ingentes plagarum in pectore nodos.

Proxima longaevo profert Dircaeus Adrasto
 Signa gener, cui bella favent, cui commodat iras. 75
 Cuncta cohors; huic et patria de sede volentes
 Advenere viri, seu quos movet exul, et haesit
 Tristibus aucta fides, seu quis mutare potentes
 Praecipuum, multi, melior quos causa querenti
 Conciliat. Dederat nec non socer ipse regendas 80
 Aegion Arenenque, et quas Theseia Troezen
 Addit opes, ne rara movens inglorius iret
 Agmina, neu raptos patriae sentiret honores.

Idem habitus, eadem arma viro, quae debitus hospes
 Hiberna sub nocte tulit. Theumesius inplet 85
 Terga leo, gemino lucent hastilia ferro,
 Aspera vulnifico subter latus ense riget Sphinx.
 Iam regnum matrisque sinus fidasque sorores
 Spe votisque tenet, tamen et de turre suprema
 Attonitam totoque extantem corpore longe 90
 Respiciat Argian: haec mentem oculosque reducit
 Coniugis et dulces avertit pectore Thebas.

Ecce inter medios patriae ciet agmina gentis
 Fulmineus Tydeus; iam laetus et integer artus,
 Ut primum strepuere tubae, ceu lubricus alta 95
 Anguis humo verni blanda ad spiramina solis
 Erigitur liber senio, et squalentibus annis
 Exutus laetisque minax interviret herbis.
 Ah miser! agrestum si quis per gramen hianti
 Obvius et primo siccaverit ora veneno. 100

Huic quoque praestantes Aetolis urbibus affert
 Belli fama viros; sensit scopulosa Pyrene

Fletaque cognatis avibus Meleagria Pleuron
 Et praeceps Calydon, et quae Iove provocat Iden
 Olenos, Ioniis et fluctibus hospita portu 105
 Chalcis et Herculea turpatus gymnade vultus
 Amnis; adhuc imis vix truncam attollere frontem
 Ausus aquis glaucoque caput submersus in antro
 Moeret, anhelantes aegrescunt pulvere ripae.

Omnibus aeratae propugnant pectora crates 110
 Pilaque saeva manu, patrius stat casside Mavors.
 Undique magnanimum pubes delecta coronant
 Oeniden, hilarem bello notisque decorum
 Vulneribus; non ille minis Polynicis et ira
 Inferior, dubiumque adeo, cui bella gerantur. 115

Maior at inde novis it Doricus ordo sub armis,
 Qui ripas, Lyrcae, tuas, tua litora multo
 Vomere suspendunt, fluviorum ductor Achivum,
 Inache: — Persea neque enim violentior exit
 Amnis humo, quum Taurum aut Pliadas hausit aquosas 120
 Spumeus et genero tumuit Iove — quos celer ambit
 Asterion Dryopumque trahens Erasinus aristas,
 Et qui rura domant Epidauria, dexter Iaccho
 Collis, at Ennaeae Cereri negat; avia Dyme
 Mittit opes densasque Pylos Neleia turmas, 125
 Nondum nota Pylos, iuvenisque aetate secunda
 Nestor, et ire tamen peritura in castra negavit.

Hos agitat pulchraeque docet virtutis amorem
 Arduus Hippomedon; capiti tremit aerea cassis,
 Ter nivea scandente iuba, latus omne sub armis 130
 Ferrea suta terunt, humeros ac pectora late
 Flammeus orbis habet, perfectaque vivit in auro
 Nox Danaï; sontes Furiarum lampade nigra
 Quinquaginta ardent thalami; pater ipse cruentis
 In foribus laudatque nefas atque inspicit enses. 135

Illum Palladia sonipes Nemeaeus ab arce
 Devehit arma pavens, umbraque inmane volanti
 Inplet agros longoque attollit pulvere campum.
 Non aliter silvas humeris et utroque refringens
 Pectore montano duplex Hyleus ab antro 140

Praecipitat; pavet Ossa vias, pecudesque feraeque
 Procubere metu; non ipsis fratribus horror
 Abfuit, ingenti donec Peneia saltu
 Stagna subit magnumque obiectus detinet amnem.

Quis numerum ferri gentesque et robora dicto 145

Aequarit mortale sonans? Suus excit in arma
 Antiquam Tiryntha deus; non fortibus illa
 Infoecunda viris famaue iamanis alumni
 Degenerat, sed lapsa situ fortuna, neque addunt
 Robur opes; rarus vacuis habitator in arvis 150
 Monstrat Cyclopum ductas sudoribus arces.

Dat tamen haec iuvenum tercentum pectora, vulgus
 Innumerus bello, quibus haud amenta nec enses
 Triste micant; flavent capiti tergoque leonum
 Exuviae, gentilis honos, et pineus armat 155

Stipes, inexhaustis arctantur tela pharetris.
 Herculeum Paeana canunt, vastataque monstis
 Omnia; frondosa longum deus audit ab Oeta.

Dat Nemee comites, et quas in proelia vires
 Sacra Cleonaei cogunt vineta Molorchii. 160

Gloria nota casae, foribus simulata salignis
 Hospitis arma dei, parvoque ostenditur arvo,
 Robur ubi et laxos qua reclinaverit arcus
 Ilice, qua cubiti sedeant vestigia terra.

At pedes et toto despectans vertice bellum, 165

Quatuor indomitis Capaneus erepta iuvenis
 Terga superque rigens iniectu molis ahenae
 Versat onus; squallet triplici ramosa corona
 Hydra recens obitu. Pars anguibas aspera vivis
 Argento caelata micat, pars arte reperta 170
 Conditur et fulvo moriens ignescit in auro.

Circum amnis torpens et ferro caerula Lerne.
 At laterum tractus spatiosaque pectora servat
 Nexilis innumero chalybum subtemine thorax,
 Horrendum, non matris opus, galeaeque corusca 175
 Prominet arce gigas, atque uni missilis illi
 Cuspide praefixa stat frondibus orba cupressus.

Huic parere dati, quos fertilis Amphigenia

- Planaque Messene montanaque nutrit Ithome,
 Quos Thrion et summis ingestum montibus Aepy, 180
 Quos Helos et Pteleon, Getico quos flebile vati
 Dorion; hic fretus doctas anteire canendo
 Aonidas mutos Thamyris damnatus in annos
 Ore simul citharaque — quis obvia numina temnat? —
 Conticuit praeceps, qui non certamina Phoebi 185
 Nosset et inlustres Satyro pendente Celenas.
 Iamque et fatidici mens expugnata fatiscit
 Auguris; ille quidem casus et dira videbat
 Signa, sed ipsa manu cunctanti iniecerat arma
 Atropos obrueratque deum, nec coniugis absunt 190
 Insidiae, vetitoque domus iam fulgurat auro.
 Hoc aurum vati fata exitiale monebant
 Argolico; scit et ipse nefas, sed perfida coniux
 Dona viro mutare velit, spoliisque potentis
 Inminet Argiae raptoque excellere cultu. 195
 Illa libens — nam regum animos et pondera belli
 Hac nutare videt, pariter ni providus heros
 Militet, — ipsa sacros gremio Polynicis amati
 Deposuit nexus haud moesta, atque insuper addit:
 ‘Non haec apta mihi nitidis ornatibus, inquit, 200
 Tempora, nec miserae placeant insignia formae
 Te sine: sat dubium coetu solante timorem
 Fallere et incultos aris adverrere crines.
 Scilicet, heu superi! quum tu cludare minaci
 Casside ferratusque sones, ego divitis aurum 205
 Harmoniae dotale geram? dabit aptior ista
 Fors deus, Argolicasque habitu praestabo maritas,
 Quum regis coniux, quum te mihi sospite templa
 Votivis implenda choris; nunc induat illa,
 Quae petit et bellante potest gaudere marito.’ 210
 Sic Eriphylaeos aurum fatale penates
 Inrupit scelerumque ingentia semina movit,
 Et grave Tisiphone risit gavisa futuris.
 Taenareis hic celsus equis, quam dispare coetu
 Cyllarus ignaro generarat Castore prolem, 215
Quassat humum; vatem cultu Parnassia monstrant

Vellera, frondenti crinitur cassis oliva,
 Albaque puniceas interplicat infula cristas.
 Arma simul pressasque iugo moderatur habenas.
 Hinc atque inde morae iaculis, et ferrea curru 220
 Silva tremit; procul ipse gravi metuendus in hasta
 Eminet et clipeo victum Pythona coruscat.

Huius Apollineae currum comitantur Amyclae,
 Quos Pylos et dubiis Malea vitata carinis
 Plaudentique habiles Caryae resonare Dianae, 225
 Quos Pharis volucrumque parens Cythereia Messe,
 Taygetique phalanx et oloriferi Eurotae
 Dura manus. Deus ipse viros in pulvere crudo
 Arcas alit nudaque modos virtutis et iras
 Ingenerat; vigor inde animis et mortis honores 230
 Dulce sacrum. Gaudent natorum fata parentes
 Hortanturque mori, deflet iamque omnis ephebum
 Turba, coronato contenta est funere mater.

Frena tenent duplexque inserto missile nodo
 Exerti ingentes humeros, chlamys horrida pendet 235
 Et cono Ledaeus apex. Non hi tibi solum,
 Amphiarae, merent: auget resupina maniplos
 Elis, depressae populus subit incola Pisae,
 Qui te, flave, natant terris, Alphee, Sicanis
 Advena, tam longo non umquam infecte profundo. 240
 Curribus innumeris late putria arva lacessunt
 Et bellis armenta domant: ea gloria genti
 Infando de more et fractis durat ab usque
 Axibus Oenomai; strident spumantia morsu
 Vincula, et effossas niveus rigat imber arenas. 245

Tu quoque Parrhasias ignara matre catervas
 Ah! rudis annorum, tantum nova gloria suadet,
 Parthenopaeae, rapis; tum saltus forte remotos
 Torva parens, neque enim haec iuveni foret ire potestas,
 Pacabat cornu gelidique aversa Lycei. 250
 Pulchrior haud ulli triste ad discrimen ituro
 Vultus, et egregiae tanta indulgentia formae;
 Nec desunt animi, veniat modo fortior aetas.
Quos non ille duces nemorum fluviisque dicata

- Numina, quas magno non inpulit igne Napaeas? 255
 Ipsam, Maenalia puerum quum vidit in umbra,
 Dianam, tenero signantem gramina passu,
 Ignovisse ferunt comiti Dictaeaeque tela
 Ipsam et Amyclaeas humeris aptasse pharetras.
- Prosilit audaci Martis percussus amore, 260
 Arma, tubas audire calens, et pulvere belli
 Flaventem sordere comam captoque referri
 Hostis equo: taedet nemorum, titulumque nocentem
 Sanguinis humani pudor et nescire sagittas.
- Igneus ante omnes auro micat, igneus ostro, 265
 Undantemque sinum nodis inrugat Iberis,
 Inbelli parma pictus Calydonia matris
 Proelia; trux laeva sonat arcus et aspera plumis
 Terga, Cydonaea corytos arundine pulsat,
 Electro pallens et iaspide clarus Eoa. 270
 Cornipedem trepidos suetum praevertere cervos
 Velatum geminae delectu lyncis, et arma
 Mirantem gravioris heri sublimis agebat,
 Dulce rubens viridique genas spectabilis aevo.
- Arcades huic veteres astris lunaque priores, 275
 Agmina fida datis, nemorum quos stirpe rigenti
 Fama satos, quum prima pedum vestigia tellus
 Admirata tulit; nondum arva domusque, nec urbes
 Conubiisque modus; quercus laurique ferebant
 Cruda puerperia, ac populos umbrosa creavit 280
 Fraxinus, et foeta viridis puer excidit orno.
 Hi lucis stupuisse vices noctisque feruntur
 Nubila et occiduum longe Titana secuti
 Desperasse diem. Rarescunt alta colonis
 Maenala, Parthenium fugitur nemus, agmina bello 285
 Rhipeque et Stratie ventosaeque donat Enispe.
 Non Tegea, non ipsa deo vacat alite felix
 Cyllene templumque Aleae nemorale Minervae,
 Et rapidus Cliton, et qui tibi, Pythie, Ladon
 Paene socer, candensque iugis Lampia nivosis 290
 Et Pheneos nigro Styga mittere credita Diti.
 Venit et Idaeis ululatibus aemulus Azan

Parrhasique duces, et quae risistis, Amores,
 Grata pharetrato Nonacria rura Tonanti,
 Dives et Orchomenos pecorum et Cynosura ferarum. 296
 Aegyptios idem ardor agros et Psophida celsam
 Vastat et Herculeo vulgatos robore montes
 Monstriferumque Erymanthon et aerisonum Stympalon.

Arcades hi; gens una viris, sed dissona cultu
 Scinditur; hi Paphias myrtos a stirpe recurvant 300
 Et pastorali meditantur proelia trunco,
 His arcus, his tela sudes, his cassida crines
 Integit; Arcadii morem tenet ille galeri:
 Ille Lycaoniae rictu caput asperat ursae.

Hos belli coetus iurataque pectora Marti 305
 Milite vicinae nullo iuvare Mycenae.
 Funeraeae tum namque dapes mediique recursus
 Solis, et hic alii miscebant proelia fratres.

Iamque Atalantaeas implerat nuntius aures
 Ire ducem bello totamque inpellere natum 310
 Arcadium; tremuere gradus, elapsaque iuxta
 Tela; fugit silvas perniciosior alite vento
 Saxa per et plenis obstantia flumina ripis,
 Qualis erat, correpta sinus et vertice flavum
 Crinem sparsa noto; raptis velut aspera natis 315
 Praedatoris equi sequitur vestigia tigris.

Ut stetit adversisque inpegit pectora frenis, —
 Ille ad humum pallens —: 'Unde haec furibunda cupido,
 Nate, tibi? teneroque unde improba pectore virtus?
 Tu bellis aptare viros, tu pondera ferre 320
 Martis et ensiferas inter potes ire catervas?

Quamquam utinam vires! nuper te pallida vidi,
 Dum premis obnixo venabula cominus apro,
 Poplite succiduo resupinum ac paene ruentem,
 Et ni curvato torsissem spicula cornu, — 325

Nunc ubi bella tibi? Nil te mea tela iuvabunt,
 Nec teretes arcus, maculis nec discolor atris
 Hic, cui fidis, equus; magnis conatibus instas,
 Vix Dryadum thalamis Erymanthiadumque furori
 Nympharum mature puer. Sunt omina vera. 330

Mirabar, cur templa mihi tremuisse Dianae
 Nuper et inferior vultu dea visa, sacrisque
 Exuviae cecidere tholis: hinc segnior arcus
 Difficilesque manus, et nullo in vulnere certae.
 Expecta, dum maior honos, dum firmitus aevum, 335
 Dum roseis venit umbra genis vultusque recedunt
 Ore mei; tunc bella tibi ferrumque, quod ardes,
 Ipsa dabo, et nullo matris revocabere fletu.
 Nunc refer arma domum, vos autem hunc ire sinetis,
 Arcades, o saxis nimirum et robore nati! 340
 Plura cupit; fusi circum, natusque ducesque
 Solantur minuuntque metus, et iam horrida clangunt
 Signa tubae. Nequit illa pio dimittere natum
 Complexu, multumque duci commendat Adrasto.
 At parte ex alia Cadmi Mavortia plebes, 345
 Moesta ducis furiis, nec belli territa fama,
 — Quando his vulgatum descendere viribus Argos, —
 Tardius illa quidem, regis causaeque pudore,
 Verum bella movet. Nulli destringere ferrum
 Inpetus, aut humeros clipeo clausisse paterno 350
 Dulce nec alipedum iuga comere, qualia belli
 Gaudia; deiectione trepidas sine mente, sine ira
 Promisere manus; hic aegra in sorte parentem
 Unanimum, hic dulces primaevae coniugis annos
 Ingemit, et gremio miseros accrescere natos. 355
 Bellator nulli caluit deus; ipsa vetusto
 Moenia lassa situ magnaeque Amphionis arces
 Iam fessum senio nudant latus, et fide sacra
 Aequatos coelo, surdum atque ignobile, muros
 Firmat opus. Tamen et Boeotis urbibus ultrix 360
 Adspirat ferri rabies, nec regis iniqui
 Subsidio, quantum socia pro gente moventur.
 Ille velut pecoris lupus expugnator opimi,
 Pectora tabenti sanie gravis hirtaque setis
 Ora cruentata deformis hiantia lana, 365
 Decedit stabulis, huc illuc turbida versans
 Lumina, si duri comperta clade sequantur
 Pastores, magnique fugit non inscius ausi.

Accumulat crebros turbatrix fama pavores.
 Hic iam dispersos errare Asopide ripa 370
 Lernaeos equites; hic te, bacchate Cithaeron,
 Ille rapti Theumeson ait, noctisque per umbras
 Nuntiat excubiis vigiles arsisse Plataeas.
 Nam Tyrios sudasse lares, et sanguine Dircen
 Iriguam, foetusque novos, iterumque locutam 375
 Sphinga petris, cui non et scire licentia passim
 Et vidisse fuit? Novus his super anxia turbat
 Corda metus; sparsis subito correpta canistris
 Silvestris regina chori decurrit in aequum
 Vertice ab Ogygio, trifidamque huc tristis et illuc 380
 Lumine sanguineo pinum deiecat, et ardens
 Erectam attonitis inplet clamoribus urbem:
 'Omnipotens Nisaeae pater, cui gentis avitae
 Pridem lapsus amor, tu nunc horrente sub arcto
 Bellica ferrato rapidus quatis Ismara thyrsos 385
 Pampineumque iubes nemus inreptare Lycurgo,
 Aut tumidum Gangem aut claustra novissima rubrae
 Tethyos Eoasque domos flagrante triumpho
 Perfuris, aut Hermi de fontibus aureus exis.
 At tua progenies, positis gentilibus armis 390
 Quae tibi festa litat, bellum lacrimasque metumque
 Cognatumque nefas, iniusti munera regni,
 Pendimus; aeternis potius me, Bacche, pruinis
 Trans et Amazoniis ululatum Caucason armis
 Siste ferens, quam monstra ducum stirpemque profanam 395
 Eloquar. En urges; alium tibi, Bacche, furorem
 Iuravi, similes video concurrere tauros;
 Idem ambobus honos, unusque ab origine sanguis;
 Ardua collatis obnixa cornua miscent
 Frontibus, alternaque truces moriuntur in ira. 400
 Tu peior, tu cede nocens, qui solus avita
 Gramina communemque petis defendere montem.
 Ah miseri morum! bellatis sanguine tanto,
 Et saltum dux alter habet.' Sic fata gelatis
 Vultibus et Baccho iam demigrante quievit. 405
 At trepidus monstro et variis terroribus inpar,

- Longaevi rex vatis opem tenebrasque sagaces
 Tiresiae, qui mos incerta paventibus, aeger
 Consulit. Ille deos non larga caede iuvenum,
 Non alacri penna aut verum spirantibus extis, 410
 Nec tripode implicito numerisque sequentibus astra,
 Turea nec supra volitante altaria fumo,
 Tam penitus, durae quam mortis limite manes
 Elicitos patuisse refert, Lethaeaeque sacra
 Et mersum Ismeni subter confinia ponto 415
 Miscentis parat ante ducem, circumque bidentum
 Visceribus laceris, et odori sulfuris aura
 Graminibusque novis et longo murmure purgat.
 Silva capax aevi validaque incurva senecta,
 Aeternum intonsae frondis, stat pervia nullis 420
 Solibus; haud illam brumae minuere, Notusve
 Ius habet, aut Getica Boreas inpactus ab ursa.
 Subter opaca quies, vacuusque silentia servat
 Horror, et exclusae pallet mala lucis imago.
 Nec caret umbra deo, nemori Latonia cultrix 425
 Additur; hanc piceae cedrique et robore in omni
 Effictam sanctis occultat silva tenebris.
 Huius inadspectae luco stridere sagittae
 Nocturnique canum gemitus, ubi limina patrui
 Effugit inque novae melior redit ora Dianae. 430
 Ast ubi fessa iugis dulcesque altissima somnos
 Lux movet, hic late iaculis circum undique fixis
 Effusam pharetra cervicem excepta quiescit.
 Extra inmane patent tellus Mavortia, campi,
 Foetus ager Cadmo, durus qui vomere primo 435
 Post consanguineas acies sulcosque nocentes
 Ausus humum versare, et putria sanguine prata
 Eruit; ingentes infelix terra tumultus
 Lucis adhuc medio solaque in nocte per umbras
 Expirat, nigri quum vana in proelia surgunt 440
 Terrigenae; fugit incepto tremebundus ab arvo
 Agricola, insanique domum rediere iuveni.
 Hic senior vates — Stygiis accommoda quippe
 Terra sacris, vivoque placent sola pingua tabo, —

Velleris obscuri pecudes armentaque sisti 445
 Atra monet, quaecumque gregum pulcherrima cervix
 Ducitur; ingemuit Dirce moestusque Cithaeron,
 Et nova clamosae stupuere silentia valles.

Tum fera caeruleis intexit cornua sertis
 Ipse manu tractans, notaeque in limine silvae 450
 Principio largos novies tellure cavata
 Inclinat Bacchi latices et munera verni
 Lactis et Actaeos imbres suadumque cruorem
 Manibus; aggeritur, quantum bibit arida tellus.

Trunca dehinc nemora advolvit, moestusque sacerdos 455
 Tres Hecatae totidemque satis Acheronte nefasto
 Virginibus iubet esse focos; tibi, rector Averni,
 Quamquam infossus humo, superat tamen agger in auras
 Pineus; hunc iuxta cumulo minor ara profundae
 Erigitur Cereri; frondes atque omne cupressus 460
 Intexit plorata latus. Iamque ardua ferro
 Signati capita, et frugum libamine puro
 In vulnus cecidere greges; tunc innuba Manto
 Exceptum pateris praelibat sanguinem, et omnes
 Ter circum acta pyras sancti de more parentis 465
 Semineces fibras et adhuc spirantia reddit
 Viscera, nec rapidas cunctatur frondibus atris
 Subiectare faces. Atque ipse sonantia flammis
 Virgulta et tristes crepuisse ut sensit acervos
 Tiresias, — illi nam plurimus ardor anhelat 470
 Ante genas, inpletque cavos vapor igneus orbes —
 Exclamat — tremuere rogi, et vox inpulit ignem —:

‘Tartareae sedes et formidabile regnum
 Mortis inexpletae, tuque, o saevissime fratrum,
 Cui servire dati Manes aeternaque sontum 475
 Supplicia atque imi famulatur regia mundi,
 Solvite pulsanti loca muta et inane severae
 Persephones, vulgusque cava sub nocte repostum
 Elicite, et plena redeat Styga portitor alno.
 Ferte simul gressus, nec simplex Manibus esto 480
 In lucem remeare modus; tu separe coetu
 Elysios, Persea, pios, virgaque potenti

Nabilis Arcas agat; contra per crimina functis,
 Qui plures Erebo, pluresque e sanguine Cadmi,
 Angue ter excusso et flagranti praevia taxo, 485
 Tisiphone, dux pande diem, nec lucis egentes
 Cerberus occursum capitum retorqueat umbras.'

Dixerat, et pariter senior Phoebeaque virgo
 Erexere animos; illi formidine nulla,
 Quippe in corde deus, solum tremor obruit ingens 490
 Oedipodioniden, vatisque horrenda canentis
 Nunc humeros, nunc ille manus et vellerâ pressat
 Anxius, inceptisque velit desistere sacris.

Qualis Gaetulæ stabulantem ad confraga silvæ
 Venator longo motum clamore leonem 495
 Expectat, firmans animum et sudantia nisu
 Tela premens; gelat ora pavor, gressusque tremiscunt,
 Quis veniat quantusque, sed horrida signa frementis
 Accipit et caeca metitur murmura cura.

Atque hic Tiresias nondum adventantibus umbris: 500
 'Testor, ait, divae, quibus hunc saturavimus ignem,
 Laevaue convulsæ dedimus carchesia terræ,
 Iam nequeo tolerare moram. Cassusne sacerdos
 Audior? an rabido iubeat si Thessala cantu
 Ibitis? et Scythicis quotiens medicata venenis 505
 Colchis aget, trepido pallebunt tartara motu?
 Nostri cura minor, si non attollere bustis
 Corpora, nec plenas antiquis ossibus urnas
 Egerere; et mixtos coelique Erebiq̃ue sub unum
 Funestare deos libet, aut exanguia ferro 510
 Ora sequi, aut aegras functorum carpere fibras?
 Ne tenues annos nubemque hanc frontis opacæ,
 Spernite ne, moneo, et nobis saevire facultas.
 Scimus enim et quidquid dici noscique timetis,
 Et turbare Hecaten, ni te, Thymbraee, vererer, 515
 Et triplicis mundi summum, quem scire nefastum est.
 Illum sed taceo: prohibet tranquilla senectus.
 Iamque ego vos —.' Avidè subicit Phoebeia Manto:
 'Audiris, genitor, vulgusque exangue propinquat.
 Panditur Elysium chaos, et telluris opertæ 520

Dissilit umbra capax, silvaeque et nigra patescunt
 Flumina, liventes Acheron eiecat arenas.
 Fumidus atra vadis Phlegethon incendia volvit,
 Et Styx discretis interflua Manibus obstat.
 Ipsum pallentem solio circumque ministras 525
 Funestorum operum Eumenides Stygiaeque severos
 Iunonis thalamos et moesta cubilia cerno.
 In speculis Mors atra sedet dominisque silentes
 Annumerat populos: maior supereminet ordo.
 Arbiter hos dura versat Gortynius urna, 530
 Vera minis poscens, adigitque expromere vitas
 Usque retro et tandem poenarum lacra fateri.
 Quid tibi monstra Erebi, Scyllas et inane farentes
 Centauros, solidoque intorta adamante gigantum
 Vincula, et angustam centeni Aegaeonis umbram? 535
 'Immo, ait, o nostrae regimen viresque senectae,
 Ne vulgata mihi. Quis enim remeabile saxum
 Fallentesque lacus Tytionque alimenta volucrum
 Et caligantem longis Ixiona gyris
 Nesciat? Ipse etiam, melior quum sanguis, opertas 540
 Inspexi sedes, Hecate ducente, priusquam
 Obruit ora deus totamque in pectora lucem
 Detulit. Argolicas magis huc appelle precando
 Thebanasque animas; alias avertere gressus
 Lacte quater sparsas moestoque excedere luco, 545
 Nata, iube, tum quis vultus habitusque, quis ardor
 Sanguinis affusi, gens utra superbior adsit,
 Dic agedum, nostramque move per singula noctem.'
 Iussa facit carmenque serit, quo dissipet umbras,
 Quo regat et sparsas: qualis, si crimina demas, 550
 Colchis et Aeaeo simulatrix litore Circe.
 Tunc his sacrificum dictis affata parentem:
 'Primus sanguineo submittit inertia Cadmus
 Ora lacu, iuxtaque virum Cythereia proles.
 Effluit amborum geminus de vertice serpens. 555
 Terrigenae comites illos, gens Martia, cingunt.
 His aevi mensura dies, manus omnis in armis,
 Omnis et in capulo: prohibent obstantque ruuntque

Spirantum rabie; nec tristi incumbere sulco
 Cura, sed alternum cupiunt haurire cruorem. 560
 Proxima natarum manus est, fletique nepotes.
 Hic orbam Autonoe et anhelam cernimus Ino
 Respectantem arcus et ad ubera dulce prementem
 Pignus, et oppositis Semelen a ventre lacertis.
 Penthea iam fractis genetrix Cadmeia thyrsis, 565
 Iam dimissa deo, pectusque adaperta cruentum
 Insequitur planctu; fugit ille per avia Lethes
 Et Stygios superosque lacus, ubi mitior illum
 Flet pater et lacerum componit corpus Echion.
 Tristem nosco Lycum dextramque in terga reflexum 570
 Aeoliden, humero iactantem funus onusto.
 Necdum ille aut habitus, aut versae crimina formae
 Mutat Aristaeo genitus: frons aspera cornu,
 Tela manu, reicitque canes in vulnus hiantes.
 Ecce autem magna subit invidiosa caterva 575
 Tantalus et tumido percenset funera luctu,
 Nil delecta malis; iuvat effugisse deorum
 Numina et insanae plus iam permittere linguae.
 Talia dum patri canit intemerata sacerdos,
 Illius elatis tremefacta assurgere vittis 580
 Canicies, tenuique inpelli sanguine vultus.
 Nec iam firmani baculo, nec virgine fida
 Nititur, erectusque solo 'Desiste canendo,
 Nata, ait: externae satis est mihi lucis, inertes
 Discedunt nebulae, et vultum niger exuit aer. 585
 Umbrisne, an supero me missus Apolline complet
 Spiritus? en video quaecumque audita! Sed ecce
 Moerent Argolici delecto lumine manes.
 Torvus Abas Proetusque nocens mitisque Phoroneus,
 Truncatusque Pelops et saevo pulvere sordens 590
 Oenomaus largis humectant imbribus ora.
 Auguror hinc Thebis belli meliora. Quid autem
 Hi grege condenso — quantum arma et vulnera monstrant,
 Pugnaces animae, — nobis in sanguine multo
 Oraque pectoraque et falso clamore levatas 595
 Intendunt sine pace manus? Rex, fallor, an hi sunt

Quinquaginta illi? cernis Chthoniumque Chrominque
 Phegeaque et nostra praesignem Maeona lauro.
 Ne saevite, duces, nihil hic mortalibus ausum
 Credite consiliis: hos ferrea neverat annos 600
 Atropos. Existis casus: bella horrida nobis,
 Atque iterum Tydeus.' Dixit, vittaque ligatis
 Frondibus instantes abigit monstratque cruorem.

Stabat inops comitum Cocyti in litore moesto
 Laius, inmiti quem iam deus ales Averno 605
 Reddiderat, dirumque tuens obliqua nepotem,
 Noscit enim vultu, non ille aut sanguinis haustus
 Cetera ceu plebes, aliumve accedit ad imbrem,
 Immortale odium spirans. Sed prolicit ultro
 Aonius vates: 'Tyriae dux inclite Thebes, 610
 Cuius ab interitu non ulla Amphionis arces
 Vidit amica dies. O iam satis ulte cruentum
 Exitium et multum placata minoribus umbra,
 Quos miserande fugis? lacet ille in funere longo
 Quem premis, et iunctae sentit confinia mortis, 615
 Obsitus exhaustos pedore et sanguine vultus
 Eiectusque die. Sors leto durior omni,
 Crede mihi: quaeenam inmeritum vitare nepotem
 Causa tibi? confer vultum, et satiare litanti
 Sanguine, venturasque vices et funera belli 620
 Pande vel infensus, vel res miserate tuorum.
 Tunc ego te optata vetitam transmittere Lethen
 Puppe dabo placidumque pia tellure reponam,
 Et Stygiis mandabo deis.' Mulcetur honoris
 Muneribus tingitque genas, dehinc talia reddit: 625

'Cur tibi versanti manes, aequaeve sacerdos,
 Lectus ego augurio, tantisque potissimus umbris
 Qui ventura loquar? satis est meminisse priorum.
 Nostrane praeclari, pudeat, consulta nepotes
 Poscitis? Illum, illum sacris adhibete nefastis, 630
 Qui laeto fodit ense patrem, qui semet in ortus
 Vertit et indignae regerit sua pignora matri.
 Et nunc ille deos furiarumque atra fatigat
 Concilia, et nostros rogat haec in proelia manes.

Quodsi adeo placui deffenda in tempora vates, 635
 Dicam equidem, quo me Lachesis, quo torva Megaera
 Usque sinunt: bellum innumero venit undique bellum
 Agmine, Lernaesosque trahit fatalis alumnos
 Gradivus stimulis; hos terrae monstra deumque
 Tela manent pulchrique obitus et ab igne supremo 640
 Sontes lege morae. Certa est victoria Thebis,
 Ne trepida, nec regna ferox germanus habebit.
 Sed furiae geminumque nefas miserosque per enses
 Hei mihi! crudelis vincet pater.' Haec ubi fatus,
 Labitur et flexa dubios ambage reliquit. 645
 Interea gelidam Nemeen et conscia laudis
 Herculeae dumeta vaga legione tenebant
 Inachidae; iam Sidonias avertere praedas,
 Sternere, ferre domos ardent instantque. Quis iras
 Flexerit, unde morae, medius quis euntibus error, 650
 Phoebe, doce: nos rara manent exordia famae.
 Marcidus edomito bellum referebat ab Haemo
 Liber, ibi armiferos geminae iam sidere brumae
 Orgia ferre Getas canumque virescere dorso
 Othryn et Icaria Rhodopen assueverat umbra, 655
 Et iam pampineos materna ad moenia currus
 Promovet; effrenae dextra laevaue sequuntur
 Lynces, et uda mero lambunt retinacula tigres.
 Post exultantes spolia armentalia portant
 Seminecesque lupos scissasque Mimallones ursas. 660
 Nec comitatus iners, sunt illic Ira Furorque,
 Et Metus et Virtus et numquam sobrius Ardor,
 Succiduique gradus et castra simillima regi.
 Isque ubi pulvere Nemeen effervere nube
 Conspicit, et solem radiis ignescere ferri, 665
 Necdum compositas belli in certamina Thebas;
 Concussus visis, quamquam ore et pectore marcet,
 Aeraque tympanaque et biforem reticere tumultum
 Imperat, attonitas qui circum plurimus aures.
 Atque ita: 'Me manus ista meamque excindere gentem 670
 Apparat; et longe recalet furor; hoc mihi saevum
 Argos et indomitae bellum ciet ira novercae.

Usque adeone parum cineri data mater iniquo,
 Natalesque rogi, quaeque ipse micantia sensi
 Fulgura? Reliquias etiam fusaeque sepulcrum 675
 Pellicis et residem ferro petit inproba Theben.
 Nectam fraude moras; illum, illum tendite campum,
 Tendite, io, comites.' Hyrcana ad signa iugales
 Intumuerunt iubas, dicto prius adstitit arvis.

Tempus erat, medii quum solem in culmina mundi 680
 Tollit anhela dies, ubi tardus hiantibus arvis
 Stat vapor, atque omnes admittunt aethera luci.
 Undarum vocat ille deas, mediusque silentum
 Incipit: 'Agrestes fluviorum numina Nymphae,
 Et nostri pars magna gregis, perferte laborem, 685
 Quem damus. Argolicos paulum mihi fontibus amnes
 Stagnaque et errantes obducite pulvere rivos.
 Praecipuus Nemees, qua nostra in moenia bellis
 Nunc iter, ex alto fugiat liquor; adiuvat ipse
 Phoebus ad hoc summo, cesset ni vestra voluntas, 690
 Limite; vim coeptis indulgent astra, meaeque
 Aestifer Erigones spumat canis. Ite volentes,
 Ite in operta soli; post vos ego gurgite pleno
 Eliciam, et quae dona meis amplissima sacris
 Vester habebit honos, nocturnaue furta licentum 695
 Cornipedum et cupidas Faunorum arcebo rapinas.'

Dixerat: ast illis tenuior percurrere visus
 Ora situs, viridisque comis exhorruit humor.
 Protinus Inachios haurit sitis ignea campos.
 Diffugere undae, squalent fontesque lacusque, 700
 Et cava ferventi durescunt flumina limo.
 Aegra solo macies, tenerique in origine culmi
 Inclinata seges, deceptum margine ripae
 Stat pecus, atque amnes quaerunt armenta natatos.

Sic ubi se magnis refluus suppressit in antris 705
 Nilus et Eoae liquentia pabula brumae
 Ore premit, fumant desertae gurgite valles,
 Et patris undosi sonitus expectat hiulca
 Aegyptos, donec Phariis alimenta rogatus
 Donet agris magnumque inducat messibus annum. 710

Aret Lerna nocens, aret Lyrceius et ingens
 Inachus advolvensque natantia saxa Charadrus,
 Et numquam in ripis audax Erasinus et aequus
 Fluctibus Asterion; ille alta per avia notus
 Audiri et longe pastorum rumpere somnos. 715

Una tamen tacitas, sed iussu numinis, undas,
 Haec quoque secreta, nutrit Langia sub umbra.
 Nondum illi raptus dederat lacrimabile nomen
 Archemorus, nec fama deae; tamen avia servat
 Et nemus et fluvium; manet ingens gloria nympham, 720
 Quum tristem Hypsipylum faucibus sudatus Achaeis
 Ludus et atra sacrum recoit triferis Ophelten.

Ergo nec ardentes clipeos vectare, nec arctos
 Thoracum nexus, tantum sitis horrida torquet,
 Sufficiunt; non ora modo angustisque perusti 725
 Faucibus, interior sed vis quatit; aspera pulsu
 Corda, gelant venae, et siccis cruor aeger adhaeret
 Visceribus; tunc sole putris, tunc pulvere tellus
 Exhalat calidam nubem. Non spumeus imber
 Manat equum; siccis inlidunt ora lupatis, 730
 Ora catenatas procul exertantia linguas;
 Nec legem dominosve pati, sed perfurit arvis
 Flammatum pecus. Huc illuc impellit Adrastus
 Exploratores, si stagna Lycimnia restent,
 Si quis Amymones superet liquor; omnia caecis 735
 Ignibus hausta sedent, nec spes humentis Olympi,
 Ceu flavam Libyen desertaque pulveris Afri
 Collustrent nullaue umbratam nube Syenen.

Tandem inter silvas, sic Evius ipse parabat,
 Errantes subitum pulchro in moerore tuentur 740
 Hypsipylum; illi quamvis et ab ubere Opheltes
 Non suus, Inachii proles infausta Lycurgi
 Dependet, neglecta comam nec dives amictu;
 Regales tamen ore notae, nec mersus acerbis
 Extat honos; tunc haec adeo stupefactus Adrastus: 745

‘Diva potens nemorum, nam te vultusque pudorque
 Mortali de stirpe negant, quae laeta sub isto
 Igne poli non quaeris aquas, succurre propinquis

Gentibus; arcitenens seu te Latonia casto
 De grege transmisit thalamis, seu lapsus ab astris 750
 Non humilis foecundat amor, neque enim ipse deorum
 Arbiter, Argolidum thalamis novus, adspice moesta
 Agmina. Nos ferro meritas excindere Thebas
 Mens tulit, inbelli sed nunc sitis anxia fato
 Submittitque animos et inertia robora carpit. 755
 Da fessis in rebus opem, seu turbidus amnis,
 Seu tibi foeda palus; nihil hac in sorte pudendum,
 Nil humile est; tu nunc ventis pluvioque rogaris
 Pro Iove, tu refugas vires et pectora bello
 Exanimata replē: sic hoc tibi sidere dextro 760
 Crescat onus. Tantum reduces det flectere gressus
 Iuppiter, o quanta belli donabere praeda!
 Dircaeos tibi, diva, greges numerumque rependam
 Plebis, et hic magna lucus signabitur ara.
 Dixit, et orantis media inter anhelitus ardens 765
 Verba rapit, cursuque animae labat arida lingua.
 Idem omnes pallorque viros flatusque soluti
 Oris habet; reddit demisso Lemnia vultu:
 'Diva quidem vobis, et si coelestis origo est,
 Unde ego? mortales utinam haud transgressa fuisset 770
 Luctibus! Altricem mandati cernitis orbam
 Pignoris: at nostris an quis sinus uberaque ulla,
 Scit deus, et nobis regnum tamen et pater ingens.
 Sed quid ego haec? fessosque optatis demoror undis?
 Mecum age nunc, si forte vado Langia perennes 775
 Servat aquas; solet et rapidi sub limite cancri
 Semper, et Icarii quamvis iuba fulgeret astri,
 Ire tamen.' Simul haerentem, ne tarda Pelasgis
 Dux foret, ah miserum vicino cespite alumnus,
 Sic Parcae voluere, locat, pontique negantem 780
 Floribus aggestis, et amico murmure dulces
 Solatur lacrimas: qualis Berecynthia mater,
 Dum circa parvum iubet exultare Tonantem
 Curetas trepidos; illi certantia plaudunt
 Orgia, sed magnis resonat vagitibus Ide. 785
 At puer in gremio vernae telluris et alto

Gramine, nunc faciles sternit procursibus herbas
 In vultum nitens; caram modo lactis egeno
 Nutricem clangore ciens iterumque renidens,
 Et teneris meditans verba inluctantia labris, 790
 Miratur nemorum strepitus, aut obvia carpit,
 Aut patulo trahit ore diem, nemorisque malorum
 Inscius et vitae multum securus inerrat.
 Sic tener Odrysia Mavors nive, sic puer ales
 Vertice Maenalia, talis per libora reptans 795
 Inprobos Ortygiae latus inclinabat Apollo.

Illi per dumos et opaca virentibus umbris
 Devia pars cingunt, pars arcta plebe sequuntur,
 Praecelerantque ducem. Medium subit illa per agmen
 Non humiliter festina modo; iamque amne propinquo 800
 Rauca sonat vallis, saxosumque inpulit aures
 Murmur; ibi exultans conclamat ab agmine primo,
 Sicut erat, levibus tollens vexilla manipulis
 Argus aquae! longusque virum super ora cucurrit
 Clamor aquae! Sic Ambracii per litora ponti 805
 Nauticus in remis iuvenum monstrante magistro
 Fit sonus, inque vicem contra percussa reclamat
 Terra, salutatus quum Leucada pandit Apollo.

Incubere vadis passim discrimine nullo
 Turba simul primique, nequit secernere mixtos 810
 Aequa sitis, frenata suis in curribus intrans
 Armenta, et pleni dominis armisque feruntur
 Quadrupedes; hos turbo rapax, hos lubrica fallunt
 Saxa, nec implicitos fluvio reverentia reges
 Proterere, aut mersisse vado clamantis amici 815
 Ora. Fremunt undae, longusque a fontibus amnis
 Diripitur, modo lene virens et gurgite puro
 Perspicuus, nunc sordet aquis egestus ab imo
 Alveus; inde toros riparum et proruta turbant
 Gramina, iam crassus coenoque et pulvere torrens, 820
 Quamquam expleta sitis, bibitur tamen. Agmina bello
 Decertare putes, iustumque in gurgite Martem
 Perfurere, et captam tolli victoribus urbem.

Atque aliquis regum medio circumfluvius amni:

'Silvarum, Nemeë, longe regina virentum,
 Lecta Iovi sedes, quam nunc, non Herculis actis
 Dura magis, rabidi quum colla minantia monstri
 Angeret et tumidos animam angustaret in artus:
 Hac saevisse tenus populorum incepta tuorum
 Sufficiat; tuque o cunctis insuete domari
 Solibus, aeternae largitor corniger undae,
 Laetus eas, quacumque domo gelida ora resolvis
 Immortale tumens; neque enim tibi cana repostas
 Bruma nives raptasque alio de fonte refundit
 Arcus aquas, gravidive indulgent nubila Cori,
 Sed tuus, et nulli ruis expugnabilis astro.
 Te nec Apollineus Ladon, nec Xanthus uterque,
 Sperchiusque minax centaureusque Lycormas
 Praestiterint: tu pace mihi, tu nube sub ipsa
 Armorum festasque super celebrabere mensas.
 Ab Iove primus honos; bellis modo laetus ovantes
 Accipias, fessisque libens iterum hospita pandas
 Flumina defensasque velis agnoscere turmas.

825

830

835

840

P. PAPINII STATII
T H E B A I D O S
L I B E R V.

Pulsa sitis fluvio, populataque gurgitis alveum
 Agmina linquebant ripas amnemque minorem;
 Acrior et campum sonipes rapit, et pedes arva
 Inplet ovans, rediere viris animique minaeque
 Votaque, sanguineis mixtum ceu fontibus ignem 5
 Hausissent belli magnasque in proelia mentes.

Dispositi in turmas rursus legemque severi
 Ordinis, ut cuique ante locus ductorque, monentur
 Instaurare vias. Tellus iam pulvere primo
 Crescit, et armorum transmittunt fulgura silvae. 10
 Qualia trans Pontum Phariis defensa serenis
 Rauca Paraetonio decedunt agmina Nilo,
 Quum fera ponit hiems: illae clangore fugaci,
 Umbra fretis arvisque volant, sonat avius aether.
 Iam Borean imbresque pati, iam nare solutis 15
 Amnibus et nudo iuvat aestivare sub Haemo.

Hic rursus simili procerum vallante corona
 Dux Talaionides, antiqua ut forte sub orno
 Stabat, et admoti nixus Polynicis in hastam:
 'At tamen, o quaecumque es, ait, cui gloria tanta 20
 Venimus innumerae fatum debere cohortes,
 Quem non ipse deum sator aspernetur honorem,
 Dic age, quando tuis alacres adistimus undis,
 Quae domus aut tellus, animam quibus hauseris astris?
 Dic, quis et ille pater? neque enim tibi numina longe, 25
 Transierit fortuna licet, maiorque per ora
 Sanguis, et afflicto spirat reverentia vultu.

Ingemit, et paulum fletu cunctata modesto
 Lemnias orsa refert: 'Inmania vulnera, rector,
 Integrare iubes, Furias et Lemnon et arctis 30
 Arma inserta toris debellatosque pudendo
 Ense mares: redit ecce! nefas et frigida cordi
 Eumenis. O miserae, quibus hic furor additus! o nox!
 O pater! illa ego nam, pudeat ne forte benignae
 Hospitis, illa, duces, raptum quae sola parentem 35
 Occului. Quid longa malis exordia necto?
 Et vos arma vocant magnique in corde paratus.
 Hoc memorasse sat est: claro generata Thoante,
 Servitium Hypsipyle vestri fero capta Lycurgi.'

Advertere animos, maiorque et honora videri 40
 Parque operi tanto; cunctis tunc noscere casus
 Ortus amor, pater ante alios hortatur Adrastus.

'Immo age, dum primi longe damus agmina vulgi,
 Nec facilis Nemeae latas evolvere vires,
 Quippe obtenta comis et ineluctabilis umbra, 45
 Pande nefas laudesque tuas gemitusque tuorum,
 Unde hos advenias regno deiecta labores.
 Dulce loqui miseris veteresque reducere questus.'

Incipit: 'Aegaeo premitur circumflua Nereo
 Lemnos, ubi ignifera fessus respirat ab Aetna 50
 Mulciber; ingenti tellurem proximus umbra
 Vestit Athos nemorumque obscurat imagine pontum.
 Thraces arant contra. Thracum fatalia nobis
 Litora, et inde nefas; florebat dives alumnis
 Terra, nec illa Samo fama Delove sonanti 55
 Peior et innumeris quas spumifer assilit Aegon.
 Dis visum turbare domos, nec pectora culpa
 Nostra vacant; nullos Veneri aggravimus ignes,
 Nulla deae sedes; movet et coelestia quondam
 Corda dolor lentoque inrepunt agmine poenae. 60
 Illa Paphon veterem centumque altaria linquens
 Nec vultu nec crine prior, solvisse iugalem
 Ceston et Idalias procul ablegasse volucres
 Fertur; erant certe, media quae noctis in umbra
 Divam, alios ignes maioraque tela gerentem, 65

Tartareas inter thalamis volitasse sorores
 Vulgarent; utque implicitis arcana domorum
 Anguibus et saeva formidine cuncta replevit
 Limina, nec fidi populum miserata mariti,
Protinus a Lemno teneri fugistis, Amores: 70
 Motus Hymen versaeque faeces, et frigida iusti
 Cura tori; nullae redeunt in gaudia noctes,
 Nullus in amplexu sopor est, Œdia aspera ubique,
 Et Furor et medio recubat Discordia lecto.
 Cura viris tumidos adversa Thracas in ora 75
 Eruere et saevam bellando frangere gentem.
 Quumque domus contra stantesque in litore nati,
 Dulcius Edonas hiemes Arctonque frementem
 Excipere, aut tandem tacita post proelia nocte
 Fractorum subitas torrentum audire ruinas. 80
 Illae autem tristes, nam me tunc libera curis
 Virginitas annique tegunt, sub nocte dieque
 Assiduus aegrae in lacrimis, solantia miscent
 Colloquia, aut saevam spectant trans aequora Thracen.
 Sol operum medius summo librabat Olympo 85
 Lucentes, ceu staret, equos; quater axe sereno
 Intonuit, quater antra dei fumantis anhelos
 Exerueret apices, ventisque absentibus Aegon
 Motus, et ingenti percussit litora ponto:
 Quum subito horrendas aevi matura Polyxo 90
 Tollitur in furias thalamisque insueta relictis
 Evolat. Insano veluti Theumesia Thyas
 Rapta deo, quum sacra vocant Idaeaeque suadet
 Buxus et a summis auditus montibus Evan:
 Sic erecta genas aciemque effusa trementi 95
 Sanguine desertam rabidis clamoribus urbem
 Exagitat, clausasque domos et limina pulsans
 Concilium vocat. Infelix comitatus eunti
 Haerebant nati, atque illae non segnius omnes
 Erumpunt tectis, summasque ad Pallados arces 100
 Impetus; huc propere stipamur et ordine nullo
 Congestae, stricto mox ense silentia iussit
Hortatrix scelerum, et medio sic ausa profari est:

'Rem summam instinctu superum meritique doloris,
 O viduae — firmate animos et pellite sexum — 105
 Lemniades, sancire paro; si faedet inanēs
 Aeternum servare domos turpemque iuventae
 Flore situm et longis steriles in luctibus annos,
 Inveni, promitto viam, nec numina desunt,
 Qua renovanda Venus: modo par insumite robur 110
 Luctibus, atque adeo primum hoc mihi noscere detur.
 'Tertia canet hiems, cui conubialia vincla
 Aut thalami secretus honos? cui coniuge pectus
 Intepuit? cuius vidit Lucina labores?
 Dicite, vel iustos cuius pulsantia menses 115
 Vota tument? qua pace feras volucresque iugari
 Mos datus. Heu segnes! potuitne ultricia Graiis
Virginibus dare tela pater, laetusque dolorum
Sanguine securos iuvenum perfundere somnos?
 At nos vulgus iners; quodsi propioribus actis 120
 Est opus, ecce animos doceat Rhodopeia coniux,
 Ulta manu thalamos pariterque epulata marito.
 Nec vos inmundi scelerum securave cogo.
 Plena mihi domus atque ingens, en cernite, sudor.
 Quatuor hos una, decus et solatia patris, 125
 In gremio, licet amplexu lacrimisque morentur,
 Transadigam ferro, saniemque et vulnera fratrum
 Miscebo patremque super spirantibus addam.
 Ecqua tot in caedes animum promittit?' — Agebat
 Pluribus: adverso nituerunt vela profundo. 130
 Lemnia classis erat, rapuit gavis Polyxo
 Fortunam atque iterat: 'Superisne vocantibus ultro
 Desumus? ecce rates, deus hos, deus ultor in iras
 Apportat coeptisque favet. Nec imago quietis
 Vana meae: nudo stabat Venus ense, videri 135
 Clara mihi somnosque super. Quid perditis aevum?
 Inquit, age aversis thalamos purgate maritis.
 Ipsa faces alias melioraque foedera iungam.
 Dixit, et hoc ferrum stratis, hoc, credite, ferrum
 Inposuit. Quin o miserae, dum tempus agit rem, 140
 Consulite; en validis spumant eversa lacertis

Aequora, Bistonides veniunt fortasse maritae.
 'Hinc stimuli ingentes, magnusque advolvitur astris
 ✓ Clamor. Amazonio Scythiam fervere tumultu,
 Lunatumque putes agmen descendere, ubi arma 145
 Indulget pater et saevi movet ostia belli.
 Nec varius fremor, aut studia in contraria rapti
 Dissensus, ut plebe solet: furor omnibus idem,
 Idem animus solare domos, iuvenumque senumque
 Praecipitare colos plenisque affrangere parvos 150
 Uberibus ferroque omnes exire per annos.
 Tunc viridis late lucus, iuga celsa Minervae
 Propter, opacat humum niger ipse, sed insuper ingens
 Mons premit, et gemina pereunt caligine soles.
 Hic sanxere fidem, tu Martia testis Enyo 155
 Atque inferna Ceres, Stygiaeque Acheronte recluso
 Ante preces venere deae; sed fallit ubique
 Mixta Venus, Venus arma tenet, Venus admovet iras.
 Nec de more cruor; natum Caropeia coniux
 Obtulit, accingunt sese et mirantia ferro 160
 Pectora, congestisque avidae simul undique dextris
 Perfringunt, ac dulce nefas in sanguine vivo
 Coniurant, matremque recens circumvolat umbra.
 'Talia cernenti mihi quantus in ossibus horror,
 Quisve per ora color? qualis quum cerva cruentis 165
 Circumventa lupis, nullum cui pectore molli
 Robur et in volucris tenuis fiducia cursu,
 Praecipitat suspensa fugam; iam iamque teneri
 Credit, et elusos audit concurrere morsus.
 'Illi aderant; primis iamque offendere carinae 170
 Litoribus, certant saltu contingere terram
 Praecipites. Miseri, quos non aut horrida virtus
 Marte sub Odrysis, aut medii inclementia ponti
 Hauserit! Alta etiam superum delubra vaporant
 Promissasque trahunt pecudes, niger omnibus aris 175
 Ignis, et in nullis spirat deus integer extis.
 'Tardius humenti noctem deiecit Olympo
 Iuppiter, et versum miti, reor, aethera cura
 Sustinuit, dum fata vetant, nec longius umquam

Cessavere novae perfecto sole tenebrae. 180
 Sera tamen mundo venerunt astra, sed illis
 Et Paros et nemorosa Thasos crebraeque relucet
 Cyclades; una gravi penitus latet obruta coelo
 Lemnos, in hanc tristes nebulae, et plaga caeca superne
 Textitur, una vagis Lemnos non agnita nautis. 185
 'Iam domibus fusi et nemorum per opaca sacrorum
 Ditibus indulgent epulis vacuantque profundo
 Aurum immane mero, dum quae per Strymona pugnae,
 Quis Rhodope gelidove labor sudatus in Haemo,
 Enumerare vacat. Nec non, manus inopia, nuptae 190
 Serta inter festasque dapes, quo maxima cultu
 Quaeque iacent; dederat mites Cytherea suprema
 Nocte viros, longoque brevem post tempore pacem
 Nequicquam et miseros perituro afflaverat igni.
 'Conticuere chori, dapibus ludoque licenti 195
 Fit modus, et primae decrescunt murmura noctis,
 Quum consanguinei mixtus caligine leti
 Rore madens Stygio moriturum amplectitur urbem
 Somnus, et inplacido fundit gravia otia cornu
 Secernitque viros. Vigilant nuptaeque nurusque 200
 In scelus, atque hilares acuunt fera tela sorores.
 Invasere nefas, cuncto sua regnat Erinys
 Pectore: non aliter Scythicos armenta per agros
 Hyrcanae clausere leae, quas exigit ortu
 Prima fames, avidique inplorant ubera nati. 205
 'Quos tibi, nam dubito, scelerum de mille figuris
 Expediam casus? Helimum temeraria Gorge.
 Evinctum ramis altaque in mole tapetum
 Efflantem somno crescentia vina, superstans
 Vulnera disiecta rimatur veste, sed illum 210
 Infelix sopor admota sub morte refugit.
 Turbidus incertumque oculis vigilantibus hostem
 Occupat amplexu, nec segnius illa tenentis
 Pone adigit costas, donec sua pectora ferro
 Tangeret. Is demum sceleri modus; ora supinat 215
 Blandus adhuc, oculisque tremens et murmure Gorgen
 Quaerit, et indigno non solvit brachia collo.

'Non ego nunc vulgi quamquam crudelia pandam
 Funera, sed propria luctus de stirpe recordor.
 Quod te, flave Cydon, quod te per colla refusis 220
 Intactum, Crenaeae, comis — quibus ubera mecum
 Obliquumque a patre genus — fortemque, timebam
 Quem desponsa, Gyan, vidi lapsare cruentae
 Vulnere Myrmidonis, quodque inter sarta chorosque
 Barbara ludentem fodiebat Opopea mater. 225

'Flet super aequaevum soror exarmata Lycaste
 Cydimon, heu! similes perituro in corpore vultus
 Adspiciens floremque genae, et quas finxerat auro
 Ipsa comas; tum saeva parens iam coniuge fuso
 Adstitit inpellitque minis atque inserit ense. 230
 Ut fera, quae placido rabiem desueta magistro
 Tardius arma movet stimulisque et verbere crebro
 In mores negat ire suos: sic illa iacenti
 Incidit, undantemque sinu collapsa cruorem
 Excipit et laceros premit in nova vulnera crines. 235

'Ut vero Alcimedem etiamnum in murmure truncos
 Ferre patris vultus et egentem sanguinis ense
 Conspexi, riguere comae, atque in viscera saevus
 Horror iit. Meus ille Thoas, mea dira videri
 Dextra mihi, extemplo thalamis turbata paternis 240
 Inferor. Ille quidem dudum — quis magna tuenti
 Somnus? — agit versans secum, etsi lata recessit
 Urbe domus, quinam strepitus, quae murmura noctis,
 Cur fremebunda quies? trepido scelus ordine pando,
 Quis dolor, unde animi; vis nulla arcere furentes; 245
 Hac sequere, o miserande, premunt aderuntque moranti,
 Et mecum fortasse cades. His motus et artus
 Erexit stratis; ferimur per devia vastae
 Urbis, ubi ingentem nocturnae caedis acervum
 Passim, ut quosque sacris orudelis vespera lucis 250
 Straverat, occulta speculamur nube latentes.
 Hic inpressa toris ora, extantesque reclusis
 Pectoribus capulos, magnarum et fragmina trunca
 Hastarum et ferro laceras per corpora vestes,
 Crateras pronos epulasque in caede natantes. 255

Cernere erat, iugulisque modo torrentis apertis
 Sanguine commixto redeuntem in pocula Bacchum.
 Hic iuvenum manus et nullis violabilis armis
 Turba senes, positique patrum super ora gementum
 Semineces pueri, trepidas in limine vitae 260
 Singulant animas. Gelida non saevius Ossa
 Luxuriant Lapitharum epulae; si quando profundo
 Nubigenae caluere mero; vix primus ab ira
 Pallor, et impulsis surgunt ad proelia mensis.
 'Tunc primum sese trepidis sub nocte Thyoneus 265
 Detexit, nato portans extrema Thoanti
 Subsidia, et multa subitus cum luce refulsit.
 Agnovi: non ille quidem turgentia sertis
 Tempora, nec flava crinem distinxerat uva,
 Nubilus, indignumque oculis liquentibus imbrem 270
 Alloquitur: 'Dum fata dabant tibi, nate, potentem
 Lemnon, et externis etiam servare timendam
 Gentibus haud umquam iusto mea cura labori
 Destitit: absciderunt tristes crudelia Parcae
 Stamina, nec dictis, supplex quae plurima fudi 275
 Ante Iovem frustra, lacrimisque avertere luctus
 Contigit: infandum natae concessit honorem.
 Accelerate fugam, tuque, o mea digna propago,
 Hac rege, virgo, patrem, gemini qua brachia muri
 Litus eunt, illa, qua rara silentia, porta 280
 Stat funesta Venus ferroque accincta furentes
 Adiuvat. Unde manus, unde haec Mavortia divae
 Pectora? tu lato patrem committe profundo.
 Succedam curis.' Ita fatus in aera rursus
 Solvitur, et nostrum, visus arcentibus umbris, 285
 Mitis iter longae claravit limite flammae.
 'Qua data signa sequor; deiu curvo robore clausum
 Dis pelagi ventisque et Cycladas Aegaeoni
 Amplexo commendo patrem, nec fletibus umquam
 Sit modus alternis, ni iam dimittat Eoo 290
 Lucifer astra polo. Tum demum litore rauco
 Multa metu reputans et vix confusa Lyaeo
 Dividor, ipsa gradu nitens, sed et anxia retro

Pectora, nec requies, quin et surgentia coelo
Flamina et e cunctis prospectem collibus undas. 295

‘Exoritur pudibunda dies coelumque retexens
Aversum Lemno iubar, et declinia Titan
Opposita iuga nube refert: patuere furores
Nocturni, lucisque novae formidine cunctis —
Quamquam inter similes — habitus rubor, inopia terrae 300
Infodiunt scelera, aut festinis ignibus urunt.
Iam manus Eumenidum captasque refugerat arces
Exaturata Venus, licuit sentire, quid ausae,
Et turbare comas et lumina tingere fletu.

‘Insula dives agris opibusque armisque virisque, 305
Nota situ et Getico nuper ditata triumpho,
Non maris incursu, non hoste, nec aethere laevo,
Perdedit una omnes orbata excisaeque mundo
Indigenas: non arva viri, non aequora vertunt,
Conticuere domus, cruor altus, et oblita crasso 310
Cuncta rubent tabo, magnaeque in moenibus urbis
Nos tantum, et saevi spirant per culmina manes.

‘Ipsa quoque arcanis tecti in penetralibus alto
Molior igne pyram, sceptrum super armaque patris
Inicio et notas regum gestamina vestes, 315
Ac prope moesta rogum confusis ignibus adsto
Ense cruentato, fraudemque et inania busta
Plango metu, si forte premant, cassumque parenti
Omen et hac dubios leti precor ire timores.

‘His mihi pro meritis, ut falsi criminis astu 320
Parta fides, regno et solio considerare patris
Supplicium datur. Anne illis obsessa negarem?
Accessi, saepe ante deos testata fidemque
Inmeritasque manus; subeo — pro dira potestas!
Exangue imperium et moestam sine culmine Lemnon. 325

‘Iam magis atque magis vigilēs dolor angere sensus
Et gemitus clari, et paulatim invisā Polyxo,
Iam meminisse nefas; iam ponere manibus aras
Concessum, et multum cineres iurare sepultos.
Sic ubi ductorem trepidae stabulique maritum, 330
Quem penes et saltus et adultae gloria gentis,

Massylo frangi stupuere sub hoste iuvencae,
It truncum sine honore pecus, regemque peremptum
Ipse ager, ipsi amnes et muta armenta queruntur.

‘Ecce autem aerata dispellens aequora prora 335

Pelias intacti late subit hospita ponti

Pinus; agunt Minyae, geminus fragor ardua canet

Per latera, abruptam credas radicibus ire

Ortygiam aut fractum pelago decurrere montem.

Ast ubi suspensis siluerunt aequora tonsis, 340

Mitior et senibus cygnis et pectine Phoebi

Vox media de puppe venit, maria ipsa carinae

Accedunt, post nosse datum est, Oeagrius illic

Acclinis malo, mediis intersonat Orpheus

Remigiis tantosque iubet nescire labores. 345

Illis in Scythicum Borean iter oraue primum

Cyaneis arctata vadis: nos Thracia visu

Bella ratae vario tecta incursare tumultu,

Densarum pecudum aut fugientum more volucrum.

Heu ubi nunc furiae? portus amplexaque litus 350

Moenia, qua longe pelago despectus aperto,

Scandimus et celsas turres; huc saxa sudesque

Armaque moesta virum atque infectos caedibus enses

Subvectant trepidae; quin et squalentia texta

Thoracum et vultu galeas intrare soluto

Non pudet; audaces rubuit mirata catervas

Pallas, et adverso risit Gradivus in Haemo.

Tunc primum ex animis praeceps amentia cessit,

Nec ratis illa salo, sed divum sera per aequor

Iustitia et poenae scelerum adventare videntur. 360

‘Iamque aderant terrae, quantum Gortynia currunt

Spicula, caeruleo gravidam quum Iuppiter imbri

Ipsa super nubem ratis armamenta Pelasgae

Sistit agens; inde horror aquis, et raptus ab omni

Sole dies, miscet tenebras, quis protinus unda 365

Concolor, obnixa lacerant cava nubila venti

Diripiuntque fretum, nigris redit humida tellus

Vorticibus, totumque Notis portantibus aequor

Pendet et aequato iamiam prope sidera dorso

- Frangitur, incertae iam nec prior inpetus alno, 370
 Sed labat, extantem rostris modo gurgite in imo,
 Nunc coelo Tritona ferens. Nec robora prosunt
 Semideum heroum, puppemque insana flagellat
 Arbor et instabili procumbens pondere curvas
 Raptat aquas, remique cadunt in pectus inanes. 375
- ‘Nos quoque per rupes murorumque aggere ab omni,
 Dum labor ille viris fretaque indignantur et Austros,
 Desuper invalidis fluitantia tela lacertis —
 Quid non ausa manus? — Telamona et Pelea contra
 Spargimus, et nostro petitur Tirynthius arcu. 380
 Illi quippe simul bello pelagoque laborant.
 Pars clipeis munire ratem, pars aequora fundo
 Egerere: ast alii pugnant, sed inertia motu
 Corpora suspensaeque carent conamine vires.
 Instamus iactu telorum, et ferrea nimbis 385
 Certat hiems, vastaeque sudes fractique molaes
 Spiculaeque et multa crinitum missile flamma
 Nunc pelago nunc puppe cadunt, dat operta fragorem
 Pinus, et abiunctis regemunt tabulata cavernis.
- ‘Talis Hyperborea virides nive verberat agros 390
 Iuppiter; obruitur campis genus omne ferarum,
 Deprensaeque cadunt volucres, et messis amaro
 Strata gelu, fragor inde iugis, inde amnibus irae.
- ‘Ut vero elisit nubes Iove tortus ab alto
 Ignis et ingentes patnere in lumine nautae, 395
 Diriguere animi, manibusque horrore remissis
 Arma aliena cadunt, redeunt in pectora sexus.
 Cernimus Aeacidas murisque inmane minantem
 Ancaëum et longa pellenstem cuspide rupes
 Iphiton; attonito manifestus in agmine supra est 400
 Amphitryoniades, puppemque alternus utrimque
 Ingravat et medias ardet descendere in undas.
- ‘At levis et miserae nondum mihi notus Iason
 Transtra per et remos inpressaque terga viro-
 rum, Nunc magnum Oeniden, nunc ille hortatibus Idam, 405
 Et Talaum et cana rorantem adspergine ponti
 Tyndariden iterans gelidique in nube parentis

Vela laborantem Calain subnectere malo
 Voce manumque rogat; quatiunt impulsibus illi
 Nunc freta, nunc muros, sed nec spumantia cedunt 410
 Aequora, et incussae redeunt a turribus hastae.

Ipse graves fluctus clavumque audire negantem
 Lassat agens Tiphys palletque, et plurima mutat
 Imperia ac laevas dextrasque obtorquet in undas
 Proram navifragis avidam concurrere saxis, 415

Donec ab extremae cuneo ratis Aesone natus
 Palladios oleae, Mopsi gestamina, ramos
 Extulit et socium turba prohibente poposcit
 Foedera, praecipites vocem involvere procellae.

‘Tunc modus armorum, pariterque exhausta quierant 420
 Flamina, confusoque dies respexit Olympo.

Quinquaginta illi trabibus de more revinctis
 Eminus abrupto quatiunt nova litora saltu;
 Magnorum decora alta patrum, iam fronte sereni 425
 Noscendique habitu, postquam timor iraque cessit

Vultibus; arcana sic fama erumpere porta
 Coelicolas, si quando domus litusque rubentum
 Aethiopum et mensas amor est intrare minores.
 Dant fluvii montesque locum, tum terra superbit
 Gressibus, et paulum respirat coelifer Atlas. 430

‘Hic et ab asserto nuper Marathone superbum
 Thesea et Ismarios, Aquilonia pignora, fratres,
 Utraque quis rutila stridebant tempora penna,
 Cernimus; hic Phoebo non indignante priorem.

Admetum et durae similem nihil Orphea Thracae, 435
 Tunc prolem Calydone satam generumque profundi
 Nereos. Ambiguo visus errore lacescunt

Oebalidae gemini; chlamys huic, chlamys ardet et illi;
 Ambo hastile gerunt, humeros exertus uterque,
 Nudus uterque genas, simili coma fulgurat astro. 440

Audet iter magnique sequens vestigia mutat
 Herculis, et tarda quamvis se mole ferentem
 Vix cursu tener aequat Hylas, Lernaeeaque tollens
 Arma, sub ingenti gaudet sudare pharetra.

‘Ergo iterum Venus et tacitis corda aspera flammis 445

Lemniadum pertemptat amor. Tunc regia Iuno
 Arma habitusque virum pulchraeque insignia gentis
 Mentibus insinuat, certatimque ordine cunctae
 Hospitibus patuere fores; tunc primus in aris 133
 Ignis, et infandis venere obliviae curis; 450
 Tunc epulae felixque sopor noctesque quietae,
 Nec superum sine mente, reor, placuere fatentes. 134
 Forsitan et nostrae fatum excusabile culpae
 Noscere cura, duces; cineres furiasque meorum
 Testor, ut externas non sponte aut crimine taedas 455
 Attigerim; scit cura deum, etsi blandus Iason
 Virginibus dare vincla novis; sua iura cruentum
 Phasin habent, alios Colchi generatis amores.
 Iamque exuta gelu tepuerunt sidera longis 460
 Solibus, et velox in terga revolvitur annus.
 Iam nova progenies partusque in vota soluti,
 Et non speratis Lemnos clamatur alumnis.
 Nec non ipsa tamen thalami monumenta coacti
 Enitor geminos, duroque sub hospite mater
 Nomen avi renovo; nec quae fortuna relictis 465
 Nosse datum, iam plena quater quinquennia pergunt,
 Si modo fata sinunt aluitque rogata Lycaste.
 Detumuerunt animi maris, et clementior Auster
 Vela vocat, ratis ipsa moram portusque quietos
 Odit et adversi tendit retinacula saxi. 470
 Inde fugam Minyae, sociosque appellat Iason
 Efferus, o utinam iam tum mea litora rectis
 Praetervectus aquis, cui non sua pignora cordi,
 Non promissa fides; certe stat fama remotis
 Gentibus, aequorei redierunt vellera Phryxi. 475
 Ut stata lux pelago venturumque aethera sensit
 Tiphys et occidui rubuere cubilia Phoebi,
 Heu iterum gemitus, iterumque novissima nox est.
 Vix reserata dies, et iam rate celsus Iason
 Ire iubet, primoque ferit dux verberare pontum. 480
 Illos e scopulis et summo vertice montis
 Spumea porrecti dirimentes terga profundi
 Prosequimur visu, donec lassavit euntes

Lux oculos longumque polo contexere visa est
 Aequor et extremi pressit freta margine coeli. 485
 'Fama subit portus, vectum trans alta Thoanta
 Fraterna regnare Chio, mihi crimina nulla,
 Et vacuos arsisse rogos; fremit in pia plebes
 Sontibus accensae stimulis, facinusque reposcunt.
 Quin etiam occultae vulgo increbescere voces: 490
 Solane fida suis, nos autem in funera laetae?
 Non deus haec fatumque, quod imperat urbe nefanda.
 'Talibus exanimis dictis — et triste propinquit
 Supplicium, nec regna iuvant — vaga litora furto
 Incomitata sequor funestaque moenia linquo, 495
 Qua fuga nota patris; sed non iterum obviis Evan,
 Nam me praedonum manus huc appulsa tacentem
 Arripit, et vestras famulam transmittit in oras.
 Talia Lernaeis iterat dum regibus exul
 Lemnias et longa solatur damna querela, 500
 Inmemor absentis — sic di suasistis! alumni,
 Ille graves oculos languentiaque ora comanti
 Mergit humo, fessusque diu puerilibus actis
 Labitur in somnos, presa manus haeret in herba.
 Interea campis, nemoris sacer horror Achaei, 505
 Terrigena erigitur serpens, tractuque soluto
 Inmanem sese vehit ac post terga relinquit.
 Livida fax oculis, tumidi stat in ore veneni
 Spuma virens, ter lingua vibrat, terna agmina adunci
 Dentis, et auratae crudelis gloria frontis 510
 Prominet. Inachio sanctum dixerunt Tonanti
 Agricolae, cui cura loci, et silvestribus aris
 Pauper honos; nunc ille dei circumdare templa
 Orbe vago labens, miserae nunc robora silvae
 Atterit et vastas tenuat complexibus ornos. 515
 Saepe super fluvios geminae iacet aggere ripae
 Continuus, squamisque incisis adaestuat amnis.
 Sed nunc Ogygii iussis quando omnis anhelat
 Terra dei, trepidaeque latent in pulvere Nymphae,
 Saevior anfractu laterum sinuosa retorquens 520
 Terga solo siccique nocens furit igne veneni.

Stagna per arentesque lacus fontesque repressos
 Volvitur, et vacuis fluviorum in vallibus errat,
 Incertusque sui liquidum nunc aera lambit
 Ore supinato, nunc arva gementia radens 525
 Pronus adhaeret humo, si quid viridantia sudent
 Gramina; percussae calidis afflatibus herbae,
 Qua tulit ora, cadunt, moriturque ad sibila campus.

Quantus ab Arctois discriminat aethera plaustris
 Anguis ad usque Notos alienumque exit in orbem. 530
 Quantus et ille sacri spiris intorta movebat
 Cornua Parnassi, donec tibi, Delie, fixus
 Vexit arundineam centeno vulnere silvam.

Quis tibi, parve, deus tam magni pondera fati
 Sorte dedit? tune hoc vix prima ad limina vitae 535
 Hoste iaces? an ut inde sacer per saecula Graiis
 Gentibus et tanto dignus morerere sepulcro?
 Occidis extremae destrictus verbere caudae
 Ignaro serpente puer, fugit illicet artus
 Somnus, et in solam patuerunt lumina mortem. 540

Quum tamen attonito moriens vagitus in auras
 Excidit et ruptis inmutuit ore querelis,
 Qualia non totas peragunt insomnia voces,
 Audiit Hypsipyle, facilemque negantia cursum
 Exanimis genua aegra rapit; iam certa malorum 545
 Mentis ab augurio sparsoque per omnia visu
 Lustrat humum quaerens et nota vocabula parvo
 Nequicquam ingeminans; nusquam ille, et prata recentes
 Amisere notas; viridi piger accubat hostis
 Collectus gyro spatiosaue iugera complet, 550
 Sic etiam obliqua cervicem expositus in alvo.
 Horruit infelix visu, longoque profundum
 Incendit clamore nemus, nec territus ille,
 Sed iacet. Argolicas ululatus flebilis aures
 Inpulit; extemplo monitu ducis advolat ardens 555
 Arcas eques causamque refert. Tum squamea demum
 Torvus ad armorum radios fremitumque virorum
 Colla movet, rapit ingenti conamine saxum,
 Quo discretus ager, vacuasque inpellit in auras

Arduus Hippomedon, quo turbine bellica quondam 560
 Librati salient portarum in claustra molares.
 Cassa duci virtus, nam mollia colla refusus
 In tergum serpens venientem exhauserat ictum.
 Dat sonitum tellus, nemorumque per aera densi
 Dissultant nexus. 'At non mea vulnera, clamat, — 565
 Et trabe fraxinea Capaneus subit obuius, — umquam
 Effugies, seu tu pavidus ferox incolat luci,
 Sive deis, utinamque deis concessa voluptas,
 Non, si consertum super haec mihi membra Giganta
 Subveheres. Volat hasta tremens, et hiantia monstri 570
 Ora subit linguaeque secat fera vincula trisulcae,
 Perque iubas stantes capitisque insignis corusci
 Emicat, et nigri sanie perfusa cerebri
 Figitur alta solo. Longus vix tota peregit
 Membra dolor, rapido celer ille volumine telum 575
 Circuit avulsumque ferens in opaca refugit
 Templi dei; hic magno tellurem pondere mensus
 Implorantem animam dominis assibulat aris.
 Illum et cognatae stagna indignantia Lernaee,
 Floribus et vernis assuetae spargere Nymphae, 580
 Et Nemees reptatus ager lucosque per omnes
 Silvicolae fracta genuistis arundine, Fauni.
 Ipse etiam summa iam tela poposcerat aethra
 Iuppiter, et dudum nimbique hiemesque coibant,
 Ni minor ira deo gravioraque tela mereri 585
 Servatus Capaneus, moti tamen aura cucurrit
 Fulminis et summas libavit vertice oristas.
 Iamque pererratis infelix Lemnia campis,
 Liber ut angue locus, modico super aggere longe
 Pallida sanguineis infectas roribus herbas 590
 Prospicit. Huc magno cursum rapit effera luctu
 Agnoscitque nefas, terraeque inlisa nocenti
 Fulminis in morem non verba in funere primo,
 Non lacrimas habet; ingeminat misera oscula tantum
 Incumbens, animaeque fugam per membra tepentem 595
 Quaerit hians, non ora loco, non pectora restant.
 Rapta cutis, tenuia ossa patent nexusque madentes

Sanguinis imbre novi, totumque in vulnere corpus.

Ac velut aligeras sedem foetusque parentis
Quum piger umbrosa populatus in ilice serpens, 600
Illa redit, querulaeque domus mirata quietem
Stat super inpendens advectosque horrida moesto
Excutit ore cibos, quum solus in arbore cara
Sanguis et errantes per capta cubilia plumae.

Ut laceros artus gremio miseranda recepit 605
Intexitque comis, tandem laxata dolore
Vox invenit iter, gemitusque in verba soluti:

‘O mihi desertae natorum dulcis imago,
Archemore, o rerum et patriae solamen ademptae
Servitilique decus, qui te, mea gaudia, sotes 610
Extinxere dei, modo quem digressa reliqui
Lascivum et prono vexantem gramina cursu?
Heu ubi siderei vultus? ubi verba ligatis
Imperfecta sonis, risusque et murmura soli
Intellecta mihi? quotiens tibi Lemnon et Argo 615
Suenta loqui et longa somnum suadere querela? |||

Sic equidem luctus solabar et ubera parvo
Iam materna dabam, cui nunc venit irritus ori
Lactis, et infelix in vulnera liquitur imber.
Nosco deos: o dura mei praesagia somni 620
Nocturnique metus, et nunquam inpune per umbras
Attonitae mihi visa Venus! quos arguo divos?
Ipse ego te — quid enim timeam moritura fateri? —
Exposui fati. Quae mentem insania traxit?

Tantane me tantae tenere obliviae curae? 625
Dum patrios casus famaeque exorsa retracto
Ambitiosa meae, pietas haec magna, fidesque!
Exsolvi tibi, Lemne, nefas; ubi letifer anguis,
Ferte, duces, meriti si qua est mihi gratia duri,
Si quis honos dictis, aut vos extinguite ferro, 630

Ne tristes dominos orbamque inimica revisam
Eurydicen, quamquam haud illi mea cura dolendo
Cesserit. Hocne ferens onus inlaetabile matris
Transfundam gremio? quae me prius ima sub umbras
Mergat humus?’ Simul haec terraque et sanguine vultum 635

Sordida magnorum circa vestigia regum
Vertitur, et tacite moerentibus inputat undas.

Et iam sacrifici subitus per tecta Lycurgi
Nuntius implerat lacrimis ipsumque domumque,
Ipsum adventantem Persei vertice sancto
Montis, ubi adverso dederat prosecta Tonanti,
Et caput iratis rediens quassabat ab extis.

640

Hic sese Argolicis immunem servat ab armis
Haud animi vacuus, sed templa araeque tenebant.
Necdum etiam responsa deum monitusque vetusti
Exciderant, voxque ex adytis accepta profundis,
'Prima, Lycurge, dabis Dircaeo funera bello.'
Id cavet, et moestus vicini pulvere Martis
Angitur ad lituos periturisque invidet armis.

645

Ecce fides superum! laceras comitata Thoantis

650

Advenit exequias: contra subit obvia mater,
Femineos coetus plangentiaque agmina ducens.
At non magnanimo pietas ignava Lycurgo,
Fortior ille malis, lacrimasque insana resorbet
Ira patris, longo rapit arva morantia passu
Vociferans: 'Illa autem ubinam, cui parva cruoris
Laetave damna mei? vivitne? inpellite raptam,
Ferte citi comites; faxo omnis fabula Lemni
Et pater et tumidae generis mendacia sacri
Exciderint. Ibat, letumque inferre parabat
Ense furens raptō, venienti Oeneius heros
Impiger obiecta proturbat pectora parma.

655

Ac simul infrendens: 'Siste hunc, vesane, furorem,
Quisquis es.' Et pariter Capaneus acerque reducto
Affuit Hippomedon rectoque Erymanthus ense,
Ac iuvenem multo perstringunt lumine. At inde

660

Agrestum pro rege manus; quos inter Adrastus
Mitior, et sociae veritus commercia vittae
Amphiaraus ait: 'Ne — quaeso; absistite ferro,
Unus avum sanguis, neve indulgete furori,
Tuque prior.' Sed non sedato pectore Tydeus
Subicit: 'Anne ducem servatricemque cohortis
Inachiae ingratis coram tot millibus audea

670

Mactare in tumulos? quanti pro funeris ultor!
 Cui regnum genitorque Thoas et lucidus Evan 675
 Stirpis avus. Tumidone parum, quod gentibus actis
 Undique in arma ruis inter rapida agmina pacem
 Solus habes? habeasque, et te victoria Graium
 Inveniat tumulis etiamnum haec fata gementem.'

Dixerat, et tandem cunctante modestior ira 680
 Ille refert: 'Equidem non vos ad moenia Thebes
 Rebar, et hostiles huc advenisse catervas.
 Pergite in excidium socii, si tanta voluptas,
 Sanguinis, inbuite arma domi, atque haec inrita dudum
 Templâ Iovis — quid enim haud licitum? — ferat inpius ignis,
 Si vilem, tanti premerent quum pectora luctus, 686
 In famulam ius esse ratus, dominoque ducique.
 Sed videt haec, videt ille deum regnator, et ausis
 Sera quidem, manet ira tamen.' Sic fatus, et arces
 Respicit, atque illic alio certamine belli 690
 Tecta fremunt; volucres equitum praeverterat alas
 Fama recens, geminos alis amplexa tumultus.
 Illi ad fata rapi, atque illi iam occumbere leto,
 Sic meritam Hypsipylum iterant, creduntque, nec irae
 Fit mora, iamque faces, et tela penatibus instant. 695
 Vertere regna fremunt raptumque auferre Lycurgum,
 Cum Iove, cum aris; resonant ululatibus aedes
 Fœmineis, versusque dolor dat terga timori.

Alipedum curru sed enim sublimis Adrastus
 Secum ante ora virum fremebunda Thoantida portans 700
 It medius turmis, et 'Parcite, parcite, clamat.
 Nil actum saeve, meritis nec tale Lycurgus
 Excidium, gratique inventrix fluminis ecce.'

Sic ubi diversis maria evertere procellis
 Hinc Boreas Eurusque, illinc niger imbribus Auster, 705
 Pulsa dies regnantque hiemes, venit aequoris alti
 Rex sublimis equis, geminusque ad spumea Triton
 Frena natans late pelago dat signa cadenti;
 Et iam plana Thetis, montesque et litora crescunt.

Quis superum tanto solatus funera voto 710

Pensavit lacrimas inopinaque gaudia moestae
 Rettulit Hypsipylae? Tu gentis conditor, Evan,
 Qui geminos iuvenes Lemni de litore vectos
 Intuleras Nemeae mirandaque fata parabas.

Causa viae genetrix, nec inhospita tecta Lycurgi 715
 Praebuerant aditus, et protinus ille tyranno
 Nuntius, extinctae miserando vulnere prolis.
 Ergo adsunt comites — pro fors et caeca futuri
 Mens hominum! — regique favent; sed Lemnos ad aures
 Ut primum dictusque Thoas, per tela manusque 720
 Inruerant, matremque avidis complexibus ambo
 Diripiunt flentes alternaque pectora mutant.

Illam velut rupes inmota saxea visu
 Haeret et expertis non audet credere divis.
 Ut vero et vultus et signa Argoa relictis 725
 Ensibus atque humeris amborum intextus Iason,
 Cesserunt luctus, turbataque munere tanto
 Corruit, atque alio maduerunt lumina fletu.
 Addita signa polo, laetoque ululante tumultu
 Tergaque et aera dei motas crepuere per auras. 730

Tunc pius Oeclides, ut prima silentia vulgi
 Mollior ira dedit placidasque accessit ad aures:
 'Audite, o ductor Nemeae lectique potentes
 Inachidae, quae certus agi manifestat Apollo.
 Iste quidem Argolicis haud olim indebitus armis 735
 Luctus adest: recto descendunt limite Parcae.
 Et sitis interitu fluviorum et letifer anguis,
 Et puer, heu nostri signatus nomine fati,
Archemorus, cuncta haec superum demissa suprema
 Mente tuunt, differte animos festinaque tela 740
 Ponite: mansuris donandus honoribus infans.
 Et meruit; det pulchra suis libamina virtus
 Manibus, atque utinam plures innectere pergas,
 Phoebe, moras, semperque novis bellare vetemur
 Casibus, et semper Thebe funesta recedat. 745
 At vos magnorum transgressi fata parentum
 Felices, longum quibus hinc per saecula nomen,

Dum Lernaea palus et dum pater Inachus ibit,
Dum Nemeae tremulas campis iaculabitur umbras,
Ne fletu violatæ sacrum, ne plangite divos:
Nam deus iste, deus, Pylææ nec fata senectæ
Maluerit, Phrygiis aut degere longius annis.
Finierat, coeloque cavam nox induit umbram.

P. PAPINII STATII
THEBAIDOS
LIBER VI.

Nuntia multivago Danaas perlabitur urbes
Fama gradu, sancire novo sollemnia busto
Inachidas ludumque super, quo Martia bellis
Praesudare paret seseque accendere virtus.
Graium ex more decus; primus Pisaea per arva 5
Hunc pius Alcides Pelopi certavit honorem
Pulvereumque fera crinem deterisit oliva.
Proxima vipereo celebravit libera nexu
Phocis Apollineae bellum puerile pharetrae.
Mox circum tristes servata Palaemonis aras 10
Nigra superstitio, quotiens animosa resumit
Leucothoe gemitus et amica ad litora festa
Tempestate venit: planctu conclamat uterque
Isthmos, Echioniae responsant flebile Thebae.

Et nunc eximii regum, quibus Argos alumnis 15
Connexum coelo, quorumque ingentia tellus
Aonis et Tyriae suspirant nomina matres,
Concurrunt nudasque movent in proelia vires.

Ceu primum ausurae trans alta ignota biremes,
Seu Tyrrenam hiemem, seu stagna Aegaea lacesunt, 20
Tranquillo prius arma lacu clavumque levesque
Explorant remos, atque ipsa pericula discunt.
At quum experta cohors, tum pontum iarumpere fretae
Longius ereptasque oculis non quaerere terras.

Clara laboriferos coelo Tithonia currus 25
Extulerat, vigilesque deae pallentis habenas
Et nox et cornu fugiebat Somnus inani.

Oderat atque oculos flectebat ab omine mater.

Arma etiam et veterum exuvias circumdat avorum

Gloria mixta malis afflictæque ambitus aulae,

Ceu grande exequiis onus atque inmensa ferantur

Membra toro, sed cassa tamen sterilisque dolentes 70

Fama iuvat, parvique augescunt funere manes.

Inde ingens lacrimis honor et miseranda voluptas,

Muneraque in cineres annis graviora feruntur.

Namque illi et pharetras brevioraque tela dicarat

Festinus voti pater insontesque sagittas. 75

Iam tunc et nota stabulis de gente probatos

In nomen pascebat equos cinctusque sonantes

Armaque maiores expectatura lacertos.

Spes avidæ! quas non in nomen credula vestes

Urgebat studio cultusque insignia regni 80

Purpureos sceptrumque minus? cuncta ignibus atris

Damnat atrox suaque ipse parens gestamina ferri,

Si damnis rabidum queat exaturare dolorem.

Parte alia gnari monitis exercitus instat

Auguris, aeriam truncis nemorumque ruina

Montis onus cumulare pyram; quæ crimina caesi

Anguis et infausti cremet atra piacula belli.

His labor accisam Nemeen umbrosaue Tempe

Praecipitare solo lucosque ostendere Phoebo.

Sternitur extemplo veteres incaedua ferro 90

Silva comas, largæ qua non opulentior umbræ

Argolicos inter saltusque educta Lycaeos

Extulerat super astra caput: stat sacra senectæ

Numine, nec solos hominum transgressa veterno

Fertur avos, Nymphas etiam mutasse superstes 95

Faunorumque greges. Aderat miserabile luctu

Excidium: fugere ferae, nidosque tepentes

Absiliunt, metus urget, aves; cadit ardua lagus,

Chaoniumque nemus brumæque inlaesa cupressus,

Procumbunt piceae, flammis alimenta supremis, 100

Ornique iliceaque trabes metuendaque succo

Taxis et infandos belli potura cruores

Fraxinus atque situ non expugnabile robur.

Hinc audax abies et odoro vulnere pinus
Scinditur, acclinant intonsa cacumina terrae 105
Alnus amica fretis, nec inhospita vitibus ulmus.
Dat gemitum tellus: non sic eversa feruntur
 Ismara, quum fracto Boreas caput extulit antro.
 Non grassante Noto citius nocturna peregit
 Flamma nemus; linquunt flentes dilecta locorum 110
 Otia cana Pales, Silvanusque arbiter umbrae
 Semideumque pecus, migrantibus adgemit illis
 Silva, nec amplexae dimittunt robora Nymphae.
 Ut quum possessas avidis victoribus arces
 Dux raptare dedit, vix signa audita, nec urbem 115
 Invenias; ducunt sternuntque abiguntque feruntque
 Inmodici, minor ille fragor, quo bella geruntur.
 Tamque pari cumulo geminas hanc tristibus umbris,
 Ast illam superis, aequus labor auxerat aras,
 Quum signum luctus cornu grave mugit adunco 120
 Tibia, cui teneros suetum producere Manes
 Lege Phrygum moesta. Pelopem monstrasse ferebant
 Exequiale sacrum carmenque minoribus umbris
 Utile, quo geminis Niobe consumpta pharetris
 Squalida bisseas Sipyron deduxerat urnas. 125
 Portant inferias arsuraque fercula primi
 Graiorum, titulisque pios testantur honores
 Gentis quisque suae; longo post tempore surgit
 Colla super iuvenum, numero dux legerat omni,
 Ipse fero clamore torus; cinxere Lycurgum 130
 Lernaei proceres, genetricem mollior ambit
 Turba, nec Hypsipyle raro subit agmine; vallant
 Inachidae memores, sustentant livida nati
 Brachia, et inventae concedunt plangere matri.
 Illic infaustos ut primum egressa penates 135
 Eurydice, nudo vocem de pectore rumpit,
 Planctuque et longis praefata ululatibus inquit:
 'Non hoc Argolidum coetu circumdata matrum
 Speravi te, nate, sequi, nec talia demens
 Fingebam votis annorum elementa tuorum, 140
 Nil saevum reputans; etenim his in finibus aevi

Unde ego bella tibi Thebasque ignara timerem? *Lament*
 Cui superum nostro committere sanguine pugnas *for*
 Dulce? quis hoc armis vovit scelus? at tua nondum. *Arch*
 Cadme, domus, nullus Tyrio grege plangitur infans. 145
 Primitias egomet lacrimarum et caedis acerbae
 Ante tubas ferrumque tuli, dum deside cura
 Credo sinus fidos altricis et ubera mando.
 Quidni ego? narrabat servatum fraude parentem
 Insontesque manus. En! quam ferale putemus 150
 Abiurasse sacrum et Lemni gentilibus unam
 Immunem furiis; haec illa, et creditis ausae?
 Haec pietate potens? solis abiecit in arvis
 Non regem dominumve; alienos in pia partus,
 Hoc tantum, silvaeque infamis tramite liquit, 155
 Quem non anguis atrox — quid enim hac opus, hei mihi, leti
 Mole fuit? — tantum coeli violentior aura
 Impulsaque Noto frondes cassusque valeret
 Exanimare timor. Nec vos incessere luctu
 Orba habeo, fixum matri inmotumque manebat 160
 Hac altrice nefas; at quin et blandus ad illam,
 Nate, magis, solam nosse atque audire vocantem,
 Ignarusque mei: nulla ex te gaudia matri.
 Illa tuos questus lacrimososque in pia risus
 Audiit et vocis decerpsit murmura primae. 165
 Illa tibi genetrix semper, dum vita manebat,
 Nunc ego. Sed miserae mihi nec punire potestas
 Sic meritam: quid dona, duces, quid inania fertis
 Iusta rogis? Illam, nil poscunt amplius umbrae,
 Illam, oro, cineri simul, excisaeque parenti 170
 Reddite, quaeso, duces, per ego haec primordia belli,
 Cui peperit: sic aequa gemant mihi funera matres
 Ogygiae.' Sternit crines iteratque precando:
 'Reddite, nec vero crudelem avidamque vocate
 Sanguinis: occumbam pariter, dum vulnere iusto 175
 Exaturata oculos, unum inpellamur in ignem.'
 Talia vociferans alia de parte gementem
 Hypsipylon, neque enim illa comas nec pectora servat,
 Agnovit longe, et socium indignata dolorem.

‘Hoc saltem, o proceres, tuque o, cui pignore nostro 180
 Partus honos, prohibete nefas, auferte supremis
 Ivisam exequiis. Quid se funesta parenti
 Miscet et in nostris spectatur et ipsa ruinis?
 Cui luget complexa suos?’ Sic fata repente
 Concidit, abruptisque obmutuit ore querelis. 185

Non secus ac primo fraudatum lacte iuvenicum,
 Cui trepidae vires et solus ab ubere sanguis,
 Seu fera, seu duras avexit pastor ad aras;
 Nunc vallem spoliata parens, nunc flumina questu,
 Nunc armenta movet vacuosque interrogat agros; 190
 Tunc piget ire domum, moestoque novissima campo
 Exit et oppositas inpasta avertitur herbas.

At genitor sceptribus decus cultusque Tonantis
 Inicit ipse rogis, tergoque et pectore fusam
 Caesariem ferro minuit sectisque iacentis 195
 Obnubit tenuia ora comis, ac talia fletu
 Verba pio miscens: ‘Alio tibi, perfide, pacto,
 Iuppiter, hunc crinem voti reus ante dicaram,
 Si pariter virides nati libare dedisses
 Ad tua templa genas, sed non ratus ore sacerdos, 200
 Damnaeque preces: ferat haec, quae dignior umbra est.’

Iam face subiecta primis in frondibus ignis ✕
 Exclamat: labor insanos arcere parentes.
 Stant iussi Danaï, atque obtentis eminus armis
 Prospectu visus intercludere nefasto. 205
 Ditantur flammae: non umquam opulentior illic
 Ante cinis, crepitant gemmae, atque inmane liquescit
 Argentum, et pictis exudat vestibibus auram;
 Nec non Assyriis pinguescunt robora succis,
 Pallentique croco strident ardentia mella, 210
 Spumantesque mero paterae verguntur et atri
 Sanguinis et rapti gratissima cymbia lactis.

Tunc septem numero turmas — centenus ubique
 Urget eques — versis ducunt insignibus ipsi
 Graiugena reges, lustrantque ex more sinistro 215
 Orbe rogam et stantes inclinant pulvere flammam.
 Ter curvos egere sinus, inlisaque telis

Tela sonant, quater horrendum pepulere fragorem
 Arma, quater mollem famularum brachia planctum.
 Semianimes alter pecudes spirantiaque ignis 220
 Accipit armenta; hic luctus abolere novique
 Funeris auspicium, vates — quamquam omina sentit
 Vera — iubet, dextri gyro et vibrantibus hastis
 Hac redeunt, raptumque suis libamen ab armis
 Quisque iacit, seu frenâ libet seu cingula flammis 225
 Mergere seu iaculum summae seu cassidis umbram.
 [Multa gemunt contra raucis concentibus agri,
 Et lituis aures circum pulsantur acutis.
 Terretur clamore nemo: sic Martia vellunt
 Signa tubae, nondum ira calet, nec sanguine ferrum 230
 Inrubit, primo bellorum comitur illo
 Vultus, honoris opus: stat adhuc incertus in alta
 Nube, quibus sese Mavors indulgeat armis.]
 Finis erat, lapsusque putres iam Mulciber ibat
 In cineres, instant flammis multoque soporant 235
 Imbre rogam, posito donec cum sole labores
 Exhausti, seris vix cessit cura tenebris.
 Roscida iam novies coelo dimiserat astra
 Lucifer, et totidem Lunae praevenerat ignes
 Mutato nocturnus equo, nec conscia fallit 240
 Sidera, et alterno deprenditur unus in ortu:
 — Mirum opus accelerasse manus — stat saxea moles,
 Templum ingens, cineri, rerumque effectus in illo
 Ordo docet casus. Fessis hic flumina monstrat
 Hypsipyle Danaïs, hic reptat flebilis infans, 245
 Hic iacet, extremum tumuli circum asperat orbem
 Squameus: expectes morientis ab ore cruenta
 Sibila, marmorea sic volvitur anguis in hasta.
 Iamque avidum pugnas visendi vulgus inermes
 Fama vocat, cunctis arvis ac moenibus adsunt 250
 Exciti; illi etiam, quis belli incognitus horror,
 Quos effoeta domi, quos prima reliquerat aetas,
 Conveniunt: non aut Ephyraeo in litore tanta
 Umquam, aut Oenomai fremuerunt agmina circo.
 Collibus incurvis viridique obsessa corona 255

Vallis in amplexu nemorum sedet; hispida circum
 Stant iuga, et obiectus geminis umbonibus agger
 Campum exire vetat, longo quem tramite planum
 Gramineae frondes sinuataque cespite vivo
 Mollia non subitis augent fastigia clivis. 260

Illic conferti, iam sole rubentibus arvis,
 Bellatrix sedere cohors; ibi corpore mixto
 Metiri numerum vultusque habitasque suorum,
 Dulce viris, tantique iuvat fiducia belli.

Centum ibi nigrantes, armenti robora, tauros 265
 Lenta mole trahunt, idem numerusque colorque
 Matribus et nondum lunatis fronte iuvenis.
 Exin magnanimum series antiqua parentum
 Invehitur, miris in vultum animata figuris.

Primus anhelantem duro Tirynthius angens 270
 Pectoris attritu sua frangit in ossa leonem.

Haud illum inpavidi, quamvis et in aere, suumque
 Inachidae videre decus; pater ordine iuncto
 Laevus arundineae recubansque sub aggere ripae
 Cernitur emissaeque indulgens Inachus urnae. 275
 Io post tergum, iam prona, dolorque parentis
 Spectat inocciduis stellatum visibus Argum.

Ast illam melior Phariis erexerat arvis
 Iuppiter, atque hospes iam tunc Aurora colebat.

Tantalus inde parens, non qui fallentibus undis 280
 Imminet, aut refugae sterilem rapit aera silvae,
 Sed pius et magni vehitur conviva Tonantis.

Parte alia victor curru Neptunia tendit
 Lora Pelops, pressatque rotas auriga natantes
 Myrtilus et volucris iam iamque relinquitur axe. 285
 Et gravis Acrisius speciesque horrenda Choroebi
 Et Danae culpata sinus, et in amne reperto
 Tristis Amymone, parvoque Alcmena superbit
 Hercule, tergemina crinem circumdata luna.

Iungunt discordes inimica in foedera dextras 290
 Belidae fratres; sed vultu mitior adstat
 Aegyptus, Danaï manifestum agnoscere ficto
 Ore nefas pacisque malae noctisque futurae.

Mille dehinc species, tandem satiata voluptas,
Praestantesque viros vocat ad sua praemia virtus. 295

Primus sudor equis. Dic, inclite Phoebe, regentum
Nomina, dic ipsos; neque enim generosior umquam
Alipedum collata acies, ceu praepete cursu
Configant densae volucres, aut litore in uno
Aeolus insanis statuatur certamina ventis. 300

Ducitur ante omnes rutilae manifestus Arion
Igne iubae. Neptunus equo, si certa priorum
Fama, pater; primus teneris laesisse iupatis
Ora et litoreo domitasse in pulvere fertur,
Verberibus parcens; etenim insatiatus eundi 305
Ardor et hiberno par inconstantia ponto.

Saepe per Ionium Libycumque natantibus ire
Interiunctus equis omnesque assuetus in oras
Caeruleum deferre patrem: stupuere relictæ
Nubila, certantes Eurique. Notique sequuntur. 310
Nec minor in terris bella Eurysthea gerentem

Amphitryoniaden alto per gramina sulco
Duxerat; illi etiam ferus indocilisque teneri.
Mox divum dono regis dignatus Adrasti
Imperia et multum mediis mansueverat annis. 315

Tunc rector genero Polynici indalget agendum
Multa monens, ubi fervor equo, qua suetus ab arte
Mulceri, ne saeva manus, ne liber habenis
Inpetus. 'Urge alios, inquit, stimulisque minisque;
Ille ibit, minus ipse voles.' Sic ignea lora 320

Quum daret, et rapido Sol natum inponeret axi,
Gaudentem lacrimans astra insidiosa docebat
Nolentesque teri zonas mediamque polorum
Temperiem: pius ille quidem et formidine cuncta,
Sed iuvenem duræ prohibebant discere Parcae. 325

Oebalios sublimis agit spes proxima palmas
Amphiaræus equos; tua furto lapsa propago,
Cyllare, dum Scythici diversus ad ostia ponti
Castor, Amyclæas remo permutat habenas.
Ipse habitu niveus, nivei dant colla iugales, 330
Concolor est albis et cassis et infula crinis.

Quin et Thessalicis felix Admetus ab oris
 Vix steriles compescit equas, Centaurica dicunt
 Semina; credo, adeo sexum indignantur, et omnia
 In vires adducta Venus, noctemque diemque 335
 Assimulant, maculis internigrantibus albae;
 Tantus uterque color, credi nec degener illo
 De grege Castaliae, stupuit qui sibila cannae
 Laetus et audito contempsit Apolline pasci.

Ecce et Iasonidae iuvenes nova gloria matris 340
 Hypsipyles subiere iugo, quo vectus uterque.
 Nomen avo gentile Thoas, atque omine dictus
 Euneos Argoo; geminis eadem omnia, vultus,
 Currus, equi, vestes par et concordia voti,
 Vincere vel solo cupiunt a fratre relinqui. 345
 It Chromis Hippodamusque, alter satus Hercule magno,
 Atter ab Oenomao: dubites, uter effera presset
 Frena magis. Getici pecus hic Diomedis, at ille
 Pisaei iuga patris habet, crudelibus ambo
 Exuviis diroque inbuti sanguine currus. 350

Metarum instar erat hinc nudo robore quercus,
 Olim omnes exuta comas, hinc saxeus umbo
 Arbitrator agricolis; finem iacet inter utrumque,
 Quale quater iaculo spatium, ter arundine vincas.

Interea cantu Musarum nobile mulcens 355
 Concilium citharaeque manus insertus Apollo
 Parnassi summo spectabat ab aethere terras,
 Orsa deum — nam saepe Iovem Phlegramque suique
 Anguis opus fratrumque pius cantarat honores —
 Tunc aperit, quis fulmen agat, quis sidera ducat 360
 Spiritus, unde animi fluviis, quae pabula ventis,
 Quo fonte immensum vivat mare, quae via soles
 Praecipitet, noctem quae porrigat, inmane tellus
 An media et rursus mundo succincta latenti.

Finis erat, differt avidas audire sorores, 365
 Dumque chelym lauro textumque inlustre coronae
 Subligat et picto discingit pectora limbo,
 Haud procul Herculeam Nemeen clamore reductus
 Adspicit, atque illic ingens certaminis instar

Quadriugi. Noscit cunctos, et forte propinquo 370
Constiterant Admetus et Amphiarus in arvo.

Tunc secum: 'Quisnam iste duos, fidissima Phoebo
Nomina, commisit deus in discrimina reges?
Ambo pii carique ambo; nequeam ipse priorem
Dicere. Peliacis hic quum famularer in arvis, 375

Sic Iovis imperia et nigrae voluere sorores,
Tura dabat famulo, nec me sentire minorem
Ausus: at hic tripodum comes et pius artis alumnus.
Aetherae; potior meritis tamen ille, sed huius
Extrema iam fila colu; datur ordo senectae 380

Admeto serumque mori; tibi nulla supersunt
Gaudia, iam Thebae iuxta et tenebrosa vorago.
Scis miser, et nostrae pridem cecinere volucres.'

Dixit, et os fletu paene inviolabile tinctus
Extemplo Nemeen radiante per aethera saltu 385

Ocior et patrio venit igne suisque sagittis.
Ipse olim in terris, coelo vestigia durant,
Claraque per Zephyros etiamnum semita lucet.

Et iam sortitus Prothous versarat athena
Casside, iamque locus cuique est et liminis ordo. 390

Terrarum decora ampla viri, decora ampla iugales,
Divum utrumque genus, stant uno margine clausi,
Spesque audaxque una metus et fiducia pallens.

Nil fixum cordi: pugnant exire paventque,
Concurrit summos animosum frigus in artus. 395

Qui dominis, idem ardor equis; face lumina surgunt,
Ora sonant morsu spumisque, et sanguine ferrum

Uritur, impulsu nequeunt obsistere postes
Claustraue, compressae transfumat anhelitus irae.

Stare adeo miserum est, pereunt vestigia mille 400
Ante fugam, absentemque ferit gravis ungula campum.

Circumstant fidi, nexusque et torta iubarum
Expediunt firmantque animos et plurima monstrant.

Insonuit contra Tyrrhenum murmur, et omnes
Exiluire loco. Quae tantum carbasa ponto, 405

Quae bello sic tela volant, quae nubila coelo?
Annibus hibernis minor est, minor impetus igni,

Tardius astra cadunt, glomerantur tardius imbres,
Tardius e summo decurrunt flumina monte.

Emissos videre atque agnovere Pelasgi. 410

Et iam rapti oculis, iam caeco pulvere mixti
Una in nube latent, vultusque umbrante tumultu
Vix inter sese clamore et nomine noscunt.
Evolvere globum, et spatio quo quisque valebat
Diducti, delet sulcos iterata priores 415

Orbita, nunc avidi prono iuga pectore tangunt,
Nunc pugnante genu pressis duplicantur habenis.
Colla toris crinita tument, stantesque repectit
Aura iubas, bibit albentes humus arida nimbos.
Fit sonus inmanisque pedum tenuisque rotarum. 420

Nulla manus requies, densis insibilat aer
Verberibus; gelida non crebrior exilit Aereo
Grando, nec Oleniis manant tot cornibus imbres.

Senserat adductis alium praesagus Arion
Stare ducem loris, dirumque expaverat insons 425
Oedipodioniden; iam illinc a limine discors,
Iratusque oneri insolito truculentior ardet.
Inachidae credunt accensum laudibus, ille
Aurigam fugit, aurigae furiale minatur.
Efferus, et campo dominum circumspicit omni. 430

Ante tamen cunctos sequitur longaeque secundus
Amphiaraus agit, quem Thessalus aequat cundo
Admetus; iuxta gemini, nunc Euneos ante
Et nunc ante Thoas, cedunt vincuntque, nec umquam
Ambitiosa pios collidit gloria fratres. 435

Postremum discrimen erant Chromis asper et asper
Hippodamus, non arte rudes, sed mole tenentur
Cornipedum; prior Hippodamus fert ora sequentum,
Fert gemitus multaque humeros incenditur aura.

Speravit flexae circum compendia metae 440
Interius ductis Phoebeius augur habenis,
Anticipasse viam, nec non et Thessalus heros
Spe propiore calet, dum non cohibente magistro
Spargitur in gyros dexterque exerrat Arion.
Iam prior Oeclides et iam non tertius ibat 445

Admetus, laxo quum tandem ex orbe reductus
 Aequeoreus sonipes premit evaditque parumper
 Gavisos; subit astra fragor, coelumque tremiscit,
 Omniaque excusso patuere sedilia vulgo.
 Sed nec lora regit nec verbera pallidus addit 450
 Labdacides, lassa veluti ratione magister
 In fluctus, in saxa ruit, nec iam amplius astra
 Respicit et victam proiecit casibus artem.

Rursus praecipites in recta ac devia campi
 Obliquant tenduntque vias, iterum axibus axes 455
 Inflicti radiisque rotae: pax nulla fidesque.
 Bella geri ferro levius, bella horrida credas,
 Is furor in laude est: trepidant mortemque minantur,
 Multaque transversis praestringitur ungula campis.
 Nec iam sufficiunt stimuli, non verbera; voce 460
 Nominibusque cient Pholoen Admetus et Irin
 Funalemque Thoen, rapidum Danaeius augur
 Ascheton increpitans meritumque vocabula Cygnum.
 Audit et Herculeum Strymon Chromin, Euneon audit
 Igneus Aechion, tardum Calydonia lacessit 465
 Hippodamus, variumque Thoas rogat ire Podarcen.
 Solus Echionides errante silentia curru
 Moesta tenet trepidaque timet se voce fateri.

Vixdum coeptus equis labor, et iam pulvere quarto
 Campum ineunt, iamque et tepidis sudoribus artus 470
 Effoeti, et crassum rapit electatque vaporem
 Cornipedum flammata sitis, nec iam integer illis
 Inpetus, et longi suspendunt ilia flatus.

Hic anceps fortuna diu decernere primum
 Ausa venit; ruit, Haemonium dum fervidus instat 475
 Admetum superare Thoas, nec praetulit ullam
 Frater opem. Velit ille quidem, sed Martius ante
 Obstitit Hippodamus mediasque innisit habenas.
 Mox Chromis Hippodamum metae interioris ad orbem
 Viribus Herculeis et toto robore patris 480
 Axe tenet presso, luctantur abire iugales
 Nequicquam frenosque et colla rigentia tendunt.
 Ut Siculas si quando rates tenet aestas et ingens

Auster agit, medio stant vela tumentia ponto.

Tunc ipsum fracto curru deturbat, et isset 485

Ante Chromis; sed Thraces equi ut videre iacentem
Hippodamum, redit illa fames, iam iamque trementem

Partiti furis, ni frena ipsosque frementes,

Oblitus palmae, retro Tirynthius heros

Torsisset victusque et collaudatus abisset. 490

At tibi promissos iamdudum Phoebus honores,

Amphiarae, cupit. Tandem ratus apta favori

Tempora, pulveri venit in spatia horrida circi,

Quum iam in fine viae, et summum victoria nutat;

Anguicomam monstri effigiem saevissima visu 495

Ora movet, sive ille Erebo, seu finxit in astu

Temporis, innumera certe formidine cultum

Tollit in astra nefas. Non illud ianitor atrae

Inpavidus Lethes, non ipsae horrore sine alto

Eumenides vidisse queant, turbasset euntes 500

Solis equos Martisque iugum. Nam flavus Arion

Ut vidit, saliere iubae, atque erectus in armos

Stat, sociumque iugi comitesque utrimque laboris

Secum alte suspendit equos. Ruit ilicet exul

Aonius nexusque diu per terga volutus 505

Exuit; abripitur longe moderamine liber

Currus; at hunc putri praeter tellure iacentem

Taenarei currus et Thessalus axis et heros

Lemnius obliqua, quantum vitare dabatur,

Transabiare fuga. Tandem caligine mersum 510

Erigit accursu comitum caput aegraque tollit

Membra solo, et socero redit haud speratus Adrasto.

Quis mortis, Thebane, locus, nisi dura negasset

Tisiphone, quantum poteras dimittere bellum?

Te Thebae fraterque palam, te plangeret Argos, 515

Te Nemeae, tibi Lerna comas Larissaeque supplex

Poneret, Archemori maior colerere sepulcro.

Tunc vero Oeclides, quamquam iam certa sequenti

Praemia, quum vacuus domino praeiret Arion,

Ardet adhuc cupiens vel inanem vincere currum. 520

Dat vires refovetque deus; volat ocior Euro,

Ceu modo carceribus dimissus in arva solutis
 Verberibusque inbas et terga lacessit habenis
 [Ascheton increpitansque levem Cygnumque nivalem].
 Nunc saltem dum nemo prior; rapit igneus orbes 525
 Axis, et effossae longe sparguntur arenae.

Dat gemitum tellus et iam tunc saeva minatur.
 Forsitan et victo prior isset Arione Cygnus,
 Sed vetat aequoreus vinci pater; hinc vice iusta
 Gloria mansit equo, cessit victoria vati. 530

Huic pretium palmae gemini cratera ferebant
 Herculeum iuvenes: illum Tirynthius olim
 Ferre manu sola spumantemque ore supino
 Vertere, seu monstri victor, seu Marte, solebat.
 Centauros habet arte truces aurumque figuris 535
 Terribile, hic mixta Lapitharum caede rotantur
 Saxa, faces aliique iterum crateres, ubique
 Ingentes morientum irae; tenet ipse furentem
 Hylaeum et torta molitur robora barba.

At tibi Maeonio fertur circumflua limbo 540
 Pro meritis, Admete, chlamys repetitaque multo
 Murice. Phryxei natat hic contemptor ephebus
 Aequoris et picta translucet caerulus unda;
 In latus ire manus mutaturasque videtur
 Brachia, nec siccum speres in stamine crinem; 545
 Contra autem frustra sedet anxia turre suprema
 Sestias in speculis, moritur prope conscius ignis.
 Has Adrastus opes dono victoribus ire
 Imperat: at generum famula solatur Achaea.

Sollicitat tunc ampla viros ad praemia cursu 550
 Praeceleres: agile studium et tenuissima virtus,
 Pacis opus, quum sacra vocant, nec inutile bellis
 Subsidium, si dextra neget. Prior omnibus Idas,
 Nuper Olympiacis umbratus tempora ramis,
 Prosilit, excipiunt plausu Pisaea iuventus 555
 Eleaeque manus, sequitur Sicyonius Alcon,
 Et bis in Isthmiaca victor olamatus arena
 Phaedimus, alipedumque fugam praegressus equorum
 Ante Dymas, sed tunc aevo tardante secutus.

Multi et, quos varii tacet ignorantia vulgi, 560
 Hinc atque hinc scire. Sed Arcada Parthenopaeum
 Appellant densique cuncta vaga murmura circi.
 Nota parens cursu; quis Maenaliae Atalantes
 Nesciat egregium decus et vestigia cunctis
 Indeprensa procis? Onerat celeberrima natum 565
 Mater, et ipse procul fama iam notus inermes
 Narratur cervas pedes inter aperta Lycæi
 Tollere et emissum cursu deprendere telum.
 Tandem expectatus volucris super agmina saltu
 Emicat et torto chlamydem diffibulat auro. 570
 Effulsere artus, membrorumque omnis aperta est
 Laetitia insignesque humeri, nec pectora nudis
 Deteriora genis, latuitque in corpore vultus.
 Ipse tamen formae laudem aspernatur et arcet
 Mirantes; tunc Palladios non inscius haustus 575
 Incubuit, pinguique cutem fuscatur olivo.
 Hoc Idas, hoc more Dymas alique nitescent.
 Sic ubi tranquillo pellucent sidera ponto
 Vibraturque fretis coeli stellantis imago,
 Omnia clara nitent; sed clarior omnia supra 580
 Hesperos exercet radios, quantusque per altum
 Aethera, caeruleis tantus monstratur in undis.
 Proximus et forma nec multum segnior Idas
 Cursibus atque aevo iuxta prior; attamen illi
 Iam tenuem pingues florem inducere palaestrae, 585
 Deserpitque genis, nec se lanugo fatetur
 Intonsae sub nube comae. Tunc rite citatos
 Explorant acuntque gradus, variasque per artes
 Instimulant docto languentia membra tumultu.
 Poplite nunc flexo sidunt, nunc lubrica forti 590
 Pectora collidunt plausu, nunc ignea tollunt
 Crura brevemque fugam necopino fine reponunt.
 Ut ruit atque aequum submisit regula limen,
 Corripuere leves spatium, campoque refulsit
 Nuda cohors; volucres iisdem modo tardius arvis 595
 Isse videntur equi: credas e plebe Cydonum
 Parthorumque fuga totidem exiluisse sagittas.

Non aliter celeres Hyrcana per avia cervi,
 Quum procul inpasti fremitum acceperere leonis,
 Sive putant, rapit attonitos fuga caeca metusque. 600
 Congregat, et longum dant cornua mixta fragorem.

Effugit hic oculos rapida puer ocior aura
 Maenalius, quem deinde gradu premit horridus Idas
 Inspiratque humero, flatuque et pectoris umbra
 Terga premit. Post ambiguo discrimine tendunt 605
 Phaedimus atque Dymas, illis celer inminet Alcon.

Flavus ab intonso pendebat vertice crinis
 Arcados; hoc primis Triviae pascebat ab annis
 Munus, et Ogygio victor cum Marte redisset,
 Nequicquam patriis audax promiserat aris. 610
 Tunc liber nexu lateque in terga solutus
 Occursu Zephyri retro fugit, et simul ipsum
 Inpedit infestoque volans obtenditur Idae.

Inde dolum iuvenis fraudique accommoda sensit
 Tempora; iam finem iuxta, dum limina victor 615
 Parthenopaeus init, correpto crine reductum
 Occupat, et longae primus ferit ostia portae.

Arcades arma fremunt, armis defendere regem,
 Ni raptum decus et meriti reddantur honores,
 Contendunt, totoque parant decedere circo. 620
 Sunt et quis Idae placeat dolus; ipse regesta
 Parthenopaeus humo vultumque oculosque madentes
 Obruit, accessit lacrimarum gratia formae.

Pectora nunc moerens, nunc ora indigna cruento
 Ungue secat meritamque comam, furit undique clamor 625
 Dissonus, ambiguumque senis cunctatur Adrasti
 Consilium. Tandem ipse refert: 'Compescite litem,
 O pueri! virtus iterum temptanda; sed ite
 Limite non uno, latus hoc conceditur Idae,
 Tu diversa tene, fraus cursibus omnis abesto.' 630

Audierant, dictoque manent. Mox numina supplex
 Affatu tacito iuvenis Tegeaeus adorat:
 'Diva potens nemorum, — tibi enim hic tibi crinis honori
 Debitus, eque tuo venit haec iniuria voto, —
 Si bene quid genetrix, si quid venatibus ipse 635

Promerui, ne, quaeso, sinas hoc omine Thebas
Ire, nec Arcadiae tantum meruisse pudorem.'

Auditum manifesta fides; vix campus euntem
Sentit, et exillis plantis intervenit aer,
Raraque non fracto vestigia pulvere pendent, 640
Inrupit clamore fores, clamore recurrit

Ante ducem prensaque levat suspiria palma,
Finiti cursus, operumque insignia praesto.
Arcas equum dono, clipeum gerit improbus Idas,
Cetera plebs Lyciis vadit contenta pharetris. 645

Tunc vocat, emissio si quis decernere disco
Ingiger et vires velit ostentare superbas.
It iussus Pterelas, et ahenae lubrica massae
Pondera vix toto curvatus corpore iuxta
Deicit; inspectant taciti expenduntque laborem 650

Inachidae, mox turba ruunt, duo gentis Achaeae,
Tres Ephyreiadae, Pisa satus unus, Acarnan
Septimus; et plures agitabat gloria, ni se
Arduus Hippomedon cavea stimulante tulisset
In medios, lateque ferens sub pectore dextro 655

Orbem alium: 'Hunc potius, iuvenes, qui moenia saxis
Frangere, qui Tyrias delectum vaditis arces,
Hunc rapite: ast illud cui non iaculabile dextrae
Pondus?' Et abreptum nullo conamine iecit
In latus; absistunt procul attonitique fatentur 660

Cedere; vix unus Phlegyas acerque Menestheus —
Hos etiam pudor et magni tenuere parentes —
Promisere manum; concessit cetera pubes
Sponte, et adorato rediit ingloria disco.
Qualis Bistoniis clipeus Mavortis in arvis 665
Luce mala Pangaea ferit solemque refulgens
Territat incussaue dei grave mugit ab hasta.

Pisaeus Phlegyas opus inchoat, et simul omnes
Abstulit in se oculos exhausto corpore virtus
Promissa. Ac primum terra discumque manumque 670
Asperat, excusso mox circum pulvere versat,
Quod latus in digitos, mediae quod certius ulnae
Conveniat; non artis egens, hic semper amori

Ludus erat, patriae non tantum ubi laudis obiret
 Sacra, sed alternis Alpheon utrimque solebat 675
 Metiri ripis, et qua latissima distant,
 Non umquam merso transmittere flumina disco.
 Ergo operum fidens non protinus horrida campi
 Iugera, sed coelo dextram metitur, humique
 Pressus utroque genu collecto sanguine discum 680
 Ipse super sese rotat atque in nubila condit.
 Ille citus sublime petit similisque cadenti
 Crescit in adversum, tandemque exhaustus ab alto
 Tardior in terram redit atque inmergitur arvis.
 Sic cadit, attonitis quotiens avellitur astris, 685
 Solis opaca soror; procul auxiliantia gentes
 Aera crepant frustra que timent: at Thessala victrix
 Ridet anhelantes audito carmine bigas.
 Collaudant Danaï; sed non tibi molle tuenti
 Hippomedon, maiorque manus speratur in aequo. 690
 Atque illi extemplo, cui spes infringere dulce
 Inmodicas, Fortuna venit. Quid numina contra
 Tendere fas homini? Spatium iam inmane parabat,
 Iam cervix conversa, et iam latus omne redibat;
 Excidit ante pedes elapsum pondus et ictus 695
 Destituit frustra que manum dimisit inanem.
 Ingemuere omnes, rarisque ea visa voluptas.
 Inde ad conatus timida subit arte Menestheus
 Cautior, et multum te, Maia nate, rogato
 Molis prae gravidæ castigat pulvere lapsus. 700
 Illa manu magna et multum felicior exit,
 Nec partem exigua circi transvecta quievit.
 Fit sonus, et fixa signatur terra sagitta.
 Tertius Hippomedon valida ad certamina tardos
 Molitur gressus; namque illum corde sub alto 705
 Et casus Phlegyæ monet et fortuna Menesthei.
 Erigit assuetum dextrae gestamen, et altæ
 Sustentans rigidumque latus fortesque lacertos
 Consulit ac vasto contorquet turbine, et ipse
 Prosequitur; fugit horrendo per inania saltu 710
 Iamque procul meminit dextrae servatque tenorem

Discus, nec dubia iunctave Menesthea victum
Transabiit meta; longe super aemula signa
Consedit viridesque humeros et opaca theatri
Culmina, ceu latae tremefecit mole ruinae. 715

Quale vaporifera saxum Polyphemus ab Aetna
Lucis egente manu, tamen in vestigia puppis
Auditae iuxtaque inimicum exegit Ulixen.
[Sic et Aloidae, quum iam celaret Olympum
Desuper Ossa rigens, ipsum glaciale ferebant
Pelion et trepido sperabant iungere coelo.] 720

Tunc genitus Talao victori tigrin inanem
Ite iubet, fulvo quae circumfusa nitebat
Margine et extremos auro mansueverat ungues.
Gnossiacos arcus habet et vaga tela Menestheus. 725

'At tibi, ait, Phlegya, casu frustrate sinistro,
Hunc quondam nostri decus auxiliumque Pelasgi,
Ferre damus, neque enim Hippomedon invidit, ensem.
Nunc opus est animis infestos tollere caestus
Cominus: haec bellis et ferro proxima virtus.' 730

Constitit immanis cerni inmanisque tueri
Argolicus Capaneus, ac dum nigrantia plumbo
Tegmina cruda boum non mollior ipse lacertis
Induitur: 'Date tot iuvenum de millibus unum
Huc, ait, atque utinam potius de stirpe veniret 735
Aemulus Aonia, quem fas demittere leto,
Nec mea crudelis civili sanguine virtus.'
Obstupere animi, fecitque silentia terror.

Tandem insperatus nuda de plebe Laconum
Prosilit Alcidas, mirantur Dorica regum 740
Agmina; sed socii fretum Polluce magistro
Norant et sacras inter crevisse palaestras.
Ipse deus posuitque manus et brachia finxit
Materiam — suadebat amor —: tunc saepe locavit
Cominus, et simili stantem miratus in ira 745
Sustulit exultans nudumque ad pectora pressit.

Illum indignatur Capaneus ridetque vocantem
Ut miserans, poscitque alium, tandemque coactus .
Restitit, et stimulis iam languida colla tumescunt.

Fulmineas alte suspensi corpora plantis 750
 Erexere manus; tuto procul ora recessu
 Armorum in speculis, aditusque ad vulnera clusi.
 Hic quantus Stygiis Tityos consurgat ab arvis,
 Si torvae patiantur aves, tanta undique pandit
 Membrorum spatia et tantis ferus ossibus extat. 755
 Hic paulo ante puer, sed enim maturius aevo
 Robur, et ingentes spondet tener inpetus annos,
 Quem vinci haud quisquam, saevo nec sanguine tingi
 Malit, et erecto timeat spectacula voto.

Ut sese permensi oculis, et uterque priorem 760
 Speravere locum, non protinus ira, nec ictus;
 Alternus paulum timor et permixta furori
 Consilia, inclinant tantum contraria iactu
 Brachia, et explorant caestus hebetantque terendo.

Doctior hic differt animum metuensque futuri 765
 Cunctatus vires dispensat: at ille nocendi
 Prodigus incautusque sui ruit omnis, et ambas
 Consumit sine lege manus, atque inrita frendit
 Insurgens seque ipse premit. Sed providus astu
 Et patria vigil arte Lacon hos reicit ictus, 770
 Hos cavet; interdum nutu capitisque citati
 Integer obsequio, manibus nunc obvia tela
 Discutiens, instat gressu vultuque recedit;
 Saepe etiam iniustis collatum viribus hostem,
 Is vigor ingenio, tanta experientia dextrae est, 775
 Ultro audax animis intratque et obumbrat et alte
 Assilit. Ut praeceps cumulo salit unda minantes
 In scopulos et fracta redit, sic ille furentem
 Circuit expugnans; levat ecce diuque minatur
 In latus inque oculos; illum rigida arma caventem 780
 Avocat, et manibus necopinum interserit ictum
 Callidus ac mediam designat vulnere frontem.

Iam cruor, et tepido signantur tempora rivo.
 Nescit adhuc Capaneus subitumque per agmina murmur
 Miratur; verum ut fessam super ora reduxit 785
 Forte manum et summo maculas in vellere vidit,
 Non leo, non iaculo tantum indignata recepto

Tigris; agit toto cedentem fervidus arvo
 Praecipitatque retro iuvenem, atque in terga supinat
 Dentibus horrendum stridens, geminatque rotatas 790
 Multiplicatque manus; rapiunt conamina venti,
 Pars cadit in caestus; motu Spartanus acuto
 Mille cavet lapsas circum cava tempora mortes
 Auxilioque pedum, sed, non tamen inmemor artis,
 Adversus fugit et fugiens tamen ictibus obstat. 795

Et iam utrumque labor suspiriaque aegra fatigant.
 Tardius ille premit, nec iam hic absistere velox,
 Defectique ambo genibus pariterque quierunt.
 Sic ubi longa vagos lassarunt aequora nautas,
 Et signo de puppe dato posuere parumper 800
 Brachia, vix requies, iam vox ciet altera remos.

Ecce iterum inmodice venientem eludit et exit
 Sponte ruens mersusque humeris: effunditur ille
 In caput, assurgentem alio puer improbus ictu
 Perculit, eventusque inpalluit ipse secundo. 805
 Clamorem Inachidae, quantum non litora tollunt,
 Non nemora; illum ab humo conantem ut vidit Adrastus
 Tollentemque manus et non toleranda parantem,
 'Ite, oro, socii, furit, ite, opponite dextras,
 Festinate, furit, palmamque et praemia ferte; 810
 Non prius effracto quam misceat ora cerebro;
 Absistet, video, moriturum auferte Lacona.'

Nec mora: prorumpit Tydeus, nec iussa recusat
 Hippomedon, tunc vix ambo conatibus ambas
 Restrungunt cohibentque manus ac plurima suadent. 815
 'Vincis, abi: pulchrum est vitam donare minori.
 Noster et hic bellique comes.' Nil frangitur heros,
 Ramumque oblatumque manu thoraca repellit
 Vociferans: 'Liceat! non has ego pulvere crasso
 Atque cruore genas, meruit quibus iste favorem 820
 Semivir, infodiam? mittamque informe sepulcro
 Corpus et Oebalio donem lugere magistro?'

Dixit. At hunc socii tumidum et vicisse negantem
 Avertunt, contra laudant insignis alumnum
 Taygeti, longeque minas risere Lacones. 825

Iamdudum variae laudes et conscia virtus
 Tydea magnanimum stimulis ingentibus angunt.
 Ille quidem et disco bonus et contendere cursu,
 Nec caestu bellare minor, sed corde labores
 Ante alios erat uncta pale. Sic otia Martis 830
 Degere et armiferas laxare assueverat iras,
 Ingentes contra ille viros, Acheloia circum
 Litora, felicesque deo monstrante palaestras.

Ergo ubi luctandi iuvenes animosa citavit
 Gloria, terrificos humeris Aetolus amictus 835
 Exiit patriumque suem; levat ardua contra
 Membra, Cleonaeae stirpis iactator Agylleus,
 Herculea nec mole minor, sic grandibus alte
 Insurgens humeris hominem super improbus exit.
 Sed non ille rigor patriumque in corpore robur. 840
 Luxuriant artus, effusaque sanguine laxo
 Membra natant; inde haec audax fiducia tantum
 Oenidae superare parem. Quamquam ipse videri
 Exiguus, gravia ossa tamen nodisque lacerti
 Difficiles. Numquam hunc animum natura minori 845
 Corpore, nec tantas ausa est includere vires.

Postquam oleo gavis a cutis, petit aequor uterque
 Procursum medium atque hausta vestitur arena.
 Tum madidos artus alterno pulvere siccant,
 Collaque demersere humeris et brachia late 850
 Vara tenent. Iam tunc astu deducit in aequum
 Callidus, et celsum procurvat Agyllea Tydeus
 Submissus tergo, et genibus vicinus arenae.

Ille autem, Alpini veluti regina cupressus
 Verticis, urgentes cervicem inclinat in Austros, 855
 Vix sese radice tenens, terraeque propinquat,
 Iamdudum aetherias eadem reditura sub auras;
 Non secus ingentes artus praecelsus Agylleus
 Sponte premit parvumque gemens duplicatur in hostem,
 Et iam alterna manus frontemque humerosque 860
 Collaque pectoraque et vitantia crura lacessit.
 Interdumque diu pendunt per mutua fulti
 Brachia, nunc saevi digitorum vincula frangunt.

Non sic ductores gemini gregis horrida tauri
 Bella movent; medio coniux stat candida prato 863
 Victorem expectans, rumpunt obnixa furentes
 Pectora, subdit amor stimulos et vulnera sanat.
 Fulminei sic dente sues, sic hispida turpes
 Proelia villosis ineunt complexibus ursi.

Vis eadem Oenidae; nec sole aut pulvere fessa 870
 Membra labant, riget arcta cutis durisque laborum
 Castigata toris, contra non integer ille
 Flatibus alternis aegroque effoetus hiatu
 Exuit ingestas fluvio sudoris arenas,
 At furtim rapta sustentat pectora terra. 875

Instat agens Tydeus fictumque in colla minatus
 Crura subit; coeptis non evaluere potiri
 Frustratae brevitate manus, venit arduus ille
 Desuper oppressumque ingentis mole ruinae
 Condidit. Haud aliter collis scrutator Iberi 880
 Quum subiit longeque diem vitamque reliquit,
 Si tremuit suspensus ager, subitumque fragorem
 Rupta dedit tellus, latet intus monte soluto
 Obrutus, ac penitus fractum obductumque cadaver
 Indignantem animum propriis non reddidit astris. 885

Acrior hoc Tydeus, animisque et pectore supra est.
 Nec mora, cum vinclis onerique elapsus iniquo
 Circuit errantem et tergo necopinus inhaeret,
 Mox latus et firmo celer implicat ilia nexu,
 Poplitibus genua inde premens evadere nodos 890
 Nequicquam et lateri dextram insertare parantem
 Inprobis, horrendum visu ac mirabile pondus,
 Sustulit. Herculeis pressum sic fama lacertis
 Terrigenam sudasse Libyn, quum fraude reperta
 Raptus in excelsum, nec iam spes ulla cadendi, 895
 Nec licet extrema matrem contingere planta.

Fit sonus, et laetos attollunt agmina plausus.
 Tunc alte librans inopinum sponte remisit
 Obliquumque dedit, procumbentemque secutus
 Colla simul dextra, pedibus simul inguina vinxit. 900
Deficit obsessus soloque pudore repugnat.

Tandem pectus humi pronamque extensus in alvum
Sternitur, ac longo moestus post tempore surgit,
Turpia signata linquens vestigia terra.

Palmam autem dextra laevaque nitentia dono 905
Arma ferens Tydeus: 'Quid si non sanguinis huius
Partem haud exiguam, scitis, Dircaeus haberet
Campus? ubi hae nuper Thebarum foedera plagae?'

Haec simul ostentans quaesitaque praemia laudum
Dat sociis, sequitur neglectus Agyllea thorax. 910

Sunt et qui nudo subeant concurrere ferro.
Iamque aderant instructi armis Epidaurius Agreus
Et nondum fatis Dircaeus agentibus exul.

Dux vetat Iasides: 'Manet ingens copia leti,
O iuvenes! servate animos avidumque furorem 915
Sanguinis adversi. Tuque o, quem propter avita
Iugera, dilectas cui desolavimus urbes,
Ne, precor, ante aciem, ius tantum casibus esse,
Fraternisque sinas, abigant hoc numina! votis.'

Sic ait, atque ambos aurata casside ditat. 920
Tunc genero, ne laudis egens, iubet ardua necti
Tempora Thebarumque ingenti voce citari
Victorem. Dirae retinebant omina Parcae.

Ipsam etiam proprio certamina festa labore
Dignari et tumulo supremum hunc addere honorem, 925
Hortantur proceres; ac, ne victoria desit
Una ducum numero, fundat vel Lycia cornu
Tela rogant, tenui vel nubila transeat hasta.

Obsequitur gaudens, viridique ex aggere in aequum
Stipatus summis iuvenum descendit; at illi 930
Pone leves portat pharetras et cornua iussus
Armiger, ingentem iactu transmittere circum
Eminus et dictae dare vulnera destinat orno.

Quis fluere occultis rerum neget omina causis?
Fata patent homini, piget inservare, peritque 935
Venturi promissa fides: sic omina casum
Fecimus, et vires auxit Fortuna nocendi.

Campum emensa brevi fatalis ab arbore tacta,
Horrendum visu, per quas modo fugerat auras,

Venit arundo retro, versumque a fine tenorem
Pertulit, et notae iuxta ruit ora pharetrae.

940

Multa duces errore serunt: hi nubila et altos
Occurrisse Notos, adverso roboris ictu
Tela repulsa alii. Penitus latet exitus ingens
Monstratumque nefas: uni remeabile bellum
Et tristes domino spondebat arundo recursus.

945

P. PAPINII STATII
T H E B A I D O S
L I B E R VII.

Atque ea cunctantes Tyrii primordia belli
Iuppiter haud aequo respexit corde Pelasgos
Concussitque caput, motu quo celsa laborant
Sidera, proclamatque adici cervicibus Atlas.
Tunc ita velocem Tegees affatur alumnum: 5

 'I, medium rapido Borean illabere saltu
Bistonias super usque domus axemque nivosi
Sideris, Oceano vetitum qua Parrhasis ignem
Nubibus hibernis et nostro pascitur imbri.
Atque ibi seu posita respirat cuspide Mavors, 10
Quamquam invisâ quies, seu, quod reor, arma tubasque
Insatiatus habet, caraeque in sanguine gentis
Luxuriat; propere monitus iramque parentis
Ede, nihil parcens. Nempe olim accendere iussus
Inachias acies atque omne, quod Isthmius umbo 15
Distinet et rauce circumtonat ira Maléae.
Illi vix muros limenque egressa iuventus
Sacra colunt: credas bello rediisse, tot instant
Plausibus, offensique sedent ad iusta sepulcri.
Hicne tuus, Gradive, furor? sonat orbe recusso 20
Discus, et Oebalii coeunt in proelia caestus.
At si ipsi rabies ferrique insana voluptas
Qua tumet, inmeritas cineri dabit inpius urbes
Ferrum ignemque ferens, inplorantesque Tonantem
Sternet humi populos miserumque exhauriet orbem. 25
Nunc lenis belli, nostraque remittitur ira.

Quod nisi praecipitat pugnas dictoque iubentis
 Ocius inpingit Tyriis Danaa agmina muris,
 Nil equidem crudele minor; sit mite bonumque
 Numen, et effreni laxentur in otia mores.
 Reddat equos ensemque mihi, nec sanguinis ultra
 Ius erit: adspiciam terras pacemque iubebo
 Omnibus, Ogygio sat erit Tritonia bello.'

30

Dixerat, et Thracum Cyllenius arva subibat;
 Atque illum Arcloae labentem cardine portae
 Tempestas aeterna plagae praetentaque coelo
 Agmina nimborum primique Aquilonis hiatus
 In diversa ferunt; crepat aurea grandine multa
 Palla, nec Arcadii bene protegit umbra galeri.

35

Hic steriles delubra notat Mavortia silvas,
 Horrescitque tuens, ubi mille furoribus illi
 Cingitur adverso domus inmansueta sub Haemo.
 Ferrea compago laterum, ferro arcta teruntur
 Limina, ferratis incumbunt tecta columnis.
 Laeditur adversum Phoebi iubar, ipsaque sedem
 Lux timet, et dirus contristat sidera fulgor.

40

45

Digna loco statio: primis salit Impetus amens
 E foribus caecumque Nefas Iraeque rubentes
 Exanguesque Metus, occultisque ensibus adstant
 Insidiae geminumque tenens Discordia ferrum.
 Innumeris strepit aula Minis, tristissima Virtus
 Stat medio, laetusque Furor vultuque cruento
 Mors armata sedet, bellorum solus in aris
 Sanguis, et incensis qui raptus ab urbibus ignis.

50

Terrarum exuviae circum et fastigia templi
 Captae insignibant gentes, caelataque ferro
 Fragmina portarum bellatricesque carinae,
 Et vacui currus protritaeque curribus ora,
 Paene etiam gemitus: adeo vis omnis et omne
 Vulnus, ubique ipsum, sed non usquam ore remisso
 Cernere erat. Talem divina Mulciber arte
 Ediderat; nondum radiis monstratus adulter
 Foeda catenato luerat conubia lecto.

55

60

Quaerere templorum regem vix coeperat alea

Maenalius, tremit ecce solum, et mugire refractis 65
 Corniger Hebrus aquis; tunc quod pecus utile bellis
 Vallem infestabat, trepidas spumare per herbas,
 Signa adventantis, clausaeque adamante perenni
 Dissiluerunt fores. Hyrcano in sanguine pulcher
 Ipse subit curru, diraque adspersine latos 70
 Mutat agros, spolia a tergo flentesque catervae.
 Dant silvae nixque alta locum; regit atra iugales
 Sanguinea Bellona manu longaue fatigat
 Cuspide; dirigit visu Cyllenias proles
 Submisitque genas: ipsi reverentia patri, 75
 Si prope sit, dematque minas nec talia mandat.
 'Quod Iovis imperium, magno quid ab aethere portas?
 Occupat armipotens; neque enim hunc, germane, sub axem
 Sponte venis membraeque meas, cui roscida iuxta
 Maenala et aestivi clementior aura Lycae.' 80
 Ille refert consulta patris. Nec longa moratus,
 Sicut anhelabant, iuncto sudore volantes
 Mars impellit equos residesque in proelia Graios
 Ipse etiam indignans. Vidit pater altus et — ira
 Iam levior — tardo flectebat pondere vultum. 85
 Ut si quando ruit debellatasque reliquit
 Eurys aquas, pax ipsa tumet, pontumque iacentem
 Exanimis iam volvit hiems; nondum arma carinis
 Omnia, nec toto respirant pectore nautae.
 Finierat pugnas honor exequialis inermes, 90
 Necdum aberant coetus, cunctisque silentibus heros
 Vina solo fundens cinerem placabat Adrastus
 Archemori: 'Da, parve, tuum trieteride multa
 Instaurare diem, nec saucius Arcadas aras
 Malit adire Pelops Elaeaque pulset eburna 95
 Templam manu, nec Castaliis altaribus anguis,
 Nec sua pinigero magis adnatet umbra Lechaeo.
 Nos te lugenti, puer, infitiamur Averno,
 Moestaque perpetuis sollemnia iungimus astris,
 Nunc festina cohors. At si Boeotia ferro 100
 Vertere tecta dabis, magnis tunc dignior aris,
 Tunc deus, Inachias nec tantum culta per urbes

Numina, captivis etiam iurabere Thebis. ⁹	
Dux ea pro cunctis, eadem sibi quisque vovebat.	
Iam pronis Gradivus equis Ephyræa premebat	105
Litora, qua summas caput Acrocorinthus in auras	
Tollit et alterna geminum mare protegit umbra.	
Inde unum dira comitum de plebe Pavorem	
Quadrupedes anteire iubet: non alter anhelos	
Insinuare metus animumque avertere veris	110
Aptior. Innumerae monstro vocesque manusque	
Et facies quaecumque libet; bonus omnia credi	
Auctor, et horrificis lymphæ incursibus urbes.	
Si geminos soles ruituraque suadeat astra,	
Aut nutare solum, aut veteres descendere silvas,	115
Ah! miseri vidisse putent. Tunc acre novabat	
Ingenium; falso Nemeæum pulvere campum	
Erigit; attoniti tenebrosam a vertice nubem	
Respexere duces; falso clamore tumultum	
Auget, et arma virum pulsusque imitatur equorum,	120
Terribilemque vagas ululatum spargit in auras.	
Exiluere animi, dubiumque in murmure vulgus	
Pendet. 'Ubi iste fragor, ni fallimur aure? sed unde	
Pulvereo stant astra globo? num Ismenius ultro	
Miles? Ita est: veniunt. Tanta autem audacia Thebis?	125
An dubitent? agendum inferias et busta colamus.'	
Haec Pavor attonitis; variosque per agmina vultus	
Induitur, nunc Pisæis e millibus unus,	
Nunc Pylus, nunc ore Lacon, hostesque propinquos	
Adiurat turmasque metu consternat inani.	130
Nil falsum trepidis. Ut vero amentibus ipse	
Incidit et sacrae circum fastigia vallis	
Turbine praevectus rapido ter sustulit hastam,	
Ter concussit equos, clipeum ter pectore plausit,	
'Arma, arma, insani;' sua quisque ignotaque nullo	135
More rapit, mutant galeas alienaque cogunt	
Ad iuga cornipedes; ferus omni in pectore saevit	
Mortis amor caedisque, nihil flagrantibus obstat.	
Praecipitant redimuntque moras. Sic litora vento	
Incipiente fremunt, fugitur quum portus; ubique	140

Vela fluunt, laxi iactantur ubique rudentes.
Iamque natant remi, natat omnis in aequore summo
Ancora, iam dulcis medii de gurgite ponti
Respicitur tellus comitesque a puppe relict.

Viderat Inachias rapidum glomerare cohortes 145
Bacchus iter; gemit Tyriam conversus ad urbem,
Altricemque domum et patrios reminiscitur ignes,
Purpureum tristi turbatus pectore vultum:

Non crines, non sarta loco, dextramque reliquit
Thyrsus, et intactae ceciderunt cornibus uvae. 150

Ergo ut erat lacrimis lapsoque inhonoris amictu
Ante Iovem — et tunc forte polum secretus habebat —

Constitit, haud umquam facie conspectus in illa;

Nec causae latuere patrem, supplexque profatur:

‘Excindisne tuas, divum sator optime, Thebas? 155

Saeva adeo coniux? nec te telluris amatae

Deceptique laris miseret cinerumque meorum?

Esto, olim invitum iaculatus nubibus ignem

Credimus: en iterum atra refers incendia terris,
Nec Styge iurata, nec pellicis arte rogatus. 160

Quis modus? an nobis pater iratusque bonusque

Fulmen habes? Sed non Danaeia limina talis

Parrhasiumque nemo Ledaeasque ibis Amyclas.

Scilicet e cunctis ego neglectissima natis

Progenies? ego nempe tamen, qui dulce ferenti 165

Pondus eram, cui tu dignatus limina vitae

Praereptumque iter et maternos reddere menses.

Adde, quod inbellis rarisque exercita castris

Turba meas acies, mea tantum proelia norunt,

Nectere fronde comas et ad inspirata rotari 170

Buxa, timent thyrsos nuptarum et proelia matrum.

Unde tubas Martemque pati? quin fervidus ecce

Quanta parat? quid si ille tuos Curetas in arma

Ducat et innocuis iubeat decernere peltis?

Quin etiam invisos — sic hostis defuit? — Argos 175

Elicis! O ipsis, genitor, graviora periclis

Iussa! novercales ruimus ditare Mycenae.

Cedo equidem. Quo sacra tamen ritusque peremptae

Gentis? et in tumulos, si quid male foeta reliquit Mater, abire iubes? Thracen silvasque Lycurgi? Anne triumphatos fugiam captivus ad Indos? Da sedem profugo. Potuit Latonia frater Saxa — nec invideo — defigere Delon et imis Commendare fretis. Cara submovit ab arce Hostiles Tritonis aquas; vidi ipse potentem Gentibus Eois Epaphum dare iura, nec ullas Cyllene secreta tubas Minoave curat Ida. Quid heu tantum nostris offenderis aris? Hic tibi, quando minor iam nostra potentia, noctes Herculeae placitusque vagae Nycteidis ardor, Hic Tyrium genus et nostro felicior igne Taurus: Agenoreos saltem tutare nepotes.	180
Invidiam risit pater, et iam poplite flexum Sternentemque manus tranquillus ad oscula tollit Inque vicem placida orsa refert: 'Non coniugis ista Consiliis, ut rere, puer, nec saeva roganti Sic expositus ego: inmoto deducimur orbe Fatorum; veteres seraeque in proelia causae. Nam cui tanta quies irarum, aut sanguinis usus Parcior humani? Videt axis et ista per aevum Mecum aeterna domus, quotiens iam torta reponam Fulmina, quam rarus terris hic imperet ignis. Quin etiam invitus magna ulciscendaque passis Aut Lapithas Marti, aut veterem Calidona Dianae Expugnare dedi; meaque est iactura, pigetque Tot mutare animas, tot reddere corpora vitae. Labdacios vero Pelopisque a stirpe nepotes Tardum abolere mihi; scis ipse, ut crimina mittam Dorica, quam promptae superos incessere Thebae, Te quoque; sed quoniam vetus excidit ira, silebo. Non tamen aut patrio respersus sanguine Pentheus, Aut matrem scelerasse toris, aut crimine fratres Progenuisse reus lacero tua lustra replevit Funere; ubi fletus, ubi tunc ars tanta precandi? Ast ego non proprio diros inpendo dolori Oedipodionidas: rogat hoc tellusque polusque	185 190 195 200 205 210 215

Et pietas et laesa fides naturaque et ipsi
 Eumenidum mores. Sed tu super urbe moveri
 Parce tua; non hoc statui sub tempore rebus
 Occasum Aoniis; veniet suspectior aetas 220
 Ultioresque alii: nunc regia Iuno queretur.

His ille auditis mentemque habitumque recepit.
 Ut quum sole malo tristisque rosaria pallent
 Usta Noto, si clara dies Zephyrique refecit
 Aura polum, redit omnis honos, emissaque lucent 225
 Germina, et informes ornat sua gloria virgas.

Nuntius attonitas iamdudum Eteoclis ad aures
 Explorata ferens longo docet agmine Graios
 Ire duces, nec iam Aoniis procul abfore campis;
 Quacumque ingressi, tremere ac miserescere cunctos 230
 Thebarum, qui stirpe refert, qui nomine et armis.
 Ille metum condens audire exposcit et odit
 Narrantem. Hinc dictis socios stimulare suasque
 Metiri decernit opes; exciverat omnem
 Aoniam Euboeamque et Phocidos arva propinquae 235
 Mars: ita dulce Iovi. Longo fugit ordine velox
 Tessera; propellunt acies, seseque sub armis
 Ostentant, subeunt campo, qui proximus urbi
 Damnatus bellis patet expectatque furores.

Nondum hostis circa, trepido tamen agmine matres 240
 Conscendunt muros, inde arma nitentia natis
 Et formidandos monstrant sub casside patres.

Turre procul sola nondum concessa videri
 Antigone populis teneras defenditur atra
 Veste genas; iuxtaque comes, quo Laius ibat 245
 Armigero; tunc virgo senem regina veretur.
 Quae sic orsa prior: 'Spesne obstatura Pelasgis
 Haec vexilla, pater? Pelopis descendere totas
 Audimus gentes. Dic, o precor, extera regum
 Agmina; nam video, quae noster signa Menoeceus, 250
 Quae noster gerat arma Creon, quam celsus athena
 Spbinge per ingentes Homoloidas exeat Haemon.'

Sic rudis Antigone, senior cui talia Phorbas:
 'Mille sagittiferos gelidae de colle Tanagrae

Promovet ecce Dryas; hic, cui nivea arma tridentem 255
 Atque auro rude fulmen habent, Orionis alti
 Non falsus virtute nepos. Procul, oro, paternum
 Omen et innuptae vetus excidat ira Dianae.
 Iungunt se castris regisque in nomen adoptant
 Ocaleae Medeonque et confertissima lucis 260
 Nysa Dionaëisque avibus circumsona Thisbe.
 Proximus Eurymedon, cui pastoralia Fauni
 Arma patris, pinusque iubas imitatur equinas,
 Terribilis silvis; reor et Mavorte cruento
 Talis erit. Dites pecorum comitantur Erythrae, 265
 Qui Scolon densamque iugis Etheonon iniquis,
 Qui breve litus Hyles Atalantaeumque superbi
 Schoenon habent notique colunt vestigia campi.
 Fraxineas vibrant Macetum de more sarissas
 Saevaeque difficiles excludere vulnera peltas. 270
 Ecce autem clamore ruunt Neptunia plebes
 Onchesti, quos pinigeris Mycalessos in agris
 Palladiusque Melas, Hecataëaque gurgite nutrit
 •Gargaphye, quorumque novis Haliartos aristis 275
 Invidet et nimia sata laeta supervenit herba.
 Tela rudes trunci, galeae vacua ora leonum,
 Arborei dant scuta sinus. Hos regis egenos
 Amphion en noster agit, — cognoscere pronum,
 Virgo, lyram, — galea tauroque insignis avito.
 Macte animo juvenis, medios parat ire per enses 280
 Nudaque pro caris opponere pectora muris.
 Vos etiam nostris, Heliconia turba, venitis
 Addere rebus opem; tuque, o Permesse, canoris
 Et felix Olmie, vadis armatis alumnos
 Bellorum resides. Patriis concentibus audis 285
 Exultare gregem, quales, quum pallida cedit
 Bruma, renidentem deducunt Strymona cygni.
 Ite alacres, numquam vestri morientur honores,
 Bellaque perpetuo memorabunt carmine Musae.
 Dixerat, et paulum virgo interfata docenti: 290
 ‘Illi autem, quam iunguntur origine fratres?
 Sic certe paria arma viris, sic exit in auras

Cassidis aequus apex; utinam haec concordia nostris!'

Cui senior ridens: 'Non prima errore videndi
 Falleris, Antigone: multi hos, nam decipit aetas, 295
 Dixerunt fratres. Pater est natusque, sed aevi
 Confudere modos: puerum Lapithonia nympha
 Dircetis expertem thalami crudumque maritis
 Ignibus ante diem cupido violavit amore,
 Inproba conubii; nec longum et pulcher Alathreus 300
 Editus, ac primae genitorem in flore iuventae
 Consequitur traxitque notas et miscuit annos.
 Et nunc sic fratres mentito nomine gaudent,
 Plus pater; hunc olim iuvat et ventura senectus.
 Tercentum genitor totidemque in proelia natus 305
 Exercent equites; hi deseruisse feruntur
 Exilem Glisanta Coroneamque, feracem.
 Messe Coroneam, Baccho Glisanta colentes.
 Sed potius celso umbrantem hunc adspice late
 Hypsea quadriiugos, clipei septemplique tauro 310
 Laeva, ter insuto servantem ingentia ferro
 Pectora: nam tergo numquam metus. Hasta vetustum
 Silvarum decus, emissae cui pervia semper
 Armaque pectoraque et numquam manus inrita voti.
 Asopos genuisse datur, dignusque videri 315
 Tunc pater, abruptis quum torrentissimus exit
 Pontibus, aut natae tumidus quum virginis ultor
 Flumina concussit generum indignata Tonantem.
 Namque ferunt raptam patriis Aeginan ab undis
 Amplexu latuisse Iovis. Furit amnis, et astris 320
 Infensus bellare parat — nondum ista licebant
 Nec superis —; stetit audaces effusus in iras,
 Conseruitque manus nec quem inploraret habebat,
 Donec vi tonitrus submotus et igne trisulco
 Cessit. Adhuc ripis animosus gurgēs anhelis 325
 Fulmineum cinerem magnaeque insignia poenae
 Gaudet et Aetnaeos in coelum efflare vapores.
 Talem Cadmeo mirabimur Hypsea campo,
 Si modo placavit felix Aegina Tonantem.
 Ducit Ithonaeos et Alalcomenaea Minervae

- Agmina, quos Mide et quos humida suggerit Arne,
 Aulida qui Graeamque serunt viridesque Plataeas,
 Et sulco Peteona domant refluxumque meatu
 Euripum, qua noster abit, teque ultima tractu
 Anthedon, ubi gramineo de litore Glaucus 335
 Poscentes inrupit aquas, iam crine genisque
 Caerulus, et mixtos expavit ab inguine pisces.
 Glandibus et torta Zephyros incidere funda
 Cura; Cydoneas anteibunt gesa sagittas.
 Tu quoque praeclarum forma, Cephisse, dedisses 340
~~Narcissum, sed Thespiacis iam pallet in agris~~
~~Trux puer; orbata florem pater alluit unda~~
 Quis tibi Phoebaeas acies veteremque revolvat
 Phocida? qui Panopen, qui Daulida, qui Cyparisson,
 Et valles, Lebadea, tuas et Hyampolin acri 345
 Subnixam scopulo, vel qui Parnasson utrumque
 Aut Cyrrham tauris Anemoriamque supinant
 Coryciumque nemus, propellentemque Lilaeam
 Cephissi glaciale caput, quo suetus anhelam
 Ferre sitim Python amnemque avertere ponto? 350
 Omnibus inmixtas cono super adspice lauros
 Armaque vel Tityon vel Delon habentia, vel quas
 Hic deus innumera laxavit caede pharetras.
 Iphitus acer agit, genitor cui nuper ademptus
 Naubolus Hippiasides, tuus, o mitissime Lai, 355
 Hospes; adhuc currus securaque lora tenebat,
 Quum tua subter equos iacuit convulsa cruentis
 Ictibus, o utinam nostro cum sanguine, cervix!
 Dicentis maduere genae, vultumque per omnem
 Pallor iit, vocisque repens singultus apertum 360
 Intercepit iter; refovet frigentis amicum
 Pectus alumna senis; redit atque exile profatur:
 'O mihi sollicitum decus ac suprema voluptas,
 Antigone! seras tibi demoror improbus umbras,
 Fors eadem scelera et caedes visurus avitas. 365
 Donec te thalamis habilem integramque resignem,
 Hoc satis, et fessum vita dimittite, Parcae.
 Sed dum labor iners, quanti nunc ecce reviso

Transabiēre duces. Clonium atque in terga comantes
 Non ego Abantiadas, non te, saxosa Caryste, 370
 Non humiles Aegas altumque Capharea dixi.
 Et iam acies obtusa negat, cunctique resistunt,
 Et tuus armatis iubet ecce silentia frater.'

Vix ea turre senex, quum ductor ab aggere coepit:
 'Magnanimi reges, quibus haud parere recusem 375
 Ductor et ipse meas miles defendere Thebas,
 Non ego vos stimulare parem, — nam liber in arma
 Inpetus, et meritas ultro iurastis in iras, —
 Nec laudare satis dignasque rependere grates
 Sufficiam. Referent superi vestraeque subacto 380
 Hoste manus; urbem socia de gente subistis
 Tutari, quam non aliis populator ab oris
 Belliger externave satus tellure, sed hostis
 Indigena assultat, cui castra adversa regenti
 Hic pater, hic genetrix, hic iunctae stirpe sorores, 385
 Hic erat et frater. Cerne en ubicumque nefandus
 Excidium moliris avis; venere volentes
 Aoniae populi, nec sum tibi, saeve, relictus.
 Quid velit ista cohors, et te sentire decebat.
 Reddere regna vetant.' Sic fatus, et omnia rite 390
 Disponit, qui bella gerant, qui moenia servant,
 Quas in fronte manus, medio quas robore sistat.

Perspicuas sic luce fores et virgea pastor
 Claustra levat, dum terra recens; iubet ordine primos
 Ire duces, media stipantur plebe maritae; 395
 Ipse levat gravidas et humum tactura parentum
 Ubera, succiduasque apportat matribus agnas.

Interea Danai noctemque diemque sub armis,
 Noctem iterum rursusque diem, sic ira ferebat,
 Ingeminant. Contempta quies, vix aut sopor illis 400
 Aut epulae fecere moram; properatur in hostem
 More fugae, nec monstra tenent, quae plurima nectit
 Prodigiale canens certi fors praeavia fati.
 Quippe ferunt diros monitus volucresque feraeque
 Sideraque aversique suis decursibus amnes, 405
 Infestumque tonat pater et mala fulgura lucent;

|| Terrificaeque adytis voces clausaeque deorum
 Sponte fores; nunc sanguineus, nunc saxeus imber,
 Et subiti Manes ~~nentumque occursus avorum.~~
 Tunc et Apollineae tacuere oracula Cyrrhae, 410
 Et non assuetis pernox ululavit Eleusin
 Mensibus, et templis Sparte praesaga reclusis
 Vidit Amyclaeos, facinus! concurrere fratres.

Arcados insanas latrare Lycaonis umbras
 Nocte ferunt tacita, saevo decurrere campo 415
 Oenomaum sua Pisa refert. Acheloon utroque
 Deformem cornu vagus infamabat Acarnan.

Perseos effigiem moestam exorantque Mycenae
 Confusum Iunonis ebur; mugire potentem
 Inachon agricolae, gemini maris incola narrat 420
 Thebanum toto planxisse Palaemona ponto.
 Haec audit Pelopea phalanx, sed bellicus ardor
 Consiliis obstat divum prohibetque timeri.

Iam ripas, Asope, tuas Boeotaque ventum
 Flumina; non ausae transmittere protinus alae 425
 Hostilem fluvium; forte et trepidantibus ingens
 Descendebat agris, animos sive imbrifer arcus,
 Seu montana dedit nubes, seu fluminis illa
 Mens fuit, obiectusque vado pater arma vetabat.

Tunc ferus Hippomedon magno cum fragmine ripae 430
 Cunctantem deiecit equum, ducibusque relictis
 Gurgite de medio frenis suspensus et armis
 'Ite viri, clamat, sic vos in moenia primus
 Ducere, sic clausas voveo perfringere Thebas.'

Praecipitant cuncti fluvio, puduitque secutos. 435
 Ac velut ignotum si quando armenta per amnem
 Pastor agit, stat triste pecus, procul altera tellus
 Omnibus et late medius timor: ast ubi ductor
 Taurus init fecitque vadum, tunc mollior unda,
 Tunc faciles saltus, visaeque accedere ripae. 440

Haud procul inde iugum tutisque accommoda castris
 Arva notant, unde urbem etiam turresque viderent
 Sidonias; placuit sedes fidique receptus,
 Colle per excelsum patulo, quem subter aperto

Arva sinu, nullique aliis a montibus obstant 445
 Despectus; nec longa labor munimina durus
 Addidit: ipsa loco mirum natura favebat.
 In vallum elatae rupes devexaque fossis
 Aequa, et fortuito ductae quater aggere pinnae;
 Cetera dant ipsi, donec sol montibus omnis 450
 Erepsit rebusque dedit sopor otia fessis.

Quis queat attonitas dictis ostendere Thebas?
 Urbem in conspectu belli suprema parantem
 Territat insomnem nox atra diemque minatur.
 Discurrunt muris; nil septum horrore sub illo, 455
 Nil fidum satis, invalidaeque Amphionis arces.
 Rumor ubique alios pluresque annuntiat hostes,
 Maioresque timor; spectant tentoria contra
 Inachia externosque suis in montibus ignes.
 Hi precibus questuque deos, hi Martia tela 460
 Belligerosque hortantur equos, hi pectora fletu
 Cara premunt, miserique rogos et crastina mandant
 Funera. Si tenuis demisit lumina somnus,
 Bella gerunt; modo lucra morae, modo taedia vitae
 Attonitis, lucemque timent lucemque precantur. 466
 It geminum excutiens anguem et bacchatur utrisque
 Tisiphone castris; fratrem huic, fratrem ingerit illi,
 Aut utrique patrem; procul ille penatibus imis
 Excitus inplorat furias oculosque reposcit.

Iam gelidam Phoeben et caligantia primus 470
 Hauserat astra dies, quum iam tumet igne futuro
 Oceanus, lateque novo Titane reclusum
 Aequor anhelantum radiis subsidit equorum.
 Ecce truces oculos sordentibus obsita canis
 Exanguesque Iocasta genas et brachia planctu 476
 Nigra ferens ramumque oleae cum velleris atri
 Nexibus, Eumenidum velut antiquissima, portis
 Egreditur magna cum maiestate malorum.
 Hinc atque hinc natae, melior iam sexus, aniles
 Praecipitantem artus et plus quam posset euntem 480
 Sustenant; venit ante hostes, et pectore nudo
 Claustra adversa ferit tremulisque ululatibus orat

Admitti. 'Reserare viam rogat in pia belli
 Mater, in his aliquod ius execrabile castris
 Huic utero est.' Trepidi visam expavere manipuli 485
 Auditamque magis; remeat iam missus Adrasto
 Nuntius; excipiunt iussi mediosque per enses
 Dant iter; illa duces ut primum adspexit Achivos,
 Clamorem horrendum luctu furiata resolvit:
 'Argolici proceres, ecquis monstraverit hostem, 490
 Quem peperit? quam inveniam, mihi dicite, natum
 Sub galea?' Venit attonitae Cadmeius heros
 Obvius, et raptam lacrimis gaudentibus inplet
 Solaturque tenens, atque inter singula matrem,
 Matrem iterat, nunc ipsam urgens, nunc cara sororum 495
 Pectora, quum mixta fletus anus asperat ira:
 'Quid molles lacrimas venerandaque nomina fingis,
 Rex Argive, mihi? quid colla amplexibus ambis
 Invisamque teris ferrato pectore matrem?
 Tunc ille exilio vagus et miserabilis hospes? 500
 Quem non permoveas! longe tua iussa cohortes
 Expectant, multoque latus praefulgurat ense.
 Ah miserae matres! hunc te noctesque diesque
 Deflebam; si verba tamen monitusque tuorum
 Dignaris, dum castra silent suspensaue bellum 505
 Horrescit pietas, genetrix iubeoque rogoque,
 I mecum patriosque deos arsuraque saltem
 Tecta vide, fratremque — quid aufers lumina? — fratrem
 Alloquere, et regnum iam me sub iudice posce.
 Aut dabit, aut ferrum causa meliore resumes. 510
 Anne times, ne forte doli te conscia mater
 Decipiam? non sic miseros fas omne penates
 Effugiet: vix Oedipode ducente timeres.
 Nupsi equidem peperique nefas, sed diligo tales,
 Ah dolor, et vestros etiamnum excuso furoribus. 515
 Quodsi adeo perstas, ultro tibi, saeve, triumphum
 Detulimus; religa captas in terga sorores,
 Inice vincla mihi; gravis huc, utcumque feretur
 Et pater. Ad vestrum gemitus nunc verto pudorem,
 Inachidae, liquistis enim parvosque senesque 520

Et lacrimas has quisque domi, sua credite matri
 Viscera. Si vobis hic parvo in tempore carus,
 Sitque precor, quid me, oro, decet? quidve ista, Pelasgi,
 Ubera? ab Hyrcanis hoc Odrysisque tulissem
 Regibus, et si qui nostros vicere furores. 525
 Annuite, aut natum complexa superstitute bello
 Hic moriar.' Tumidas frangebant dicta cohortes,
 Nutantesque virum galeas, et sparsa videres
 Fletibus arma piis, quales ubi tela virosque
 Pectoris impulsu rapidi stravere leones; 530
 Protinus ira minor, gaudentque in corpore capto
 Securam differre famem: sic flexa Pelasgum
 Corda labant, ferrique avidus mansueverat ardor.

Ipse etiam ante omnes nunc matris ad oscula versus,
 Nunc rudis Ismenes, nunc flebiliora precantis 535
 Antigones, variaque animum turbante procella
 Exciderat regnum; cupit ire, et mitis Adrastus
 Non vetat; hic iustae Tydeus memor occupat irae:

'Me potius socii, qui fidum Eteoclea nuper
 Expertus, nec frater eram, me opponite regi, 540
 Cuius adhuc pacem egregiam et bona foedera gesto
 Pectore in hoc. Ubi tunc fidei pacisque sequestra
 Mater eras, pulchris quum me nox vestra morata est
 Hospitiis? nempe haec trahis ad commercia natum?
 Duc illum in campum, vestro qui sanguine pinguis 545
 Spirat adhuc pinguisque meo. Tu porro sequeris
 Heu nimium mitis, nimiumque oblite tuorum?
 Scilicet infestae quum te circum undique dextrae
 Nudabunt enses, haec flebit et arma quiescent?
 Tene ille, heu demens, semel intra moenia clausum 550
 Possessumque odiis Argiva in castra remittet?
 Ante haec excusso frondescet lancea ferro,
 Inachus ante retro nosterque Achelous abibunt.
 Sed mite alloquium et saevis pax quaeritur armis,
 Haec quoque castra patent, necdum meruere timeri. 555
 An suspectus ego? abscedo et mea vulnera dono.
 Intret et hic genetrix eadem mediaeque sorores.
 Finge autem pactis evictum excedere regnis,

Nempe iterum reddes?' Rursus mutata trahuntur
 Agmina consiliis, subito ceu turbine coeli 560
 Obvius adversum Boreae Notus abstulit aequor.
 Arma iterum furiaeque placent; fera tempus Erinys
 Arripit et primae molitur semina pugnae.
 Errabant geminae Dircae ad flumina tigres,
 Mite iugum, belli quondam vastator Eoi 565
 Currus, Erythraeis quas nuper victor ab oris
 Liber in Aonios meritas dimiserat agros.
 Illas turba dei seniorque ex more sacerdos
 Sanguinis oblitus atque Indum gramen olentes
 Palmite maturo variisque ornare corymbis 570
 Curat, et alterno maculas interligat ostro.
 Iamque ipsi colles, ipsa has — quis credat? — amabant
 Armenta, atque ausae circum mugire iuvencae.
 Quippe nihil grassata fames, manus obvia pascit,
 Expectantque cibos fusoque horrenda supinant 575
 Ora mero, vaga rure quies; si quando benigno
 Urbem iniere gradu, domus omnis et omnia sacris
 Tempa calent, ipsumque fides intrasse Lyaeum.
 Has ubi vipereo tactas ter utramque flagello
 Eumenis in furias animumque redire priorem 580
 Impulit, erumpunt non agnoscentibus Argis,
 Ceu duo diverso pariter si fulmina coelo
 Rupta cadant longumque trahant per nubila crinem.
 Non aliter cursu rapidae atque inmane frementes
 Transiliunt campos, aurigamque inpete vasto, 585
 Amphiaræ, tuum — nec defuit omen, heriles
 Forte is primus equos stagna ad vicina trahebat, —
 Corripiunt. Mox Taenarium qui proximus Idam
 Aetolumque Acamanta premunt; fuga torva per agros
 Cornipedum, visa donec flammatus Aconteus 590
 Strage virum, cui sueta feras prosternere virtus,
 Arcas erat, densis iam fida ad moenia versas
 Insequitur telis, multumque hastile resumens
 Ter quater adducto per terga, per ilia telo
 Transigit: illae autem longo cum limite fusi 595
 Sanguinis ad portas utrimque extantia ducunt

Spicula semianimes, gemituque imitante querelas
Saucia dilectis acclinant pectora muris.

Templa putes urbemque rapi facibusque nefandis
Sidonios ardere lares, sic clamor apertis 600
Exoritur muris; mallent cunabula magni
Herculis aut Semeles thalamum aut penetrale ruisse
Harmonies. Cultor Bacchaeus Acontea Phegeus
Iam vacuum telis geminoque in sanguine ovantem
Cominus ense petit; subeunt Tegeaea iuventus 605
Auxilio tardi; iam supra sacra ferarum
Corpora moerenti iuvenis iacet ultio Baccho.

Rumpitur et Graium subito per castra tumultu
Consilium; fugit externos Iocasta per hostes
Iam non ausa preces; natas ipsamque repellunt 610
Qui modo tam mites, et praeceps tempore Tydeus
Utitur. 'Ite age, nunc pacem sperate fidemque,
Nunc saltem differre nefas, potuitne morari,
Dum genetrix dimissa redit?' Sic fatus aperto
Ense vocat socios; saevus iam clamor, et irae 615
Hinc atque inde calent; nullo venit ordine bellum,
Confusique duces vulgo, et neglecta regentum
Imperia, una equites mixti peditumque catervae
Et rapidi currus; premit indigesta ruentes
Copia, nec sese vacat ostentare, nec hostem 620
Noscere. Sic subitis Thebana Argivaeque pubes
Confluxere globis; retro vexilla, tubaeque
Post tergum et litui bellum invenere secuti.
Tantus ab exiguo crudescit sanguine Mavors!
Ventus uti primas struit inter nubila vires 625
Lenis adhuc frondesque et aperta cacumina gestat,
Mox rapuit nemus et montes patefecit opacos.

Nunc age, Pieriae, — non vos longinqua, sorores,
Consulimus — vestras acies vestramque referte
Aoniam; vidistis enim, dum Marte propinquo 630
Horrent Tyrrhenos Heliconia plectra tumultus.

Sidonium Pterelan sonipes malefidus in armis
Rumpentem frenos diversa per agmina raptat
Iam liber: sic fessa manus, venit hasta per arma

Tydeos, et laevum iuvenis transverberat inguen 635
 Labentemque affligit equo; fugit ille perempto
 Consertus domino, nec iam arma aut frena tenentem
 Portat adhuc, ceu nondum anima defectas utraque
 Quum sua Centaurus moriens in terga recumbit.
 Certat opus ferri, sternuntque alterna furentes 640
 Hippomedon Sybarin Pylum, Periphanta Menoeceus,
 Parthonopaeus Ityn: Sybaris iacet ense cruento,
 Cuspide trux Periphas, Itys insidiante sagitta.
 Caeneos Inachii ferro Mavortius Haemon
 Colla rapit, cui dividuum trans corpus hiantes 645
 Truncum oculi quaerunt, animus caput; arma iacentis
 Iam rapiebat Abas, cornu deprensus Achiva
 Dimisit moriens clipeum hostilemque suumque.
 Quis tibi Bacchaeos, Eunaee, relinquere cultus,
 Quis lucos, vetitus quibus emansisse sacerdos, 650
 Suasit, et assuetum Bromio mutare furorem?
 Quem terrere queas? clipei penetrabile textum
 Pallentes hederæ Nysaeaeque sarta coronant.
 Candida pampineo subnectitur instita filo,
 Crine latent humeri, crescunt lanugine malae, 655
 Et rubet inbellis Tyrio subtemine thorax,
 Brachiaque in manicis et pictae vincula plantae
 Carbaseique sinus, et fibula rasilis auro
 Taenariam fulva mordebat iaspide pallam;
 Quam super a tergo velox corytus et arcus, 660
 Pendentesque sonant aurata lynce pharetrae.
 It lymphante deo media inter millia longum
 Vociferans: 'Prohibete manus, haec omine dextro
 Moenia Cyrrhaea monstravit Apollo iuvenca.
 Parcite, in haec ultro scopuli venere volentes. 665
 Gens sacrata sumus: gener huic est Iuppiter urbi
 Gradivusque socer; Bacchum haud mentimur alumnum
 Et magnum Alciden.' Iactanti talia frustra
 Turbidus aëria Capaneus occurrit in hasta.
 Qualis ubi primam leo mane cubilibus atris 670
 Erexit rabiem et saevo speculatur ab antro
 Aut cervam, aut nondum bellantem fronte iuvencom,

It fremitu gaudens, licet arma gregesque lacescant
 Venantum: praedam videt et sua vulnera nescit.
 Sic tunc congressu Capaneus gavisus iniquo 675
 Librabat magna venturam mole cupressum.
 Ante tamen 'Quid femineis ululatibus, inquit,
 Terrificas, moriture, viros? utinam ipse veniret,
 Cui furis! haec Tyriis cane matribus,' et simul hastam
 Expulit; illa volans, ceu vis non ulla moretur 680
 Obvia, vix sonuit clipeo et iam terga reliquit.
 Arma fluunt, longisque crepat singultibus aurum,
 Eruptusque sinus vicit cruor. Occidis audax,
 Occidis Aonii puer altera cura Lyaei.
 Marcida te fractis planxerunt Ismara thyrsis, 685
 Te Tmolos, te Nysa ferax Theseaque Naxos
 Et Thebana metu iuratus in Orgia Ganges.
 Nec segnem Argolicae sensere Eteoclea turmae,
 Parcior ad cives Polynicis inhorruit ensis.
 Eminet ante alios iam formidantibus arva 690
 Amphiarus equis ac multo pulvere vertit
 Campum indignantem, famulo decus addit inane
 Moestus et extremos obitus illustrat Apollo.
 Ille etiam clipeum galeamque incendit honoro
 Sidere; nec tarde fratri, Gradive, dedisti, 695
 Ne qua manus vatem, ne quid mortalia bello
 Laedere tela queant: sanctum et venerabile Diti
 Funus erat. Talis medios infertur in hostes
 Certus et ipse necis, vires fiducia leti
 Suggest; inde viro maioraque membra diesque 700
 Laetior et numquam tanta experientia coeli,
 Si vacet: avertit morti contermina Virtus.
 Ardet inexpleto saevi Mavortis amore,
 Et fruitur dextra atque anima flagrante superbit.
 Hic hominum casus lenire et demere fatis 705
 Iura frequens, quantum subito diversus ab illo,
 Qui tripodas laurusque sequi, qui doctus in omni
 Nube salutato volucrem cognoscere Phoebo.
 Innumeram ferro plebem, ceu letifer annus
 Aut iubar adversi grave sideris, immolat umbra 710

Ipse suis; iaculo Phlegyam iaculoque superbum
 Phylea, falcato Chromin et Cremetaona curru
 Cominus hunc stantem metit, hunc a poplite sectum,
 Cuspide demissa Chromin Iphinoumque Sagenque
 Intonsumque Gyan sacrumque Lycorea Phoebō 715
 Invitus; iam fraxineum dimiserat hastae
 Robur, et excussis apparuit infula cristis;
 Alcathoum saxo, cui circum stagna Carysti
 Et domus et coniux et amantes litora nati.
 Vixerat ille diu pauper scrutator aquarum, 720
 Decepit tellus, moriens hiemesque Notosque
 Laudat et experti meliora pericula ponti.

Adspicit has longe iamdudum Asopius Hypseus
 Palantum strages ardetque avertere pugnam,
 Quamquam haud ipse minus curru Tiryntia fundit 725
 Robora, sed viso praesens minor augure sanguis.
 Illum armis animisque cupit, prohibebat iniquo
 Agmine consertum cunei latus; inde superbus
 Exeruit patriis electum missile ripis.
 Ac prius: 'Aonidum dives largitor aquarum, 730
 Clare Giganteis etiamnum, Asope, favillis,
 Da numen dextrae: rogat hoc natusque tuique
 Quercus alumna vadi; fas et me spernere Phoebum,
 Si tibi collatus divum sator; omnia mergam
 Fontibus arma tuis tristesque sine augure vittas.' 735

Audierat genitor. Vetat indulgere volentem
 Phoebus, et aurigam iaculum detorquet in Hersen.
 Ille ruit. Deus ipse vagis succedit habenis,
 Lernaenum falso simulans Haliagmona vultu.
 Tunc vero ardenti non ulla obsistere temptant 740
 Signa, ruunt solo terrore, et vulnera citra
 Mors trepidis ignava venit, dubiumque tuenti
 Presserit insessos onus, inpuleritne iugales.
 Sic ubi nubiferum montis latus aut nova ventis
 Solvit hiems, aut victa situ non pertulit aetas; 745
 Desiluit horrendus campo timor, arva virosque
 Limite non uno longaevaue robora secum
Praecipitans, tandemque exhaustus turbine fesso

Aut vallem cavat, aut medios intercipit amnes.

Non secus ingentique viro magnoque gravatus 750

Temo deo, nunc hoc, nunc illo in sanguine fervet.

Ipse sedens telis pariterque ministrat habenis

Delius, ipse docet iactus adversaque flectit

Spicula fortunamque hastis venientibus aufert.

Sternuntur terrae Menaleus pedes, Antiphus alto 755

Nil defensus equo, genitusque Heliconide nympha

Aethion caesoque infamis fratre Polites

Conatusque toris vittatam attingere Manto

Lampus: in hunc sacras Phoebus dedit ipse sagittas.

Et iam cornipedes trepida ac moribunda reflantes 760

Corpora rimantur terras, omnisque per artus

Sulcus et incisis altum rubet orbita membris.

Hos iam ignorantes terit inpius axis, at illi

Vulnere semineces, nec devitare facultas,

Venturum super ora vident; iam lubrica tabo 765

Frena, nec insisti madidus dat temo, rotaeque

Sanguine difficiles et tardior ungula fossis

Visceribus. Tunc ipse furens in morte relicta

Spicula et e mediis extantes ossibus hastas

Avellit, stridunt animae cufrumque sequuntur. 770

Tandem se famulo summum confessus Apollo:

‘Utere luce tua longamque, ait, indue famam,

Dum tibi me iunctum mors inrevocata veretur.

Vincimur: inmites scis nulla revolvere Parcas.

Stamina; vade diu, populis promissa voluptas 775

Elysiis, certe non perpersure Creontis

Imperia aut vetito nudus iaciture sepulcro.’

Ille refert contra, et paulum respirat ab armis:

‘Olim te, Cyrrhae pater, peritura sedentem

Ad iuga — quis tantus miseris honor? — axe trementi 780

Sensimus; instantes quonam usque morabere manes?

Audio iam rapidae cursum Stygis atraque Ditis

Flumina tergeminosque mali custodis hiatus.

Accipe commissum capiti decus, accipe laurus,

Quas Erebo deferre nefas. Nunc voce suprema, 785

Si qua recessuro debetur gratia vati,

Deceptum tibi, Phoebe, larem poenasque nefandae
Coniugis et pulchrum nati commendo furorem.'

Desiluit moerens, lacrimasque avertit Apollo.

Tunc vero ingemuit currusque orbique iugales. 790

Non aliter caeco nocturni turbine Cori

Scit peritura ratis, quum iam damnata sororis

Igne Therapnaei fugerunt carbasa fratres.

Iamque recessurae paulatim horrescere terrae 795

Summaque terga quati, graviorque effervere pulvis

Coeperrat; inferno mugit iam murmure campus.

Bella putant trepidi bellique hunc esse fragorem,

Hortanturque gradus; alius tremor arma virosque

Mirantesque inclinat equos; iam frondea nutant 800

Culmina, iam muri, ripisque Ismenos apertis

Effugit; exciderunt irae, nutantia figunt

Tela solo, dubiasque vagi nituntur in hastas

Cominus inque vicem viso pallore recedunt.

Sic ubi navales miscet super aequora pugnas

Contempto Bellona mari, si forte benigna 805

Tempestas; sibi quisque cavent, ensesque recondit

Mors alia, et socii pacem fecere timores.

Talis erat campo belli fluitantis imago.

Sive laborantes concepto flamine terrae

Ventorum rabiem et clausum eiecere furorem, 810

Exedit seu putre solum carpsitque terendo

Unda latens, sive hac volventis machina coeli

Incubuit, sive omne fretum Neptunia movit

Cuspis et extremas gravius mare torsit in oras, 815

Seu vati datus ille fragor, seu terra minata est

Fratribus; ecce alte praeceps humus ore profundo

Dissilit, inque vicem tremuerunt sidera et umbrae.

Illum ingens haurit specus, et transire parantes

Mergit equos, non arma manu, non frena remisit,

Sicut erat, rectos defert in tartara currus 820

Respexitque cadens coelum campumque coire

Ingemuit, donec levior distantia rursus

Miscuit arva tremor lucemque exclusit Averno.

P. PAPINII STATII
THEBAIDOS
LIBER VIII.

Ut subitus vates pallentibus incidit umbris,
 Letiferasque domos orbisque arcana sepulti
 Rupit et armato turbavit funere Manes;
 Horror habet cunctos, Stygiis mirantur in oris
 Tela et equos corpusque novum; neque enim ignibus artus 5
 Conditus aut moesta niger adventabat ab urna,
 Sed belli sudore calens, clipeumque cruentis
 Roribus et scissi respersus pulvere campi.
 Necdum illum aut trunca lustraverat obvia taxo
 Eumenis, aut furvo Proserpina poste notarat 10
 Coetibus assumptum functis; quin cominus ipsa
 Fatorum deprensa colus, visoque paventes
 Augure tunc demum rumpebant stamina Parcae.

Illum et securi circumspexere fragorem
 Elysii, et si quos procul inferiore barathro 15
 Altera nox aliisque gravat plaga caeca tenebris.
 Tunc regemunt pigrique lacus ustaeque paludes,
 Umbriferaeque fremit sulcator pallidus undae,
 Dissiluisse novo penitus telluris hiatu
 Tartara et admissos non per sua flumina Manes. 20

Forte sedens media regni infelicitis in arce
 Dux Erebi populos poscebat crimina vitae,
 Nil hominum miserans iratusque omnibus umbris.
 Stant Furiae circum variaequae ex ordine Mortes,
 Saeavaque multisonas exercet Poena catenas. 25
 Fata ferunt animas et eodem pollice damnant.
 Vincit opus: iuxta Minos cum fratre verendo

Iura bonus meliora monet regemque cruentum
 Temperat, assistunt lacrimis atque igne tumentes
 Cocytos Phlegethonque, et Styx periuria divum 30
 Arguit. Ille autem supera compage soluta
 Nec solitus sentire metus expavit oborta
 Sidera, iucundaque offensus luce profatur:
 'Quae superum labes inimicum inepigit Averno
 Aethera? quis rumpit tenebras vitaeque silentes 35
 Admovet? unde minae? uter haec mihi proelia fratrum?
 Congredior, pereant aedum discrimina rerum.
 Nam cui dulce magis? magno me tertia victum
 Deiecit fortuna polo, mandumque nocentem
 Servo, nec iste meus, dirisque en pervius astris 40
 Inspicitur. Tumidusne meas regnator Olympi
 Explorat vires? habeo iam quassa Gigantum
 Vincula, et aethereum cupidos exire sub axem
 Titanas miserumque patrem. Quid me otia moesta
 Saevus et implacitam prohibet perferre quietem, 45
 Amisumque odisse diem? pandam omnia regna,
 Si placet, et Stygio praetexam Hyperiona coelo.
 Arcada nec superis — quid enim mihi nuntius ambas
 Itque reditque domos? — emittam et utrumque tenebo
 Tyndariden. Cur autem avidis Ixiona frango 50
 Vorticibus? cur non expectant Tantalum undae?
 Anne profanatum totiens chaos hospite vivo
 Perpetiar? me Pirithoi temerarius ardor
 Temptat et audaci Theseus iuratus amico,
 Me ferus Alcides, tunc quum custode remoto 55
 Ferrea Cerbereae tacuerunt limina portae.
 Odrysiis etiam pudet heu! patuisse querelis
 Tartara. Vidi egomet blanda inter carmina turpes
 Eumenidum lacrimas iterataque pensa sororum,
 Me quoque —; sed duræ melior violentia legis. 60
 Ast ego vix unum nec celsa ad sidera furto
 Ausus iter Siculo rapui conubia campo;
 Nec licuisse ferunt; iniustaeque ab Iove leges
 Protinus, et sectum genetrix mihi computat annum.
 Sed quid ego haec? I, Tartareas ulciscere sedes, 65

Tisiphone, et, si quando novis asperrima monstis,
 Triste, insuetum, ingens, quod nondum viderit aether,
 Ede nefas, quod mirer ego invidiantque sorores.
 Atque adeo fratres, nostrisque haec omina sunt
 Prima odiis, fratres alterna in vulnera laeto . 70
 Marte ruant; sit, qui rabidarum more ferarum
 Mandat atrox hostile caput, quique igne supremo
 Arceat exanimis et manibus aethera nudis
 Commaculet; iuvet ista ferum spectare Tonantem.
 Praeterea ne sola furor mea regna lacessat, 75
 Quaere deis qui bella ferat, qui fulminis ignes
 Infestumque Iovem clipeo fumante repellat.
 Faxo haud sit cunctis levior metus, atra movere
 Tartara, frondenti quam iungere Pelion Ossae.'

Dixerat; atque illi iamdudum regia tristis 80
 Attremittit oranti, suaque et quae desuper urget
 Nutabat tellus: non fortius aethera vultu
 Torquet et astriferos inclinat Iuppiter axes.

'At tibi quos, inquit, Manes, qui limite praeceps
 Non licito per inane ruis?' Subit ille minantem 85
 Iam tenuis visu, iam vanescentibus armis,
 Iam pedes, extincto tamen interceptus in ore.
 Angurii perdurat honos, obscuraque fronti
 Vitta manet, ramumque tenet morientis olivae.

'Si licet et sanctis hic ora resolvere fas est 90
 Manibus, o cunctis finitor maxime rerum,
 At mihi, qui quondam causas elementaque noram,
 Et sator! oro, minas stimulatque corda remulce,
 Neve ira dignare hominem et tua iura timentem.
 Nam nec ad Herculeos — unde haec mihi pectora? — raptus, 95
 Nec Venerem illicitam, crede his insignibus, ausi
 Intramus Lethen; fugiat nec tristis in antrum
 Cerberus, aut nostros timeat Proserpina currus.
 Augur Apollineis modo dilectissimus aris,
 Testor inane chaos, — quid enim hic iurandus Apollo? — 100
 Crimine non ullo subeo nova fata, nec alma
 Sic merui de luce rapi; scit iudicis urna
 Dictaei, verumque potest deprendere Minos.

Coniugis insidiis et iniquo venditus auro
 Argolicas acies, unde haec tibi turba recentum 105
 Umbrarum et nostrae veniunt quoque funera dextrae,
 Non ignarus ini; subito me turbine mundi,
 Horret adhuc animus, mediis e millibus hausit
 Nox tua. Quae mihi mens, dum per cava viscera terrae
 Vado diu pendens et in aere volvor operto? 110
 Hei mihi! nil ex me sociis patriaeque relictum,
 Vel captum Thebis; non iam Lernaea videbo
 Tecta, nec attonito saltem cinis ibo parenti.
 Non tumulo, non igne miser lacrimisque meorum
 Productus, toto pariter tibi funere veni, 115
 Nil istis ausurus equis; nec deprecor umbram
 Accipere et tripodum iam non meminisse meorum.
 Nam tibi praesagi quis iam super auguris usus,
 Quum Parcae tua iussa trahant? sed pectora flectas
 Et melior sis, quaeso, deis; si quando nefanda 120
 Huc aderit coniux, illi funesta reserva
 Supplicia: illa tua, rector bone, dignior ira.
 Accipit ille preces indignaturque moveri.
 Ut leo Massyli quum lux stetit obvia ferri,
 Tunc iras, tunc arma citat, si decidat hostis, 125
 Ire super satis est vitamque relinquere victo.
 Interea vittis lauruque insignis opima
 Currus et egregiis modo formidatus in armis,
 Luce palam fusus nulli, nullique fugatus
 Quaeritur: absistunt turmae, suspectaque tellus 130
 Omnibus, infidi miles vestigia campi
 Circuit, atque avidae tristis locus ille ruinae
 Cessat, et inferni vitatur honore sepulcri.
 Nuntius hortanti diversa in parte maniplos
 Adrasto — vix ipse ratus vidisse — Palaemon 135
 Advolat, et trepidans, steterat nam forte cadenti
 Proximus, inspectoque miser pallescit hiatu.
 'Verte gradum, fuge, rector, ait, si Dorica saltem
 Terra loco, patriaeque manent, ubi liquimus, arces.
 Non armis, non sanguine opus: quid inutile ferrum 140
Stringimus in Thebas? currus humus inopia sorbet

Armaque bellantesque viros. Fugere ecce videtur
 Hic etiam, quo stamus, ager; vidi ipse profundae
 Noctis iter ruptaque soli compage ruentem,
 Illum heu, praesagis quo nullus amior astris, 145
 Oecliden, frustraue manus cum voce tetendi.
 Mira loquor, sulcos etiamnum rector equorum,
 Fumantemque locum et spumis madida arva reliqui.
 Nec commune malum est: tellus agnoscit alumnos,
 Stat Thebana acies? Stupet haec et credere Adrastus 150
 Cunctatur; sed Mopsus idem trepidusque ferebat
 Actor idem, nam fama novis terroribus audax
 Non unum cecidisse refert. Sponte agmina, retro
 Non expectato revocantum more tubarum
 Praecipitant; sed torpet iter, falluntque ruentes 155
 Genua viros, ipsique, putes sensisse, repugnant
 Cornipedes, nulloque truces hortamine parent,
 Nec celerare gradum, nec tollere lumina terra.
 Fortius incursant Tyrrii, sed Vesper opacus
 Lunares iam ducit equos; data foedere parvo 160
 Moesta viris requies et nox auctura timores.

Quae tibi tunc facies, postquam permissa gemendi
 Copia? qui fletus galeis cecidere solutis?
 Nil solitum fessos iuvat; abiecere madentes,
 Sicut erant, clipeos, nec quisquam spicula tersit, 165
 Nec laudavit equum, nitidae nec cassidis altam
 Compsit adornavitque iubam; vix magna lavare
 Vulnera et efflantes libet internectere plagas.
 Tantus ubique dolor; mensas alimentaue bello
 Debita nec pugnae suasit timor; omnia laudes, 170
 Amphiarae, tuas, foecundaue pectora veri
 Commemorant lacrimis, et per tentoria sermo
 Unus: abisse deos delapsaque numina castris.
 'Heu ubi laurigeri currus sollemnique arma
 Et galeae vittatus apex? heu antra lacusque 175
 Castalii tripodumque fides? sic gratus Apollo?
 Quis mihi sidereos lapsus mentemque sinistri
 Fulguris, aut caesis saliat quod numen in extis,
 Quando iter, unde morae, quae saevis utilis armis,

Quae pacem magis hora velit, quis iam omne futurum 180
 Proferet, aut cum quo volucres mea fata loquentur?
 Hos quoque bellorum casus nobisque tibi que
 Praescieras, et — quanta sacro sub pectore virtas! —
 Venisti tamen et miseris comes additus armis.
 Et quum te tellus fatalisque hora vocaret, 185
 Tu Tyrias acies adversaque signa vacasti
 Sternere; tunc etiam media de morte timendum
 Hostibus infestaque abeuntem vidimus hasta.
 Et nunc te quis casus habet? poterisne reverti
 Sedibus a Stygiis altaque erumpere terra? 190
 Anne sedes hilaris iuxta tua numina Parcas
 Et vice concordi discis ventura docesque?
 An tibi felices lucos miseratus Averni
 Rector et Elysias dedit inservare volucres?
 Quidquid es, aeternus Phoebus dolor et nova clades 195
 Semper eris, mutisque diu plorabere Delphis.
 Hic Tenedon Cyrrhamque dies partuque ligatam
 Delon et intonsi cludet penetralia Branchi;
 Nec Clarias hac luce fores Didymaeae quisquam
 Limina, nec Lyciam supplex consultor adibit. 200
 Quin et cornigeri vatis nemus atque Molossi
 Quercus anhela Iovis Troianaque Thymbra tacebit.
 Ipsi amnes ipsaeque volent arescere laurus.
 Ipse nihil certum sagis clangoribus aether
 Praecinet, et nulla ferientur ab alite nubes. 205
 Iamque erit ille dies, quo te quoque conscia fati
 Templa colant reddatque tuus responsa sacerdos.
 Talia fatidico peragunt sollemnia regi,
 Ceu flammis ac dona rogo tristesque rependant
 Exequias, mollique animam tellure reponant. 210
 Fracta dehinc cunctis aversaque pectora bello.
 Sic fortes Minyas subito quum funere Tiphys
 Destituit, non arma sequi, non ferre videtur
 Remus aquas, ipsique minus iam ducere venti.
 Iam fessis gemitu paulatim còrda levabat 215
 Exhaustus sermone dolor, noxque addita curas
 Obruit, et facilis lacrimis inrepere somnus.

At non Sidoniam diversa in parte per urbem
 Nox eadem; vario producant sidera ludo
 Ante domos intraque, ipsaeque ad moenia marcent 220
 Excubiae; gemina aera sonant Idaeaeque terga
 Et moderata sonum vario spiramine buxus.
 Tunc dulces superos atque omne ex ordine alumnus
 Numen ubique sacri resonant Paeanes, ubique
 Serta coronatumque merum. Nunc funera ridet 225
 Auguris ignari, contraque in tempore certant
 Tiresiam laudare suum; nunc facta revolvunt
 Maiorum veteresque canunt ab origine Thebas.
 Hi mare Sidonium manibusque attrita Tonaatis
 Cornua et ingenti sulcatam Nerea tauro, 230
 Hi Cadmum lassamque bovem foetosque cruenti
 Martis agros, alii Tyriam reptantia saxa
 Ad chelyn et duras animantem Amphiona cautes,
 Hi gravidam Semelen, illi Cythereia laudant
 Conubia et multa deductum lampade fratrum 235
 Harmonien: nullis deest sua fabula mensis.
 Ceu modo gemmiferum thyrsos populatus Hydaspen
 Eoasque domos, nigri vexilla triumpho
 Liber et ignotos populis ostenderet Indos.

Tum primum ad coetus sociaeque ad foedera mensae 240
 Semper inaspectum diraque in sede latentem
 Oedipoden exisse ferunt, vultuque sereno
 Caniciem nigram squalore et sordida fuis
 Ora comis laxasse manu, sociumque benignos
 Affatus et abacta prius solatia passum: 245
 Quin hausisse dapes insiccatumque oruorem
 Deiecisse genis. Cunctos auditque refertque,
 Qui Ditem et Furias tantum et si quando regentem
 Antigonen moestis solitus pulsare querelis.
 Causa latet. Non hunc Tyrii fors prospera belli, 250
 Tantum bella iuvant; natum hortaturque probatque,
 Nec vicisse velit; sed primos cominus enses
 Et scelorum tacito rimatur semina voto.
 Inde epulae dulces ignotaque gaudia vultu.
 Qualis post longae Phineus ieiunia poenae,

Nil stridere domi volucres ut sensit abactas,
Necdum tota fides, hilaris mensasque torosque,
Nec turbata feris tractavit pocula pennis.

Cetera Graiorum curis armisque iacebat
Fessa cohors; alto castrorum ex aggere **Adrastus** 260
Laetificos tenui captabat corde tumultus,
Quamquam aeger senio, sed agit miseranda potestas
Invigilare malis. Illum aereus undique clamor
Thebanique urunt sonitus, et amara lacessit
Tibia, tum nimio voces marcere superbae 265
Incertaeque faces, et iam male pervigil ignis.
Sic ubi per fluctus uno ratis obruta somno
Conticuit, tantique maris secura iuventus
Mandavere animas; solus stat puppe magister
Pervigil inscriptaque deus qui navigat alno. 270

Tempus erat, iunctos quum iam soror ignea **Phoebe**
Sentit equos penitusque cavam sub luce parata
Oceani mugire domum, seseque vagantem
Colligit et moto leviter fugat astra flagello.
Concilium rex triste vocat, quaeruntque gementes, 275
Quis tripodas successor agat, quo prodita laurus
Transeat atque orbum vittae decus. Haud mora, cuncti
Insignem fama sanctoque Melampode cretum
Thiodamanta volunt, quicum ipse arcana deorum
Partiri et visas uni sociare solebat 280
Amphiaraus aves, tantaeque haud invidus artis
Gaudebat dici similem iuxtaque secundum.
Illum ingens confundit honos inopinaque turbat
Gloria, et oblatas frondes submissus adorat,
Seque oneri negat esse parem cogique meretur. 285

Sicut Achaemenius solium gentesque paternas
Excepit si forte puer, cui vivere patrem
Tutius, incerta formidine gaudia librat,
An fidi proceres, ne pugnet vulgus habenis,
Cui latus Euphratae, cui Caspia limina mandet. 290
Sumere tunc arcus ipsumque onerare veretur
Patris equum, visusque sibi nec sceptrum capaci
Sustentare manu nec adhuc implere tiam.

Atque is ubi intorto signavit vellere crinem
 Convenitque deis, hilari per castra tumultu 295
 Vadit ovans; ac prima sui documenta sacerdos
 Tellurem placare parat. Nec futile moestis
 Id visum Danaïs: geminas ergo ilicet aras
 Arboribus vivis et adulto cespite texti
 Imperat, innumerosque deae sua munera flores 300
 Et cumulos frugum et quidquid novat integer annus,
 Addit, et intacto spargens altaria lacte
 Incipit: 'O hominum divumque aeterna creatrix,
 Quae fluvios silvasque animarum et semina mundi
 Cuncta Prometheasque manus Pyrrhaeaeque saxa 305
 Gignis, et inpastis quae prima alimenta dedisti
 Mutastique vices, quae pontum ambisque vehisque,
 Te penes et pecudum gens mitis et ira ferarum
 Et volucrum requies, firmum atque immobile mundi
 Robur inoccidui, te velox machina coeli 310
 Aere dependentem vacuo, te currus uterque
 Circuit: o rerum media indivisaque magnis
 Fratribus! ergo simul tot gentibus alma, tot altis
 Urbibus ac populis subterque, ac desuper una
 Sufficis, astriferumque domos Atlanta supernas 315
 Ferre laborantem, nullo vehis ipsa labore,
 Nos tantum portare negas? nos, diva, gravaris?
 Quod, precor, ignari luimus scelus? an quia plebes
 Externa Inachiis huc adventamus ab oris?
 Omne homini natale solum, nec te, optima, saevo 320
 Tamquam humiles populos deceat distinguere fine,
 Undique ubique tuos; maneat communis et arma
 Hinc atque inde feras; liceat, precor, ordine belli
 Pugnaces efflare animas et reddere coelo.
 Ne rape tam subitis spirantia corpora bustis, 325
 Ne propera: veniemus enim, quo limite cuncti,
 Qua licet ire via; tantum exorata Pelasgis
 Siste levem campum, celeres neu praecipe Parcas.
 At tu care deis, quem non manus ulla nec enses
 Sidonii, sed magna sinu natura soluto, 330
 Ceu te Cyrrhaeo meritum tumularet hiata,

Sic amplexa coit, hilaris des, oro, precatus
 Nosse tuos, coeloque et vera monentibus aris
 Concilies, et quae populis proferre parabas,
 Me doceas: tibi sacra feram praesaga, tuique 335
 Numinis interpres te Phoebo absente vocabo.
 Ille mihi Delo Cyrrhaque potentior omni
 Quo ruis, ille adytis melior locus.' Haec ubi dicta,
 Nigrantes terra pecudes obscuraque mergit
 Armenta, ac vivis cumulos undantis arenae 340
 Aggerat et vati mortis simulacra rependit.
 Talia apud Graios, quum iam Mavortia contra
 Cornua, iam saevos fragor aereus excitat enses.
 Addit acerba sonum Theumesi e vertice crinem
 Incutiens, acuitque tubas et sibila miscet 345
 Tisiphone; stupet insolito clangore Cythaeon
 Marcidus et turres carmen non tale secutae.
 Iam trepidas Bellona fores armataque pulsat
 Limina, iam multo laxantur cardine Thebae.
 Turbat eques pedites, currus properantibus obstant, 350
 Ceu Danaï post terga premant: sic omnibus alae
 Arctantur portis, septemque excursibus haerent.
 Ogygiis it sorte Creon, Eteoclea mittunt
 Neitae, celsas Hamoloidas occupat Haemon,
 Hypsea Proetides, celsum fudere Dryanta 355
 Electrae, quatit Hypsistas manus Eurymedontis,
 Culmina magnanimus stipat Dircaea Menoeceus.
 Qualis ubi adversi secretus pabula coeli
 Nilus et Eoas magno bibit ore pruinas,
 Scindit fontis opes septemque patentibus alveis 360
 In mare fert hiemes; penitus cessere fugatae
 Nereides, dulcique timent occurrere ponto.
 Tristis at inde gradum tarde movet Inacha pubes,
 Praecipue Elaeae Lacedaemoniaeque cohortes
 Et Pylii; subitum nam Thiodamanta sequuntur 365
 Augure fraudati, neodum accessere regenti.
 Nec tua te, princeps tripodum, sola agmina quaerunt,
 Cuncta phalanx sibi deesse putat. Minor ille per alas
 Septimus extat apex; liquido velut aethere nubes.

Invida Parrhasiis unum si detrahat astris, 370
 Truncus honor plaustris, nec idem nitet igne reciso
 Axis, et incerti numerant sua sidera nautae.

Sed iam bella vocant: alias nova suggere vires
 Calliope, maiorque chelyn mihi tendat Apollo.
 Fatalem populis ultro poscentibus horam 375

Admovet atra dies, Stygiisque emissa tenebris
 Mors fruitur coelo bellatoremque volando
 Campum operit, nigroque viros invitat hiata,
 Nil vulgare legens, sed quae dignissima vita
 Funera, praecipuos annis animisque cruento. 380

Ungue notat; iamque in miseros pensam omne sororum
 Scinditur, et Furiae rapuerunt licia Parcis.
 Stat medius campis etiamnum cuspidis sicca

Bellipotens, iamque hos clipeum, iam vertit ad illos
 Arma ciens, aboletque domos, conubia, natos. 385

Pellitur et patriae et qui mente novissimus exit,
 Lucis amor; tenet in capulis, hastisque paratas
 Ira manus, animusque ultra thoracas anhelus
 Conatur, galeaeque tremunt horrore comarum.

Quid mirum caluisse viros? flammantur in hostem 390

Cornipedes, niveoque rigant sola putria nimbo,
 Corpora ceu mixti dominis irasque sedentum
 Induerint: sic frena terunt, sic proelia poscunt
 Hinnitu tolluntque armos equitemque supinant.

Iamque ruunt, primusque virum concurrere pulvis 395

Incipit, et spatiis utrimque aequalibus acti
 Adventant mediumque vident decrescere campum.

Iam clipeus clipeis, umbone repellitur umbo,
 Ense minax ensis, pede pes et cuspidis cuspis.

Sic obnixa acies pariter suspiria fumant, 400

Admotaeque nitent aliena in casside cristae.

Pulcher adhuc belli vultus: stant vertice coni,
 Plena armenta viris, nulli sine praeside currus,
 Arma loco, splendent clipei pharetraeque decorae,
 Cingulaque et nondum deforme cruoribus aurum. 405

At postquam rabies et vitae prodiga virtus
 Emisere animos, non tanta cadentibus hoedibus

Aeriam Rhodopen solida nive verberat Arotos,
 Nec fragor Ansoniae tantus, quum Iuppiter omni
 Arce tonat, tanta quatitur nec grandine Syrtis, 410
 Quum Libyae Boreas Italos niger attulit imbres.
 Excludere diem telis, stant ferrea coelo
 Nubila, nec iaculis arctatus sufficit aer.
 Hi pereunt missis, illi redeuntibus hastis,
 Concurrunt per inane sudes, et mutua perdunt 415
 Vulnera, concurrunt hastae, stridentia funda
 Saxa pluunt, volucres imitantur fulgura glandes
 Et formidandae non una in morte sagittae.
 Nec locus ad terram telis, in corpora ferrum
 Omne cadit; saepe ignari perimuntque caduntque. 420
 Casus agit Virtutis opus; nunc turba recedit,
 Nunc premit, ac vicibus tellurem amittit et aufert:
 Ut ventis nimbisque minax quum solvit habenas
 Iuppiter affligitque alterno turbine mundum.
 Stat coeli diversa acies, nunc fortior Austri, 425
 Nunc Aquilonis hiems, donec pugnante procella
 Aut nimiis hic vicit aquis, aut ille sereno.
 Principium pugnae turmas Asopius Hypseus
 Oebalias, namque hae magnum et gentile tumentes
 Euboicum duris rumpunt umbonibus agmen, 430
 Reppulit erepto cunei ductore Menalca.
 Hic et mente Lacon, crudi torrentis alumnus,
 Nec turpavit avos, hastam intra pectus euntem,
 Ne pudor in tergo, per et ossa et viscera retro
 Extrahit atque hosti dextra labente remittit 435
 Sanguineam; dilecta genis morientis oberrant
 Taygeta et pugnae laudataque verbera matri.
 Phaedimon Iasiden arcu Dircaeus Amyntas
 Destinatus. Heu celeres Parcae! iam palpitat arvis
 Phaedimus, et certi nondum tacet arcus Amyntae. 440
 Abstulit ex humero dextram Calydonius Agreus
 Phegeos; illa suum terra tenet improba ferrum,
 Et movet; extimuit sparsa inter tela iacentem
 Progrediens, truncamque tamen percussit Acoetes.
 Iphin atrox Athamas, Argum ferus inpulit Hypseus, 445

Stravit Abanta Pheres, diversaque vulnera flentes
 [Guttur Iphis, latus Argus, Abas in fronte cruorem,]
 Iphis eques, pedes Argus, Abas auriga iacebant.
 Inachidae gemini geminos ex sanguine Cadmi
 Occultos galeis — saeva ignorantia belli — 450
 Perculerant ferro; sed dum spolia omnia caesis
 Eripiunt, videre nefas, et moestus uterque
 Respicit ad fratrem pariterque errasse queruntur.
 Cultor Ion Pisae, cultorem Daphnea Cyrrhae
 Turbatis prostravit equis; hunc laudat ab alto 455
 Iuppiter, hunc tardus frustra miseratur Apollo.

Ingentes Fortuna viros illustrat utrimque
 Sanguine in adverso. Danaos Cadmeius Haemon
 Sternit agitique furens, sequitur Tyria agmina Tydeus.
 Hunc Pallas praesens, illum Tirynthius inplet. 460
 Qualiter hiberni summis duo montibus amnes
 Franguntur geminaeque cadunt in plana ruina.
 Contendisse putes, uter arva arbustaque tollat
 Altius aut superet pontes. Ecce una receptas
 Confudit iam vallis aquas, sibi quisque superbus 465
 Ire cupit, pontoque negant descendere mixti.

Ibat fumiferam quatiens Onchestius Idas
 Lampada per medios turbabatque agmina Grajum,
 Igne viam rumpens, magno quem cominus ictu
 Tydeos hasta feri discussa casside fixit. 470
 Ille ingens in terga iacet, stat fronte superstes
 Lancea, collapsae veniunt in tempora flammae.
 Prosequitur Tydeus: 'Saevos ne dixeris Argos,
 Igne tuo, Thebane, rogum — concedimus — arde.'

Inde velut primo tigris gavisu cruore 475
 Per totum cupit ire pecus: sic Aona saxo,
 Ense Pholum, Chromin ense, duos Helicaonas hasta
 Transigit, Aegeae Veneris quos Maera sacerdos
 Ediderat, prohibente dea; vos praeda cruenti
 Tydeos; it saevas etiamnum mater ad aras. 480

Nec minus Herculeum contra vagus Haemona ducit
 Sanguis, inexploto rapitur per millia ferro,
 Nunc tumidae Calydonis opea, nunc torva Pylenae

Agmina, nunc moestae fundens Pleuronis alumnos, Donec in Olenium fessa iam cuspide Buten Incidit. Hunc turmis obversum et abire vetantem Aggreditur; puer ille, puer malasque comamque Integer, ignaro cui tunc Thebana bipennis In galeam librata venit; finduntur utrimque Tempora, dividuique cadunt in brachia crines,	485 490
Et non hoc metuens inopino limite vita Exluit. Tunc flavum Hypanin flavumque Politen — Ille genas Phoebo, crinem hic pascebat Iaccho, Saevus uterque deus — victis Hyperenora iungit Conversumque fuga Damasum; sed lapsa per armos Hasta viri trans pectus abit parmamque tenenti Excudit et summa fugiens in cuspide portat.	 495
Sterneret adversos etiamnum Ismenius Haemon Inachidas — nam tela regit viresque ministrat Amphitryoniades —, saevum sed Tydea contra Pallas agit; iamque adverso venere favore Cominus, et placido prior haec Tirynthius ore: ‘Fida soror, quatenam hunc belli caligine nobis Congressum fortuna tulit? num regia Iuno Hoc molita nefas? citius me fulmina contra, Infandum, rueret et magno bellare parenti Adspiciat. Genus huic; sed mitto agnoscere, quando Tu diversa foves, nec si ipsum cominus Hyllum Tydeos hasta tui Stygioque ex orbe remissum Amphitryona petat; teneo aeternumque tenebo Quantum haec diva manus, quotiens sudaverit aegis Ista mihi, duris famulus quum casibus omnes Lustro vagus terras: ipsa heu! comes invis mecum Tartara, ni superos Acheron excluderet, isses. Tu patrem coelumque mihi, — quis tanta relatu Aequet? habe totas, si mens excindere, Thebas. Cedo equidem veniamque precor.’ Sic orsus abibat. Pallada mulcet honos, rediit ardore remisso Vultus, et erecti sederunt pectoris angues.	500 510 515
Sentit abisse deum. Levius Cadmeius Haemon <i>Tela rotat nulloque manum cognoscit in ictu.</i>	520

Tunc magis atque magis vires animusque recedunt,
 Nec pudor ire retro; cedentem Acheloius heros
 Inpetit, et librans uni sibi missile telum,
 Direxit iactus, summae qua margine parmae 525
 Ima sedet galea et iuguli vitalia lucent.
 Nec frustrata manus, mortemque invenerat hasta;
 Sed prohibet paulumque humeri libare sinistri
 Praebuit et merito parcit Tritonia fratri.
 Ille tamen nec stare loco nec cominus ire 530
 Amplius aut vultus audet perferre cruenti
 Tydeos, aegra animo vis ac fiducia cessit.
 Qualis setigeram Lucana cuspide frontem
 Strictus aper, penitus cui non infossa cerebro
 Vulnera, nec felix dextrae tenor, in latus iras 535
 Frangit, et expertae iam non venit obviis hastae.

Ecce, ducem turmae, certa indignatus in hostem
 Spicula, felici Prothoum torquere lacerto
 Turbidus Oenides, una duo corpora pinu,
 Cornipedemque equitemque ferit. Ruit ille ruentem 540
 In Prothoum, lapsasque manu quaerentis habenas
 In vultus galeam clipeumque in pectora calcit,
 Saucius extremo donec cum sanguine frenos
 Respuit et iuncta domino cervice recumbit.
 Sic ulmus vitisque, duplex iactura coloni, 545
 Gaurano de monte cadunt, sed moestior ulmus
 Quaerit utrumque nemus, nec tam sua brachia labens,
 Quam gemit assuetas invitaque proterit uvas.

Sumperat in Danos Heliconius arma Coroebus
 Ante comes Musis, Stygii cui conscia pensis 550
 Ipsa diu inspectis letum praedixerat astris
 Uranie. Cupit ille tamen, pugnasque virosque
 Forsitan ut caneret; longa iacet ipse canendus
 Laude, sed amissum mutae flevire sorores.

Pactus Agenoream primis Atys ibat ab annis 555
 Ismenen — Tyrus juvenis non advena belli,
 Quamvis Cyrrha domus, soceros nec tristibus actis
 Adversatus erat, — sponsam, cui castus amanti
 Squalor, et indigni commendat gratia luctus.

Ipse quoque egregius, nec pectora virginis illi 560
 Diversa, inque vicem, sineret fortuna, placebant.
 Bella vetant taedas, iuvenique hinc maior in hostes
 Ira; ruit primis inmixtus et agmina Lerneae
 Nunc pedes ense vago, prensis nunc celsus habenis,
 Ceu spectetur, agit. Triplici velaverat ostro 565
 Surgentes etiamnum humeros et levia mater
 Pectora; tunc auro phaleras auroque sagittas
 Cingulaque et manicas, ne coniuge vilior iret,
 Presserat et mixtum cono crispaverat aurum.
 Talibus heu! fidens vocat ultro in proelia Graios. 570
 Ac primum in faciles grassatus cuspidе turmas
 Arma refert sociis et in agmina fida, peracta
 Caede, reddit. Sic Hyrcana leo Caspius umbra
 Nudus adhuc nulloque iubae flaventis honore
 Terribilis magnique etiamnum sanguinis insons, 575
 Haud procul a stabulis captat custode remoto
 Segne pecus teneraque famem consumit in agna.

Mox ignotum armis ac solo corpore mensus
 Tydea non timuit, fragilique lacessere telo
 Saepius infrendentem aliis aliosque sequentem 580
 Ausus erat. Tandem invalidos Aetolus ad ictus
 Forte refert oculos et formidabile ridens:
 'Iamdudum video, magnum cupis, inprobe, leti
 Nomen', ait. Simul audacem non ense nec hasta
 Dignatus leviter digitis inbelle solutis 585
 Abiecit iaculum, latebras tamen inguinis alte
 Missile, ceu totis intortum viribus, hausit.
 Praeterit haud dubium fati et spoliare superbit
 Oenides: 'Neque enim has Marti, aut tibi, bellica Pallas,
 Exuvias figemus, ait, procul arceat ipsum 590
 Ferre pudor; vix si bellum comitata relictis
 Deipyle thalamis, illi illudenda tulissem.'

Sic ait, et belli maiora ad praemia mente
 Ducitur. Innumeris veluti leo forte potitus
 Caedibus inbelles vitulos mollesque iuvenças 595
 Transmittit; magno furor est in sanguine mergi,
Nec nisi regnantis cervice recumbere tauri.

At non semianimi clamore Menoecea lapsus
 Fallit Atys, praevertit equos curruque citato
 Desilit; instabat pubes Tegeaea iacenti, 600
 Nec prohibent Tyrrii. 'Pudeat, Cadmea iuventus,
 Terrigenas mentita patres! quo tenditis, inquit,
 Degeneres? meliusne iacet pro sanguine nostro
 Hospes Atys? tantum hospes adhuc et coniugis ultor
 Infelix nondum iste suae; nos pignora tanta 605
 Prodimus?' Insurgunt iusto firmata pudore
 Agmina, cuique suae rediere in pectora curae.

Interea thalami secreta in parte sorores,
 Par aliud morum, miserique innoxia proles
 Oedipodae, varias miscent sermone querelas. 610
 Nec mala quae iuxta, sed longa ab origine fati,
 Haec matris taedas, oculos ast illa paternos,
 Altera regnantem, profugum gemit altera fratrem,
 Bella ambae. Gravis hinc miseri cunctatio voti.
 Nutat utroque timor, quemnam hoc certamine victum, 615
 Quem vicisse velint: tacite praeponderat exul.
 Sic Pandioniae repetunt ubi fida volucres
 Hospitia atque larem bruma pulsante relictum,
 Stantque super nidos veterisque exordia fati
 Enarrant tectis et truncum ac flebile murmur 620
 Verba putant, voxque illa tamen non dissona verbis.

Atque ibi post lacrimas et longa silentia rursus
 Inchoat Ismene: 'Quisnam hic mortalibus error?
 Quae decepta fides? curam invigilare quieti
 Claraque per somnos animis simulacra reverti? 625
 Ecce ego, quae thalamos, nec si pax alta maneret,
 Tractarem sensu, pudet heu! conubia vidi
 Nocte, soror. Sponsum — unde? — mihi sopor attulit amens
 Vix notum visu; semel his in sedibus illum,
 Dum mea nescio quo spondentur foedera pacto, 630
 Respexi non sponte, soror; turbata repente
 Omnia cernebam, subitusque intercidit ignis,
 Meque sequebatur rabido clamore reposcens
 Mater Atyn. Quaenam haec dubiae praesagia cladis?
 Nec timeo, dum tuta domus milesque recedat 635

Doricus et tumidos liceat componere fratres.
 Talia nectebant, subito quum pigra tumultu
 Expavit domus, et multo sudore receptus
 Fertur Atys, servans animam iam sanguine nullo,
 Cui manus in plaga, dependet languida cervix 640
 Exterior clipeo crinesque a fronte supini.

Prima videt caramque tremens Iocasta vocabat
 Ismenen. Namque hoc solum moribunda precatur
 Vox generi, solum hoc gelidis iam nomen inerrat
 Faucibus. Exclamant famulae, tollebat in ora 645
 Virgo manus, tenuit saevus pudor; attamen ire
 Cogitur, indulget summum hoc Iocasta iacenti,
 Ostenditque offertque. Quater iam morte sub ipsa
 Ad nomen visus delectaque fortiter ora
 Sustulit; illam unam neglecto lumine coeli 650
 Adspicit et vultu non exatiatur amato.

Tunc quia nec genetrix iuxta positusque beata
 Morte pater, sponsae munus miserabile tradunt,
 Declinare genas; ibi demum teste remoto
 Fassa pios gemitus lacrimasque in lumina fudit. 655

Dumque ea per Thebas, aliis serpentibus ardens
 Et face mutata bellum integrabat Enyo.
 Arma volunt, primos veluti modo cominus ictus
 Sustulerint omnisque etiamnum luceat ensis.
 Eminent Oenides, quamvis et arundine certa 660
 Parthenopaeus agat, morientumque ora furenti
 Hippomedon proculcet equo, Capaneaue pinus
 Iam procul Aoniis volet agnoscenda catervis.

Tydeos illa dies; illum fugiuntque tremuntque
 Clamantem: 'Quo terga datis? licet ecce peremptos 665
 Ulcisci socios moestamque rependere noctem.
 Ille ego inexpletis solus qui caedibus hausi
 Quinquaginta animas, totidem totidemque gregati
 Ferte manus. Nulline patres, nulline iacentum
 Unanimi fratres? quae tanta oblivia luctus? 670
 Quam pudet Inachias contentum abiisse Mycenae!
 Hinc super Thebis? haec robora regis? ubi autem
 Egregius dux ille mihi?' Simul ordine laevo

Ipsum exhortantem cuneos capitisque superbi
Insignem fulgore videt; nec segnius ardens 675
Accurrit, niveo quam flammiger ales olori
Inminet et magna trepidum circumligat umbra.

Tunc prior: 'Aoniae rex o iustissime gentis,
Imus in arma palam tandemque ostendimus enses,
An noctem et solitas placet expectare tenebras?' 680

Ille nihil contra, sed stridula cornus in hostem
It referens mandata ducis, quam providus heros
Iamiam in fine viae percussam obliquat, et ipse
Telum ingens avide et quanto non ante lacerto
Inpulit; ibat atrox finem positura duello 685

Lancea. Convertere oculos utrimque faventes
Sidonii Graiique dei; crudelis Erinys
Obstat et infando differt Eteoclea fratri.
Cuspis in armigerum Phlegyam peccavit, ubi ingens
Pugna virum; stricto nam saevior inruit ense 690
Aetolus, retroque datum Thebana tegebant
Arma ducem. Sic densa lupum iam nocte sub atra
Arcet ab appresso pastorum turba iuvenco;
Inprobus erigitur contra, nec cura vetantes
Inpetere, illum, illum, semel in quem venerat, urget. 695

Non secus obiectas acies turbamque minorem
Dissimulat transitque manu; tamen ora Thoantis
Pectora Deilochi, Clonii latus, ilia torvi
Perforat Hippotadae; truncis sua membra remittit
Interdum galeasque rotat per nubila plenas. 700

Et iam corporibus sese spoliisque cadentum
Clauserat; unum acies circum consumitur, unum
Omnia tela vovent; summis haec ossibus haerent,
Pars frustrata cadunt, partem Tritonia vellit,
Multa rigent clipeo. Densis iam consitus hastis 705

Ferratum quatit umbo nemus, tergoque fatiscit
Atque humeris gentilis aper; nusquam ardua coni
Gloria, quique apicem torvae Gradivus habebat
Cassidis, haud laetum domino ruit omen. Inusta
Temporibus nuda aera sedent, circumque sonori 710
Vertice percusso volvuntur in arma molares.

Iam cruor in galea, iam saucia proluit ater
Pectora permixtus sudore et sanguine torrens.

Respicit hortantes socios et Pallada fidam,

Longius opposita celantem lumina parma:

715

Ibat enim magnum lacrimis inflectere patrem.

Ecce secat Zephyros ingentem fraxinus iram

Fortunamque ferens, teli non eminet auctor.

Astacides Menalippus erat, nec prodidit ipse,

Et vellet latuisse manum, sed gaudia turmae

720

Monstrabant trepidum. Nam flexus in ilia Tydeus

Submissum latus et clipei laxaverat orbem.

Clamore Aonii miscent gemitumque Pelasgi,

Obiectantque manus indignantemque tuentur.

Ille per oppositos longe rimatus amarum

725

Astaciden, totis animae se cogit in ictum

Reliquiis telumque iacit, quod proximus Hopleur

Præbuerat: perit expressus conamine sanguis.

Tunc tristes socii cupidum bellare — quis ardor! —

Et poscentem hastas mediaque in morte negantem

730

Expirare trahunt, summique in margine campi

Effultum gemina latera inclinantia parma

Ponunt, ac saevi rediturum ad proelia Martis

Promittunt flentes. Sed et ipse recedere coelum

Ingentesque animos extremo frigore labi

735

Sensit, et innixus terrae 'Miserescite, clamat,

Inachidae: non ossa precor referantur ut Argos,

Aetolumve larem; nec enim mihi cura supremi

Funeris; odi artus fragilemque hunc corporis usum

Desertorem animi. Caput, o caput, o mihi si quis

740

Apportet, Menalippe, tuum! nam voveris arvis,

Fido equidem, nec me virtus suprema fefellit.

I, precor, Atrei si quid tibi sanguinis umquam,

Hippomedon; vade, o primis puer inclite bellis

Arcas et Argolicae Capaneu iam maxime turmae.'

745

Moti omnes, sed primus abit primusque repertum

Astaciden medio Capaneus e pulvere tollit

Spirantem, laevaue super cervice reportat,

Terga cruentantem concussi vulneris unda:

Qualis ab Arcadio rediit Tirynthius antro 750
Captivumque suem clamantibus intulit Argis.

Erigitur Tydeus vultuque occurrit, et amens
Laetitiaque iraque, ut singultantia vidit
Ora trahique oculos seseque agnovit in illo,
Imperat abscisum porgi, laevaue receptum 755
Spectat atrox hostile caput gliscitque tepentis
Lumina torva videns et adhuc dubitantia figi.

Infelix contentus erat; plus exigit ultrix
Tisiphone; iamque inflexo Tritonia patre
Venerat et misero decus immortale ferebat, 760
Atque illum efracti perfusum tabe cerebri
Adspicit et vivo scelerantem sanguine fauces.
Nec comites auferre valent; stetit aspera Gorgo
Crinibus emissis, rectique ante ora cerastae
Velavere deam; fugit aversata iacentem, 765
Nec prius astra subit, quam mystica lampas, in insons
Elissos multa purgavit lumina lympa.

P. PAPINII STATII
THEBAIDOS
LIBER IX.

Asperat Aonios rabies audita cruenti
Tydeos; ipsi etiam minus ingemuere iacentem
Inachidae culpantque virum et rupisse queruntur
Fas odii; quin te, divum inplacidissime, *quamquam*
Praecipuum tunc caedis opus, Gradive, furebas, 5
Offensum virtute ferunt, nec cominus ipsum
Ora, sed et trepidos retro torsisse iugales.

Ergo profanatum Menalippi funus acerbo
Vulnere, non aliis ultum Cadmeia pubes
Insurgunt stimulis, quam si turbata sepulcris 10
Ossa patrum monstrique datae crudelibus urnae.

Accendit rex ipse super: 'Quisquamne Pelasgis
Mitis adhuc hominemque gerit? iam morsibus uncis —
Pro furor! usque adeo tela exatiavimus! — artus
Dilacerant. Nonne Hyrcanis bellare putatis 15

Tigribus, aut saevos Libyae contra ire leones?
Et nunc ille iacet — pulchra o solatia leti! —
Ore tenens hostile caput, dulcique nefandus
Inmoritur tabo; nos ferrum mite facesque, 20

Illis nuda odia, et feritas iam non eget armis.
Sic peragant rabidi claraque hac luce fruantur,
Dum videas haec, summe pater; sed enim hiscere campos
Conquesti terraeque fugam miserantur; an istos

Vel sua portet humus?' Magno sic fatus agebat
Procursu fremituque viros, furor omnibus idem 25
Tydeos invisi spoliis raptoque potiri
Corpore; non aliter subtexunt astra catervae

Incestarum avium, longe quibus aura nocentem
 Aera desertasque tulit sine funere mortes;
 Illo avidae cum voce ruunt, sonat arduus aether 30
 Plausibus, et coelo volucres cessere minores.

Fama per Aonium rapido vaga murmure campum
 Spargitur in turmas, solito perniciosior index
 Quum lugenda refert, donec, cui maxima fando
 Damna vehit, trepidas lapsa est Polynicis ad aures. 35
 Deriguit iuvenis, lacrimaeque haesere paratae,
 Et cunctata fides; nimium nam cognita virtus
 Oenidae credi letum suadetque vetatque.

Sed postquam haud dubio clades auctore reperta est,
 Nox oculos mentemque rapit; tum sanguine fixo 40
 Membra simul, simul arma ruunt; madet ardua fletu
 Iam galea, atque ocreae clipeum excepere cadentem.
 It moestus genua aegra trahens hastamque sequentem,
 Vulneribus ceu mille gravis totosque per artus
 Saucius, assistunt socii monstrantque gementes. 45
 Tandem ille abiectis, vix quae portaverat, armis
 Nudus in egregii vacuum iam corpus amici
 Procidit, et tali lacrimas cum voce profudit:

‘Hasne tibi, armorum spes o suprema meorum,
 Oenide, grates, haec praemia digna rependi, 50
 Nudus ut invisa Cadmi tellure iaceres

Sospite me? nunc exul ego aeternumque fugatus,
 Quando alius misero ac melior mihi frater ademptus.
 Nec iam sortitus veteres regnique nocentis
 Periurum diadema peto; quo gaudia tanti 55
 Empta mihi, aut sceptrum, quod non tua dextera tradet?
 Ite, viri, solumque fero me linquite fratri.

Nil opus arma ultra temptare et perdere mortes,
 Ite, precor; quid iam dabitis mihi denique maius?
 Tydea consumpsi, quamnam hoc ego morte piabo? 60

O socer, o Argi! et primae bona iurgia noctis,
 Alternaeque manus et longi pignus amoris
 Ira brevis; non me ense tuo tunc, maxime Tydeu,
 Et poteras, nostri mactatum in limine Adrasti?
 Quin etiam Thebas me propter et impia fratris

Tecta libens, unde haud alius remeasset, adisti,
 Ceu tibimet sceptrum et proprios laturus honores.
 Iam Telamona pium, iam Thesea fama tacebat.
 Qualis et ecce iaces? quae primum vulnera mirer?
 Quis tuus hic, quis ab hoste cruor? quae te agmina quive 70
 Innumeri stravere globi? ni fallor, et ipse
 Invidit pater, et tota Mars inpulit hasta.'

Sic ait, et moerens etiamnum lubrica tabo
 Ora viri tergit lacrimis dextramque reponit.
 'Tunc meos hostes hucusque exosus, et ultra 75
 Sospes ego?' Exuerat vagina turbidus ensem
 Aptabatque neci, comites tenere, socerque
 Castigat bellique vices ac fata revolvens
 Solatur tumidum, longeque a corpore caro
 Paulatim, unde dolor letique animosa voluntas, 80
 Amovet ac tacite ferrum inter verba reponit.
 Ducitur amisso qualis consorte laborum
 Deserit inceptum media inter iugera sulcum
 Taurus iners colloque iugum deforme remisso
 Parte trahit, partem lacrimans sustentat arator. 85

Ecce autem hortatus Eteoclis, et arma secuti,
 Lecta manus, iuvenes, quos nec Tritonia bello,
 Nec prope collata sprevisset cuspide Mavors,
 Adventant; contra collecta ut pectora parmae
 Fixerat atque hastam longe protenderat, haeret 90
 Arduus Hippomedon; ceu fluctibus obvia rupes,
 Cui neque de coelo metus et fracta aequora cedunt,
 Stat cunctis inmota minis, timet ipse rigentem
 Pontus, et ex alto miserae novere carinae.

Tunc prior Aonides — validam simul elicit hastam —: 95
 'Non pudet hos Manes, haec infamantia bellum
 Funera dis coram et coelo inspectante tueri?
 Scilicet egregius sudor memorandaque virtus
 Hanc tumulare feram? ne non moerentibus Argos
 Exequiis lacrimandus eat! mollique feretro 100
 Infandam eiectans saniem? dimitte curam.
 Nullae illum volucres, nulla inopia monstra nec ipse,
 Si demus, pius ignis edat.' Nec plura, sed ingens

Intorquet iaculum, duro quod in aere moratum
 Transmissumque tamen clipei stetit orbe secundo. 105
 Inde Pheres acerque Lycus, sed cassa Pheretis
 Hasta redit, Lycus excelso terrore comantem
 Perstrinxit galeam; convulsae cuspidē longe
 Diffugere iubae, patuitque ingloria cassis.
 Ipse nec ire retro, nec in obvia concitus arma 110
 Exilit, inque eadem sese vestigia semper
 Obversus cunctis profert recipitque, nec umquam
 Longius indulget dextrae motusque per omnes
 Corpus amat, corpus servans circumque supraque
 Vertitur. Inbellem non sic amplexa iuvenum 115
 Infestante lupo, quum primum foeta tuetur
 Mater et ancipiti circumfert cornua gyro;
 Ipsa nihil metuens sexusque oblita minoris
 Spumat et ingentes imitatur femina tauros.
 Tandem intermissa iaculantum nube potestas 120
 Reddere tela fuit; namque et Sicyonius Alcon
 Venerat auxilio, Pisaeaeque praepetis Idae
 Turba subit cuneumque replent; his fretus in hostes
 Lernaean iacit ipse trabem, volat illa sagittis
 Aequa fuga, mediumque nihil cunctata Politen 125
 Transabit et iuncti clipeum cavat improba Mopsi.
 Phoea tunc Cydona Tanagraeumque Phalantum
 Atque Erycem, hunc retro conversum et tela petentem,
 Dum spes nulla necis, crinito a vertice figit.
 Faucibus ille cavis hastam non ore receptam 130
 Miratur moriens, pariterque et murmure plenus
 Sanguis et expulsi salierunt cuspidē dentes.
 Ausus erat furto dextram iniectare Leontes
 Pone viros atque arma latens positumque trahebat
 Prenso crine caput; vidit, quamquam undique crebrae 135
 Hippomedon ante ora minae, saevoque protervum
 Abstulit ense manum; simul increpat: 'Hanc tibi Tydeus,
 Tydeus ipse rapit; post et confecta virorum
 Fata time magnosque miser fuge tangere manes.'
 Ter Cadmaea phalanx torvam abduxere cadaver, 140
 Ter retrahunt Danaï; Siculi velut anxia puppis

Seditione maris nequicquam obstante magistro
 Errat et averso redit in vestigia velo.
 Non ibi Sidoniae valuissent pellere coepto
 Hippomedonta manus, non illum inpacta moverent 145
 Tormenta oppositum, formidatique superbis
 Turribus impulsus temptato umbone redissent.
 Sed memor Elysii regis noxasque recensens
 Tydeos in medios astu subit inpia campos
 Tisiphone; sensere acies, subitusque cucurrit 150
 Sudor equis sudorque viris, quamquam ore remisso
 Inachium fingeat Halyn, nusquam inpius ignis
 Verberaque, et iussi tenuere silentia crines.
 Arma gerit iuxtaque feri latus Hippomedontis
 Blanda genas vocemque venit, tamen ille loquentis 155
 Extimuit vultus admiraturque timorem.
 Ille autem lacrimans 'Tu nunc, ait, inclite, frustra
 Exanimis socios inhumataque corpora Graium —
 Scilicet is nobis metus, aut iam cura sepulcri? —
 Protegis; ipse manu Tyria tibi captus Adrastus 160
 Raptatur, teque ante alios, te voce manuque
 Invocat, heu qualem lapsare in sanguine vidi,
 Exutum canos lacero diademate crines!
 Nec procul hinc, adverte oculos, ubi plurimus ille
 Pulvis, ubi ille globus.' Paulum stetit anxius heros 165
 Librabatque metus; premit aspera virgo: 'Quid haeres?
 Imus? an hi retinent manes? et vilior ille
 Qui superest?' Miserum sociis opus, et sua mandat
 Proelia, et unanimi vadit desertor amici,
 Respiciens tamen et revocent si forte paratus. 170
 Inde legens turbata trucidis vestigia divae
 Huc illuc frustra ruit avius, inpia donec
 Eumenis ex oculis reiecta caerula parma
 Fugit, et innumeri galeam rupere cerastae.
 Adspicit infelix discussa nube quietos 175
 Inachidas currumque nihil metuentis Adraști.
 Et Tyrrii iam corpus habent, iam gaudia magnae
 Testantur voces, victorque ululatus aderrat
Auribus occultoque ferit praecordia luctu.

Ducitur hostili — pro dura potentia fati! — 180
 Tydeus ille solo, modo cui Thebana sequenti
 Agmina, sive gradum seu frena effunderet, ingens
 Limes utrimque datus; nusquam arma manusque quiescunt,
 Nulla viri feritas, iuvat ora rigentia leto
 Et formidatos inpune lacescere vultus. 185
 Hic amor, hoc una timidi fortesque sequuntur
 Nobilitare manus, infectaque sanguine tela
 Coniugibus servant parvisque ostendere natis.
 Sic ubi Maura diu populatum rura leonem,
 Quem propter clausique greges vigilantque magistri, 190
 Pastorum lassae debellavere cohortes:
 Gaudet ager, magno subeunt clamore coloni,
 Praecerpuntque iubas inmaniaque ora recludunt,
 Damnaque commemorant, seu iam sub culmine fixus
 Excubat, antiquo seu pendet gloria luco. 195
 At ferus Hippomedon quamquam iam sentit inane
 Auxilium et seram rapto pro corpore pugnam,
 It tamen et caecum rotat inrevocabilis ense.
 Vix socios hostemque, nihil dum tardet euntem,
 Secernens, sed caede nova iam lubrica tellus 200
 Armaque seminecesque viri currusque soluti
 Inpediunt laevumque femur, quod cuspidē fixum
 Regis Echionii, seu dissimulaverat ardens,
 Sive ibi nescierat: moestum videt Hoplea tandem.
 Tydeos hic magni fidus comes et modo frustra 205
 Armiger; alipedem prona cervice tenebat
 Fatorum ignarum domini solumque frementem
 Quod vacet, inque acies audentior ille pedestres,
 Hunc aspernantem tumido nova pondera tergo —
 Unam quippe manum domitis expertus ab annis — 210
 Corripit affaturque: 'Quid o nova iussa recusas,
 Infelix sonipes? nusquam tibi dulce superbi
 Regis onus; non iam Aetolo satiabere campo,
 Gaudentemque iubam per stagna Acheloia solves.
 Quod superest, caros, i, saltem ulciscere manes 215
 Aut sequere, extorrem neu tu quoque laeseris umbram
 Captivus tumidumque equitem post Tydea portes.'

Audisse accensumque putes; hoc fulmine raptum
Abstulit et similes minus indignatur habenas.

Semifer aëria talis Centaurus ab Ossa 220

Desilit in valles, ipsum nemora alta tremiscunt,
Campus equum. Trepidi cursu glomerantur anhelos
Labdacidae, premit ille super, nec opinaque ferro
Colla metens linquit truncos post terga cadentes.

Ventum erat ad fluvium; solito tunc plenior alveo, 225
Signa mali, magna se mole Ismenos agebat.

Illa brevis requies, illo timida agmina lassam
De campis egere fugam; stupet hospita belli
Unda viros claraque armorum incenditur umbra.

Insiluere vadis, magnoque fragore solutus 230
Agger et adversae latuerunt pulvere ripae.

Ille quoque hostiles saltu maiore per undas
Inruit attonitis — longum dimittere habenas, —

Sicut erat, tantum viridi defixa parumper
Cespitem, populeo commendat spicula trunco. 235

Tunc vero exanimes tradunt rapientibus ultro
Arma vadis: alii dimissa casside, quantum

Tendere conatus animae valere sub undis,
Turpe latent; multi fluvium transmittere nando
Aggressi, sed vincla tenent, laterique repugnat 240

Balteus, et madidus deducit pectora thorax.
Qualis caeruleis tumido sub gurgite terror

Piscibus, arcani quotiens devexa profundi
Scrutantem delphina vident; fugit omnis in imos

Turba lacus, viridesque metu stipantur in algas, 245
Nec prius emersi, quam summa per aequora flexus

Emicet, et visis malit certare carinis.
Talis agit sparsos, mediisque in fluctibus heros

Frena manu pariter, pariter regit arma pedumque
Remigio sustentat equum, consuetaque campo 250

Fluctuat, et mersas levis ungula quaerit arenas.
Sternit Iona Chromis, Chromin Antiphos, Antiphon Hypseus,

Hypseus Astyagen evasurumque relicto
Amne Linum, ni fata vetent, et stamine primo

Ablatum tellure mori; premit agmina Thebes 255

Hippomedon, turbat Danaos Asopius Hypseus,
Amnis utrumque timet, crasso vada mutat uterque
Sanguine, et e fluvio neutri fatale reverti.

Iam laceri pronis volvuntur cursibus artus
Oraque, et abscisae redeunt in pectora dextrae. 260
Spicula iam clipeosque leves arcusque remissos
Unda vehit, galeasque vetant descendere cristae.
Summa vagis late sternuntur flumina telis,
Ima viris; illic luctantur corpora leto,
Efflantesque animas retro premit obviis amnis. 265

Flumineam rapiente vado puer Agrius ulum
Prenderat, insignes humeros ferus ense Menoeceus
Amputat; ille cadens, nondum conamine adempto,
Truncus in excelsis spectat sua brachia ramis.
Hypseos hasta Sagen ingenti vulnere mersit, 270
Ille manet fundo, rediit pro corpore sanguis.

Desiluit ripis fratrem rapturus Agenor
Heu! miser et tenuit, sed saucius ille levantem
Degravat amplexu; poterat resolutus Agenor
Emersisse vadis, puduit sine fratre reverti. 275

Surgentem dextra Chaletum vulnusque minantem
Sorbebat rapidus nodato gurgite vortex;
Iam vultu, iam crine latet, iam dextera nusquam,
Ultimus abruptas ensis descendit in undas.
Mille modis leti miseros mors una fatigat. 280
Induit a tergo Mycalesia cuspis Agyrten;
Respexit, nusquam auctor erat, sed concita tractu
Gurgitis effugiens invenerat hasta cruorem.

Figitur et validos sonipes Aetolus in armos,
Exiluitque alte vi mortis et aera pendens 285
Verberat; haud tamen est turbatus flumine ductor,
Sed miseratur equum, magnoque e vulnere telum
Exiit ipse gemens et sponte remisit habenas.
Inde pedes repetit pugnas gressuque manuque
Certior, et segnem Nomium fortemque Mimanta 290
Thebaeumque Lichan Anthedoniumque Lycetum
Continuat ferro geminisque e fratribus unum
Thespiaden; eadem poscenti fata Panemo:

'Vive superstes, ait, diraeque ad moenia Thebes
 Solus abi, miseros non decepture parentes. 295
 Di bene, quod pugnas rapidum deiecit in amnem
 Sanguinea Bellona manu; trahit unda timentes
 Gurgite gentili, nuda nec flebilis umbra
 Stridebit vestros Tydeus inhumatus ad ignes.
 Ibitis aequoreis crudelia pabula monstis, 300
 Illum terra vehit suaque in primordia solvit.
 Sic premit adversos et acerbat vulnera dictis.
 Ac nunc ense furit, nunc tela natantia raptans
 Ingerit, innuptae comitem Therona Dianae,
 Ruricolamque Gyan cum fluctivago Ergino, 305
 Intonsumque Hersen contemptoremque profundi
 Crethea, nimbosam qui saepe Caphareos arcem
 Euhoicasque hiemes parva transfugerat alno.
 Quid non fata queant? traiectus pectora ferro
 Volvitur in fluctus, heu cuius naufragus undae! 310
 Te quoque sublimi transnanti flumina curru,
 Dum socios, Pharsale, petis, resupinat ademptis
 Dorica cuspis equis; illos violentia saevi
 Gurgitis infelixque iugi concordia mergit.
 Nunc age, quis tumidis magnum expugnaverit undis 315
 Hippomedonta labor, cur ipse excitus in armâ
 Ismenos, doctae nosse indulgete sorores:
 Vestrum opus ire retro et senium defendere famae.
 Gaudebat Fauno nymphaque Ismenide natus
 Maternis bellare tener Crenaeus in undis, 320
 Crenaeus, cui prima dies in gurgite fido
 Et natale vadum et virides cunabula ripae.
 Ergo ratus nihil Elysias ibi posse sorores,
 Laetus adulantem nunc hoc nunc margine ab illo
 Transit avum, levat unda gradus, seu defluus ille, 325
 Sive obliquus eat, nec quum subit obviis, ulla
 Stagna dedere moras, pariterque revertitur amnis.
 Non Anthedonii tegit hospitis inguina pontus
 Blandior, aestivo nec se magis aequore Triton
 Exerit, aut carae festinus ad oscula matris 330
 Quum remeat tardumque ferit delphina Palaemon.

Arma decent humeros, clipeusque insignis et auro
 Lucidus Aoniae caelatur origine gentis.
 Sidonis hic blandi per candida terga iuveni
 Iam secura maris, teneris iam cornua palmis 335
 Non tenet, extremis alludunt aequora plantis.
 Ire putes clipeo fluctusque secare iuencum.
 Adiuvat unda fidem, pelago nec discolor amnis.

Tunc audax pariter telis et voce proterva
 Hippomedonta petit: 'Non haec foecunda veneno 340
 Lerna, nec Herculeis haustae serpentibus undae.
 Sacrum amnem, sacrum, — et miser, experiere — deumque
 Altrices inrumpis aquas.' Nihil ille, sed ibat
 Cominus; opposuit cumulo se densior amnis
 Tardavitque manum, vulnus tamen illa retentum 345
 Pertulit, atque animae tota in penetralia sedit.
 Horruit unda nefas, silvae flevistis utraeque,
 Et graviora cavae sonuerunt murmura ripae.
 Ultimus ille sonus moribundo emersit ab ore,
 'Mater!' in hanc miseri ceciderunt flumina vocem. 350

At genetrix coetu glaucarum cincta sororum
 Protinus icta malò, vitrea de valle solutis
 Exiliit furibunda comis, ac verbere crebro
 Oraque pectoraque et viridem scidit horrida vestem.
 Utque erupit aquis iterumque iterumque trementi 355
 Ingeminat 'Crenaeae' sono; nusquam ille, sed index
 Desuper, ah miserae nimium noscenda parenti
 Parma natat; iacet ipse procul, qua mixta supremum
 Ismenon primi mutant confinia ponti.
 Fluctivagam sic saepe domum madidosque penates 360
 Halcyone deserta gemit, quum pignora saevus
 Auster et algentes rapuit Thetis invida nidos.

Mergitur orba iterum, penitusque occulta sub undis
 Limite non uno, liquidum qua subter eunti
 Lucet iter, miseri nequicquam funera nati 365
 Vestigat plangitque tamen; saepe horridus amnis
 Obstat, et obducto caligant sanguine visus.
 Illa tamen praeceps in tela offendit et enses,
 Scrutaturque manu galeas et prona reclinat

Corpora; nec ponto submota intrabat amaram	370
Dorida, possessum donec iam fluctibus altis	
Nereidum miserata cohors ad pectora matris	
Inpulit; illa manu ceu vivum amplexa reportat	
Insternitque toris riparum atque humida siccatur	
Mollibus ora comis, atque haec ululatibus addit:	375
'Hoc tibi semidei munus tribuere parentes?	
Nec mortalis avus? sic nostro in gurgite regnas?	
Mitior heu misero discors alienaque tellus,	
Mitior unda maris, quae iuxta flumina corpus	
Rettulit et miseram visa expectasse parentem.	380
Hinc mei vultus? haec torvi lumina patris?	
Hi crines undantis avi? tu nobile quondam	
Undarum nemorumque decus, quo sospite maior	
Diva et nympharum longe regina ferebar.	
Heus ubinam ille frequens modo circa limina matris	385
Ambitus orantesque tibi servire Napaeae?	
Cur nunc te melius saevo mansura profundo	
Amplexu misero tumulis, Crenaeae, reporto,	
Non mihi? nec tantae pudet heu! miseretque ruinae,	390
Dure parens? quae te alta et ineluctabilis imo	
Condidit amne palus, quo iam nec cruda nepotis	
Funera, nec nostri valeant perrumpere planctus?	
Ecce furit iactatque tuo se in gurgite maior	
Hippomedon, illum ripaeque undaeque tremiscunt,	
Illius impulsu nostrum bibit unda cruorem.	395
Tu piger et trucibus facilis servire Pelasgis.	
Ad cineres saltem supremaque iusta tuorum	
Saeve, veni, non hic solum accensure nepotem.'	
His miscet planctus, multumque indigna cruentat	
Pectora, caerulae referunt lamenta sorores.	400
Qualiter Isthmiaco nondum Nereida portu	
Leucothean planxisse ferunt, dum pectore anhelato	
Frigidus in matrem saevum mare respuit infans.	
At pater arcano residens Ismenos in antro,	
Unde aurae nubesque bibunt, atque imbrifer Arcus	405
Pascitur et Tyrios melior venit annus in agros,	
Ut lamenta procul — quamquam obstreperet ipse — novosque	

Accepit natae gemitus, levat aspera musco
 Colla gravemque gelu crinem ceciditque soluta
 Pinus adulta manu, dimissaque volvitur urna. 410
 Illum per ripas annoso scrupea limo
 Ora exertantem silvae fluviique minores
 Mirantur: tantus tumido de gurgite surgit,
 Spumosum attollens apicem lapsuque sonoro
 Pectora caeruleae ravis manantia barbae. 415
 Obvia cognatos gemitus casumque nepotis
 Nympharum docet una patrem, monstratque cruentum
 Auctorem dextramque premit; stetit arduus alto
 Amne, manuque genas et nexa virentibus ulvis
 Cornua concutiens sic turbidus ore profundo 420
 Incipit: 'Huncne mihi, superum regnator, honorem,
 Quod totiens hospesque tuis et conscius actis,
 Nec memorare timor, falsa nunc inproba fronte
 Cornua, nunc vetitam currus disiungere Phoeben
 Dotalisque rogos deceptaque fulmina vidi 425
 Praecipuosque alui natorum? an vilis et illis
 Gratia? ad hunc certe repsit Tirynthius amnem,
 Hac tibi flagrantem Bromium restinximus unda.
 Adspice, quas fluvio caedes, quae funera portem
 Continuus telis altoque adoptertus acervo. 430
 Omne vadum belli series tenet, omnis anhelat
 Unda nefas, subterque animae supraque recentes
 Errant et geminas iungunt caligine ripas.
 Ille ego clamatus sacris ululatibus amnis,
 Qui molles thyrsos Bacchaeaque cornua puro 435
 Fonte lavare feror, stipatus caedibus arctas
 In freta quaero vias; non Strymonos in pia tanto
 Stagna cruore natant, non spumifer altius Hebrus
 Gradivo bellante rubet. Nec te admonet altrix
 Unda tuasque manus, iam pridem oblite parentum 440
 Liber? an Eous melius pacatur Hydaspes?
 At tu, qui tumidus spoliis et sanguine gaudes
 Insonantis pueri, non hoc ex amne potentem
 Inachon aut saevas victor revehere Mycenae,
 Ni mortalis ego et tibi ductus ab aethere sanguis.' 445

Sic ait infrendens et sponte furentibus undis
 Signa dedit; mittit gelidus montana Cithaeron
 Auxilia antiquasque nives et pabula brumae
 Ire iubet; frater tacitas Asopos eunti
 Conciliat vires et hiulcis flumina venis 450
 Suggestit, ipse cavae scrutatur viscera terrae,
 Stagnaue torpentesque lacus pigrasque paludes
 Excutit, atque avidos tollens ad sidera vultus
 Humentes nebulas exhaurit et aera siccatur.
 Iamque super ripas utroque extantior ibat 455
 Aggere, iam medium modo qui superaverat amnem
 Hippomedon intactus aquis humerosque manusque
 Miratur crevisse vadum seseque minorem.
 Hinc atque hinc tumidi fluctus, animosaeque surgit
 Tempestas instar pelagi, quum Pleiadas haurit 460
 Aut nigrum trepidis impingit Oriona nautis.
 Non secus aequoreo iactat Theumesius amnis
 Hippomedonta salo, semperque umbone sinistro
 Tollitur, et clipeum nigrante supervenit aestu
 Spumeus assultans, fractaque refunditur unda 465
 Et cumulo maiore redit; nec mole liquenti
 Contentus, carpit putres servantia ripas
 Arbusta, annosasque trabes eiectaque fundo
 Saxa rotat; stat pugna inpar amnisque virique
 Indignante deo; nec enim dat terga, nec ullis 470
 Frangitur ille minis, venientesque obviis undas
 Intrat et obiecta dispellit flumina parma.
 Stant terra fugiente gradus, et poplite tenso
 Lubrica saxa tenent, genibusque obnixus et haerens
 Subruta fallaci servat vestigia limo, 475
 Sic etiam increpitans: 'Unde haec, Ismene, repente
 Ira tibi? quove has traxisti gurgite vires
 Inbelli famulante deo? solumque cruorem
 Feminis experte choris, quum Bacchica mugit
 Buxus, et insanae maculant trieterica matres?' 480
 Dixerat; atque illi sese deus obtulit ultro
 Turbidus imbre genas et nube natantis arenae,
 Nec saevit dictis, trunca sed pectora quercu

Ter quater oppositi, quantum ira deusque valebant,
 Impulit assurgens; tandem vestigia flexit, 485
 Excussumque manu tegimen conversaque lente
 Terga refert; instant undae, sequiturque labantem
 Amnis ovans, nec non saxis et grandine ferri
 Desuper infestant Tyrii geminoque repellunt
 Aggere; quid faciat bellis obsessus et undis? 490
 Nec fuga iam misero, nec magnae copia mortis.
 Stabat gramineae producta crepidine ripae
 Undarum ac terrae dubio, sed amicier undis
 Fraxinus ingentique vadum possederat umbra.
 Huius opem — nam qua terras invaderet? — unca 495
 Arripuit dextra, nec pertulit illa trahentem;
 Sed maiore supra, quam stabat pondere victa
 Solvitur, et qua stagna subit radice quibusque
 Arentem mordebat humum, demissa superne
 Iniecit trepido sese ripamque, nec ultra 500
 Passurum subitae vallavit ponte ruinae.
 Huc undae coeunt, et ineluctabile coenum
 Vorticibusque cavis sedit, crescitque barathrum.
 Iamque humeros, iam colla ducis sinuosa vorago
 Circuit; hic demum victus suprema fateri 505
 Exclamat: 'Fluvione, pudet! Mars inclite, merges
 Hanc animam? segnesque lacus et stagna subibo
 Ceu pecoris custos, subiti torrentis iniquis
 Interceptus aquis? adeone occumbere ferro
 Non merui?' Tandem precibus commota Tonantem 510
 Iuno subit: 'Quonam miseros, sator inclite divum,
 Inachidas, quonam usque premes? iam Pallas et odit
 Tydea, iam rapto tacuerunt augure Delphi.
 En meus Hippomedon, cui gentis origo Mycenae
 Argolicique lares, numenque ante omnia Iuno, — 515
 Sic ego fida meis? — pelagi crudelibus ibit
 Praeda feris? certe tumulos supremaque victis
 Busta dabas; ubi Cecropiae post proelia flammae?
 Theseos ignis ubi est?' Non spernit coniugis aequas
 Ille preces, leviterque oculos ad moenia Cadmi
 Rettulit, et viso sederunt flumina nata.

Illius exangues humeri et perfossa pateſcunt
 Pectora, ceu ventis alte quum elata reſedit
 Tempeſtas, ſurgunt ſcopuli, quaesitaque nautis
 Terra, et ab infeſtis deſcendunt aequora ſaxis. 525

Quid ripas tenuiſſe iuvat? premit undique nimbo
 Telorum Phoeniſſa cohors, nec tegmina membrīs
 Ulla, omniſque patet leto; tunc vulnera manant,
 Quique ſub amne diu ſtupuit cruor, aere nudo
 Solvitur, et tenues venarum laxat hiatus, 530
 Incertiſque labant undarum frigore greſſus.
 Procumbit, Getico qualiſ procumbit in Haemo
 Seu Boreae furiis, putri ſeu robore quercus
 Coelo mixta comas ingentemque aera laxat.
 Illam nutantem nemus et mons ipſe tremiſcit, 535
 Qua tellure cadat, quas obruat ordine ſilvas.

Non tamen aut enſem galeamve audacia cuiquam
 Tangere; vix credunt oculis, ingentiaque horrent
 Funera, et adſtrictis accedunt cominus armis.
 Tandem adiit Hypſeus, capulumque in morte tenenti 540
 Extrahit, et torvos laxavit caſſide vultus,
 Itque per Aonios alte mucrone coruſco
 Suspensam oſtentans galeam et clamore ſuperbit:
 'Hic ferus Hippomedon, hic formidabilis ultor
 Tydeos infandi debellatorque cruenti 545
 Gurgitis.' Agnovit longe preſſitque dolorem
 Magnanimus Capaneus, telumque inmane lacerto
 Hortatur librans: 'Ades o mihi, dextera, tantum
 Tu praesens bellis et inevitabile numen,
 Te voco, te ſolam ſuperum contemptor adoro.' 550

Sic ait, et voti ſeſe facit ipſe potentem.
 It tremebunda abies clipeum per et aerae terga
 Loricae tandemque animam ſub pectore magno
 Deprendit; ruit haud alio quam celsa fragore
 Turris, ubi innumeros penitus quaſſata per ictus 555
 Labitur effractamque aperit victoribus urbem.
 Cui ſuper aſſiſtens: 'Non inſitiamur honorem
 Mortis, ait, refer huc oculos, ego vulneris auctor;
 Laetus abi, multumque aliis iactantior umbris.

Tunc ense galeamque rapit clipeumque revellit Hypseos, exanimemque tenens super Hippomedonta: 'Accipe, ait, simul hostiles, dux magne, tuasque Exuvias, veniet cineri decus et suus ordo Manibus; interea iustos dum reddimus ignes, Hoc ultor Capaneus operit tua membra sepulcro.'	560 565
Sic anceps dura belli vice mutua Gratiis Sidoniisque simul nectebat vulnera Mavors. Hic ferus Hippomedon, illic non segnior Hypseus Fletur, et alterni praebeant solatia luctus. Tristibus interea somnum turbata figuris Torva sagittiferi mater Tegeatis Ephebi, Crine dato passim plantisque ex more solutis, Ante diem gelidas ibat Ladonis ad undas Purgatura malum fluvio vivente soporem. Namque per attonitas curarum pondere noctes Saepe et delapsas adytis, quas ipsa dicarat, Exuvias, seque ignotis errare sepulcris Extorrem memoris Dryadumque a plebe fugatam, Saepe novos nati bello rediisse triumphos, Armaque et alipedem notum comitesque videbat, Nusquam ipsum, nunc ex humeris fluxisse pharetras, Effigiesque suas simulacraque nota cremari. Praecipuos sed enim illa metus portendere visa Nox miserae totoque erexit pectore matrem.	570 575 580
Nota per Arcadias felici robore silvas Quercus erat, Triviae quam desacraverat ipsa Electam turba nemorum numenque colendo Fecerat; hic arcus et fessa reponere tela Armaque curva suum, et vacuorum terga leonum Figere et ingentes aequantia cornua silvas. Vix ramis locus, agrestes adeo omnia cingunt Exuviae, et viridem ferri nitor inedit umbram. Hanc, ut forte iugis longo defessa redibat Venatu, modo rapta ferox Erymanthidos ursae Ora ferens, multo proscissam vulnere cernit Deposuisse comam et rorantes sanguine ramos Expirasse solo; quaerenti Nympha cruentas	585 590 595

Maenadas atque hostem dixit saevisse Lyaeum.
 Dum gemit et planctu circumdat pectus inani,
 Abrupere oculi noctem, moestoque cubili 600
 Exilit et falsos quaerit per lumina fletus. .

Ergo ut in amne nefas merso ter crine piavit
 Verbaque sollicitas matrum solantia curas
 Addidit, armatae ruit ad delubra Dianae
 Rore sub Eoo, notasque ex ordine silvas 605
 Et quercum gavisa videt; tunc limine divae
 Adstitit et tali nequicquam voce precatur:

‘Virgo potens nemorum, cuius non mollia signa
 Militiamque trucem sexum indignata frequento
 More nihil Graio, nec te gens aspera ritu 610
 Colchis Amazoniaeve magis coluere catervae;
 Si mihi non umquam thyasi ludusve protervae
 Noctis, et invisio quamvis temerata cubili,
 Non tamen aut teretes thyrsos aut mollia gessi
 Pensa, sed in tetricis et post conubia lustris, 615
 Sic quoque venatrix animumque innupta remansi;
 Nec mihi secretis culpam occultare sub antris
 Cura, sed ostendi natum posuique trementem
 Ante tuos confessa pedes; nec degener ille
 Sanguinis, inque meos reptavit protinus arcus, 620
 Tela puer lacrimis et prima voce poposcit.
 Hunc mihi — quid trepidae noctes somnusque minantur? —
 Hunc, precor, audaci qui nunc ad proelia voto
 Heu nimium tibi fisus abit, da visere belli
 Victorem, vel, si ampla peto, da visere tantum. 625
 Hic sudet tuaque arma ferat; preme, diva, malorum
 Signa; quid in nostris, nemoralis Delia, silvis
 Maenades hostiles Thebanaque numina regnant?
 Hei mihi! cur penitus, — simque augur cassa futuri! —
 Cur penitus magnoque interpretor omine quercum? 630
 Quod si vera sopor miserae praesagia mittit,
 Per te, maternos, mitis Dictynna, labores
 Fraternumque decus, iustis hunc fige sagittis
 Infelicem uterum; miserae sine funera matris
 Audiat ille prior.’ Dixit, fletuque soluto 635

Adspicit et niveae saxum maduisse Dianae.

Illam diva ferox etiamnum in limine sacro
 Expositam et gelidas verrentem crinibus aras
 Linquit, et in mediis frondentem Maenalon astris
 Exuperat gressu saltumque ad moenia Cadmi 640
 Destinatus, interior coeli qua semita lucet
 Dis tantum et cunctas iuxta videt ardua terras.
 Iamque fere medium Parnassi frondea praeter
 Colla tenebat iter, quum fratrem in nube corusca
 Adspicit haud solitum visu. Remeabat ab armis 645
 Moestus Echioniis, demersi funera lugens
 Auguris. Inrubit coeli plaga sidere mixto,
 Occursuque sacro pariter iubar arsit utrimque,
 Et coiere arcus, et respondere pharetrae.
 Ille prior: 'Scio Labdacidas, germana, cohortes, 650
 Et nimium fortes ausum petis Arcada pugnās.
 Fida rogat genetrix; utinam indulgere precanti
 Fata darent! en ipse mei, pudet! inritus arma
 Cultoris frondesque sacras ad inania vidi
 Tartara et in memet versos descendere vultus; 655
 Nec tenui currus terraeque abrupta coegi,
 Saevus ego inmeritusque coli. Lugentia cernis
 Antra, soror, mutasque domos; haec sola rependo
 Dona pio comiti; nec tu peritura movere
 Auxilia, et moestos in vanum perge labores. 660
 Finis adest iuveni, non hoc mutabile fatum,
 Nec te nunc dubiis fraterna oracula fallunt.
 At decus extremum misero confusa vicissim
 Virgo refert, duraeque licet solatia morti
 Quaerere, nec fugiet poenas, quicumque nefandam 665
 Insontis pueri scelerarit sanguine dextram
 Inpius, et nostris fas sit saevire sagittis.'
 Sic effata movet gressus libandaque fratri
 Parcius ora tulit Thebasque infesta petivit.
 At pugna ereptis maior crudescit utrimque 670
 Regibus, alternosque ciet vindicta furores.
 Hypseos hinc turmae desolatamque magistro
 Agmen, at hinc gravius fremit Hippomedontis adempti

Orba cohors; praebent obnixa pectora ferro, Idem ardor rabidis externum haurire cruorem Ac fudisse suum, nec se vestigia mutant. Stat cuneo defixa acies, hostique cruento Dant animas, et terga negant, quum lapsa per auras Vertice Dircae velox Latonia montis	675
Adstitit; agnoscunt colles, notamque tremiscit Silva deam, saevis ubi quondam exerta sagittis Foecundam lasso Nioben consumpserat arcu.	680
Illum acies inter medias iam caede superbum Nescius armorum et primas tunc passus habenas Venator raptabat equus, quem discolor ambit Tigris et auratis adverberat unguibus armos. Colla sedent nodis et castigata iubarum Libertas, nemorisque notae sub pectore primo Iactantur niveo lunata monilia dente.	685
Ipse bis Oebalio saturatam murice pallam Lucentesque auro tunicas — hoc neverat unum Mater opus — tenui collectus in ilia vincolo Cornipedis laevo clipeum demiserat armo, Ense gravis nimio; tereti iuvat aurea morsu Fibula pendentes circum latera aspera cinctus; Vaginaeque sonum tremulumque audire pharetræ Murmur et a cono missas in terga catenas, Interdum cristas hilaris iactare comantes, Et pictum gemmis galeae iubar; ast ubi pugna Cassis anhela calet, resoluta vertice nudus	690
Exoritur; tunc dulce comae radiisque micantes Dulce nitent visus et, quas dolet ipse morari, Nondum mutatae rosea lanugine malae. Nec formae sibi laude placet multumque severis Asperat ora minis, sed frontis servat honorem Ira decens; dat sponte locum Thebana iuventus, Natorum memores, intentaque tela retorquent, Sed premit et saevas miserantibus ingerit hastas. Illum et Sidoniae iuga per Theumesia nymphae Bellantem atque ipso sudore et pulvere gratum Laudant, et tacito ducunt suspiria voto.	695
	700
	705
	710

Talia cernenti mitis subit alta Dianae
 Corda dolor, fletuque genas violata: 'Quod, inquit,
 Nunc tibi, quod leti quaeram dea fida propinqui
 Effugium? haecne ultro properasti ad proelia, saeve 715
 Ac miserande puer? cruda heu festinaque virtus
 Suasit et hortatrix animosi gloria leti.
 Scilicet angustum iamdudum urgentibus annis
 Maenaliū tibi, parve, nemus, perque antra ferarum
 Vix tutae sine matre viae, silvestria cuius 720
 Nondum tela procax arcumque implere valebas.
 Et nunc illa meas ingentem plangit ad aras
 Invidiam surdasque fores et limina lassat.
 Tu dulces lituos ululataque proelia gaudes
 Felix et miserae tantum periture parenti.' 725
 Ne tamen extremo frustra morientis honori
 Affuerit, venit in medios caligine fulva
 Septa globos, primumque leves furata sagittas
 Audacis tergo pueri coelestibus inplet
 Coryton telis, quorum sine sanguine nullum 730
 Effugit. Ambrosio tunc spargit membra liquore,
 Spargit equum, ne quo temeretur vulnere corpus
 Ante necem, cantusque sacros et conscia miscet
 Murmura, secretis quæ Colchidas ipsa sub antris
 Nocte docet monstratque feras quaerentibus herbas. 735
 Tunc vero exerto circumvolat igneus arcu,
 Nec se mente regit patriae matrisque suique
 Inmemor, et nimium coelestibus utitur armis.
 Ut leo, cui parvo mater Gaetula cruentos
 Suggestit ipsa cibos, quum primum crescere sensit 740
 Colla iubis torvusque novos respexit ad ungues,
 Indignatur ali, tandemque effusus apertos
 Liber amat campos et nescit in antra reverti.
 Quos, age, Parrhasio sternis, puer inprobe, cornu?
 Prima Tanagraeum turbavit arundo Choroebum 745
 Extremo galeae primoque in margine parmae.
 Angusta transmissa via, stat faucibus unda
 Sanguinis, et sacri facies rubet igne veneni.
 Saevius Eurytion, cui luminis orbe sinistro

Aspera tergeminis acies se condidit uncis. 750
 Ille trahens oculo plenam labente sagittam
 Ibat in auctorem; sed divum fortia quid non
 Tela queant? alio geminatum lumine vulnus
 Explevit tenebras; sequitur tamen improbus hostem,
 Qua meminit, fusum donec prolapsus in Idam 755
 Decidit; hic saevi miser inter funera belli
 Palpitat et mortem sociosque hostesque precatur.

Addit Abantiadas, insignem crinibus Argum
 Et male dilectum miserae Cydona sorori.
 Illi perfossum telo patefecerat inguen, 760
 Huic geminum obliqua traiecit arundine tempus.
 Exstitit hac ferrum, velox hac penna remansit,
 Fluxit utrimque cruor; nulli tela aspera mortis
 Dant veniam, non forma Lamum, non infula Lygdum,
 Non pubescentes texerunt Aeolon anni. 765
 Figitur ora Lamus, flet saucius inguina Lygdus,
 Perfossum telo niveam gemis, Aeole, frontem.
 Te praeceps Euboea tulit, te candida Thisbe
 Miserat, hunc virides non excipietis Amyclae.

Numquam cassa manus, nullum sine vulnere fugit 770
 Missile, nec requies dextrae, sonitumque priori
 Iungit arundo sequens. Unum quis crederet arcum,
 Aut unam saevire manum? modo dirigit ictus,
 Nunc latere alterno dubius conamina mutat,
 Nunc fugit instantes et solo respicit arcu. 775

Et iam mirantes indignantesque coibant
 Labdacidae, primusque Iovis de sanguine claro
 Amphion ignarus adhuc, quae funera campis
 Ille daret: 'Quonam usque moram lucrabere fati,
 O multum meritos puer orbaturo parentes? 780
 Quin etiam menti tumor atque audacia gliscit,
 Congressus dum nemo tuos pugnamque minorem
 Dignatur bellis iramque relinqueris infra.
 I, repete Arcadium mixtusque aequalibus illic,
 Dum ferus hic vero desaevit pulvere Mavors, 785
 Proelia lude domi, quod si te moesta sepulcri
 Fama movet, dabimus, leto moriere virorum.'

Iamdudum hunc contra stimulis gravioribus ardet
 Trux Atalantiades, necdum ille quieverat, inſit:
 'Sera etiam in Thebas, quarum hic exercitus, arma 790
 Profero: quisnam adeo puer, ut bellare recuset
 Talibus? Arcadiae stirpem et fera semina gentis,
 Non Thebana vides; non me sub nocte silenti
 Thyas Echionio genetrix famulata Lyaeo
 Edidit, haud umquam deformes vertice mitras 795
 Induimus turpique manu iactavimus hastam.
 Protinus adstrictos didici reptare per amnes
 Horrendasque domos magnarum intrare ferarum,
 Et quid plura loquar? — ferrum mea semper et arcus
 Mater habet, vestri feriunt cava tympana patres.' 800
 Non tulit Amphion vultumque et in ora loquentis
 Telum inmane rotat, sed ferri lumine diro
 Turbatus sonipes, sese dominumque retorsit
 In latus atque avidam transmisit devius hastam.
 Acrior hoc iuvenem stricto mucrone petebat 805
 Amphion, quum se medio Latonia campo
 Inicit ante oculos, omni stetit obvia vultu.
 Haerebat iuveni devinctus amore pudico
 Maenalius Dorceus, cui bella suumque timorem
 Mater et audaces pueri mandaverat annos. 810
 Huius tum vultu dea dissimulata profatur:
 'Hactenus Ogygias satis infestasse catervās,
 Parthenopaeo, satis; miserae iam parce parenti,
 Parce deis, quicumque favent.' Nec territus ille:
 'Hunc sine me, nec plura petam, fidissime Dorceu, 815
 Sternere humi, qui tela meis gerit aemula telis
 Et similes cultus et frena sonantia iactat.
 Frena regam, cultus Triviae pendebitis alto
 Limine, captivis matrem donabo pharetris.'
 Audiit et mixto risit Latonia fletu. 820
 Viderat hanc coeli iamdudum in parte remota
 Gradivum complexa Venus, dumque anxia Thebas
 Commemorat Cadmumque viro caraeque nepotes
 Harmoniae, pressum tacito sub corde dolorem
 Tempestiva movet. 'Nonne haec, Gradive, protervam 825

Virginitate vides mediam se ferre virorum
Coetibus? utque acies audax, et Martia signa
Temperet? en etiam donat praebetque necandos
Tot nostra de gente viros; huic tradita virtus,
Huic furor? agrestes superest tibi figere damas.
Desiluit iustis commotus in arma querelis
Bellipotens, cui sola vagum per inane ruenti
Ira comes, reliqui sudant ad bella Furores.

Nec mora, quum moestam monitu Latoida daro
Increpat assistens: 'Non haec tibi proelia divum
Dat pater, armiferum ni protinus improba campum
Deseris, huic aequam nosces nec Pallada dextrae.'
Quid faciat? Contra premit hinc Mavortia cuspis,
Hinc plenae tibi, parve, colus, Iovis inde severi
Vultus, abit sole post haec devicta pudore.

At pater Ogygias Mavors circumspicit alas
Horrendumque Dryanta movet, cui sanguinis auctor
Turbidus Orion, comitesque odisse Dianae
Inde furit. Primum hic turbatos arripit ense
Arcadas exarmatque ducem; cadit agmine longo
Cyllenes populus Tegeesque habitator opacae,
Aepittique duces fugiunt Pheneique phalanges.
Ipsum autem et lassa fudit prosternere dextra,
Nec servat vires: etenim huc iam fessus et illuc
Mutabat turmas; urgent praesagia mille
Funeris, et nigrae praecedunt nubila mortis.
Iamque miser raros comites verumque videbat
Dorcea, iam vires paulatim abscedere sentit,
Sentit et exhaustas humero leviores pharetras.
Iam minus atque minus fert arma puerque videtur
Et sibi, quum torva clipei metuendus obarsit
Luce Dryas; tremor ora repens ac viscera torsit
Arcados; utque feri vectorem fulminis albus
Quum supra respexit olor, cupit hiscere ripam
Strymonos et trepidas in pectora contrahit alas:
Sic iuvenem saevi conspecta mole Dryantis
Iam non ira subit, sed leti nuntius horror.
Arma tamen, frustra superos Triviamque precatus,

Molitur pallens et surdos expedit arcus.
 Iamque instat telis et utramque obliquus in ulnam 865
 Cornua contingit mucrone et pectora nervo;
 Quum ducis Aonii magno cita turbine cuspis,
 Fertur in adversum nervique obliqua sonori
 Vincula secat, pereunt ictus, manibusque remissis
 Vana supinato ceciderunt spicula cornu. 870
 Tunc miser et frenos turbatus et arma remisit,
 Vulneris inpatiens, humeri quod tegmina dextri
 Intrarat facilemque cutem subit altera cuspis,
 Cornipedisque fugam succiso poplite sistit.
 Tunc cadit ipse Dryas, mirum, nec vulneris usquam 875
 Conscius, olim auctor teli, causaeque patebant.
 At puer infusus sociis in devia campi
 Tollitur, heu simplex aetas! moriensque iacentem
 Flebat equum; cecidit laxata casside vultus,
 Aegraque per trepidos expirat gratia visus, 880
 Et prensis concussa comis ter colla quaterque
 Stare negant, ipsisque nefas lacrimabile Thebis,
 Ibat purpureus niveo de pectore sanguis.
 Tandem haec singultu verba incidente profatur:
 'Labimur, i, miseram, Dorceu, solare parentem. 885
 Illa quidem, si vera ferunt praesagia curae,
 Aut somno iam triste nefas aut omine vidit.
 Tu tamen arte pia trepidam suspende diuque
 Decipito; neu tu subitus neve arma tenenti
 Veneris, et tandem quum iam cogere fateri, 890
 Dic: Merui, genetrix, poenas, invita capessens
 Arma puer rapui, nec te retinente quievi,
 Nec tibi sollicitae saltem inter bella peperci.
 Vive igitur potiusque animis irascere nostris,
 Et iam pone metus; frustra de colle Lycaei 895
 Anxia prospectas, si quis per nubila longe
 Aut sonus aut nostro sublatas ab agmine pulvis.
 Frigidus in nuda iaceo tellure, nec usquam
 Tu prope, quae vultus efflantiaque ora teneres.
 Hunc tamen, orba parens, crinem, — dextraque secandum 900
 Praebuit, — hunc toto capies pro corpore crinem,

Comere quem frustra me dedignante solebas.
Huic dabis exequias, atque inter iusta memento,
Ne quis inexpertis hebetet mea tela lacertis
Dilectosque canes ullis agat amplius antris.
Haec autem primis arma infelicia castris
Ure, vel ingratae munus suspende Dianae.

P. PAPINII STATHI
T H E B A I D O S
L I B E R X.

Obruit Hesperia Phoebum nox humida porta,
 Imperiis properata Iovis, nec castra Pelasgum
 Aut Tyrias miseratus opes, sed triste, tot extra
 Agmina et inmeritas ferro decrescere gentes.
 Panditur inmenso deformis sanguine campus. 5
 Illic arma et equos, ibant quibus ante superbi,
 Funeraque orba rogis neglectaque membra relinquunt.
 Tunc inhonora cohors laceris insignibus aegras
 Secernunt acies, portaeque ineuntibus arma
 Angustae populis late cepere reversos. 10
 Par utrimque dolor, sed dant solatia Thebis
 Quatuor errantes Danaum sine praeside turmae,
 Ceu mare per tumidum viduae moderantibus alni,
 Quas deus et casus tempestatesque gubernant.
 Inde animus Tyriis non iam sua castra, sed ultro 15
 Hostilem servare fugam, nec forte Mycenae
 Contenti rediisse petant; dat tessera signum
 Excubiis, positaeque vices; dux noctis opertae
 Sorte Meges ultroque Lycus; iamque ordine iusso
 Arma, dapes ignemque ferunt; rex firmat euntes: 20
 Victores Danaum, — nec enim lux crastina longe,
 Nec quae pro timidis intercessere tenebrae
 Semper erunt, — augete animos et digna secundis
 Pectora forte deis; iacet omnis gloria Lerna
 Praecipuaeque manus, subiit ultricia Tydeus 25
 Tartara, mors subitam nigri stupet auguris umbram,
 Ismenos raptis tumet Hippomedontis opimis,

Arcada belligeris pudet annumerare tropaeis.
 In manibus merces, nusquam capita ardua belli
 Monstrataeque ducum septena per agmina cristae. 30
 Scilicet Adrastii senium fraterque iuventa
 Peior et insanis Capaneus metuendus in armis?
 Ite age, et obsessis vigilem circumdate flammam.
 Nulli ex hoste metus, praedam asservatis opesque
 Iam vestras.' Sic ille truces hortatibus inplet 35
 Labdacidas, iuvat exhaustos iterare labores.
 Sicut erat pulvis sudorque cruorque per artus
 Mixtus adhuc, vertere gradum; vix obvia passi
 Colloquia, amplexus etiam dexterasque suorum
 Excussere humeris; tunc frontem aversaque terga 40
 Partiti laterumque sinus, vallum undique cingunt
 Ignibus infestis. Rabidi sic agmine mixto
 Sub noctem coiere lupi, quos omnibus agris
 Nil non ausa fames longo tenuavit hiatu.
 Iam stabula ipsa premunt, torquet spes inrita fauces, 45
 Balatusque tremens pinguesque ab ovilibus auras.
 Quod superest, duris affrangunt postibus unguis
 Pectoraque et siccos minuunt in limine dentes.
 At procul Argolici supplex in margine templi
 Coetus et ad patrias fusae Pelopeides aras 50
 Sceptraeque Iunonis opem reditumque suorum
 Exposcunt, pictasque fores et frigida vultu
 Saxa terunt parvosque docent procumbere natos.
 Condiderant iam vota diem, nox addita curas
 Iungit, et aggestis vigilant altaria flammis. 55
 Peplum etiam dono, cuius mirabile textum
 Nulla manus sterilis nec dissociata marito
 Versarat, calathis castae velamina divae
 Haud spernenda ferunt, variis ubi plurima floret
 Purpura picta modis mixtoque incenditur auro. 60
 Ipsa illic magni thalamo desponsa Tonantis
 Expers conubii et timide positura sororem
 Lumine demisso pueri Iovis oscula libat
 Simplex et nondum furtis offensa mariti.
 Hoc tunc Argolicae sanctum velamine matres 65

Induerant ebur, et lacrimis questuque rogabant:
 'Adspice sacrilegas Cadmeae pelliciois arces,
 Siderei regina poli, tumulumque rebellem
 Disice et in Thebas aliud, potes, excute fulmen.'

Quid faciat? scit fata suis contraria Graiis 70

Aversumque Iovem, sed nec periisse precatus
 Tantaque dona velit; tempus tamen obvia magni
 Fors dedit auxilii; videt alto ex aethere clausa
 Moenia et insomni vallum statione teneri.

Horruit irarum stimulis motaque verendum 75

Turbavit diadema coma; non saevius arsit
 Herculeae quum matris onus geminosque Tonantis
 Concubitus vacuis indignaretur in astris.
 Ergo intempesta somni dulcedine captos

Destinat Aonios leto praebere, suamque 80

Orbibus accingi solitis iubet Irin et omne
 Mandat opus; paret iussis dea clara, polumque
 Linqvit et in terras longo suspenditur arcu.

Stat super occiduæ nebulosa cubilia noctis
 Aethiopasque alios nulli penetrabilis astro 85

Lucus iners, subterque cavis grave rupibus antrum

It vacuum in montem, qua desidis atria Somni

Securumque larem segnis natura locavit.

Limen opaca Quies et pigra Oblivia servant
 Et numquam vigili torpens Ignavia vultu. 90

Otia vestibulo pressisque silentia pennis

Muta sedent, abiguntque truces a culmine ventos

Et ramos errare vetant et murmura demunt

Alitibus. Non hic pelagi, licet omnia clament
 Litora, non illic coeli fragor; ipse profundis 95

Vallibus effugiens speluncae proximus amnis

Saxa inter scopulosque tacet: nigrantia circa

Armenta, omne solo recubat pecus, et nova marcent

Germina, terrarumque inclinat spiritus herbas.

[Mille intus simulacra dei caelaverat ardens 100

Mulciber; hic haeret lateri redimita Voluptas,

Hic comes in requiem vergens labor; est ubi Baccho,

Est ubi Martigenae socium pulvinar Amori

Obtinet; interius tectum in penetralibus altis
 Et cum Morte iacet, nullique ea tristis imago.] 105
 Ipse autem, vacuus curis, humentia subter
 Antra soporifero stipatos flore tapetas
 Incubat; exhalant vestes et corpore pigro
 Strata calent, supraque torum niger efflat anhelio
 Ore vapor; manus haec fusos a tempore laevo 110
 Sustentat crines, haec cornu oblita remisit.
 [Adsunt innumero circum vaga somnia vultu,
 Vera simul falsis permixtaque tristia blandis.
 Noctis opaca cohors trabibusque aut postibus haerent,
 Aut tellure iacent; tenuis, qui circuit aulam, 115
 Invalidusque nitor primosque hortantia somnos
 Languida succiduis expirant lumina flammis.]
 Huc se caeruleo libravit ab aethere virgo
 Discolor, effulgent silvae, tenebrosaque Tempe
 Arrisere deae, et zonis lucentibus icta 120
 Evigilat domus; ipse autem nec lampade clara,
 Nec sonitu, nec voce deae perculsus eodem
 More iacet, donec radios Thaumantias omnes
 Inpulit inque oculos penitus descendit inertes.
 Tunc sic orsa loqui nimborum fulva creatrix: 125
 'Sidonios te Iuno duces, mitissime divum
 Somne, iubet populumque trucidis defigere Cadmi,
 Qui nunc eventu belli tumefactus Achaeum
 Pervigil asservat vallum et tua iussa recusat.
 Da precibus tantis, — rara est hoc posse facultas, — 130
 Placatumque Iovem dextra Iunone merere.'
 Dixit, et increpitans languentia pectora dextra,
 Ne pereant voces, iterumque iterumque monebat.
 Ille deae iussis dubium mixtumque sopori
 Annuit; excedit gravior nigrantibus antris 135
 Iris et obtusum multo iubar excitat imbri.
 Ipse quoque et volucrem gressum et ventosa citavit
 Tempora, et obscuri sinuatam frigore coeli
 Inplevit chlamydem, tacitoque per aethera cursu
 Fertur et Aoniis longe gravis inminet arvis. 140
 Illius aura solo volucres pecudesque ferasque

Explicat; et penitus quacumque supervolat orbem,
 Languida de scopulis sidunt freta, pigrius haerent
 Nubila, demittunt extrema cacumina silvae,
 Pluraque laxato ceciderunt sidera coelo. 145

Primus adesse deum subita caligine sensit
 Campus, et innumerae voces fremitusque virorum
 Submisere sonum; quum vero humentibus alis
 Incubuit, piceaque haud umquam densior umbra
 Castra subit, errare oculi resolutaque colla, 150
 Et medio affatu verba imperfecta relinqui.
 Mox et fulgentes clipeos et saeva remittunt
 Pila manu, lassique cadunt in pectora vultus.
 Et iam cuncta silent: ipsi iam stare recusant
 Cornipedes, ipsos subitus cinis abstulit ignes. 155

At non et trepidis eadem sopor otia Graiis
 Suadet, et a iunctis arcet sua nubila castris
 Noctivagi vis blanda dei, stant undique in armis
 Foedam indignantes noctem vigilesque superbos.
 Ecce repens superis animum lymphantibus horror 160
 Thiodamanta subit, formidandoque tumultu
 Pandere fata iubet, sive hanc Saturnia mentem,
 Sive novum comitem bonus instigabat Apollo.
 Prosilit in medios, visu audituque tremendus
 Inpatiensque dei, fragili quem mente receptum 165
 Non capit; exundant stimuli, nudusque per ora
 Stat furor et trepidas incerto sanguine reddit
 Exhaustique genas, acies huc errat et illuc
 Sertaque mixta comis sparæa cervice flagellat.
 Sic Phryga terrificis genetrix Idaea cruentum 170
 Elicit ex adytis consumptaque brachia ferro
 Scire vetat; quatit ille sacras in pectora pinus
 Sanguineosque rotat crines et vulnera cursu
 Exanimat: pavet omnis ager respersaque cultris
 Arbor, et attoniti currum erexere leones. 175

Ventum ad concilii penetrabile domumque verendam
 Signorum, magnis ubi dudum cladibus aeger,
 Rerum extrema movens, frustra consultat Adrastus.
 Stant circum subiti procures, ut quisque perempto

Proximus, et magnis loca desolata tuentur 180
 Regibus, haud laeti seque huc crevisse dolentes.
 Non secus amisso medium quum praeside puppis
 Fregit iter, subit ad vidui moderamina clavi
 Aut laterum custos, aut quem penes obvia ponto
 Prora fuit: stupet ipsa ratis, tardeque sequuntur 185
 Arma, nec accedit domino tutela minori.
 Ergo alacer trepidos sic erigit augur Achivos:
 'Magna deum mandata, duces, monitusque verendos
 Advehimus: non hae nostro de pectore voces.
 Ille canit, cui me famulari et sumere vittas 190
 Vestra fides, ipso non discordante, subegit.
 Nox foecunda operum pulchraeque accommoda fraudi
 Panditur augurio divum; vocat obvia virtus,
 Et poscit fortuna manus, stupet obruta somno
 Aonidum legio. Tempus nunc funera regum 195
 Ulcisci miserumque diem: rapite arma morasque
 Frangite portarum, sociis hoc subdere flammās,
 Hoc tumulare suos. Equidem hoc et Marte diurno
 Dum res infractae pulsique in terga redimus, —
 Per tripodas iurō et rapti nova fata magistri, — 200
 Vidi, et me volucres circum plausere secundae.
 Sed nunc certa fides; modo me sub nocte silenti
 Ipse, ipse assurgens iterum tellure soluta
 Qualis erat, solos infecerat umbra iugales,
 Amphiaraus adit; non vanae monstra quietis, 205
 Nec somno comperta loquor. Tune, inquit, inertes
 Inachidas — redde haec Parnassia sarta meosque
 Redde deos, — tantam patiēre amittere noctem,
 Degener? haec egomet coeli secreta vagosque
 Edocui lapsus? vade eia, ulciscere ferro 210
 Nos saltem; dixit, meque haec ad limina visus
 Cuspide sublata totoque impellere curru.
 Quare agite, utendum superis, non cominus hostes
 Sternendi, bellum iacet, et saevire potestas.
 Ecqui aderunt? quos ingenti se attollere fama 215
 Non pigeat, dum fata sinunt? iterum ecce benignae
 Noctis aves; sequor, et comitum licet agmina cessent,

Solus eo, solus; venit ille et quassat habenas.²

Talia vociferans noctem exturbabat, euntnque
Non secus accensi proceres, quam si omnibus idem 220
Corde deus, flagrant comitari et iungere casus.

Ter denos numero, turmarum robora, iussus
Ipse legit, circa fremit indignata iuventus
Cetera, cur maneant castris ignavaque servant
Otia; pars sublime genus, pars facta suorum, 225
Pars sua, sortem alii clamant, sortem undique poscunt.

Gaudet in adversis animoque assurgit Adrastus.
Vertice sic Pholoës volucrum nutritor equorum,
Cui foetura gregem pecoroso vere novavit,
Laetatur cernens hos montis in ardua niti, 230
Hos innare vadis, certare parentibus illos.
Tunc vacuo sub corde movet, qui molle domandi
Ferre iugum, qui terga boni, quis in arma tubasque
Natus, ad Eleas melior quis surgere palmas.

Talis erat turmae ductor longaevus Achivae. 235
Nec deest coeptis: 'Unde haec tam sera repente
Numina? qui fractos superi rediistis ad Argos?
Estne hic infelix virtus? gentique superstes
Sanguis, et in miseris animorum semina durant?
Laudo equidem, egregii iuvenes, pulchraque meorum 240
Seditione fruor; sed fraudem et operta paramus
Proelia, celandi motus; numquam apta latenti
Turba dolo: servate animos, venit ultor in hostes
Ecce dies; tunc arma palam, tunc ibimus omnes.

His tandem virtus iuvenum frenata quievit. 245
Non aliter moto quam si pater Aeolus antro
Portam iterum saxo premat imperiosus et omne
Claudat iter, iamiam sperantibus aequora ventis.
Insuper Herculeum sibi iungit Agyllea vates
Actoraque; hic aptus suadere, hic robora iactat 250
Non cessisse patri; comites tribus ordine deni
Horrendum Aoniis et contra stantibus agmen.

Ipse novi gradiens furta ad Mavortia belli
Ponit adoratas Phoebea insignia frondes,
Longaevisque ducis gremio commendat honorem

Frontis, et oblatam Polynicis munere grato
Loricam galeamque subit; ferus Actora magno
Ense gravat Capaneus, ipse haud dignatus in hostem
Ire dolo superosque sequi; permutat Agyllens
Arma trucidis Nomii: quid enim fallentibus umbris 260
Arcus, et Herculeae iuissent bella sagittae?

Inde per abruptas castrorum ex aggere pinnas,
Ne gravis exclamet portae mugitus ahenae,
Praecipitant saltu; nec longum, et protinus ingens
Praeda solo ceu iam exanimes multoque peracti 265
Ense iacent. 'Ite, o socii, quacumque voluptas
Caedis inexhaustae superisque faventibus, oro,
Sufficite, hortatur clara iam voce sacerdos:
Cernitis expositas turpi marcere cohortes.

Pro pudor! Argolicas hinc ausi obsidere portas, 270
Hi servare viros?' Sic fatus, et exiit ensem
Fulmineum rapidaque manu morientia transit
Agmina. Quis numeret caedes, aut nomine turbam

Exanimem signare queat? subit ordine nullo
Tergaque pectoraque, et galeis inclusa relinquit 275
Murmura permiscetque vagos in sanguine manes:
Hunc temere explicitum stratis, hunc sero remissis
Gressibus inlapsum clipeo et male tela tenentem,
Coetibus hos mediis vina inter et arma iacentes,
Acclines clipeis alios, ut quemque ligatum 280

Infelix tellure sopor supremaque nubes
Obrueraat. Nec numen abest, armataque Iuno
Lunarem quatiens exerta lampada dextra
Pandit iter firmatque animos et corpora monstrat.
Sentit adesse deam tacitus, sed gaudia celat 285
Thiodamas; iam tarda manus, iam debile ferrum
Et caligantes nimis successibus irae.

Caspia non aliter magnorum in strage iuencum
Tigris, ubi immenso rabies placata cruore
Lassavitque genas et crasso sordida tabo 290
Confudit maculas, spectat sua facta doletque
Defecisse famem. Victus sic augur inerrat
Caedibus Aoniis; optet nunc brachia centum

Centenasque in bella manus; iam taedet inanes
Exhaurire minas, hostemque assurgere malit. 295

Parte alia segnes magno satus Hercule vastat
Sidonios Actorque alia; sua quemque cruento
Limite turba subit, stagnant nigrantia tabo
Gramina, sanguineis nutant tentoria rivis.

Fumat humus, somnique et mortis anhelitus una 300

Volvitur; haud quisquam visus aut ora iacentum
Erexit: tali miseris deus aliger umbra

Incubat et tantum morientia lumina solvit.

Traxerat insomnis cithara ludoque suprema
Sidera, iam nullos visurus Alimeneus ortus, 305

Sidonium Paean canens; huic languida cervix

In laevum cogente deo mediaque iacebant

Colla relicta lyra; ferrum per pectus Agyleus

Exigit aptatamque cava testudine dextram 310

Percutit et digitos inter sua fila tremantes.

Proturbat mensas dirus liquor, undique manant

Sanguine permixti latices, et Bacchus in altos

Crateras paterasque redit. Ferus occupat Actor

Implicitum fratri Thamyrum, Tagus haurit Ethecli 315

Terga coronati, Danaus caput amputat Hebri.

Nescius heu rapitur fati, hilarisque sub umbras

Vita fugit mortisque ferae lucrata dolores.

Stratus humo gelida subter iuga fida rotasque

Palpetus Aonios gramen gentile metentes

Proflatu terrebat equos; madida ora redundant, 320

Accensusque mero sopor aestuat; ecce iacentis

Inachius vates iugulum fodit, expulit ingens

Vina cruor, fractumque perit in sanguine murmur.

Fors illi praesaga quies, nigrasque gravatus

Per somnum Thebas et Thiodamanta videbat. 325

Quarta soporiferae superabant tempora nocti,

Quum vacuae nubes et honor non omnibus astris,

Afflatusque fugit curru maiore Bootes.

Iamque ipsum defecit opus, quum providus Actor

Thiodamanta vocat: 'Satis haec inopina Pelasgis 330

Gaudia: vix ullos tanto reor agmine saevam

Effugisse necem, ni quos deformis in alto
 Sanguine degeneres occultat vita; secundis
 Pone modum: sunt et diris sua numina Thebis.
 Forsitan et nobis modo quae favere, recedunt.' 333

Paruit, et madidas tollens ad sidera palmas:
 'Phoebe, tibi exuvias monstratae praemia noctis
 Nondum ablutus aquis — tibi enim haec ego sacra litavi, —
 Trado ferus miles tripodum fidusque sacerdos.
 Si non dedecui tua iussa tulique prementem, 340
 Saepe veni, saepe hanc dignare inrumpere mentem.
 Nunc tibi crudus honos, trunca arma cruorque virorum:
 At patrias si quando domos optataque, Paeon,
 Tempa, Lycie, dabis, tot ditia dona sacratis
 Postibus et totidem voti memor exige tauros. 345

Dixerat, et laetis socios revocabat ab armis.
 Venerat hos inter fato Calydonius Hoplaus
 Maenaliusque Dymas, dilecti regibus ambo,
 Regum ambo comites, quorum post funera moesti
 Vitam indignantur; prior Arcada concitat Hoplaus: 350

'Nullane post manes regis tibi cura perempti,
 Care Dyma? teneant quem iam fortasse volucres
 Thebanique canes; patriae quid deinde feretis,
 Arcades? en reduces contra venit aspera mater.
 Funus ubi? at nostro semper sub pectore Tydeus 355
 Saevit inops tumuli, quamvis patientior artus
 Ille nec abruptis adeo lacrimabilis annis.

Ire tamen saevumque libet nullo ordine passim
 Scrutari campum mediasque inrumpere Thebas.'
 Excipit orsa Dymas: 'Per ego haec vaga sidera iuro, 360
 Per ducis errantes instar mihi numinis umbras,
 Idem ardor misero; comitem circumspicit olim
 Mens humilis luctu, sed nunc prior ibo;' viamque
 Inchoat, et moesto conversus ad aethera vultu
 Sic ait: 'Arcanae moderatrix Cynthia noctis, 365
 Si te tergeminis perhibent variare figuris
 Numen et in silvas alio descendere vultu,
 Ille comes nuper nemorumque insignis alumnus,
 Ille tuus, Diana, puer, nunc respice saltem,

Quaeritur;⁹ incendit pronis dea curribus alnum 370
Sidus et admoto monstravit funera cornu.

Apparent campi Thebaeque altusque Cithaeron.

Sic ubi nocturnum tonitru malus aethera frangit
Iuppiter, absiliunt nubes, et fulgure claro 375
Astra patent, subitusque oculis ostenditur orbis.

Accepit radios, et eadem percitus Hoplaus
Tydea luce videt; longe dant signa per umbras
Mutua laetantes et amicum pondus uterque,
Ceu reduces vitae saevaeque a morte remissos,
Subiecta cervice levant; nec verba, nec ausi 380
Flere diu, prope saeva dies, indexque minatur
Ortus; eunt taciti per moesta silentia magnis
Passibus exhaustasque dolent pallere tenebras.

Invida fata piis, et fors ingentibus ausis
Rara comes; iam castra vident animisque propinquant, 385

Et decrescit onus, subiti quum pulveris umbra
Et sonus a tergo; monitu ducis acer agebat
Amphion equites, noctem vigilataque castra

Explorare datus, primusque per avia campi
Usque procul, necdum totas lux solverat umbras, 390
Nescio quid visu dubium incertumque moveri

Corporaque ire videt; subitus mox fraude reperta
Exclamat: 'Cohibete gradum quicumque;' sed hostes
Esse patet, miseri pergunt anteire timentque

Non sibi; tunc mortem trepidis minitatur, et hastam 395
Expulit, ac vanos alte levat eminus ictus
Affectans errare manus; stetit illa Dymantis

Ante oculos, qui forte prior gressumque repressit.
At non magnanimus curavit perdere iactus
Aepytus et fixo transverberat Hoplea tergo, 400

Pendentesque etiam perstrinxit Tydeos armos.
Labitur egregii nondum ducis inmemor Hoplaus,
Expiratque tenens, felix, si corpus ademptum

Nesciat ac saevas talis descendat ad umbras.
Viderat hoc retro conversus et agmina sentit 405
Iuncta Dymas, dubius precibusne subiret, an armis

Instantes; arma ira dabat; fortuna precari,

Non audere iubet: neutri fiducia coepto.
 Distulit ira preces; ponit miserabile corpus
 Ante pedes, tergoque graves, quas forte gerebat 410
 Tigridis exuvias, in laevum torquet et obstat
 Exertum obiectans mucronem, inque omnia tela
 Versus et ad caedem iuxta mortemque paratus:
 Ut lea, quam saevo foetam pressere cubili
 Venantes Numidae, natos erecta superstat 415
 Mente sub incerta, torvum ac miserabile frendens.
 Illa quidem turbare globos et frangere morsu
 Tela queat, sed prolis amor crudelia vincit
 Pectora et a media catulos circumspicit ira.
 Et iam laeva viro, quamvis saevire vetaret 420
 Amphion, erepta manus, puerique trahuntur
 Ora supina comis; serus tunc denique supplex
 Demisso mucrone rogat: 'Moderatius, oro,
 Ducite, fulminei per vos cunabula Bacchi
 Inoamque fugam vestrique Palaemonis annos. 425
 Si cui forte domi natorum gaudia, si quis
 Hic pater, angusti puero date pulveris haustus
 Exiguamque facem; rogat, en rogat ipse iacentis
 Vultus: ego infandas potior satiare volucres,
 Me praebete feris, ego bella audere coegi.' 430
 'Immo, ait Amphion, regem si tanta cupido
 Condere, quae timidis belli mens, ede, Pelasgis,
 Quid fracti exanguesque parent, cuncta ocius effer,
 Et vita tumuloque ducis donatus abito.'
 Horruit, et toto praecordia protinus Arcas 435
 Inplevit capulo. 'Summunne hoc cladibus, inquit,
 Deerat, ut afflictos turparem ego proditor Argos?
 Nil emimus tanti, nec sic velit ipse cremari.'
 Sic ait, et magno proscissum vulnere pectus
 Iniecit puero supremaque murmura volvens: 440
 'Hoc tamen interea caro potiere sepulcro.'
 Tales optatis regum in complexibus ambo,
 Par insigne animis, Aetolus et inclitus Arcas
 Egregias efflant animas letoque fruuntur.
 Vos quoque sacrati, quamvis mea carmina surgant 445

Inferiore lyra, memores superabitis annos.
 Forsitan et comites non aspernabitur umbras
 Euryalus Phrygiique admittet gloria Nisi.
 At ferus Amphion, regi qui facta reportent
 Edoceantque dolum captivaeque corpora reddant, 450
 Mittit ovans; clausis ipse insultare Pelasgis
 Tendit et abscisos sociorum ostendere vultus.
 Interea reducem murorum e culmine Graii
 Thiodamanta vident, nec iam erumpentia celant
 Gaudia, ut exertos enses et caede recenti 455
 Arma rubere notant; novus assilit aethera magnum
 Clamor, et e summo pendent cupida agmina vallo
 Noscere quisque suos. Volucrum sic turba recentum
 Quum reducem longo prospexit in aethere matrem,
 Ire cupit contra summaque e margine nidi 460
 Extat hians; iam iamque cadat, ni pectore toto
 Obstet aperta parens et amantibus increpet alis.
 Dumque opus arcanum et taciti compendia Martis
 Enumerant laetisque suos complexibus implent
 Hopleaque exquirunt tardumque Dymanta queruntur, 465
 Ecce et Dircae iuxta dux concitus alae
 Venerat Amphion, non longum caede recenti
 Laetatus videt innumeris fervere catervis
 Tellurem atque una gentem expirare ruina.
 Qui tremor illicita coeli de lampade tactos 470
 Hic fixit iuvenem, pariterque horrore sub uno
 Vox acies sanguisque perit, gemitusque parantem
 Ipse ultro convertit equus; fugit ala retorto
 Pulvere. Nondum illi Thebarum claustra subibant,
 Et iam Argiva cohors nocturno freta triumpho 475
 Prosilit in campos, per et arma et membra iacentum
 Tetraque congerie sola semianimumque cruorem
 Cornipedes ipsique ruunt; gravis exterit artus
 Ungula, sanguineus lavat imber et inpediit axes.
 Dulce viris hac ire via, ceu tecta superbi 480
 Sidonia atque ipsas calcent in pulvere Thebas.
 Hortatur Capaneus: 'Satis occultata, Pelasgi,
 Delituit virtus; nunc, nunc mihi vincere pulchrum

Teste die; mecum clamore et pulvere aperto
 Ite palam, iuvenes: sunt et mihi provida dextrae 485
 Omina et horrendi stricto mucrone furores.
 Sic ait; ardentes alacer succendit Adrastus,
 Argolicusque gener, sequitur iam tristior augur.
 Iamque premunt muros, et adhuc nova funera narrat
 Amphion, miseramque intrabant protinus urbem, 490
 Ni Megareus specula citus exclamasset ab alta:
 'Claude, vigil, subeunt hostes, claude undique portas.'
 Est ubi dat vires nimius timor, ocius omnis
 Porta coit; solas dum tardius arctat Echion
 Ogygias, audax animi Spartana iuventus 495
 Inrupit, caesique ruunt in limine primo
 Incola Taygeti Panopeus rigidique natator
 Oebalus Eurotae, tuque, o spectate palaestris
 Omnibus et nuper Nemeaeo in pulvere felix,
 Alcidama, primis quem caestibus ipse ligarat 500
 Tyndarides, nitidi moriens convexa magistri
 Respicis; averso pariter deus occidit astro.
 Te nemus Oebalium, te lubrica ripa Lacaenae
 Virginis et falso gurges cantatus olore
 Flebit, Amyclaeis Triviae lugebere nymphis, 505
 Et quae te leges praeceptaque fortia belli
 Erudiit genetrix, nimium didicisse queretur.
 Talis Echionio Mavors in limine saevit.
 Tandem humeris obnixus Acron et pectore toto
 Pronus Alimenides ferratae robora portae 510
 Torserunt, quanta pariter cervice gementes
 Profringunt inarata diu Pangaea iuveni.
 Par operis iactura lucro, quippe hoste retento
 Excludere suos; cadit intra moenia Graius
 Ormenus et pronas tendentis Amyntoris ulnas 515
 Fundentisque preces, penitus cervice recisa
 Verba solo vultusque cadunt, colloque decorus
 Torques in hostiles cecidit per vulnus arenas.
 Solvitur interea vallum, primaecque recusant
 Stare morae; iam se peditum iunxere catervae 520
Moenibus: at patulas salta transmittere fossas

Horror equis, haerent trepidi atque inmane paventes
 Abruptum mirantur agi; nunc inpetus ire
 Margine ab extremo, nunc sponte in frena recedunt.
 Hi praefixa solo vellunt munimina: at illi 525
 Portarum obiectus minuunt et ferrea sudant
 Claustra remoliri trabibusque arctata sonoro
 Pellunt saxa loco, pars ad fastigia missas
 Exultant haesisse faces, pars ima lacesunt,
 Scrutanturque cavas caeca testudine turres. 530

At Tyrii, quae sola salus, caput omne coronant
 Murorum nigrasque sudes et lucida ferro
 Spicula et arsuras coeli per inania glandes
 Saxaque in adversos ipsis avulsa rotabant
 Moenibus; exundant saevo fastigia nimbo, 535
 Armataeque vomunt stridentia tela fenestrae.
 Qualiter aut Malean, aut alta Ceraunia supra
 Cessantes in nube sedent nigrisque leguntur
 Collibus et subitae saliunt in vela procellae,
 Talis Agenoreis Argivum exercitus armis 540
 Obruitur; non ora virum, non pectora flectit
 Imber atrox, rectosque tenent in moenia vultus
 Inmemores leti et tantum sua tela videntes.
 Anthea falcato lustrantem moenia curru
 Desuper Ogygiae pepulit gravis inpetus hastae. 545
 Lora excussa manu, retroque in terga volutus
 Semianimos artus ocreis retinentibus haeret;
 Mirandum visu belli scelus! arma trahuntur,
 Fumantesque rotae tellurem et tertius hastae
 Sulcus arant; longo sequitur vaga pulvere cervix, 550
 Et resupinarum patet orbita lata comarum.

At tuba luctificis pulsat clangoribus urbem,
 Obseptasque fores sonitu perfringit amaro.
 Divisere aditus, omnique in limine saevus
 Signifer ante omnes sua damna et gaudia portat. 555
 Dira intus facies, vix Mavors ipse videndo
 Gaudeat; incertis lymphatam horroribus urbem
 Scindunt dissensu vario luctusque furorque
 Et pavor et caecis fuga circumfusa tenebris.

Bellum intrasse putes: fervent discursibus arces, 560
 Miscentur clamore viae, ferrum undique et ignes
 Mente vident, saevas mente accipere catenas.
 Consumpsit ventura timor; iam tecta replerant
 Templaque, et ingratae vallantur planctibus arae.

Una omnes eademque subit formido per annos. 565
 Poscunt fata senes, ardet palletque iuventus,
 Atria femineis trepidant ululata querelis.

Flent pueri, et flendi nequeunt cognoscere causas
 Attoniti et tantum matrum lamenta timentes.
 Illas cogit amor, nec habent extrema pudorem. 570
 Ipsae tela viris, ipsae iram animosque ministrant,
 Hortanturque unaque ruunt, nec avita gementes
 Limina, nec parvos cessant ostendere natos.

Sic ubi pumiceo pastor rapturus ab antro
 Armatas erexit apes, fremit aspera nubes; 575
 Inque vicem sese stridore hortantur et omnes
 Hostis in ora volant, mox deficientibus alis
 Amplexae flavamque domum captivaeque plangunt
 Mella laboratasque premunt ad pectora ceras.

Nec non ancipitis pugnat sententia vulgi 580
 Discordesque serit motus; hi reddere fratrem
 Nec mussant, sed voce palam claroque tumultu
 Reddere regna iubent; periit reverentia regis
 Sollicitis: 'Veniat pactumque hic computet annum,
 Cadmeosque lares exul patriasque salutet 585
 Infelix tenebras; cur autem ego sanguine fraudes
 Et periura luam regalis crimina noxae?'

Inde alii: 'Sera ista fides, iam vincere mavult.'
 Tiresian alii lacrimis et supplice coetu
 Orant, quodque unum rebus solamen in arctis, 590
 Nosse futura rogant; tenet ille inclusa premitque
 Fata deum: 'Quiane ante duci bene credita nostra
 Consilia et monitus, quum perfida bella vetarem?
 Te tamen, infelix, inquit, perituraque Thebe,
 Si taceam, nequeo miser exaudire cadentem 595
 Argolicumque oculis haurire vacantibus ignem.
 Vincamur, pietas; pone eia altaria, virgo,

Quaeramus superos.' Facit illa, acieque sagaci
Sanguineos flammaram apices geminumque per aras
Ignem et clara tamen mediae fastigia lucis 600

Orta docet; tunc in speciem serpentis inanem
Ancipiti gyro volvi frangique rubore
Demonstrat dubio patriasque inluminat umbras.
Ille coronatos iamdudum amplexitur ignes,
Fatidicum sorbens vultu flagrante vaporem. 605

Stant tristes horrore comae, vittasque trementes
Caesaries insana levat: diducta putares
Lumina consumptumque genis rediisse nitorem.
Tandem exundanti permisit verba furori:

'Audite, o fontes, extrema litamina divum, 610
Labdacidae; venit alma salus, sed limite duro.

Martius inferias et saeva efflagitat anguis
Sacra, cadat generis quicumque novissimus extat
Viperei: datur hoc tantum victoria pacto.
Felix, qui tanta lucem mercede relinquet.' 615

Stabat fatidici prope saeva altaria vatis
Moestus, adhuc patriae tantum communia luegens
Fata, Creon, grandem subiti quum fulminis ictum,
Non secus ac torta traiectus cuspide pectus,
Accipit exanimis sentitque Menoecea posci. 620

Monstrat enim suadetque timor; stupet anxius alto
Corda metu glaciant pater, Trinacria qualis
Ora repercussum Libyco mare sumit ab aestu.

Mox plenum Phoebos vatem et celerare iubentem
Nunc humilis genua amplectens, nunc ora canentis 625
Nequicquam reticere rogat; iam fama sacram
Vocem amplexa volat, clamantque oracula Thebae.

Nunc, age, quis stimulos et pulchrae gaudia mortis
Addiderit iuveni — neque enim haec absentibus umquam
Mens homini transmissa deis, — memor incipe Clio, 630
Saecula te quoniam penes et digesta vetustas.

Diva Iovis solio iuxta comes, unde per orbem
Rara dari terrisque solet contingere virtus,
Seu pater omnipotens tribuit, sive ipsa capaces
Elegit penetrare viros, coelestibus ut nunc 635

Desiluit gavisâ plagis; dant clara meanti
 Astra locum, quosque ipsa polis affixerat ignes.
 Iamque premit terras, nec vultus ab aethere longe;
 Sed placuit mutare genas, sit provida Manto,
 Responsis ut plena fides, et fraude priores 640
 Exiit vultus; abiit horrorque vigorque.
 Ex oculis, paulum decoris permansit honosque
 Mollior, et posito vaturn gestamina ferro
 Subdita; descendunt vestes, torvisque ligatur
 Vitta comis, nam laurus erat, tamen aspera produnt 645
 Ora deam, nimique gradus. Sic Lydia coniux
 Amphitryoniaden exutum horrentia terga
 Perdere Sidonios humeris ridebat amictus,
 Et turbare colus et tympana rumpere dextra.

Sed neque te indecorem sacris dignumque iuberi 650
 Talia Dircaea stantem pro turre, Menoeceu,
 Invenit; immensae reserato limine portae
 Sternebas Danaos, pariter Mavortius Haemon.
 Sed consanguinei quamvis atque omnia fratres,
 Tu prior, exanimes circumcumulantur acervi. 655
 Omne sedet telum, nulli sine caedibus ictus.
 Necdum aderat virtus; non mens, non dextra quiescit,
 Non avida arma vacant, ipsa insanire videtur
 Sphinx galeae custos, visoque animata cruore
 Emicat effigies, et sparsa orichalca renident, 660
 Quum dea pugnantis capulum dextramque repressit:

‘Magnanime o iuvenis, quo non agnoverit ullum
 Certius armifero Cadmi de semine Mavors,
 Linque humiles pugnâs, non haec tibi debita virtus:
 Astra vocant, coeloque animam, plus concipe, mittes. 665
 Iam dudum hoc hâeres genitor bacchatur ad aras,
 Hoc ignes fibraeque volunt, hoc urget Apollo.
 Terrigenam cuncto patriae pro sanguine poscunt.
 Fama canit monitus; gaudet Cadmeia plebes
 Certa tui; rape mente deos, rape nobile fatum. 670
 I, precor, accelera, ne proximus occupet Haemon.’

Sic ait, et magna cunctantis pectora dextra
 Permulsit tacite seseque in corde reliquit.

Fulminis haud citius radiis afflata cupressus
 Combibit infestas et stirpe et vertice flammæ, 675
 Quam iuvenis multo possessus numine pectus
 Erexit sensus letique invasit amorem.
 Ut vero aversæ gressumque habitumque notavit,
 Et subitam a terris in nubila crescere Manto,
 Obstupuit. 'Sequimur, divum quaecumque vocasti, 680
 Nec tarde paremus,' ait; iamiamque recedens
 Instantem vallo Pylum tamen Agrea fixit.
 Armigeri fessum excipiunt; tum vulgus euntem
 Auctorem pacis servatoremque deumque
 Conclamat gaudens atque ignibus inplet honestis. 685
 Iamque iter ad muros cursu festinus anhelò
 Obtinet et miseros gaudet vitasse parentes,
 Cum genitor —; steteruntque ambo et vox hæsit utrimque,
 Deiectæque genæ; tandem pater ante profatur:
 'Quis novus inceptis rapuit te casus ab armis? 690
 Quæ bello graviora paras? dic, nate, precanti,
 Cur tibi torva acies, cur hic truculentus in ore
 Pallor, et ad patrios non stant tua lumina vultus?
 Audisti responsa, palam est; per ego oro tuosque,
 Nate, meosque annos miseraeque per ubera matris, 695
 Ne vati, ne crede, puer. Superine profanum
 Dignantur stimulare senem, cui vultus inanis
 Extinctique orbes et poena simillima diro
 Oedipodæ? quid si insidiis et fraude dolosa
 Rex agit, extrema est cui nostra in sorte timori 700
 Nobilitas tuaque ante duces notissima virtus?
 Illius hæc forsân remur, quæ verba deorum
 Ille monet; ne frena animo permitte calenti,
 Da spatium tenuemque moram, male cuncta ministrat
 Inpetus; hoc, oro, munus concede parenti. 705
 Sic tua maturis signentur tempora canis,
 Et sis ipse parens et ad hunc, animosæ, timorem
 Pervenias; ne perge meos orbare penates.
 Externi te nempe patres alienaque tangunt
 Pighora? si pudor est, primum miserere tuorum. 710
 Hæc pietas, hic verus honos, ibi gloria tantum

Ventosumque decus tituli in morte latentes.
 Nec timidus te flecto parens; i, proelia misce
 Per Danaas acies mediosque per obuius enses;
 Non teneo. Liceat misero tremebunda lavare 715
 Vulnera et undantem lacrimis siccare cruorem
 Teque iterum saevis iterumque remittere bellis.
 Hoc malunt Thebae.' Sic colla manusque tenebat
 Implicitus; sed nec lacrimae, nec verba movebant
 Dis votum iuvenem; quin et monstrantibus illis 720
 Fraude patrem tacita subito avertitque timorem:
 'Falleris heu verosque metus, pater optime, nescis.
 Non me ulli monitus, nec vatum exorsa furentum
 Sollicitant manesque movent; sibi callidus ista
 Tiresias nataeque canat; non si ipse reclusis 725
 Cominus ex adytis in me insaniret Apollo.
 Sed gravis unanimi casus me fratris ad urbem
 Sponte refert; gemit Inachia mihi saucius Haemon
 Cuspide; vix illum medio de pulvere belli
 Inter utrasque acies, iamiamque tenentibus Argis —. 730
 Sed moror; i, refove dubium turbaeque ferenti
 Dic, parcant leviterque vehant; ego vulnera doctum
 Iungere supremique fugam revocare cruoris
 Aechiona petam.' Sic imperfecta locutus
 Effugit; illi atra mersum caligine pectus 735
 Confudit sensus; pietas incerta vagatur
 Discordantque metus, impellunt credere Parcae.
 Turbidus interea ruptis venientia portis
 Agmina belligeri Capaneus agit aequore campi;
 Cornua nunc equitum, cuneos nunc ille pedestres 740
 Et proculcantes moderantur funera currus.
 Idem altas turres saxis et turbine crebro
 Laxat; agit turmas idem atque in sanguine fumat.
 Nunc spargit torquens volucris nova vulnera plumbo,
 Nunc iaculum excusso rotat in sublime lacerto, 745
 Nullaque tectorum subito ad fastigia, quae non
 Deferat hasta virum perfusaque caede recurrit.
 Nec iam aut Oeniden aut Hippomedonta peremptos,
 Aut vatem Pelopea phalanx aut Arcada credunt:

Quin socium coisse animas et corpore in uno 750
 Stare omnes; ita cuncta replet; non ullius aetas,
 Non cultus, non forma movet; pugnantibus idem
 Supplicibusque furit; non quisquam obsistere contra,
 Non belli temptare vices; procul arma furentis
 Terribilesque iubas et frontem cassidis horrent. 755

At pius electa murorum in parte Menoeceus
 Iam sacer adspectu solitoque angustior ore,
 Ceu subito in terras supero demissus ab axe,
 Constitit, exempta manifestus casside nosci,
 Despexitque acies hominum et clamore profundo 760
 Convertit campum iussitque silentia bello.

'Armorum superi, tuque o qui funere tanto
 Indulges mihi, Phoebe, mori, date gaudia Thebis,
 Quae pepigi et toto quae sanguine prodigus emi.
 Ferte retro bellum captaeque inpingite Lernae 765
 Reliquias turpes, confixaque terga foventes
 Inachus indecores pater aversetur alumnos.
 At Tyriis templa, arva, domos, conubia, natos
 Reddite morte mea; si vos placida hostia iuvi;
 Si non attonitis vatis consulta recepi 770
 Auribus et Thebis nondum credentibus hausi,
 Haec Amphioniis pro me persolvite terris
 Ac mihi deceptum, precor, exorate parentem.'

Sic ait, insignemque animam mucrone corusco
 Dedignantem artus pridem moestamque teneri 775
 Arripit, atque uno quaesitam vulnere rumpit.
 Sanguine tunc spargit turres et moenia lustrat,
 Seque super medias acies nondum ense remisso
 Iecit et in saevos cadere est conatus Achivos.
 Ast illum amplexae Pietas Virtusque ferebant 780
 Leniter ad terras corpus; nam spiritus olim
 Ante Iovem et summis apicem sibi poscit in astris.

Iamque intra muros nullo sudore receptam
 Gaudentes heroa ferunt; abscesserat ultro
 Tantalidum venerata cohors; subit agmine longo 785
 Colla inter juvenum, laetisque favoribus omni
 Concinitur vulgo Cadmum atque Amphiona supra

Conditor; hi sertis, hi veris honore solutos
 Accumulant artus patriaque in sede reponunt
 Corpus adoratum; repetunt mox bella peractis 790
 Laudibus; hic victa genitor lacrimabilis ira
 Congemit, et tandem matri data flere potestas:
 'Lustralemne feris ego te, puer inclite, Thebis
 Devotumque caput vilis ceu mater alebam?
 Quod molita nefas? cui tantum invisadeorum? 795
 Non ego monstri ferro coitu revoluta notavi
 Pignora, nec nato peperit funesta nepotes.
 Quid refert? habet ecce suos Iocasta, ducesque
 Regnantesque videt; nos saeva piacula bello
 Demus, ut alternis — placet hoc tibi, fulminis auctor, — 800
 Oedipodionii mutent diademata fratres.
 Quid superos hominesve queror? tu, saeve Menoecce,
 Tu miseram ante omnes properasti extinguere matrem.
 Unde hic mortis amor? quae sacra insania menti?
 Quosve ego conceptus, aut quae male pignora fudi 805
 Tam diversa mihi? nimirum Martius anguis,
 Quaeque novis proavum tellus effloruit armis.
 Hinc animi tristes nimiusque in pectore Mavors,
 Et de matre nihil; sponte en ultroque peremptus
 Inrumpis moestas fatis nolentibus umbras. 810
 Ast egomet Danaos Capaneaque tela verebar.
 Haec erat, haec metuenda manus ferrumque, quod amens
 Ipsa dedi; viden', ut iugulo consumpserit onsem?
 Altius haud quisquam Danaum mucrone subisset.'
 Diceret infelix etiamnum et cuncta repletet 815
 Questibus; abducunt comites famulaeque perosam
 Solantes thalamoque tenent; sedet eruta multo
 Ungue genas; non illa diem, non verba precantum
 Respicit, aut visus flectit tellure relictos,
 Iam vocis, iam mentis inops. Sic aspera tigris 820
 Foetibus abreptis Scythico deserta sub antro
 Accubat et tepidi lambit vestigia saxi;
 Nusquam irae, sedit rabies feritasque famesque
 Oris, eunt praeter secunda armenta gregesque.
 Adspicit illa iacens; ubi enim, quibus ubera pascat, 825

Aut quos ingenti premat expectata rapina?

Hactenus arma, tubae ferrumque et vulnera; sed nunc
Cominus astrigeros Capaneus tollendus in axes.
Non mihi iam solito vatium de more canendum,
Maior ab Aoniis sumenda audacia lucis. 830

Mecum omnes audete deae, sive ille profunda
Missus nocte furor, Capaneaue signa secutae
Arma Iovem contra Stygiae rapuere sorores,
Seu virtus egressa modum, seu gloria praeceps,
Seu magnae data fama neci, seu laeta malorum 835
Principia et blandae superum mortalibus irae.

Iam sordent terrena viro taedetque profundae
Caedis, et exhaustis olim Graiumque suisque
Missilibus lassa respexit in aethera dextra.
Ardua mox torvo metitur culmina visu, 840
Innumerosque gradus gemina latus arbore clusus
Aerium sibi portat iter, longeque timendus
Multifidam quercum flagranti lumine vibrat.
Arma rubent una clipeoque incenditur ignis.
'Hac, ait, in Thebas, hac me iubet ardua virtus 845
Ire, Menoeceo qua lubrica sanguine turris.
Experiar, quid sacra iuvent, an falsus Apollo.'

Dixit, et alterno captiva in moenia gressu
Surgit ovans, quales mediis in nubibus aether
Vidit Aloidas, quum cresceret in pia tellus 850
Despectura deos, nec adhuc inmane veniret
Pelion et trepidum iam tangeret Ossa Tonantem.

Tum vero attoniti fatorum in cardine summo,
Ceum suprema lues urbem facibusque cruentis
Aequatura solo turres Bellona subiret, 855
Omnibus e tectis certatim ingentia saxa
Roboraque et gravidas fundae balearis habenas, —
Nam iaculis coeloque vagis spes unde sagittis? —
Verum avidi et tormenta rotant et molibus urgent.
Ille nec ingestis nec terga sequentibus umquam 860
Detrahitur telis, vacuoque sub aere pendens
Plana velut terra certus vestigia figat,
Tendit et ingenti subito occurrente ruina.

Amnis ut incumbens longaeui robora pontis
 Assiduus oppugnat aquis, iam saxa fatiscunt 865
 Emotaeque trabes; tanto violentior ille,
 Saevit enim maiore salo, quassatque trahitque
 Molem aegram, nexus donec celer alveus omnes
 Abscidit, et cursu victor respirat aperto.

Utque petita diu celsus fastigia supra 870
 Eminuit trepidamque assurgens desuper urbem
 Vidit et ingenti Thebas exterruit umbra,
 Increpat attonitos: 'Humilesne Amphionis arces,
 Pro pudor! hi faciles carmenque inbelle secuti,
 Et mentita diu Thebarum fabula, muri? 875
 Et quidnam egregium prosternere moenia molli
 Structa lyra?' Simul insultans gressuque manuque
 Molibus obstantes cuneos tabulataque saevus
 Destruit; absiliunt pontes, tectique trementis
 Saxea frena labant, disseptoque aggere rursus 880
 Utitur et truncas rupes in templa domosque
 Praecipitat frangitque suis iam moenibus urbem.

Iamque Iovem circa studiis diversa fremebant
 Argolici Tyriique dei; pater aequus utrisque
 Adspicit ingentes ardentum cominus iras 885
 Seque obstare videt; gemit inservante noverca
 Liber et obliquo respectans lumine patrem:
 'Nunc ubi saeva manus meaque heu cunabula flammae,
 Fulmen, io ubi fulmen?' ait. Gemit auctor Apollo,
 Quas dedit ipse, domos; Lernam Thebasque rependit 890
 Moestus et intento dubitat Tirynthius arcu.
 Maternos plangit volucer Danaeius Argos.
 Flet Venus Harmoniae populos, metuensque mariti
 Stat procul et tacita Gradivum respicit ira.
 Increpat Aonios audax Tritonia divos. 895
 Iunonem tacitam furibunda silentia torquent.

Non tamen haec turbant pacem Iovis; ecce quierant
 Iurgia, quum mediis Capaneus auditus in astris.
 'Nullane pro trepidis, clamabat, numina Thebis
 Statis? ubi infandae segnes telluris alumni, 900
 Bacchus et Alcides? piget instigare minores.

Tu potius venias, quis enim concurrere nobis
 Dignior? en cineres Semeleaque busta tenentur.
 Nunc age, nunc totis in me connitere flammis
 Iuppiter! an pavidas tonitru turbare puellas 905
 Fortior et soceri thalamos excindere Cadmi?"

Ingemuit dictis superum dolor; ipse furentem
 Risit, et incussa sanctorum mole comarum,
 'Quaenam spes hominum tumidae post proelia Phlegrae?
 Tune etiam feriendus?' ait; premit undique lentum 910
 Turba deum fremdens et tela ultricia poscit.
 Nec iam audet fatis turbata obsistere coniux.

Ipsa dato nondum coelestis regia signo
 Sponte tonat, coeunt ipsae sine flamine nubes
 Accurruntque imbres. Stygias rupisse catenas 915
 Iapetum, aut victam supera ad convexa levare
 Inarimen Aetnae putes; pudet ista timere
 Coelicolas; sed quum in media vertigine mundi
 Stare virum insanasque vident deposcere pugnas,
 Mirantur taciti et dubio pro fulmine pendent. 920

Cooperat Ogygiae supra fastigia turris
 Arcanum mugire polus coelumque tenebris
 Auferr; tenet ille tamen, quas non videt, arces;
 Fulguraque attritis quotiens micuere procellis,
 'His, ait, in Thebas, his iam decet ignibus uti, 925
 Hinc renovare facem lassamque accendere quercum.'

Talia dicentem toto Iove fulmen adactum
 Corripuit; primae fugere in nubila cristae,
 Et clipei niger umbo cadit, iamque omnia lucent
 Membra viri; cedunt acies et terror utrimque, 930
 Quo ruat, ardenti feriat quas corpore turmas.
 [Intra se stridere facem galeamque comasque
 Quaerit, et urentem thoraca repellere dextra
 Conatus ferri cinerem sub pectore tractat.]
 Stat tamen extremumque in sidera versus anhelat, 935
 Pectoraque invisibilibus obicit fumantia muris,
 Ne caderet; sed membra virum terrena relinquunt,
 Exiitque animus; paulum si tardius artus
 Cessissent, potuit fulmen meruisse secundum.

P. PAPINI STATII
THEBAIDOS
LIBER XL.

Postquam magnanimus furias virtutis iniquae
Consumpsit Capaneus, expiravitque receptum
Fulmen, et ad terras longe comitata cadentem
Signavit muros ultricis semita flammae;
Componit dextra victor concussa plagarum
Iuppiter et vultu coelumque diemque reducit.
Gratantur superi, Phlegrae ceu fessus anhelet
Proelia et Encelado fumantem inpresserit Aetnam.
Ille iacet lacerae complexus fragmina turris,
Torvus adhuc visu, memorandaque facta relinquens
Gentibus atque ipsi non inlaudata Tonanti.

Quantus Apollineae temerator matris Averno
Tenditur; ipsae horrent, si quando pectore ab alto
Emergunt volucres immensaue membra iacentis
Spectant, dum miserae crescunt in pabula fibrae:
Sic gravat iniectus terras hostiliaque urit
Arva et anhelantem coelesti sulfure campum.
Respirant Thebae, templisque iacentia surgunt
Agmina; iam finis votis finisque supremis
Planctibus, et natos ausae deponere matres.

At vaga palantes campo fuga volvit Achivos.
Nec iam hostiles turmae, aut ferrum mortale timetur:
Omnibus ante oculos irae Iovis, omnibus ardent
Arma metu galeaeque tonant, visusque paventes
Ipse sequi et profugis opponere Iuppiter ignes.
Instat Agenoreus miles coelique tumultu

Utitur; indomitos ut quum Massyla per arva
 Armenti reges magno leo fregit hiatu
 Et contentus abit; rauci tunc cominus ursi,
 Tunc avidi venere lupi rabieque remissa 30
 Lambunt degeneres alienae vulnera praedae.

Hinc premit Eurymedon, cui rusticus horror in armis,
 Rustica tela manu patriumque agitare tumultum.
 Pan illi genitor; tener hinc conatibus annos
 Egreditur iuvenemque patrem puer aequat Alatreus. 35
 Felices ambo, sed fortunatior ille,
 Quem genuisse iuvat; nec iam dignoscere promptum,
 Quae magis arma sonent, quo plus eat hasta lacerto.
 Arctatur denso fugientum examine vallum.

Quas volvis, Gradive, vices? modo moenia Cadmi 40
 Scandebant, sua nunc defendunt tecta Pelasgi.
 Ceu redeunt nubes, ceu circumflantibus Austris
 Alternus procumbit ager, cen gurgite cano
 Nunc reteggit bibulas, nunc obruit aestus arenas.

Procumbit late pubes Tirynthia alumni 45
 Exuvias imitata dei; trux moeret ab astris
 Amphitryoniades Nemeaea in sanguine terga,
 Et similes ramos similesque videre pharetras.
 Stabat in Argolicae ferrato margine turris
 Egregius lituo dextri Mavortis Enipeus 50
 Hortator; sed tunc miseris dabat utile signum
 Suadebatque fugam et tutos in castra receptus,
 Quum subitum obliquo descendit ab aere vulnus
 Urgentisque sonum laeva manus aure retenta est,
 Sicut erat; fugit in vacuas iam spiritus auras, 55
 Iam gelida ora tacent, carmen tuba sola peregit.

Iamque potens scelerum geminaeque exercita gentis
 Sanguine Tisiphone fraterna cludere quaerit
 Bella tuba; nec se tanta in certamina retur
 Sufficere, inferna comitem ni sede Megaeram 60
 Et consanguineos in proelia suscitet angues.
 Ergo procul vacua consedit valle solumque
 Ense fodit Stygio, terraeque immurmurat absens
 Nomen, et Elysiis signum indubitabile regna,

Crinalem attollit longo stridore cerasten. 65
 Caeruleae dux ille comae, quo protinus omnis
 Horruit audito tellus pontusque polusque,
 Et pater Aetnaeos iterum prospexit ad ignes.
 Accipit illa sonum; stabat tunc forte parenti
 Proxima, dum coetu Capaneus laudatur ab omni 70
 Ditis et insignem Stygiis foveat amnibus umbram.
 Protinus abrupta terrarum mole sub astris
 Constitit, exultant Manes, quantumque profundae
 Rarescunt tenebrae, tantum de luce recessit.
 Excipit atra soror dextraeque innexa profatur: 75
 'Hac germana tenus Stygii metuenda parentis
 Imperia et iussos potui tolerare furores,
 Sola super terras hostilique obvia mundo,
 Dum vos elysium et faciles compescitis umbras.
 Nec pretium deforme morae cassique labores. 80
 Hoc quodcumque madent campi, quod sanguine fumant
 Stagna, quod innumero Lethaea examine gaudet
 Ripa, meae vires, mea laeta insignia. Sed quid
 Haec ego? Mars habeat, vulgataque iactet Enyo.
 Vidistis — Stygiis certe manifestus in umbris — 85
 Sanguine foedatum rictus atroque madentem
 Ora ducem tabo; miserum insatiabilis edit
 Me tradente caput; modo nempe horrendus ab astris
 Descendit vos usque fragor; mea sacra premebat
 Tempestas, ego mixta viri furialibus armis 90
 Bella deum, et magnas ridebam fulminis iras.
 Sed iam — effabor enim — longo sudore fatiscunt
 Corda, soror, tardaeque manus; hebet infera coelo
 Taxus, et insuetos angues nimia astra soporant.
 Tu, cui totus adhuc furor exultantque recentes 95
 Cocyti de fonte comae, da iungere vires.
 Non solitas acies nec Martia bella paramus,
 Sed fratrum, licet alma fides pietasque repugnent,
 Vincentur, — fratrum stringendi cominus enses.
 Grande opus; ipsae odiis, ipsae discordibus armis 100
 Aptemur. Quid lenta venis? agedum elige, cuius
 Signa feras; ambo faciles nostrique; sed anceps

Vulgus, et affatus matris blandamque precatu
 Antigenon timeo, paulum ne nostra retardet
 Consilia; ipse etiam, qui nos lassare precando 105
 Suetus et ultrices oculorum exposcere diras,
 Iam pater est; coetu fertur iam solus ab omni
 Flere sibi, atque adeo moror ipsa inrumpere Thebas
 Assuetumque larem; tibi pareat inpius exul,
 Argolicumque impelle nefas; neu mitis Adrastus 110
 Praeualeat plebesque, cave, Lernaea moretur.
 Vade, et in alternas inimica revertere pugnas.'

Talia partitae diversum abiere sorores.
 Ut Notus et Boreas gemino de cardine mundi,
 Hic nive Rhipaea, Libycis hic pastus arenis 115
 Bella cient; clamant amnes, freta, nubila, silvae,
 Iamque patent strages; plangunt sua damna coloni,
 Et tamen oppressos miserantur in aequore nautas.
 Illas ut summo vidit pater altus Olympo
 Incestare diem, trepidumque Hyperionis orbem 120
 Suffundi maculis, torvo sic inchoat ore:

'Vidimus armiferos, quo fas erat usque, furores,
 Coelicolae, licitasque acies, etsi in pia bella
 Unus init, aususque mea procumbere dextra.
 Nunc par infandum miserisque incognita terris 125
 Pugna subest; auferte oculos; absentibus ausint
 Ista deis, lateantque Iovem; sat funera mensae
 Tantaleae, et fontes vidisse Lycaonis aras
 Et festina polo ducentes astra Mycenae.
 Nunc etiam turbanda dies; mala nubila tellus 130
 Accipe, secedantque poli; stat parcere mundo
 Coelitisque meis; saltem ne virginis almae
 Sidera, Ledaevi videant neu talia fratres.'
 Sic pater omnipotens, visusque nocentibus arvis
 Abstulit, et dulci terrae caruere sereno. 135

Iamque per Argolicas Erebo sata virgo cohortes
 Vestigat Polynicis iter portisque sub ipsis
 Invenit, incertum leto tot iniqua fugane
 Exeat, et dubios turbabant omina sensus.
 Viderat, obscura vallum dum nocte pererrat 140

Aeger consilii curisque novissima volvens,
Coniugis Argiae lacera cum lampade moestam
Effigiem; — sunt monstra deum, sic ire parabat,
Has latura viro taedas erat, — ergo roganti,
Quae via quisve dolor, cur moesta insignia, tantum 14
Fleverat, atque manu timidos averterat ignes.
Scit mentem vidisse nefas; etenim unde Mycenis
Adforet et vallum coniux inopina subiret?
Sed fati monitus vicinaque funera sentit,
Ac sentire timet; quum vero Acherontis operti 15
Diva ter admoto tetigit thoraca flagello,
Ardet inops animi, nec tam considerare regno,
Quam scelus, et caedem et perfossi in sanguine fratris
Expirare cupit, subitusque affatur Adrastum:
‘Sera quidem extremus socium gentisque superstes 16
Argolicae consulta, pater, iam rebus in arctis
Aggredior; tunc tempus erat, quum sanguis Achivum
Integer, ire ultro primamque capessere pugnam,
Non plebis Danaae florem regumque verendas
Obiectare animas, ut lamentabile tantis 160
Urbibus induerem capiti decus; aspera quando
Praecepit virtus; nunc saltem exsolvere fas sit,
Quae merui; scis namque, socer, licet alta recondas
Vulnera et afflictum generi vereare pudorem;
Ille ego sum, qui te pacem et pia iura regentem 165
Infelix — utinamque aliis datus urbibus hospes —!
Extorrem patria regnoque —; sed exige tandem
Supplicium; fratrem suprema in bella — quid horres?
Decretum est fixumque — voco; desiste morari,
Nec poteris. Non si atra parens miseraeque sorores 170
In media arma cadant, non si ipse ad bella ruenti
Obstet et extinctos galeae pater ingerat orbes,
Deficiam. Anne hibam superest quodcumque cruoris
Inachii? et vestris etiamnum mortibus utar?
Vidi egomet propter ruptos telluris hiatus, 175
Nec subii; vidi exanimum fecique nocentem
Tydea; me Tegee regem indefessa reposcit,
Orbaque Parrhasiis ululat mihi mater in antris.

- Ipse nec Ismeni ripas, dum stagna cruentat
 Hippomedon, Tyrias potui nec scandere turres, 180
 Dum tonat, et tecum, Capaneu, miscere furores?
 Quis tantus pro luce timor? sed digna rependam.
 Conveniant ubicumque nurus matresque Pelasgae
 Longaevique patres, quorum tot gaudia carpsi
 Orbavique domos; fratri concurro, quid ultra est? 185
 Spectent et votis victorem Eteoclea poscant.
 Iamque vale, coniux, dulcesque valete Mycenae.
 At tu, care socer, — nec enim omnis culpa malorum
 Me penes, et superi mecum Parcaeque nocentes —
 Sis lenis cineri, meque haec post proelia raptum 190
 Alitibus fratrique tegas urnaque reportes.
 Hoc tantum, et natae melius conubia iungas.
 Ibant in lacrimas, veluti quum vere reverso
 Bistoniae tepuere nives, submittitur ingens
 Haemus, et angustos Rhodope descendit in amnes. 195
 Cooperat et leni senior mulcere furentem
 Alloquio; scidit orsa novo terrore cruenta
 Eumenis, alipedemque citum fataliaque arma,
 Protinus Inachii vultus expressa Perinthis
 Obtulit ac fidas exclusit casside voces. 200
 Ac super haec: 'Abrumpe moras: celeremus, et illum
 Adventare ferunt portis.' Sic omnia vicit
 Correptumque iniecit equo; volat aequore aperto
 Pallidus instantemque deae circumspicit umbram.
 Sacra Iovi merito Tyrius pro fulmine ductor 205
 Nequicquam Danaos ratus exarmasse ferebat.
 Nec pater aetherius divumque has ullus ad aras,
 Sed mala Tisiphone trepidis inserta ministris
 Adstat et inferno praevertit vota Tonanti.
 Summe deum, tibi namque meae primordia Thebae, 210
 Liveat infandum licet Argos et aspera Iuno,
 Debent, Sidonios ex quo per litora raptor
 Turbasti thyasos, dignatus virgine nostra
 Terga premi et placidas falsum mugire per undas!
 Nec te vana fides, iterum Cadmeia adeptum 215
 Conubia, et Tyrios nimium inrupisse penates.

Tandem, inquam, soceros dilectaque moenia gratus
 Respicis assertorque tonas; ceu regia coeli
 Attentata tui, sic te pro turribus altis
 Vidimus urgentem nubes, laetique benignum
 Fulmen et auditos proavis agnovimus ignes.
 Accipe nunc pecudes et magni turis acervos
 Votivumque marem; dignas sed pendere grates
 Haud mortale opus est; certent tibi reddere Bacchus
 Noster et Alcides, illis haec moenia serva.' 1

Dixerat: ast illi niger ignis in ora genasque
 Prosiluit, raptumque comis diadema cremavit.
 Tunc ferus ante ictum spumis delubra cruentat
 Taurus, et obstantum mediis e coetibus exit
 Turbidus insano feriens altaria cornu. 1
 Diffugiunt famuli, et regem solatur haruspex.
 Ipse instaurari sacrum male fortis agique
 Imperat, et magnos ficto premit ore timores.
 Qualis ubi implicitum Tirynthius ossibus ignem
 Sensit et Oetaeas membris accedere vestes, 2
 Vota incepta tamen libataque tura ferebat
 Durus adhuc patiensque mali, mox grande coactus
 Ingemuit, victorque furit per viscera Nessus.
 Nuntius axanimi suspensus pectora cursu
 Aepytus ad regem portae statione relictas 3
 Tendit, et haec trepido vix intellectus anhelat:

'Rumpe pios cultus intempestivaque, rector,
 Sacra deum; frater muris circum omnibus instat
 Portarumque moras frenis assultat et hastis
 Nomine te crebro, te solum in proelia poscens.' 4
 Flent moesti retro comites, et uterque loquenti
 Adgemit, et pulsus exercitus obstrepit armis.
 Ille vocat: 'Nunc tempus erat, sator optime divum?
 Quid meruit Capaneus?' Turbatus inhorruit altis
 Rex odiis, mediaque tamen gavisus in ira est. 5

Sic ubi regnator post exulis otia tauri
 Mugitum hostilem summa tulit aure iuvenus
 Agnovitque minas, magna stat fervidus ira
 Ante gregem spumisque animos ardentibus effert,

Nunc pede torvus humum, nunc cornibus aera findens; 255
Horret ager, trepidaeque expectant proelia valles.

Nec desunt regi comites: 'Sine, moenia pulset
Inritus; ille autem fractis huc audeat usque
Viribus? hic miseris furor est instare periclo,
Nec librare metus et tuta odisse; resiste 260

Hoc fretus solio, nos propulsabimus hostem.
Hos bellare iube.' Sic proxima turba, sed ardens
Ecce aderat luctu dicturusque omnia belli
Libertate Creon; urit fera corda Menoeceas;
Nulla patri requies, illum quaeritque tenetque. 265
Illum sanguineos proflantem pectore rivos
Adspicit et saeva semper de turre cadentem.

Ut dubium et pugnās cunctantem Eteoclea vidit:

'Ibis, ait, neque te ulterius, fratrumque ducumque
Pessime, funeribus patriae lacrimisque potitum, 270
Eumenidum bellique reum patiemur inulti.

Sat tua non aequis luimus periuria divis.
Urbem armis opibusque gravem et modo civibus arctam,
Ceū coelo demissa lues inimicave tellus
Hausisti, vacuumque tamen sublimis obumbras? 275

Deest servitio plebes; hos ignis egentes
Fert humus, hos pelago patrius iam detulit amnis.

Hi quaerunt artus, illi ardua vulnera curant.
Redde agedum miseris fratres natosque patresque,
Redde arvis domibusque viros. Ubi maximus Hypseus 280
Finitimusque Dryas? ubi Phocidos arma sonorae

Euboicique duces? Illos tamen aequa duelli
Sors tulit ad Manes: at tu, pudet! hostia regni,
Hostia, nate, iaces ceū mutus et e grege sanguis.
Hei mihi primitiis armorum et rite nefasto 285

Libatus iussusque mori, et cunctabitur ultra
Iste? nec adverso nunc saltem Marte vocatus
Stabit? an in pugnās alium iubet ire profanus
Tiresias? iterumque meos oracula nectit
In gemitus? quid enim misero super unicus Haemon? 290
Ille iube subeat, tuque hinc spectator ab alta
Turre sede; quid saeva fremis, famulamque cohortem

Respectas? hi te ire volunt, hi pendere poenas;
 Ipsa etiam genetrix ipsaeque odere sorores.
 In te ardens frater ferrum mortemque minatur, 25
 Saevaeque portarum convellit claustra, nec audis?'

Sic pater infrendens, miseraque exaestuat ira.
 Ille sub haec: 'Non fallis, ait, nec te inclita nati
 Fata movent, canere illa patrem et iactare decebat.
 Sed spes sub lacrimis, spes atque occulta cupido 30
 His latet; insano praetendis funera voto,
 Meque premis frustra vacuae ceu proximus aulae.
 Non ita Sidoniam fortuna reliquerit urbem,
 In te ut sceptrum cadant, tanto indignissime nato.
 Nec mihi difficilis praesens vindicta; sed arma, 35
 Arma prius famuli: coeant in proelia fratres.
 Vult gemitus lenire Creon; lucrare furorem,
 Victori mihi cuncta lues.' Sic iurgia paulum
 Distulit, atque ensem, quem iam dabat ira, repressit.
 Ictus ut incerto pastoris vulnere serpens 310
 Erigitur gyro longumque e corpore toto
 Virus in ora legit; paulum si devius hostis
 Torsit iter, cecidere minae tumefactaque frustra
 Colla sedent, irasque sui bibit ipse veneni.

At genetrix primam funestae sortis ut amens 315
 Expavit famam, nec tarde credidit, ibat
 Scissa comas vultuque et pectore nuda cruento,
 Non sexus decorisve memor. Pentheia qualis }
 Mater ad insani scandeat culmina montis }
 Promissum saevo caput allatura Lyaeo. 320
 Non comites, non ferre ipsae vestigia natae
 Aequa valent: tantum miserae dolor ultimus addit
 Robur, et exangues crudescunt luctibus anni.
 Iamque decus galeae, iam spicula saeva ligabat
 Ductor et ad lituos hilarem trepidumque tubarum 325
 Prospiciebat equum, subito quum apparuit ingens
 Mater, et ipse metu famulumque expalluit omnis
 Coetus, et oblatam retro dedit armiger hastam.
 Quis furor? unde iterum regni integrata resurgit
 Eumenis? ipsi etiam post omnia, cominus ipsi 330

Stabitis? usque adeo geminas duxisse cohortes
 Et facinus mandasse parum est? quo deinde redibit
 Victor? in hosne sinus? o diri coniugis olim
 Felices tenebrae! datis, improba lumina, poenas.
 Haec spectanda dies? quo, saeve, minantia flectis 335
 Ora? quid alternos vultus pallorque ruborque
 Mutat? et obnixa frangunt mala murmura dentes?
 Me miseram, vinctes! prius haec tamen arma necesse est
 Experiare domi; stabo ipsa in limine portae
 Auspicium infelix scelerumque inmanis imago. 340
 Haec tibi canities, haec sunt calcanda, nefande,
 Ubera, perque uterum sonipes hic matris agendus.
 Parce, quid oppositam capulo parmaque repellis?
 Non ego te contra Stygiis feralia sanxi
 Vota deis, caeco nec Erinyas ore rogavi. 345
 Exaudi miseram; genetrix te, saeve, precatur,
 Non pater; adde moram sceleri et metire, quod audes.
 Sed pulsat muros germanus, et inopia contra
 Bella ciet? non mater enim, non obstat eunti
 Ulla soror; te cuncta rogant, hic plangimus omnes. 350
 Ast ibi vix unus pugnas dissuadet Adrastus
 Aut fortasse iubet; tu limina avita deosque
 Linquis et a nostris in fratrem amplexibus exis?
 At parte ex alia tacitos obstante tumultu
 Antigone furata gradus, nec casta retardat 355
 Virginitas, volat Ogygii fastigia muri
 Exsuperare furens; senior comes haeret eunti
 Actor, et hic summas non duraturus ad arces.
 Utque procul visis paulum dubitavit in armis
 Agnovitque, nefas! iaculis et voce superba 360
 Tecta incessentem, magno prius omnia planctu
 Inplet et e muris ceu descensura profatur:
 'Comprime tela manu paulumque hanc respice turrim,
 Frater, et horrentes refer in mea lumina cristas.
 Agnoscisne hostes? sic annua pacta fidemque 365
 Poscimus? hi questus, haec est bona causa modesti
 Exulis? Argolicos per te, germane, penates,
 Nam Tyriis iam nullus honos, per si quid in illa

Dulce domo, submitte animos; en utraque gentis
Turba rogant ambaeque acies; rogat illa suorum 30
Antigone devota malis suspectaque regi,
Et tantum tua, dure, soror; saltem ora trucesque
Solve genas; liceat vultus fortasse supremum
Noscere dilectos et ad haec lamenta videre,
Anne fleas; illum gemitu iam supplice mater 35
Frangit et exertum dimittere dicitur ensem.
Tu mihi fortis adhuc? mihi, quae tua nocte dieque
Exilia erroresque fleo? iam iamque tumentem
Placavi tibi, saeve, patrem. Quid crimine solvis
Germanum? nempe ille fidem et stata foedera rupit, 39
Ille nocens saevusque suis; tamen ecce vocatus
Non venit? His paulum furor elanguescere dictis
Coeperat, obstreperet quamquam atque obstaret Eriny.
Iam submissa manus, lente iam flectit habenas,
Iam tacet; erumpunt gemitus, lacrimasque fatetur 36
Cassis; hebet irae; pariterque et abire nocentem
Et venisse pudet, subito quum matre repulsa
Eumenis eiecit fractis Eteoclea portis
Clamantem: 'Venio solumque, quod ante vocasti,
Invideo; ne incesse moras, gravis arma tenebat 39
Mater; io patria, o regum incertissima tellus,
Nunc certe victoris eris.' Nec mitior ille:
'Tandem, inquit, scis, saeve, fidem et descendis in aequum!
O mihi nunc primum longo post tempore frater,
Congredere: hae leges, haec foedera sola supersunt.' 38
Sic hostile tuens fratrem; namque uritur alto
Corde, quod innumeri comites, quod regia cassis
Instratusque ostro sonipes, quod fulta metallo
Parma micet, quamquam haud armis inhonorus et ipse,
Nec palla vulgare nitens; opus ipsa novarat 40
Moeoniis Argia modis, et pollice docto
Stamina purpureae sociaverat aurea telae.
Iamque in pulvereum Furiis hortantibus aequor
Prosiliunt, sua quemque comes stimulatque regitque.
Frena tenent ipsae, phalerasque et lucida comunt 46
Arma manu mixtisque iubas serpentibus augent.

Stat consanguineum campo scelus, unius ingens
 Bellum uteri coeuntque pares sub casside vultus.
 Signa tacent, siluere tubae stupefactaque Martis
 Cornua; ter nigris avidus regnator ab oris 410
 Intonuit, terque ima soli concussit, et ipsi
 Armorum fugere dei; nusquam inclita virtus,
 Restinxit Bellona faces, longeque paventes
 Mars rapuit currus, et Gorgone cruda virago
 Abstitit, inque vicem Stygiae rubuere sorores. 415
 Prominet excelsis vulgus miserabile tectis,
 Cuncta madent lacrimis, et ab omni plangitur arce.
 Hinc questi vixisse senes, hinc pectore nudo
 Stant matres parvosque vetant attendere natos.
 Ipse quoque Ogygios monstra ad gentilia manes 420
 Tartareus rector porta iubet ire reclusa.
 Montibus insidunt patriis tristisque corona
 Infecere diem et vinci sua crimina gaudent.
 Illos ut stimulis ire in discrimen apertis
 Audiit et sceleri nullum iam obstare pudorem, 425
 Advolat, et medias inmittit Adrastus habenas.
 Ipse quidem regnis multum et venerabilis aevo,
 Sed quid apud tales, quis nec sua pignora curae,
 Exter honos? Tamen ille rogat: 'Spectabimus ergo,
 Inachidae Tyriique nefas? ubi iura deque? 430
 Bella ubi? ne perstate animis. Te deprecor, hostis,
 Quamquam, haec ira sinat, nec tu mihi sanguine longe;
 Te, gener, et iubeo; sceptri si tanta cupido est,
 Exuo regales habitus, i Lernan et Argos
 Solus habe.' Non verba magis suadentia frangunt 435
 Accensos, sumptisque semel conatibus obstant,
 Quam Scythia curvatis erectus fluctibus umquam
 Pontus Cyaneos vetuit concurrere montes.
 Ut periisse preces geminosque ad proelia fusos
 Pulvere cornipedes explorarique furentum 440
 In digitis amenta videt, fugit omnia linquens
 Castra, viros, generum, Thebas, ac fata monentem
 Conversumque iugo propellit Ariona; qualis
 Demissus curru laevae post praemia sortis

Umbrarum custos mundique novissimus heres . 445
 Palluit, amisso veniens in tartara coelo.

Non tamen indulsit pugnae, cunctataque primo
 Substitit in scelere et paulum fortuna morata est.
 Bis cassae periere viae, bis cominus actos
 Avertit bonus error equos, puraeque nefandi 450
 Sanguinis obliquis ceciderunt ictibus hastae.
 Tendunt frena manu et saevis calcaribus urgent
 Inmeritos; movet et geminas miserabile divum
 Prodigium turmas, alternaque murmura volvunt
 Mussantes, iterare aciem, procurrare saepe 455
 Inpetus et totum miseris opponere bellum.

Iamdudum terris coetuque offensa deorum
 Aversa coeli Pietas in parte sedebat,
 Non habitu, quo nota prius, non ore sereno,
 Sed vittis exuta comam, fraternaue bella, 460
 Ceu soror infelix pugnantum aut anxia mater,
 Deflebat, saevumque Iovem Parcasque nocentes
 Vociferans, seseque polis et luce relictā
 Descensuram Erebo et Stygios iam malle penates.
 'Quid me, ait, ut saevis animantum ac saepe deorum 465
 Obstaturam animis, princeps natura, creabas?
 Nil iam ego per populos, nusquam reverentia nostri.
 O furor, o homines diraeque Prometheos artes!
 Quam bene post Pyrrham tellus pontusque vacabant!
 En mortale genus!' Dixit, speculataque tempus 470
 'Auxilium temptemus, ait, licet inrita coner,'
 Desiluitque polo, niveus sub nubibus altis
 Quamquam moesta deae sequitur vestigia limes.
 Vix steterat campo, subita mansuescere pace
 Agmina sentirique nefas; tunc ora madescunt 475
 Pectoraque et tacitus subrepsit fratribus horror.
 Arma etiam simulata gerens cultusque viriles,
 Nunc his, nunc illis 'Agite, ite, obsistite, clamat,
 Quis nati fratresque domi, quis pignora tanta.
 His quoque nonne palam est ultro miserescere divos? 480
 Tela cadunt, cunctantur equi, fors ipsa repugnat.'

Nonnihil inpulerat dubios, ni torva notasset

Tisiphone fraudes coelestique ocior igne
 Adforet increpitans: 'Quid belli obverteris ausis,
 Numen iners pacique datum? cede, improba; noster 485
 Hic campus nosterque dies; nunc sera nocentes
 Defendis Thebas; ubi tunc, quum bella cieret
 Bacchus et armatas furiarent orgia matres?
 Aut ubi segnis eras, dum Martius inopia serpens
 Stagna bibit, dum Cadmus arat, dum victa cadit Sphinx, 490
 Dum rogat Oedipoden genitor, dum lampade nostra
 In thalamos Iocasta venit?' Sic urget, et ultro
 Vitantem adspectus etiam pudibundaque longe
 Ora reducentem premit adstridentibus hydrys
 Intemptatque faces; delectam in lumina pallam 495
 Diva trahit magnoque fugit questura Tonanti.
 Tunc vero accensae stimulis maioribus irae.
 Arma placent versaеque volunt spectare cohortes.
 Instaurant crudele nefas; rex inpius aptat
 Tela et funestae casum prior occupat hastae. 500
 Illa viam medium clipei conata per orbem
 Non perfert ictus atque alto vincitur auro.
 Tunc exul subit et clare funesta precatur:
 'Di, quos effosso non inritus ore rogavit
 Oedipodes, firmate nefas, non improba posco 505
 Vota: piabo manus et eodem pectora ferro
 Rescindam, dum me moriens hic sceptrā tenentem
 Linquat et hunc secum portet minor umbra dolorem.'
 Hasta subit velox equitis femur inter equique
 Ilia, letum utrique volens; sed plaga seditis 510
 Laxato vitata genu, tamen inrita voti
 Cuspis in obliquis invenit vulnera costis.
 It praecipit sonipes strictae contemptor habenae
 Arvaeque sanguineo scribit rutilantia gyro.
 Exultat fratris credens hunc esse cruorem. 515
 Credit et ipse metu; totis iamque exul habenis
 Indulget, caecusque avidos inlidit in aegrum
 Cornipedem cursus; miscentur frena manusque
 Telaque, et ad terram turbatis gressibus ambo
 Praecipitant. Ut nocte rates, quas nubilus Auster 520

Implicuit, frangunt tonsas mutantque rudentes,
 Luctataeque diu tenebris hiemique sibique,
 Sicut erant, imo pariter sedere profundo.

Haec pugnae facies: coeunt sine more, sine arte,
 Tantum animis iraque, atque ignescentia cernunt 51
 Per galeas odia et vultus rimantur acerbo
 Lumine; nil adeo mediae telluris, et enses
 Impliciti nexaeque manus alternaque saevi
 Murmura, ceu lituos rapiunt aut signa tubarum.
 Fulmineos veluti praeceps quum cominus egit 52
 Ira sues strictisque erexit pectora setis;
 Igne tremunt oculi, lunataque dentibus uncis
 Ora sonant; spectat pugnas de rupe propinqua
 Venator pallens canibusque silentia suadet.
 Sic avidi incurrunt; necdum letalia miscent 53
 Vulnera, sed coeptus sanguis facinusque peractum.
 Nec iam opus est furiis; tantum mirantur et adstant
 Laudantes, hominumque dolent plus posse furores.
 Fratris uterque furens cupit affectatque cruorem,
 Et nescit manare suum; tandem inruit exul, 54
 Hortatusque manum, cui fortior ira nefasque
 Iustius, alte ensem germani in corpore pressit,
 Qua male iam plumis imus tegit inguina thorax.
 Ille dolens nondum, sed ferri frigore primo
 Territus in clipeum turbatos colligit artus, 54
 Mox intellecto magis ac magis aeger anhelat
 Vulnere, nec parcit cedenti atque increpat hostis:
 ‘Quo retrahis, germane, gradus? o languida somno
 Et regnis effoeta quies longaue sub umbra
 Imperia! exilio rebusque exercita egenis 55
 Membra vides; disce arma pati nec fidere laetis.’

Sic pugnant miseri; restabat lassa nefando
 Vita duci summusque cruor, poterantque parumper
 Stare gradus; sed sponte ruit fraudemque supremam
 In media iam morte parat; clamore Cithaeron 56
 Erigitur, fraterque ratus vicisse levavit
 Ad coelum palmas. ‘Bene habet; non inrita vovi,
 Cerno graves oculos atque ora natantia leto.

Huc aliquis propere sceptrum atque insigne comarum,
 Dum videt.' Haec dicens gressus admovit et arma, 560
 Ceu templis decus et patriae laturus ovanti,
 Arma etiam spoliare cupit; nondum ille peractis
 Manibus ultrices animam servabat in iras.
 Utque superstantem pronumque in pectora sensit,
 Erigit occulte ferrum vitaeque labantis 565
 Reliquias tenues odio supplevit, et ense
 Iam laetus fratris non frater corde reliquit.
 Ille autem: 'Vivisne et adhuc manet ira superstes,
 Perfide nec sedes umquam meriture quietas?
 I mecum ad manes, illic quoque pacta reposcam, 570
 Si modo Agenorei stat Gnoissia iudicis urna,
 Qua reges punire datur.' Nec plura locutus
 Concidit et totis fratrem gravis obruit armis.

Ite truces animae funestaque tartara leto
 Polluite et cunctas Erebi consumite poenas. 575
 Vosque malis hominum, Stygiae, iam parcite, divae.
 Omnibus in terris scelus hoc omnique sub aevo
 Viderit una dies, monstrumque infame futuris
 Excidat, et soli memorent haec proelia reges.

At genitor sceleris comperto fine, profundis 580
 Erepsit tenebris saevoque e limine profert
 Mortem imperfectam; veteri stat sordida tabo
 Utraque canities, et durus sanguine crinis
 Obnubit furiale caput; procul ora genaeque 585
 Intus, et effossae squalent vestigia lucis.
 Virgo autem inpositae sustentat pondera laevae,
 Dextra sedet baculo. Qualis si puppe relictæ
 Exosus pigri manes sulcator Averni
 Exeat ad superos solemque et pallida turbet
 Astra, nec ipse diu fortis patiensque superni 590
 Aeris, interea longum cessante magistro
 Crescat opus totisque expectent saecula ripis.
 Talis init campum comitique extrema gementi,
 Duc, ait, ad natos, patremque recentibus, oro,
 Inice funeribus. Cunctatur nescia virgo, 595
 Quid paret; inpediunt iter implicitosque morantur

Arma, viri, currus, altaque in strage seniles
 Deficiunt gressus, et dux miseranda laborat.
 Ut quaesita diu monstravit corpora clamor
 Virginis, insternit totos frigentibus artus. 60
 Nec vox ulla seni; iacet inmugitque cruentis
 Vulneribus, nec verba diu temptata sequuntur.
 Dum tractat galeas atque ora latentia quaerit,
 Tandem muta furens genitor suspiria solvit:

‘Tarda meam, pietas, longo post tempore mentem 61
 Percutis? estne sub hoc hominis clementia corde?
 Vincis me miserum, vincis, natura, parentem.
 En habeo gemitus, lacrimaeque per arida serpunt
 Vulnera, et in molles sequitur manus inopia planctus.
 Accipite infandae iusta exequialia mortis, 62
 Crudeles nimiumque mei; nec noscere natos
 Alloquiumque aptare licet. Dic, virgo, precanti,
 Quem teneo? quo nunc vestras ego saevus honore
 Prosequar inferias? o si fodienda redirent
 Lumina et in vultus saevire ex more potestas! 63
 Heu dolor, heu iusto magis exaudita parentis
 Vota malaeque preces! quisnam fuit ille deorum,
 Qui stetit orantem iuxta praereptaue verba
 Dictavit fati? furor illa et movit Erinys
 Et pater et genetrix et regna oculique cadentes; 64
 Nil ego; per Ditem iuro dulcesque tenebras
 Inmeritamque ducem, subeam sic tartara digna
 Morte, nec irata fugiat me Laius umbra.
 Hei mihi, quos nexus fratrum, quae vulnera tracto!
 Solvite quaeso manus infestaue vincula tandem 65
 Dividite, et medium nunc saltem admittite patrem.’

Talia dequestus paulatim sumpserat iras
 Mortis et occulte telum, ni nata vetaret,
 Quaerebat, sed casta manu subtraxerat enses
 Antigone; furit inde senex: ‘Ubi noxia tela? 66
 Heu furiae, num totum abiit in corpora ferrum?’
 Dicentem comes aegra levat mutumque dolorem
 Ipsa premit, saevum gaudens planxisse parentem.
 Olim autem inceptae clamore exterrita pugnae

Regina extulerat notum penetralibus ensem,
 Ensem sceptriferi spolium lacrimabile Laii.
 Multaque quum superis et diro questa cubili
 Et nati furiis et primi coniugis umbris,
 Luctata est dextra, et prono vix pectore ferrum
 Intravit tandem, et venas prorupit aniles 640
 Vulnus, et infelix lustratur sanguine lectus.
 Illius exili stridentem in pectore plagam
 Ismene collapsa super lacrimisque comisque
 Siccabat plangens; qualis Marathonide silva
 Flebilis Erigone caesi prope funera patris 645
 Questibus absumptis tristem iam solvere nodum
 Coeperat, et fortes ramos moritura legebat.

At iam laeta ducum spes elusisse duorum,
 Res Amphionias alio sceptrumque maligna
 Transtulerat Fortuna manu, Cadmique tenebat 650
 Iura Creon. Miser heu bellorum terminus! illi
 Pugnant fratres; hunc et Mavortia clamant
 Semina, et inpensus patriae paulo ante Menoeceus
 Conciliat populis; scandit fatale tyrannus
 Flebilis Aoniae solium. Pro blanda potestas 655
 Et sceptri male suadus amor! numquamne priorum
 Haerebunt documenta novis? iuvat ecce nefasto
 Stare loco regimenque manu tractare cruentum.
 Quid melior Fortuna potest? iam flectere patrem
 Incipit atque datis abolere Menoecea regnis. 660
 Primum adeo saevis inbutus amoribus aulae
 Indicium specimenque sui iubet igne supremo
 Arceri Danaos, nudoque sub axe relinqui
 Infelix bellum et tristes sine sedibus umbras.

Mox reducem Ogygiae congressus limine portae 665
 Oedipoden timuit paulum, seseque minorem
 Confessus tacite promptamque coercuit iram.
 Sed redit in regem caecumque audentius hostem
 Increpitans 'Procul, inquit, abi victoribus omen
 Invisum, et furias averte ac moenia lustra 670
 Discessu Thebana tuo: spes longa peracta est.
 Vade, iacent nati; quae iam tibi vota supersunt?'

Horruit instinctu rabido, steteruntque tremantes
 Ceu visu praesente genae, seniumque recessit.
 Tunc natam baculumque manu dimisit, et irae 675
 Innixus tumido vocem de pectore rumpit:
 'Iamne vacat saevire, Creon? modo perfida regna
 Fortunaeque locum nostrae, miserande, subisti,
 Et tibi iam fas est regum calcare ruinas?
 Iam tumultis victos, socios iam moenibus arces? 680
 Macte, potes digne Thebarum sceptra tueri.
 Haec tua prima dies. Sed cur nova contrahis amens
 Iura? quid anguste tantos metiris honores?
 Exilium intendis? timida inclementia regum
 Ista! feros avidus quin protinus inbuis enses? 685
 Crede, licet, veniat cupidus parere satelles
 Intrepidusque secet non evitantia colla.
 Incipe! an expectas, ut pronus supplice dextra
 Sternar et inmitis domini vestigia quaeram?
 Finge autem temptare, sines? mihine ulla minaris 690
 Supplicia aut ullos reris superesse timores?
 Linquere tecta iubes? coelum terrasque reliqui
 Sponte, atque ultricem crudelis in ora retorsi
 Non ullo cogente manum. Quid tale iubere,
 Rex inimice, potes? fugio excedoque nefandis 695
 Sedibus; an refert, quo funera longa measque
 Transportem tenebras? ne non gens cuncta precanti
 Concedat, patriae quantum miser incubo terrae?
 Sed dulces Thebae! nimirum hic clarior ortus,
 Et meliora meos permulcent sidera vultus. 700
 Hic genetrix natiq; habeas Thebana regasque
 Moenia, quo Cadmus, quo Laius omine rexit
 Quoque ego; sic thalamos, sic pignora fida capessas,
 Nec tibi sit virtus fortunam evadere dextra;
 Sed lucem deprensus ames. Satis omina sanxi, 705
 Duc, age, nata procul; quid te autem luctibus addo?
 Da, rex magne, ducem.' Timuit miseranda relinqui
 Antigone mutatque preces: 'Felicia per te
 Regna, verende Creon, sanctasque Menoeceos umbras;
 Da veniam afflictio dictisque ignosce superbis. 710

- 1 Hunc morem fandi longae fecere querelae.
 1 Nec soli ferus iste tibi; sic fata deosque
 Alloquitur; durus luctu facilisque nec ipsi
 Saepe mihi; pridem indomito sub pectore fervet
 11 Libertas misera et saevae spes aspera mortis. 715
 Et nunc ecce tuas irritat callidus iras
 Suppliciumque cupit; sed tu maioribus, oro,
 Imperii potiare bonis altusque iacentes
 Praetereas, et magna ducum vereare priorum
 1 Funera; et hic quondam solio sublimis et armis 720
 Septus, opem miseris, iura et poscentibus aequus
 Supplicibusque dabat, cui nunc ex agmine tanto
 Una comes, necdum exul erat. Felicibus hicne
 Obstat? in hunc odiis et regni viribus exis?
 Hunc abigis tectis? an ne prope limina clarum 725
 Ingemat, et votis intempestivus oberret?
 Pone metum, procul usque tua submotus ab aula
 Flebit; ego erectum subigam et servire docebo,
 Coetibus abducam solaque in sede recondam.
 Exul erit; nam quae migranti externa patebunt 730
 Moenia? vis Argos eat hostilesque Mycenae
 Squalidus inreptet? victique ad limen Adrastrae
 Aonias narret clades tenuemque precetur
 Rex Thebanus opem? miserae quid crimina gentis
 Pandere, quid casus iuvat ostentare pudendos? 735
 Conde, precor, quodcumque sumus, nec longa precamur
 Dona, Creon: miserere senis, moestosque parentis
 Hic, precor, hic manes indulge ponere; certe
 Thebanos sepelire licet. Sic orat, humique
 Volvitur; abducit genitor saevumque minatur 740
 Indignans veniam. Qualis leo rupe sub alta,
 Quem viridem quondam silvae montesque tremebant,
 Iam piger et longo iacet exarmatus ab aevo,
 Magna tamen facies et non adeunda senectus;
 Et si demissas veniat mugitus ad aures, 745
 Erigitur meminit sui, viresque solutas
 Ingemit et campis alios regnare leones.

Flectitur affatu, sed non tamen omnia rector

Supplicis indulget lacrimis partemque recidit
Muneris. 'Haud, inquit, patriis prohibebere longe 750
Finibus, occurso dum non pia templa domosque
Commacules; habeant te lustra tuusque Cithaeron;
Atque haec ecce tuis tellus habitabilis umbris,
Qua bellum geminaeque iacent in sanguine gentes.'
Sic ait, et ficto comitum vulgique gementis 755
Assensu limen tumidus regale petebat.

Interea pulsi vallum exitiale Pelasgi
Destituunt furto; nulli sua signa suosque
Ductor; eunt taciti passim et pro funere pulchro
Dedecorem amplexi vitam reditusque pudendos. 760
Nox favet, et grata profugos amplexitur umbra.

P. PAPINII STATII
T H E B A I D O S
L I B E R XII.

Nondum cuncta polo vigil inclinaverat astra
Ortus, et instantem cornu tenuiore videbat
Luna diem, trepidas ubi iam Tithonia nubes
Discutit ac reduci magnum parat aethera Phoebo.
Agmina iam raris Dircaea penetibus errant, 5
Noctis quæsta moras; quamvis tunc otia tandem
Et primus post bella sopor, tamen ægra quietem
Pax fugat, et sævi meminit victoria belli.
Vix primo proferre gradum et munimina valli
Solvere, vix totas reserare audacia portas. 10
Stant veteres ante ora metus campique vacantis
Horror; ut assiduo iactatis æquore tellus
Prima labat, sic attoniti nil cominus ire
Mirantur fusasque putant assurgere turmas.
Sic ubi prospicuae scandentem limina turris 15
Idaliæ volucres fulvum adspexere draconem,
Intus agunt natos et foeta cubilia vallant
Unguibus inbellesque citant ad proelia pennas;
Mox ruerit licet ille retro, tamen æra nudum
Candida turba timet, tandemque ingressa volatus 20
Horret et a mediis etiamnum respicit astris.
Itur in exanguem populum bellicque iacentis
Reliquias, qua quemque dolor, luctusque cruenti
Exegere duces; hi tela, hi corpora, at illi
Caesorum tantam ora vident alienaque iuxta 25
Pectora; pars currus deflent viduisque loquantur,
Hoc solum quia restat, equis; pars oscula figunt

Vulneribus magnis et de virtute queruntur.
 Frigida digeritur strages, patuere recisae
 Cum capulis hastisque manus mediisque sagittae 30
 Luminibus stantes; multis vestigia caedis
 Nulla, ruunt planctu pendente et ubique parato.
 At circum informes truncos miserabile surgit
 Certamen, qui iusta ferant, qui funera ducant.
 Saepe etiam hostiles, lusit Fortuna parumper, 35
 Decepti flevire viros; nec certa facultas
 Noscere, quem miseri vitent calcentve cruorem.

At quibus est inlaesa domus vacuique dolores,
 Aut deserta vagi Danaum tentoria lustrant
 Inmittuntque faces, aut, quae post bella voluptas, 40
 Quaerunt dispersi, iaceat quo pulvere Tydeus,
 An rapti pateat specus auguris, aut ubi divum
 Hostis, an aetheriae vivant per membra favillae.
 Iam lacrimis exempta dies, nec aerus abegit
 Vesper: amant miseri lamenta malisque fruuntur. 45
 Nec subiere domos, sed circum funera pernox
 Turba sedet, vicibusque datis alterna gementes
 Igne feras planctuque fugant; nec dulcibus astris
 Victa, nec assiduo coierunt lumina fletu.

Tertius Auroram pulsabat Lucifer, et iam 50
 Montibus orbatis lucorum gloria, magnae
 Theumesi venere trabes, et amica Cithaeron
 Silva rogis; ardent excisae viscera gentis
 Molibus exstructis; supremo munere gaudent
 Ogygii manes; queritur miserabile Graium 55
 Nuda cohors vetitumque gemens circumvolat ignem.
 Accipit et saevi manes Eteoclis iniquos
 Haudquaquam regalis honos, Argivus haberi
 Frater iussus adhuc atque exule pellitur umbra.

At non plebeio fumare Menoecea busto 60
 Rex genitor Thebaeque sinunt, nec robora vilem
 Struxerunt de more rogam; sed bellicus agger
 Curribus et clipeis Graiorumque omnibus armis
 Sternitur; hostiles super ipse, ut victor, acervos;
 Pacifera lauro crinem vittisque decorus 65

Accubat, haud aliter, quam quum poscentibus astris
 Laetus in accensa iacuit Tirynthius Oeta.
 Spirantes super inferias captiva Pelasgum
 Corpora frenatosque pater, solatia sorti
 Bellorum, mactabat equos; his arduus ignis 70
 Palpitat, et gemitus tandem erupere paterni:
 'O nisi magnanimus tantae te laudis inisset
 Ardor, Echionios mecum venerande penates
 Atque ultra recture puer, venientia qui nunc
 Gaudia et ingratum regni mihi munus acerbis. 75
 Tu superum convexa licet coetusque perenni,
 Credo equidem, virtute colas, mihi flebile semper
 Numen eris; ponant aras excelsaque Thebae
 Tempia dicent; uni fas sit lugere parenti.
 Et nunc heu quae digna tibi sollemnia quasve 80
 Largiar exequias? nec si fatale, potestas,
 Argos et impulsas cineri miscere Mycenae,
 Meque super, cui vita, nefas! et sanguine nati
 Partus honos. Eademne dies, eadem inopia bella
 Te, puer, et diros misere in tartara fratres? 85
 Et nunc Oedipodi par est fortuna doloris
 Ac mihi; quam similes gemimus, bone Iuppiter, umbras?
 Accipe, nate, tui nova libamenta triumpho,
 Accipe, et hoc regimen dextrae frontisque superbae
 Vincula, quae patri nimium gestanda dedisti. 90
 Regem te, regem tristes Eteocleas umbrae
 Adspiciant.' Simul haec dicens crinemque manumque
 Destruit, accensaque iterat violentius ira:
 'Saevum aegidum inमितemque vocent, nunc funera Larnae
 Tecum ardere veto; longos utinam addere sensus 95
 Corporibus coeloque animas Ereboque nocentes
 Pellere fas, ipsumque feras, ipsum unca volucrum
 Ora sequi atque artus regum monstrare nefandos.
 Hei mihi, quod positos humus alma diesque resolvit.
 Quare iterum repetens iterumque edico: suprema 100
 Ne quis ope aut flammis ausit iuvisse Pelasgos,
 Aut nece facta luet numeroque explebit adempta
 Corpora, per superos magnumque Menoeceia iuro.'

Dixit, et abreptum comites in tecta ferebant.

Flebilis interea vacuis comitatus ab Argis,
Fama trahit miseras, orbae viduaeque ruebant
Inachides ceu capta manus; sua vulnera cuique,
Par habitus cunctis, delecti in pectora crines
Accinctique sinus; manant lacera ora cruentis
Unguibus, et molles planctu crevere lacerti.

Prima per attonitas nigrae regina catervae
Tristibus inlabens famulis iterumque resurgens
Quaerit inops Argia vias; non regia cordi,
Non pater, una fides, unum Polynicis amati
Nomen in ore sedet. Dircen infaustaque Cadmi
Moenia posthabitis velit incoluisse Mycenis.

Proxima Lernaeo Calydonidas agmine mixtas
Tydeos exequias trahit haud cessura sorori.
Deipyle; scelus illa quidem morsusque profanos
Audierat miseranda viri, sed cuncta iacenti
Infelix ignoscit amor. Post aspera visu
Ad deflenda tamen digno plangore Nealce
Hippomedonta ciens; vatis mox inopia coniux
Heu vacuos positura rogos, postrema gementum
Agmina Maenaliae ducit comes orba Dianae
Et gravis Evadne; dolet haec queriturque labores
Audacis pueri; magni memor illa mariti
It torvum lacrimans summisque irascitur astris.

Illas et lucis Hecate speculata Lycaeis
Prosequitur gemitu, duplexque ad litus euntes
Planxit ab Isthmiaco genetrix Thebana sepulcro;
Noctivagumque gregem, quamvis sibi luget, Eleusin
Flevit et arcanos errantibus extulit ignes.

Ipsa per aversos ducit Saturnia colles
Occultatque vias, ne plebs congressa suorum
Ire vetet pereatque ingentis gloria coepti.
Nec non functa ducum refovendi corpora curam
Iris habet, putresque arcanis roribus artus
Ambrosiaeque rigat succis, ut longius obstant
Expectentque rogos, flammam neve ante fatiscant.
Squalidus ecce genas et hianti vulnere pallens

Ornitus — hic socio desertus ab agmine, tardat
 Plaga recens, — timidus secreta per avia furto
 Debile carpit iter, fractaeque innititur hastae.
 Isque ubi mota novo stupuit loca sola tumultu 145
 Femineumque gregem, quae iam super agmina Lernae
 Sola videt, — non ille viam causasque requirit,
 Quippe patent, moesto sed sic prior occupat ore:
 'Quo miserae, quo fertis iter? funusne peremptis
 Speratis cineremque viris? stat pervigil illic 150
 Umbrarum custos inhumataque corpora regi
 Annumerat; nusquam lacrimae, procul usque fugati
 Accessus hominum; solis avibusque ferisque
 Ire licet; vestrisne Creon dabit aequus honorem
 Luctibus? inmites citius Busiridos aras 155
~~Odrysiique famem stabuli Siculosque licebit~~
~~Exorare deos; rapiet fortasse precantes,~~
 Si mens nota mihi, nec coniugalia supra
 Funera, sed caris longe mactabit ab umbris.
 Quin fugitis, dum tuta via est, Lernamque reversae 160
 Nomina, quod superest, vacuis datis orba sepulcris
 Absentesque animas ad inania busta vocatis?
 Aut vos Cecropiam — prope namque et Thesea fama est
 Thermodontiaco laetum remeare triumpho —
 Imploratis opem? bello cogendus et armis 165
 In mores hominemque Creon.' Sic fatus, at illis
 Horruerant lacrimae, stupuitque inmanis eundi
 Inpetus, atque uno vultus pallore gelati.
 Non secus afflavit molles si quando iuencas
 Tigridis Hyrcanae ieiunum murmur, et ipse 170
 Auditū turbatur ager, timor omnibus ingens,
 Quae placeat, quos illa fames descendat in armos.
 Continuo discors vario sententia motu
 Scinditur; his Thebas tumidumque ambire Creonta,
 His placet Actaeae si quid clementia gentis 175
 Annuat; extremum curarum, ac turpe reverti.
 Hic non femineae subitum virtutis honorem
 Colligit Argia, sexuque inmane relicto
 Tractat opus; placet egregii spes dura pericli

Cominus infandi leges accedere regni, 180
 Quo Rhodopes non ulla nurus, nec alumna nivosi
 Phasidis innuptis vallata cohortibus iret.
 Tunc movet arte dolum, quo semet ab agmine fido
 Segreget, immitesque deos regemque cruentum
 Contemptrix animae et magno temeraria luctu 185
 Provocet; hortantur pietas ignesque pudici.
 Ipse etiam ante oculos omni manifestus in actu
 Nunc hospes miserae, primas nunc sponsus ad aras,
 Nunc mitis coniux, nunc iam sub casside torva
 Moestus in amplexu multumque a limine summo 190
 Respiciens; sed nulla animo obversatur imago
 Crebrior, Aonii quam quae de sanguine campi
 Nnda venit poscitque rogos. His anxia mentem
 Aegrescit curis, et qui castissimus ardor,
 Funus amat; tunc ad comites conversa Pelasgas: 195
 'Vos, ait, Actaeas acies Marathonique arma
 Elicite, adspiretque pio fortuna labori.
 Me sinite Ogygias, tantae quae sola ruinae
 Causa fui, penetrare domos et fulmina regni
 Prima pati; nec surda ferae pulsabimus urbis 200
 Limina, sunt illic soceri mihi suntque sorores
 Coniugis, et Thebas haud ignoranda subibo.
 Ne tantum revocate gradus; illo inpetus ingens
 Auguriumque animi.' Nec plura, unumque Menoeten,
 Olim hic virginei custos monitorque pudoris, 205
 Eligit, et quamquam rudis atque ignara locorum
 Praecipites gressus, qua venerat Ornitus, aufert.
 Atque ubi visa procul socias liquisse malorum:
 'Anne, ait, hostiles ego te labente per agros,
 Heu dolor! expectem, quaenam sententia lenti 210
 Theseos? an bello proceres, an dexter haruspex
 Annuat? interea funus decrescit, et uncis
 Alitibus non hos potius supponimus artus? .
 Et nunc me duram, si quis tibi sensus, ad umbras
 Me tardam quereris Stygiis, fidissime, divis. 215
 Heu si nudus adhuc, heu si iam forte sepultus,
 Nostrum utrumque nefas; adeo vis nulla dolenti,

Mors nusquam saevusque Creon; hortaris euntem,
 Ornite.' Sic dicens magno Megareia praeceps
 Arva rapit passu, demonstrat proxima quisquis 220
 Obvius, horrescitque habitus miseramque veretur.
 Vadit atrox visu, nil corde nec aure pavescens,
 Et nimis confusa malis propiorque timeri.
 Nocte velut Phrygia quum lamentata resultant
 Dindyma, pinigeri rapitur Simoentis ad amnem 225
 Dux vesana chori, cuius dea sanguine lecto
 Ipsa dedit ferrum et vittata fronte notavit.

Iam pater Hesperio flagrantem gurgite currum
 Abdiderat Titan aliis rediturus ab undis,
 Quum tamen illa gravem luctu fallente laborem 230
 Nescit abisse diem; nec caligantibus arvis
 Terretur, nec frangit iter, per et invia saxa
 Lapsurasque trabes nemorumque arcana sereno
 Nigra die caecisque incisa novalia fossis,
 Per fluvios securi vadi somnosque ferarum 235
 Praeter et horrendis insessa cubilia monstis.
 Tantum animi luctusque valent! pudet ire Menoeten
 Tardius, invalidaeque gradum miratur alumnae.
 Quas non illa domos pecorumque hominumque modesto
 Pulsavit gemitu? quotiens amissus eunti 240

Limes, et errantem comitis solatia flammae
 Destituunt, gelidaeque facem vicere tenebrae?
 Iamque supinantur fessis, lateque fatiscunt
 Penthei devexa iugi, quum pectore anhelio
 Iam prope deficiens sic inchoat orsa Menoetes: 245

'Haud procul, exacti si spes non blanda laboris,
 Ogygias, Argia, domos et egena sepulcri
 Busta iacere reor; grave cominus aestuat aer
 Sordidus, et magnae redeunt per inane volucres.
 Haec illa est crudelis humus, nec moenia longe. 250
 Cernis, ut ingentes murorum porrigat umbras
 Campus et e speculis moriens intermicet ignis?
 Moenia sunt iuxta; modo nox magis ipsa tacebat,
 Solaque nigrantes laxabant astra tenebras.'
 Horrui Argia, dextramque ad moenia tendens: 255

'Urbs optata prius, nunc tecta hostilia Thebae,
 Et tamen inlaesas si reddis coniugis umbras,
 Sic quoque dulce solum, cernis, quo praedita cultu,
 Qua stipata manu iuxta tua moenia primum
 Oedipodis magni venio nurus? inproba non sunt 260
 Vota: rogos hospes planctumque et funera posco.
 Illum, oro, extorrem regni belloque fugatum,
 Illum, quem solio non es dignata paterno,
 Redde mihi; tuque, oro, veni, si manibus ulla
 Effligies errantque animae post membra solutae. 265
 Tu mihi pande vias, tuaque ipse ad funera deduc,
 Si merui.' Dixit, tectumque aggressa propinquae
 Pastorale casae reficit spiramina fessi.

Ignis, et horrendos inrumpit turbida campos.
 Qualis ab Aetnaeis accensa lampade saxis 270
 Orba Ceres magnae variabat imagine flammae
 Ausonium Siculumque latus, vestigia nigri
 Raptoris vastosque legens in pulvere sulcos.
 Illius insanis ululatibus ipse remugit
 Enceladus ruptoque vias inluminat igni. 275
 Persephonen amnes, silvae, freta, nubila clamant,
 Persephonen tantum Stygii tacet aula mariti.

Admonet attonitam fidus meminisse Creontis
 Altor et occultam submittere lampada furto.
 Regina Argolicas modo formidata per urbes, 280
 Votum inmane procis spesque augustissima gentis,
 Nocte sub infesta, nullo duce et hoste propinquo
 Sola per offensus armorum et lubrica tabo
 Gramina, non tenebras, non circumfusa tremiscens
 Concilia umbrarum atque animas sua membra gementes. 285
 Saepe gradu caeco ferrum calcataque tela
 Dissimulat, solusque labor vitare iacentes,
 Dum funus putat omne suum, visuque sagaci
 Rimatur positos et corpora prona supinat
 Incubens, queriturque parum lucentibus astris. 290

Forte soporiferas coeli secreta per umbras
 Iuno, sinu magni semet furata mariti,
 Theseos ad muros, ut Pallada flecteret, ibat,

Supplicibusque piis faciles aperiret Athenas;
 Atque ubi per campos errore fatiscere vano 295
 Inmeritam Argian supero respexit ab axe,
 Indoluit visu, et lunaribus obvia bigis
 Advertit currum placidaque ita voce locuta est:
 'Da mihi poscenti munus breve, Cynthia, si quis
 Est Iunonis honos, certe Iovis improba iussu 300
 Ter noctem Herculeam —, veteres sed mitto querelas,
 En locus officio; cultrix placidissima nostri
 Inachis Argia cernis qua nocte vegetur,
 Nec reperire virum densis queat aegra tenebris?
 Et tibi nimbosum languet iubar; exere quaeso 305
 Cornua, et assueto propior premat orbita terras.
 Hunc quoque, qui curru madidas tibi pronus habenas
 Ducit, in Aonios vigiles demitte Soporem.'
 Vix ea, quum scissis magnum dea nubibus orbem
 Protulit; expavere umbrae, fulgorque recisus 310
 Sideribus, vix ipsa tulit Saturnia flammās.
 Primum per campos infuso lumine pallam
 Coniugis ipsa suos nescit miseranda labores,
 Quamquam texta latent, suffusaque sanguine moeret
 Purpura; dumque deos vocat et de funere caro 315
 Hoc superesse putat, videt ipsum in pulvere paene
 Calcatum; fugere animus visusque sonusque,
 Inclusitque dolor lacrimas; tunc corpore toto
 Sternitur in vultus animamque per oscula quaerit
 Absentem, pressumque comis ac veste cruorem 320
 Servatura legit. Mox tandem voce reversa:
 'Hunc ego te, coniux, ad debita regna profectum
 Ductorem belli generumque potentis Adrasti
 Adspicio, talisque tuis occurro triumphis?
 Huc attolle genas defectaque lumina: venit 325
 Ad Thebas Argia tuas. Age, moenibus induc
 Et patrios ostende lares et mutua redde
 Hospitia. Heu quid ago? proiectus cespite nudo
 Hoc patriae telluris habes? quae iurgia? certe
 Imperium non frater habet! nullasne tuorum 330
 Movisti lacrimas? ubi mater, ubi inclita fama

Antigone? mihi nempe iaces, mihi victus es uni.
 Dicebam, quo tendis iter? quid sceptrata negata
 Poscis? habes Argos, soceri regnabis in aula;
 Hic tibi longus honos, hic indivisa potestas. 335
 Quid queror? ipsa dedi bellum moestumque rogavi
 Ipsa patrem, ut talem nunc te complexa tenerem.
 Sed bene habet, superi, gratum est, Fortuna; peracta est
 Spes longinqua viae: totos invenimus artus.
 Hei mihi, sed quanto descendit vulnus hiatu! 340
 Hoc frater? qua parte, precor, iacet ille nefandus
 Praedator? vincam volucres, sit adire potestas,
 Excludamque feras; an habet funestus et ignes?
 Sed nec te flammis inopem tua terra videbit:
 Ardebis lacrimasque feres, quas ferre negatum 345
 Regibus, aeternumque tuo famulata sepulcro
 Durabit deserta fides, testisque dolorum
 Natus erit, parvoque torum Polynice fovebo.

Ecce alios gemitus aliamque ad busta ferebat
 Antigone miseranda facem, vix nacta petitos 350
 Moenibus egressus; illam nam tempore in omni
 Attendunt vigiles et rex iubet ipse timeri,
 Contractaeque vices et crebrior excubat ignis.
 Ergo deis fratrique moras excusat et amens,
 Ut paulum inmisso cessit statio horrida somno, 355
 Erumpit muris; fremitu quo territat agros
 Virginis ira leae rabies, cui libera tandem
 Et primus sine matre furor; nec longa morata est,
 Quippe trucem campum et positus quo pulvere frater,
 Noverat; atque illam contra videt ire Menoetes, 360
 Cui vacat, et carae gemitus compescit alumnae.

Quum tamen erectas extremus virginis aures
 Accessit sonus, utque atra sub veste comisque
 Squalentem et crasso foedatam sanguine vultus
 Astrorum radiis et utraque a lampade vidit: 365
 'Cuius, ait, manes, aut quem temeraria quaeris
 Nocte mea?' Nihil illa diu, sed in ora mariti
 Deicit inque suos pariter velamina vultus,
Capta metu subito paulumque oblita doloris.

Hoc magis increpitans suspecta silentia perstat 370
 Antigone, comitemque premens ipsamque; sed ambo
 Deficiunt fixique silent; tandem ora retexit
 Argia, corpusque tamen complexa profatur:
 'Si quid in hoc veteri bellorum sanguine mecum
 Quaesitura venis, si tu quoque dura Creontis 375
 Iussa times, possum tibi me confisa fateri.
 Si misera es, certe lacrimas lamentaque cerno,
 lunge, age, iunge fidem, proles ego regis Adraști.
 Hei mihi! num quis adest? — cari Polynicis ad ignes,
 Etsi regna vetant.' Stupuit Cadmeia virgo 380
 Intremuitque simul, dicentemque occupat ultro:
 'Mene igitur sociam, pro sors ignara! malorum,
 Mene times? mea membra tenes, mea funera plangis.
 Cedo, tene, pudet! heu pietas ignava sororis!
 Haec prior —!' Hic pariter lapsae, iunctoque per ipsum 385
 Amplexu miscent avidae lacrimasque comasque,
 Partitaeque artus redeunt alterna gementes
 Ad vultum et cara vicibus cervice fruuntur.
 Dumque modo haec fratrem memorat, nunc illa maritum,
 Mutuaeque exorsae Thebas Argosque renarrant, 390
 Longius Argia miseros reminiscitur actus:
 'Per tibi furtivi sacrum commune doloris,
 Per socios manes et conscia sidera iuro;
 Non hic amissos, quamquam vagus exul, honores,
 Non gentile solum, carae non pectora matris, 395
 Te cupiens unam, noctesque diesque locutus
 Antigenen; ego cura minor facilisque relinqui.
 Tu tamen excelsa sublimem forsitan arce
 Ante nefas Graiis dantem vexilla manipulis
 Vidisti, teque ille acie respexit ab ipsa 400
 Ense salutatam et nutantis vertice coni;
 Nos procul. Extremas sed quis deus egit in iras?
 Nil vestrae valuere preces? tibine iste negavit
 Oranti?' Causas ac tristia reddere fata
 Coeperat Antigone, fidus comes admonet ambas: 405
 'Eia agite inceptum potius! iam sidera pallent
 Vicino turbata die, perferte laborem,

Tempus erit lacrimis, accenso flebitis igne.'

Haud procul Ismeni monstrabant murmura ripas,
Qua turbatus adhuc et sanguine decolor ibat. 410
Huc laceros artus socio conamine portant
Invalidae, iungitque comes non fortior ulnas.
Sic Hyperionium tepido Phaethonta sorores
Fumantem lavere Pado; vix dum ille sepulcro
Conditus, et flentes stant circum flumina silvae. 415

Ut sanies purgata vado membrisque reversus
Mortis honos, ignem miserae post ultima quaerunt
Oscula; sed gelidae circum exanimesque favillae
Putribus in foveis, atque omnia busta quiescunt.
Stabat adhuc seu forte rogos, seu numine divum, 420
Cui torrere datum saevos Eteocleos artus,
Sive locum monstribus iterum fortuna parabat,
Seu discessuros servaverat Eumenis ignes.
Hic tenuem nigris etiamnum advivere lucem
Roboribus pariter cupidae videre simulque 425
Flebile gavisae; nec adhuc, quae busta, repertum,
Sed placidus quicumque, rogant, mitisque supremi
Admittat cineris consortem et misceat umbras.

Ecce iterum fratres; primos ut contigit artus
Ignis edax, tremuere rogi, et novus advena bustis 430
Pellitur; exundant diviso vertice flammae
Alternosque apices abrupta luce coruscant.
Pallidus Eumenidum veluti commiserit ignes
Orcus, uterque minax globus et conatur uterque
Longius; ipsae etiam commoto pondere paulum 435
Secessere trabes; conclamat territa virgo:
'Occidimus, functasque manu stimulavimus iras.
Fratres erat; quis enim accessus ferus hospitibus umbrae
Pelleret? en clipei fragmen semustaque nosco
Cingula, fratres erat; cernisne, ut flamma recedat 440
Concurratque tamen? vivunt odia improba, vivunt.
Nil actum bello; miseri, sic dum arma movetis,
Vicit nempe Creon; nusquam iam regna, quis ardor?
Cui furitis? sedate minas; tuque exul ubique
Semper inops aequi, iam cede; hoc nupta precatur, 445

Hoc soror, aut saevos mediae veniemus in ignes.'

Vix ea, quum subitus campos tremor altaque tecta
 Inpulsit, adiuvitque rogi discordis hiatus
 Et vigilum turbata quies, quibus ipse malorum
 Fingebat simulacra sopor; ruit illicet, omnem 450
 Prospectum lustrans armata indagine miles.
 Illos instantes senior timet unus; at ipsae
 Ante rogam, saevique palam sprevisse Creontis
 Imperia et furtum claro plangore fatentur
 Securæ, quippe omne vident fluxisse cadaver. 455
 Ambigitur saeva de morte, animosaque leti
 Spes furit; hæc fratris rapuisse, hæc coniugis artus
 Contendunt vicibusque probant. 'Ego corpus, ego ignes,
 Me pietas, me duxit amor; deposcere saeva
 Supplicia et dextras iuvat insertare catenis. 460
 Nusquam illa alternis modo quæ reverentia verbis,
 Iram odiumque putes; tantus discordat utrimque
 Clamor, et ad regem, qui deprendere, trahuntur.

At procul Actæis dextra iam Pallade muris
 Iuno Phoroneas inducit prævia matres 465
 Attonitas, non ipsa minus, coetumque gementem
 Conciliat populis et flentibus addit honorem.
 Ipsa manu ramosque oleæ, vittasque precantes
 Tradit, et obtenta submittere lumina palla
 Et præferre docet vacuas sine manibus urnas. 470
 Omnis et Actæis effusa penatibus ætas
 Tecta viasque replent; unde hoc examen? et una
 Tot miserae? necdum causas novere malorum,
 Iamque gemunt. Dea conciliis se miscet utrisque
 Cuncta docens, qua gente satae, quæ funera plangant 475
 Quidve petant; variis nec non affatibus ipsæ
 Ogygias leges inmansuetumque Creonta
 Multum et ubique fremunt. Geticae non plura queruntur
 Hospitibus tectis trunco sermone volucres,
 Quum duplices thalamos et iniquum Tereæ clamant. 480
 Urbe fuit media nulli concessa potentum
 Ara deum, mitis posuit Clementia sedem,
 Et miseri fecere sacram; sine supplice numquam

Illa novo, nulla damnavit vota repulsa.
 Auditi quicumque rogant, noctesque diesque 485
 Ire datum, et solis numen placare querelis.
 Parca superstitio: non turea flamma, nec altus
 Accipitur sanguis, lacrimis altaria sudant,
 Moestarumque super libamina sarta comarum
 Pendent et vestes mutata sorte relictæ. 490
 Mite nemus circa cultuque insigne verendo
 Vittatæ laurus et supplicis arbor olivæ.
 Nulla autem effigies, nulli commissæ metallo
 Forma deæ, mentes habitare et pectora gaudet.
 Semper habet trepidos, semper locus horret egenis 495
 Coetibus, ignotæ tantum felicitibus aræ.
 Fama est, defensos acie post busta paterni
 Numinis Herculeos sedem fundasse nepotes.
 Fama minor factis; ipsos nam credere dignum
 Coelicolas, tellus quibus hospita semper Athenæ, 500
 Ceu leges hominemque novum ritusque sacrorum
 Seminaque in vacuas hinc descendentiâ terras,
 Sic sacrasse loco commune animantibus ægris
 Confugium, unde procul starent iræque minæque
 Regnaque, et a iustis Fortuna recederet aris. 505
 Iam tunc innumerae norant altaria gentes.
 Huc victi bellis patriaque e sede fugati,
 Regnorumque inopes scelerumque errore nocentes
 Conveniunt pacemque rogant; mox hospita sedes
 Vicit et Oedipodæ furias et funus Olynthi 510
 Textit, et a misero matrem submovit Oreste.
 Huc vulgo monstrante locum manus anxia Lernæ
 Deveniunt, cedit miserorum turba priorum.
 Vix ibi sedatis requierunt pectora curis,
 Ceu patrio super alta grues Aquilone fugatæ 515
 Quum videre Pharon; tunc æthera latius implent,
 Tunc hilari clangore sonant; iuvat orbe sereno
 Contempsisse nives et frigora solvere Nilo.
 Iamque domos patrias, Scythicæ post aspera gentis
 Proelia, laurigero subeuntem Thesea curru 520
 Laetifici plausus missusque ad sidera vulgi

- Clamor et emeritis hilaris tuba nuntiat armis.
 Ante ducem spolia et duri Mavortis imago,
 Virginei currus cumulataque fercula cristis,
 Et tristes ducuntur equi truncaequae bipennes, 525
 Quis nemora et solidam Maeotida caedere suetae,
 Corytique leves portantur et ignea gemmis
 Cingula et informes dominarum sanguine peltae.
 Ipsae autem nondum trepidae sexumque fatentur,
 Nec vulgare gemunt aspernanturque precari, 530
 Et tantum innuptae quaerunt delubra Minervae.
 Primus amor niveis victorem cernere vectum
 Quadriugis, nec non populos in semet agebat
 Hippolyte, iam blanda genas patiensque mariti
 Foederis; hanc patriae ritus fregisse severos 535
 Atthides obliquae secum mirantur operto
 Murmure, quod nitidi crines, quod pectora palla
 Tota latent, magnis quod barbara semet Athenis
 Misceat atque hosti veniat paritura marito.
 Paulum et ab insessis moestae Pelopeides aris 540
 Promovere gradum seriemque et dona triumph
 Mirantur, victique animo rediere mariti.
 Atque ubi tardavit currus et ab axe superbo
 Explorat causas victor poscitque benigna
 Aure preces, ausa ante alias Capaneia coniux: 545
 'Belliger Aegide, subitae cui maxima laudis
 Semina de nostris aperit Fortuna ruinis,
 Non externa genus dirae nec conscia noxae
 Turba sumus; domus Argos erat regesque mariti,
 Non utinam et fortes. Quid enim septena movere 550
 Castra et Agenoreos opus emendare penates?
 Nec querimur caesos, haec bellica iura vicesque
 Armorum; sed non Siculis exorta sub antris
 Monstra, nec Ossaei bello cecidere bimembres.
 Mitto genus clarosque patres; hominum, inclite Theseu, 555
 Sanguis erant, homines, eademque in sidera eosdem
 Sortitus animarum alimentaque vestra creati,
 Quos vetat igne Creon Stygiaeque a limine portae
 Ceu sator Eumenidum aut Lethaei portitor amnis

Submovet, ac dubio coelique Erebique sub axe 50
 Detinet. Heu princeps natura! ubi numina? ubi ille
 Fulminis iniusti iaculator? ubi estis, Athenae?
 Septima iam surgens trepidis Aurora iacentes
 Aversatur equis; radios declinat et horret
 Stelligeri iubar omne poli; iam cominus ipsae 55
 Pabula dira ferae campumque odere volucres
 Spirantem tabo et coelum ventosque gravantem.
 Quantum etenim superesse rear? nuda ossa putremque
 Urere permittat saniem; properate, verendi
 Cecropidae; vos ista decet vindicta, priusquam 57
 Emathii Thracesque dolent, quaeque extat ubique
 Gens arsura rogis manesque habitura supremos.
 Nam quis erit saevire modus? bellavimus, esto;
 Sed cecidere odia, et tristes mors obruit iras.
 Tu quoque, ut egregios fama cognovimus actus, 575
 Non trucibus monstris Sinin infandumque dedisti
 Cercyona, et saevum velles Scyrone crematum.
 Credo et Amazoniis Tanain fumasse sepulcris,
 Unde haec arma refers; sed et hunc dignare triumphum.
 Da terris unum coeloque Ereboque laborem, 580
 Si patrium Marathona metu, si tecta levasti
 Cressia, nec fudit vanos anus hospita fletus.
 Sic tibi non ullae socia sine Pallade pugnae,
 Nec sacer invidet paribus Tirynthius actis,
 Semper et in curru, semper te mater ovantem 585
 Cernat, et invictae nil tale precentur Athenae.
 Dixerat; excipiunt cunctae tenduntque precantes
 Cum clamore manus; rubuit Neptunius heros
 Permotus lacrimis; iusta mox concitus ira
 Exclamat: 'Quaenam ista novos induxit Erinys 590
 Regnorum mores? non haec ego pectora liqui
 Graiorum abscedens, Scythiam pontumque nivalem
 Quum peterem; novus unde furor? victumne putasti
 Thesea, dire Creon? adsum, nec sanguine fessum
 Crede; sitit meritos etiamnum haec hasta cruores. 595
 Nulla mora est: verte hunc adeo, fidissime Phegeu,
 Cornipedem, et Tyrias invectus protinus arceae

- h Aut Danaïs edice rogos aut proelia Thebis.
 Sic ait oblitus bellicae viaeque laborum,
 Hortaturque suos viresque instaurat anhelas. 600
 Ut modo conubiis taurus, saltuque recepto,
 Quum posuit pugnas, alio si forte remugit
 Bellatore nemus, quamquam ora et colla cruento
 Imbre madent, novus arma parat campumque lacessens
 Dissimulat gemitus et vulnera pulvere celat. 605
 Ipsa metus Libycos servatricemque Medusam
 Pectoris incussa movit Tritonia parma.
 Protinus erecti toto simul agmine Thebas
 Respexere angues; necdum Atticus ire parabat
 Miles, et infelix expavit classica Dirce. 610
 Continuo in pugnas haud solum accensa iuventus,
 Qui modo Caucasei comites rediere triumphī;
 Omnis ad arma rudes ager extimulavit alumnos.
 Conveniunt ultroque ducis vexilla sequuntur,
 Qui gelidum Braurona viri, qui rura lacessunt 615
 Munichia et trepidis stabilem Pyraea nautis
 Et nondum Eoo clarum Marathona triumpho.
 Mittit in arma manus genialibus hospita divis
 Icarīi Celeique domus, viridesque Melaenae
 Dives et Egaleos nemorum Parnesque benignus 620
 Vitibus et pingui melior Lycabessos oliva.
 Venit atrox Iteus et olentis arator Hymetti,
 Quaeque rudes thyrsos hederis vestistis, Acharnae.
 Linquitur Eois longe speculabile prorīs
 Sunion, unde vagi casurum in nomina ponti 625
 Cressia decepit falso ratis Aegea velo.
 Hos Salamis populos, illos Cerealis Eleusin
 Horrida suspensis ad proelia misit aratris,
 Et quos Callirhoe novies errantibus undis
 Implicat, et raptae qui conscius Orythiae 630
 Celavit Geticos ripis Ilissos amores.
 Ipse quoque in pugnas vacuatur collis, ubi ingens
 Lis superum, dubiis donec nova surgeret arbor
 Rupibus et longa refugum mare frangeret umbra.
 Isset et Arctōas Cadmea ad moenia ducens 635

Hippolyte turmas; retinet iam certa tumentis
Spes uteri, coniuxque rogat dimittere curas
Martis et emeritas thalamo sacrare pharetras.

Hos ubi velle acies et dulci gliscere ferro
Dux videt, utque piis raptim dent oscula natis 640
Amplexusque breves, curru sic fatur ab alto:
'Terrarum leges et mundi foedera mecum
Defensura manus, dignas insumite mentes
Coeptibus; hac omnem divumque hominumque favorem
Naturamque ducem coetusque silentis Averni 645
Stare palam est; illic Poenarum exercita Thebis
Agmina, et anguicomae ducent vexilla sorores.
Ite alacres tantaeque, precor, confidite causae.'

Dixit, et emissa praeceps iter inchoat hasta.
Qualis Hyperboreos ubi nubilus institit axes 650
Iuppiter et prima tremefecit sidera bruma;
Rumpitur Aeolia, et longam indignata quietem
Tollit hiems animos ventosaeque sibilat Arctos.
Tunc montes undaeque fremunt, tunc proelia caesis
Nubibus et tonitrus insanaeque fulmina gaudent. 655

Icta gemit tellus, virides gravis ungula campos
Mutat, et innumeris peditumque equitumque catervis
Expirat protritrus ager, nec pulvere crasso
Armorum lux victa perit, sed in aethera longum 660
Frangitur, et mediis ardent in nubibus hastae.
Noctem adeo placidasque operi iunxere tenebras
Certamenque inmane viris, quo concita tendant
Agmina, quis visas proclamet ab aggere Thebas,
Cuius in Ogygio stet princeps lancea muro.

At procul ingenti Neptunius agmina Theseus 665
Angustat clipeo, propriaeque exordia laudis
Centum urbes umbone gerit centenaque Cretae
Moenia, seque ipsum monstrosi ambagibus antri
Hispida torquentem luctantis colla iuveni,
Alternasque manus circum et nodosa ligantem 670
Brachia et abducto vitantem cornua vultu.
Terror habet populos, quum septus imagine torva
Ingreditur pugnās; bis Thesea bisque cruentas

Caede videre manus; veteres reminiscitur actus
Ipse tuens sociumque gregem metuendaque quondam 675
Limina, et absumpto pallentem GnoSSIDa filo.

Saevus at interea ferro post terga revinctas
Antigonen viduamque Creon Adrastida leto
Admovet; ambae hilares et mortis amore superbae
Ensibus intemptant iugulos regemque cruentum 680
Destituunt, quum dicta ferens Theseia Phegeus
Adstitit, ille quidem ramis insontis olivae
Pacificus, sed bella ciet bellumque minatur,
Grande fremens nimiumque memor mandantis et ipsum
Iam prope, iam medios operire cohortibus agros 685
Ingeminans; stetit ambiguo Thebanus in aestu
Curarum, nutantque minae et prior ira tepescit.

Tunc firmat sese, fictumque ac triste renidens:
'Parvane prostratis, inquit, documenta Mycenis
Sanximus? en iterum, qui moenia nostra lacesant. 690
Accipimus, veniant; sed ne post bella querantur:
Lex eadem victis.' Dixit, sed pulvere crasso
Caligare diem et Tyrios iuga perdere montes
Adspicit; armari populos tamen armaque ferri
Ipse iubet pallens, mediaeque in sedibus aulae 695
Eumenidas subitas flentemque Menoecea cernit
Turbidus inpositosque rogis gaudere Pelasgos.

Quis fuit ille dies? tanto cum sanguine Thebis
Pax inventa perit? Patriis modo fixa revellunt
Arma deis, clipeisque obducunt pectora fractis, 700
Et galeas humiles et adhuc sordentia tabo
Spicula; non pharetris quisquam, non ense decorus,
Non spectandus equo; cessit fiducia valli,
Murorum patet omne latas, munimina portae
Exposcunt; prior hostis habet, fastigia desunt, 705
Deiecit Capaneus; exanguis et aegra iuventus,
Iam nec coniugibus suprema nec oscula natis
lungit, et attoniti nil optavere parentes.

Atticus at contra, iubar ut clarescere ruptis
Nubibus et solem primis adspexit in armis, 710
Desilit in campum, qui subter moenia nudos

Asservat manes; dirisque vaporibus aegrum
 Aera pulvereâ penitus sub casside ducens
 Ingemit, et iustas belli flammator in iras.

Hunc saltem miseris ductor Thebanus honorem 715
 Largitur Danaïs, quod non super ipsa iacentum
 Corpora belligeras acies Martemque secundum
 Miscuit; at lacera ne quid de strage nefandus
 Perderet, eligitur saevos potura cruores
 Terra rudis. Iamque alternas in proelia gentes 720
 Dissimilis Bellona ciet; non clamor utrimque,
 Non utrimque tubae; stat debilis altera pubes
 Submissos enses nequicquam amentaque dextris
 Laxa tenens; cedunt tellure armisque reductis
 Ostentant veteres etiamnum in sanguine plagas. 725
 Iam nec Cecropiis idem ductoribus ardor,
 Languescuntque minae et virtus secura residit,
 Ventorum velut ira minor, nisi silva furentes
 Impedit, insanique tacent sine litore fluctus.

Ut vero aequoreus quercum Marathonida Theseus 730
 Extulit, erectae cuius crudelis in hostes
 Umbra cadit, campumque trucem lux cuspidis inplet,
 Ceu pater Edonos Haemi de vertice Mavors
 Impulerit currus rapido mortemque fugamque
 Axe vehens, sic exanimis in terga reducit 735
 Pallor Agenoridas; taedet fugientibus uti
 Thesea, nec facilem dignatur dextra cruorem.
 Cetera plebello desaevit sanguine virtus.
 Sic iuvat exanimis proiectaque praeda canesque
 Degeneresque lupos, magnos alit ira leones. 740
 Attamen Olenium Thimirumque, hunc tela pharetra
 Promentem, hunc saevi tollentem pondera saxi
 Deicit, et triplici confisos robore gentis
 Alceidas fratres, totidem quos eminus hastis
 Continuat; ferrum consumpsit pectore Phileus, 745
 Ore momordit Helops, humero transmisit Iapix.
 Iamque et quadriugo celsum petit Haemona curru,
 Horrendumque manu telum rotat; ille paventes
 Obliquavit equos; longo perlata tenore

Transiit hasta duos; sitiebat vulnera nec non 750
Tertia, sed medio cuspis temone retenta est.

Sed solum votis, solum clamore fremendo
Omnibus in turmis optatque vocatque Creonta.
Atque hunc diversa bellorum in fronte maniplos
Hortantem dictis frustra que extrema minantem 755
Conspicit; abscedunt comites et Thesea iussi
Linquebant, fretique deis atque ipsius armis.
Ille tenet revocatque suos; utque aequa notavit
Hinc atque hinc odia, extrema se colligit ira,
Iam letale furens atque audax morte futura: 760

‘Non cum peltiferis, ait, haec tibi pugna puellis,
Virgineas nec crede manus; hic cruda virorum
Proelia, nos magnum qui Tydea quique furentem
Hippomedonta neci Capaneaque misimus umbris
Pectora. Quae bellum praeceps amentia suasit, 765
Inprobe? nonne vides, quos ulciscare, iacentes?’

Sic ait, et frustra periturum missile summo
Affixit clipeo; risit vocesque manumque
Horridus Aegides, ferrataque arbore magnos
Molitur iactus, nec non prius ore superbo 770
Intonat: ‘Argolici, quibus haec datur hostia, Manes,
Pandite tartareum chaos ultricesque parate
Eumenidas, venit ecce Creon.’ Sic fatus, et auras
Dissipat hasta tremens; tunc qua subtemine duro
Multiplicem tenues iterant thoraca catenae, 775
Incidit; emicuit per mille foramina sanguis
Inpius; ille oculis extremo errore solutis
Labitur. Assistit Theseus gravis armaque tollens:
‘Iamne dare extinctis iustos, ait, hostibus ignes,
Iam victos operire placet? vade atra dature 780
Supplicia extremique tamen secure sepulcri.’
Accedunt utrimque pio vexilla tumultu,
Permiscentque manus medio iam foedera bello
Iamque hospes Theseus; orant succedere muris
Dignari que domos; nec tecta hostilia victo 785
Aspernatus init; gaudent matresque nurusque
Ogygiae, qualis thyrsos bellante subactus

Mollia laudabat iam marcidus Orgia Ganges.

Ecce per adversas Dircaei verticis umbras
Femineus quatit astra fragor, matresque Pelasgae 790
Decurrunt; quales Bacchaea ad bella vocatae
Thyades amentes, magnum quas poscere credas,
Aut fecisse nefas; gaudent lamenta novaeque
Exultant lacrimae; rapit huc, rapit inpetus illuc,
Thesea magnanimum quaerant prius, anne Creonta, 795
Anne suos, vidui ducunt ad corpora luctus.

Non ego, centena si quis mea pectora laxet
Voce deus, tot busta simul vulgique ducumque
Tot pariter gemitus dignis conatibus aequem,
Turbine quo sese caris instraverit audax 800

Ignibus Evadne fulmenque in pectore magno
Quaesierit, quo more iacens super oscula saevi
Corporis infelix excuset Tydea coniux,
Ut saevos narret vigiles Argia sorori:
Arcada quo planctu genetrix Erymanthia clamet, 805
Arcada consumpto servantem sanguine vultus,
Arcada, quem geminae pariter flere cohortes.
Vix novus ista furor veniensque inplesset Apollo,
Et mea iam longo meruit ratis aequore portum.

Durabisne procul dominoque legere superstes, 810
O mihi bisenos multum vigilata per annos
Thebai? iam certe praesens tibi fama benignum
Stravit iter, coepitque novam monstrare futuris.
Iam te magnanimus dignatur noscere Caesar,
Itala iam studio discit memoratque iuventus. 815
Vive, precor; nec tu divinam Aeneida tempta,
Sed longe sequere et vestigia semper adora.
Mox tibi, si quis adhuc praetendit nubila livor,
Occidet, te meriti post me referentur honores.



12/10/1911

861

12/10/1911

12/10/1911

12/10/1911

12/10/1911

12/10/1911

12/10/1911

12/10/1911

12/10/1911

12/10/1911

12/10/1911



7

189

This book should be returned to
the Library on or before the last date
stamped below.

A fine of five cents a day is incurred
by retaining it beyond the specified
time.

Please return promptly.


187

JUL -9 '54H

AUG 31 '54H

MAR 26 '54H

inanes ... lacrimas 2. 6. 00



Ls 39.150.2
Publius Papinius Statius /
Widener Library 006665701



3 2044 085 232 130